

6
9-e
62



~~6-9 C-62~~
~~6-10, C-2~~



TIBI
FRANCISCE-MARIA VICTORIE

Patricio Florentino

In Rom. Curia VIS, Referendario

Magni illius Musarum Præsidio

PETRI VICTORII

masculina, serie Atneptoli

hærediq. uirtutis ex asse.

PRAEFATIONES. MEAS. RECUSAS

Quibus

ad literarias pugnas. classicum recino

ut et præcinam pugnaturis

VICTORIAS.

Voues D^{co}

Octavius Boldonius Mediolanensis

Episcopus Theanensis

et Sanctissimi DN. Præsul. Assistens

M D C L X X I V



Imprimatur, si videbitur Reuerendiss. P. Mag. Sac.
Pal. Apost.

I. de Ang. Archiep. Urb. Vicesg.

EX Commissionē Reuerendissimi P. Raymundi Capisucci
S. P. A. M. summa animi iucunditate perlegi Volumen
inscriptum *Extemporalium Rhetoricorum Pars Oratoria, &c.*
Auctore Illustrissimo, & Reuerendissimo D. Octauio Boldonio
Mediolanensi ex Clericis Regularibus Barnabitis Episcopo
Theanen. Opus sanē peregregium à Sacra Doctrina morumque
integritate nullatenus dissonum, miro ingenij acumine elabo-
ratum, Orationis elegantia suo Auctore dignissimum; qui
Octauum eloquentiæ gradum, summumque dicendi, & do-
cendi apicem consecutus, in Vniuersam litteratorum Rem-
publicam, totumque litterarium Orbem, alter Octavius
iure ac merito sibi adsciuit Imperium, Opus ergo publica
luce dignissimum censeo. Romæ die x. Mensis Iulij 1670.

Thomas de Aquino Episcopus Suefs.

Imprimatur,

Fr. Raymundus Capisuccus Ord. Præd. Sac. Pal.
Apost. Mag.

EXTEMPORALIVM

RHETORICORVM

PARS ORATORIA

complectens

PRÆFATIONES, ET GRATIAS

addisputandum de quaque Scientia

Ad Laureas Doctorales

ad alia quædam publica munia

Quibus accedunt

Dedicandarum Thesium, aliorumque Operum.

FORMVLÆ

Editio altera multò locupletior

AUCTORE

OCTAVIO BOLDONIO

MEDIOLANENSI

Ex Clericis Reg. Barnabitis Episcopo Theanensi.



ROMÆ, Ex Typographia Varesij. MDCLXXIV.

SUPERIORVM PERMISSV.





PRÆFATIONVM

FORMVLÆ CVM GRATIIS

SCIENTIÆ GENERATIM.



Historiographorum, seu (aptius) Philosophantium scripto Princeps Moyses, cuius nec apex vnus oraculo vacat, nec comma mysterio; cum omnibus vbique rapit legentibus oculos, tum mihi beat mentem in ipso scribendi limine, vbi habet: *Tenebrae erant super faciem abyssi*. Quæ vero istæ tenebræ? quæ abyssi facies? Auditores. Vestrum ea deposcunt ingenium, vt altè mergatur. An quòd abyssus sapientiæ prædicatur in Scholis Thomas ille Aquinas: Tenebras autem reddit Græco sermone *Scotos*; impugnandum aliquando in multis à Scoto Thomam præsensit, passurumque obijci sibi pugnantium argumentorum, tenebras, qui pectore præferret Solem; vt ideo quod in Sole recentium seculorum exhibendum foret, adumbrauerit Moyses descripto Mundi crepusculo? Ingeniosè id quidem ad elegantiam non magis, quàm ad exemplum. Verumtamen exesto hinc procul vel contumeliæ suspicio in Scotum, vel defectionis in Thomam. Quantum ille castus in cæptis, tantumdem hic sapiens in sententijs. Nec Scotum profecto liuor corrupit, nec insecutia Thomam notauit. Philosophi nomen vterque meritus, idest Sapientiæ amore punctus. Ità quam Thomas ætate præcurrens facili occupauerat, eam successor Scotus æmulatus fuit, vt probaret quidem certè, non vt dilueret; redderetque per ofusas ipsas tenebras clariorem. Nequidquam enim mentionem lucis subiungit Scriptor, cum proximè ait: *Dixit verò Deus: fiat lux; & facta est lux*. Significantius ex Græco: *γενήτω φῶς καὶ ἔγένετο φῶς*, nascatur lux, & nata est lux: quasi vt ex cæcâ obiecticuum abyssò, hoc est altercatione acerrimâ summorum ingeniorum, in vmbraculo sapientium opacissimo lux sapientiæ enata crederetur, vtque inter obtentam caliginem claresceret purior natiuus veritatis fulgor. Planè est, Auditores. Noctescere antè quidem oportet, quàm diescat; tantumque abest, vt inimicam diei noctem probes, quin parentem potiùs amantissimam fateare, necesse est, nec alias nascentis lucis cunas, quàm tenebras ipsas agnoscas. Quare nec Thomæ aduersarium Scotum quis dicat, et si sæpè ac sæpius prouocantem, sed potius fræderatum; ;

nec eius insidiari gloriæ, sed fœtibus Angelicis peramanter ob-
stetricari. O vero præclaram Sapientiæ nuncupationem symbo-
lo lucis præstrictam. Cæcutiunt (quis non videt?) sine luce
Mortales: sine sapientiæ face quàm fædo cæciritatis laborant vi-
tio? Sublata luce tollitur rebus cum colore species: Desipiat
mens, quid illa vnquam speciosum efferat? Lucem si subtrahas
diei, diem ipsum inuoluis: Destruis hominem, si subtrahas illi
sapientiam. Ad summam *Deus lux est* teste Ioanne, Aquila illa
cælesti: Illabatur homini sapientia, Diuinitatis hic protinus ru-
tilat radijs. En lucem igitur vobis, Mortales, qui caretis, suspi-
randam; qui despicitis, flendam; qui tenetis, longè præ omni-
bus fortunæ bonis gloriandam. An vllis parcendum laboribus,
vt summam hanc humanæ in terris felicitatis assequamini? Est
planè, est adnitendum vobis omni ope, insudandum, anhelan-
dum. Non exhorrendæ confutationum vmbræ, non refugien-
dæ disputationum tenebræ: Prorsus inuehendum in diem per-
spectissimæ veritatis, quo fias ipse perspicacior: Audendum
contra clarissima quæque ingenia, quò clarior tibi splendeat sa-
pientia multo cum reflexu tam in illa gloriæ, quàm in te com-
modi. Sic fiet, vt obtinentibus tenebris abyssi facièm, oboria-
tur incunctanter lux: Impugnante Thomam Scoto, illucescat
amplius, illius diuinum acumen, huius cælestis soliditas, faciat-
que demum in literatorum Theatris admirandum vtrinque glo-
ria incrementum.

G R A T I Æ.

SI tenebræ lucem exerunt; clarissimæ professò erga me ve-
stræ humanitati, Auditores, noctis conticinium diurno
murmure, silentium videlicet gratum exaggerata quaque prædi-
catione luculentius existet.

S C I E N T I A G E N E R A T I M.

PErditam à Platone in argumento futile operam aliquis fortas-
se vestrum opinetur, (Ornatissime Audientium confessus)
quòd in ijs ibris, in quibus maximè cælestis ingenij acumen in-
tendit, vt vera felicitate humanum genus impertiri possit, nihil
ille meliatur accuratius, quàm vt Iustitiæ laudes Orbi Terrarum
probens omnem Iniustitiæ commendationem excludat. Quis
enim hebetis adeò, ac torpentis sit ingenij, vt patiatur tot ma-
chinas sibi adhiberi, quò Iustitiam optimam virtutum, Iniusti-
tiam pessimum scelerum esse sibi persuadeat? Id ipsum video
iure

iure optimo mihi obijci posse, plerosque existimatu-
 rum, quod scientiarum cultum commendandum in defensione Philosophi-
 carum (*vel Theologicarum, vel &c.*) assertionum susceperim;
 quali verò quispiam sit inter mortales adeò stolidus, ac stupens,
 qui vel ipse naturà scire non cupiat, vel scientias in alijs non
 veneretur. Sed ita est profecto. Nec vllum Platonis tempesta-
 re magis necessarium, aut peregrinum argumentum quæri po-
 terat, quàm iustitiæ laus, nec mihi hoc tempore quicquam ma-
 gis dubium ad disputandum, quàm commendatio disciplinarum.
 Nam & ille in ea tempora inciderat, quibus per omnes Græciæ
 Ciuitates Tyrannorum impotens dominatus furebat; atque adeò
 familiare erat Patriam opprimere, vt, cum fortissimus, ac ge-
 nerosissimus quisque ad hoc animum extolleret, laudibus summis
 tales ausus celebrarentur: quibus rebus accedebat Sophistarum,
 captiosum genus, qui assentationis studio fœda scelera felicitatis,
 ac virtutis specie in Cælum tollebant, & nostram etiam asser-
 tionem illud sæculum excepit, quo apud plerosque, & eos qui-
 dem opinione prudentiæ celeberrimos illa sententia inualuit;
 Non esse necessarium in Republica scientiarum cultum; imò ve-
 rò perniciosum humanæ societati, ac inimicum; quod publicæ
 administrationis disciplina vsu quodam, & prudentia potius,
 quàm contemplatione perficiatur. Antea timor, & veneratio
 quædam inertiae prætendebatur. Fingebamus ad tantæ Deæ
 aspectum nos in ipso adyto sacro quodam horrore perfundi. Ac-
 cusabamus Naturæ genitricis malignitatem, quod deteriora
 mortalium ingenia hac extrema ætate tanquàm effæta Parens
 reddiderit, & angustioribus finibus humanæ mentis facultatem
 circumscripserit. Quis enim amplius auream Homeri tubam
 æquali spiritu impluit? Quis non ad Hesiodi, Sophoclisque
 impetum clanguit? Quis robustum Demosthenis enthymema
 contorsit? Nonne eos vt primogenitos filios omnis diuinitijs
 suis Natura locupletauit, & ex æsse heredes instituit? Aspicite
 maiorem Natura Platonem, & æqualem Naturæ Aristotelem.
 Nonne in illis omnis sapientiæ scatebras constitutas videntur, vt
 inde humanum genus decuctis riuulis disciplinas potaret? At
 herclè post istos, atque istis æquales vterum clausisse communis
 parens visa est, vt disciplinas simul genuisse, & ad iustum æta-
 tis robur perduxisse credi possit. Quid, quod posterioribus
 sæculis eos dedit, qui, vt illis minores essent, omnibus tamen
 ijs, qui eos sunt consecuti, in hoc, maiores fueruat, quod simil-
 lani seruauit Præseis, à quibus nos toto Cælo aberrauimus? Quis

enim in Homero Virgilium attigit, aut in Demosthene Ciceronem? Ut magna suspicio rudibus ingenijs ingeri potuerit, Præfatorum animas in eos transisse, cum fere iisdem verbis, eodem, fere ore sint locuti? Hæc quondam prætendebantur, ut magna aliqua virtute, nimirum pudore inertiam tegeremus. Nunc verò excussimus pudorem, atrocique ore è Barbara Philosophia, præceptum excogitauimus, minimè conducere humanæ societati literaturam. Nondum, inquiunt, Græcæ disciplinæ in Latium delicatioribus artibus iter fecerant, quàm Quintilij, Flaminijque eos Imperatores Romanis dederant, quibus possent Alexandrum non modo Orbe toto, sed Aristotele suo subnixum, armati contemnere. Nondum Carthago literarum hereditatem, quas Phœnices Patres sui Græcis dederant, adire potuerat, cum deuicta Aphrica ad Orbis victoriam anhelabat. Nec Cæsarem Anticatores sui; sed gladius, hastaque orbis terrarum ceruicibus grauem effecere. Quis Claudio Cæsare Latine, Græcèque doctior, quiseodem ignauior, cuius humeris cum Mundus inniteretur, nonne dicere possumus pensilem extitisse? Plena sub degeneri Imperatorum serie adhuc Philosophia sua Græcia erat, cum eam Turcæ Scythicum genus omnium literarum ignarum, sub iugum misit; duratque Imperium illud ferreis compagibus stabilitum, & inter prima Imperij stabilimenta illa lex est, quæ omnes exulare iubet disciplinas: Ipsa verò administratio publicarum rerum, & ciuilis prudentia, in quam partem maxime Philosophia se intrudit, & Philosophiæ administra Eloquentia, quanto exactius naturali meditatione, & inueterato rerum magnarum vsu, quàm commentariorum vmbratili lectione, aut inuiti disceptatione perficitur? Nusquam plus disciplinarum, nusquam plus facundiæ, quàm apud Atticas Athenas; nusquam tamen peiora consilia, nusquam æquè corruptus Reipublicæ status, nusquam magis distracti ciuitatis ordines, quàm apud illum sapientia-turgidum populum exitere. Contrà verò Scythicam gentem in omnibus literis, omni eruditione expertem, non scripserat, sed consensu quodam stabilitæ leges in perpetua libertate, latissimoque imperio continent, nec vlla vnquam vllorum Populorum arma eorum Rempublicam perturbauere. Nulli à literis in Græcia magis abhorrentes, quàm Ætholi, quis tamen maioribus consilijs ad Græciam subigendam inhiauit? Et Romanam Rempublicam ea tantum tempora perdidere, quæ disciplinarum cultu, ac eloquentiæ splendore in primis scatebant. Habent eorum, qui in literis consenserunt, consilia scholasticum quendam

dam odorem, & facile versatae aulicis negotijs calliditati sunt obnoxia. Hæc est illorum Philosophia ex media Scythia, opinor, cruta, quæque facili negotio iudes hominum; hæc est illis similes pertrahere in suam sectam posset; neque promptum est dicere, quàm immanes radices egerit in impotentes animos peruersa dominandi libidine agitato. Vos autem, Auditores, simulacra prudentiæ spirantissima, quorum à consilijs pendet Respublica, eruditur iuuentus, confirmantur viri, recreantur senes, vestra certe auctoritate perquam luculenter diluitis istorum capitum exitiale humano generi placitum: sed & quantum deterretis exemplo ipsi vestro perduelles scientiarum, tantum mihi ingeritis animum ad eas non modo toto pectore excolendas, sed etiam totis ingenij, & laterum viribus instituti hodie disputatione propugnandas.

G R A T I Æ.

Quod Rhetoricam (vel logicam, vel Philosophiam, vel &c.) defendente me impugnaueritis, Acutissimi ingenio Iuuenes, induistis personam Patroni, ut ficto spectaculo prælij, reportandæ ex vero victoriæ viam monstraretis. Ego tamen ab hoc ficto prælio verè victus recedo, animique mei æternum grati palmam offero vobis victoribus.

S C I E N T I A G E N E R A T I M.

Virtutis nobilem sortum logicam (Vel Physicam, vel &c.) publicatis thesibus defensurus cogor diem repetundarum, fortunæ dicere, quæ in prouectu Romanæ gloriæ ausa fuit sibi primas vsurpare, quæ cedunt virtuti. Audio quidem Florum, qui Populum Romanum ambiguo donans Elogio, *Tot, inquit, laboribus, periculisque iactatus est, ut ad constituendum eius Imperium contendisse Virtus, & Fortuna viderentur.* Et quantum ambiguus Florus, tantum certus Plutarchus, testis dicam, an aduersarius? Quod in Vrbe Tempia surgerent plura Fortunæ, quam aliorum Numinum, infert ille hinc proinde quasi indubitatum, Romanos Ciues amplificationem Imperij, victorias, triumphos accepta Fortunæ potissimum retulisse. Sed & Titus Liuius valde suspectus. Perraro enim inducit quemquam Romanorum, de Virtute dicentem, quin comitem Fortunam adiungat. Ego vero sic statuo, Viri sapientissimi; nec veritate, nec Romanorum existimatione salua id posse sustineri; iure ut memoratos scriptores, etsi illos primæ notæ, in suspensionem adduxerim. Quæ porro

porro laus Romanis supererit ex tot, tantisue triumphis, si Fortunæ totam dederimus? Si nihil illorum fortitudini, nihil prudentiæ, nihil laboribus permitemus, omnia in vnum refundentes casum, omnia temeritati cæci Numinis tribuentes? Nam cum Respublica nulla progressus habuerit Romanæ pares, consequens illud est, ut neque vlla extiterit Respublica consilio pari constituta, nataque amplificando in immensum pomærio. Quis neget strenuitatē exercituum peperisse sibi Imperium Romanos? Ordine verò procedendi, & ratione sibi peculiari, atque à primo Legislatore tradita Imperium partum conseruasse? At, inquit, bella duo durissima nunquam commisisse Fortunæ fuit Populi Romani, non Virtutis. Neque enim fuit ipsi bellum aduersus Latines, nisi ubi Samnites non tam cecidit, quam ad illorum præsidium bellum contulit. Etruscos nequaquam inuasit, nisi subiugatis Latinis, & per iteratas clades Samnitibus propè enervatis. Quod si bina ex his Regna, iam tum recentia, totis conspirauissent neruis, atque opibus, promptum vitique foret coniectare, Romanæ Reipublice subsequitur excidium, fuisse. Vtunque res habita, nunquam id factum est, ut difficilima duo bella vno simul tempore gererent; quin semper aut vno oborto restingui alterum visum est, aut vno restincto alterum oboriri. Probat hoc ipsum satis gestorum pereos ordo bellorum. Etenim, ut illa taceam, quæ ante occupatam per Gallos Urbem commiserant, liquet profecto, dum acie contenderent cum Equis, & Volscis, nunquam aliarum gentium, quamdiu hi virium potentes essent, iniuriam Martialem perpeßos. His ergo edomitis itum est ad arma contra Samnites. Quod etiam nondum absoluto bello defecerint à Romanis Latini, in ea tamen defectione fœderati conuenerant cum Romanis Samnites, suisque copiis ad comprimendam Latinorum ferociam iuuerunt: qua comprensa reuixit bellum Samnitum. Sed & horum viribus frequenti clade contritis notum est in Etruscos. Hoc incendio restincto rursus rebellare Samnites ex Pyrrhi in Italiam aduentu. Sed eo repulso, atque in Græciam reuerso prima in Carthaginienfes illata signa: nec ea prius relata, quam Galli vniuersi ultra citraque Alpes aduersus Romanos coniurarent infortunato successu. Hoc bello confecto sensere Martem per annos viginti mitiorem, exerciti Liguribus, reliquisque Gallorum apud Cæsalpinos. Id ad secundum cum Carthaginienfibus bellum pertinuit, quo bello ad annum sextum decimum Italia laborauit. Huic maxima cum gloria terminato successit Macedonicum, Macedonico Asiaticum,

cum, atque in Antiochum. Cui quidem victoriæ nemo vnus superfuit in Orbe Princeps, aut Respublica; cui vel singularem vel etiam gregatim liceret Romanas vires laceffere. Sed antequam postremam illam victoriam si quis ordinem bellorum aduertat, simul & administrandi rationem; suspiciet inibi permixtam cum Fortuna Virtutem quandam ac prudentiam singularem. Atque ideo si quis eius Fortunæ causam inuestiget, ipsam facile comperiet extitisse Virtutem. Da Principem, Da Populum eò potentia progressum, vt illum finitimus quisque Princeps, ac Populus adoriri dubitet, vt reformidet: quis neget fore, vt nemo illorum quisquam nisi planè coactus adoriatur? Itaque liberum, penè fuerit præpotenti, quem volet ex finitimis, bello præmere, ac cæteros industria sua componere. Et hi quidem cum potentia adducti, tum artibus, quibus ille auertendis alijs habet paratas, ex facili componuntur. Qui verò procul distant potentes, neque commercium cum eo exercent, rem curant vti longinquam, minusque ad se se pertinentem. Quo in errore eò usque versantur, quò propius accedat incendium. In accessu autem præsidium nullum promptum est, nisi ex proprijs viribus, sed ijs imparibus, hoste potentissimo iam effecto. Mitto hic dicere, quemadmodum Samnites victorem Volscorum Populum Romanum spectauerint. Ac, ne sim nimius, de Carthaginiensibus meminerò, quibus magna & potentia, & existimatio erat, cum Etruscos atque Samnites Romani bello vexarent. Iam nimis Africam totam obtinebant: Sardiniam, Siciliam, Hispaniarum partem occupauerant. Hac ergo potentia cum essent, simul & procul distiti a Populo Romano, quid mirum, si nec aggredi ipsum succurrerit vnquam animo, nec ferre Samnitibus atque Etruscis subsidia? Quin egerint, vt solet rebus increfcentibus, hoc est ab ipso stantes, fœdus cum ipso curantes, atque amicitiam. Neque prius admoniti sunt erroris, quàm populis unctis medijs inter ipsos & Carthaginienses edomitæ Romani Imperio Scitiæ ac Hispaniarum dimicarent. Hoc ipsum, Gallis, quod & Carthaginiensibus fatum: nec aliud Philippo Macedoni, nec aliud Antiocho. Persuaserat enim sibi quisque quamdiu alterius armis Romanus distineretur fore alterius illius victoriam, sibi que demum vel pace, vel bello defendendum mature relinquendum. Quæ cum ita sint, arguo ipsos, et perspicue, qua vsi sunt fortuna Romani hac in parte, vsurum, iuxta quemque alium Principem qui Romanorum viam, rationemque tenuisset; eadem, qua illi, virtute pollens, iisdem opibus,

bus. Quam multa in hanc rem succurrunt Romanæ virtutis digna omnis posteritatis miraculo documenta? Verùm nec mihi Annales nec Panegyricum condere mens est, aut suppetit locus. Vnum attingam fortè infimum præ cæteris, sed leonis proceritas immanis ex vngue coniectabitur. Studebant Romani in id potissimè, ut nouis in prouincijs amicum semper pararent, per quem ad eas obrinendas fieret gradus, ad conseruandas præsidium. Sic cernimus per Capuanos in Samnium inuasisse, per Camertinos in Etruriam, per Mamertinos in Siciliam, per Sargentinos in Hispanias, per Maslinissam in Aphricam, per Ætolos in Græciam, per Eumenem, aliosque Principes in Asiam, per Massilienses, & Heduos in Gallias. Ita nunquam desiderare eiusmodi auxilia, vnde sua cæpta prouerherent tam in potiundis, quam in tenendis prouincijs. Hæc ergo quisquis obseruet, desinet Fortunam colere, quam conciliare valuit Virtus Romanis. Desinet Reipublicæ incusare fatum, si Ciuium in agendo aduertat ignauiam. Non culpabit fidera, non damnavit Horoscopum, optimè tènens, Sapientem virum Astris ipsis dominari, prudentia anteuerti casum, consilio raptum præcurri cælestium Orbium. Restat nunc, Auditores, ut ego iussus altiore nutu agam hoc loco Paridem Diuarum ludicem, secundum formosiores pronuncians; non illam certe Fortunam, quæ defecta oculis est pulcherrimo organorum in homine, sed Virtutem, quæ Dei non tam filia est, quam sponsa indiuidua. Id quod rectè præstabo, si vestra humanitate fultus, positiones logicæ (vel *Physicæ*, vel &c.) per me excerptas propugnauero.

G R A T I Æ.

Quod partes propugnatoris utunque impleui, Virtutinè meæ tribuam, an Fortunæ? Verumtamen vix illius agnosco in me vestigium: huius verò fauorem inimicus frustra optauero. Vestra certè fuit Virtus, Auditores, quæ talem mihi Fortunam vel reluctantem conciliauit. Utinam parem quoque tantis agendis gratijs conciliet facultatem.

S C I E N T I A G E N E R A T I M.

Paradoxi speciem obtulero (Viri eruditissimi) si seriò apud alios à vobis affirmauerim, inter sonitum armorum adolefcere perbellè studia literarum. Et verò scholasticum iam videtur, ne dicam putidum, apud amœniora ingenia, hoc est vestri similia,

similia, quod vsurpari passim, & quidem à sciolis audimus: Reg-
 pugnare cum Musis Martem, dominari istas illo exule, exulare
 Domino: Recluso Iano edici non tam Ciuibus bella, quam
 Literis: Non bene cum calamo committi ferrum, cum lauru
 cleam, cum galea sertum: longè multum diffidere à castris cho-
 ros, togas à sagis, tulas à tribus: Denique nihil cum Capitolio
 commune esse posse Parnassò, nihil cum classico citharæ, nihil
 paci cum bello: Itane? Susciperem ego: Quasi non præcla-
 rum Natura exhibeat argumentum vel pueris ipsis obuium; la-
 sciuique scilicet vere, quando ad pompam Reginæ hortorum,
 Rosæ conspirant pulcherrimè (vt videmus) horror spinarum, ac
 foliorum amaranthas: Ecquid nisi bellum delineat cohors illa du-
 morum hastata? Quid nisi pacem odorata illa, & ad Regales
 delicias molliissima purpura? Planè si tollas è Rosa spinas, præ-
 sidium ei omne sustuleris, exponas elegantissimum florem inju-
 ris; prostitues fœdè Regiam maiestatem: Si literas excipies bel-
 lis; destitutas protinus habebis: exarmabis, si armis eripies. An
 quærit hic aliquis turiosior ab experimento præiudicium? Repe-
 tat, quæso, ab Græcorum historijs Phocionem illum decanta-
 tissimum; Virum, in quo dubitatur, vtrum insignior laus esset à
 Patria, an ab animi virtute. Athenæ eius patria, scientiarum,
 ultrix, ingeniorum palastra, morum magistra, virtutum officina;
 Athenæ dico, dixi omnia. Sed virtus in tanto capite qua-
 is? Vno argumento coniecitote. Homo famem auri fastidiens
 oblatis ingenti cumulo ad nauseam ab Alexandro Macedone:
 læterum tantæ vis in dicendo, vt ipsius voluntas loco legis ef-
 fet in patria: Bellicæ virtutis tantæ, vt depulso teruicibus iugo
 imminentiū hostium veterem libertatem Athenis victricibus in-
 egram, incorruptamque seruaret: Sed (heu) hominum mon-
 tra; in feris beluis nondum monstrata. Equam tantorum me-
 ritorum mercedem retulit, putatis, Phocion? Ecquod authora-
 mentum? Nil aliud certè ab ingratißima patria, nisi supplicium
 mortis viuus, mortuus exilium. Itaque ille sine patria, sine
 amulo in Eleusina quidem Rogum habuit, & à Megara ignem.
 subsistite parumper, Auditores, & adhibete iudicii vestri purga-
 ssimi lancem. Propitiatio ista fuit (crediderim) & clementia
 istorum peculiaris in Phocionem demortuum, quod funere, &
 ego priuaretur Athenis: Ne inquam integerrimi ipsius Manes
 peccarent inuiti Patriæ: mox ruituræ funus, & rogum: atque
 usque pro: quæ toties periclitante vitam suam promptissime pacti
 tant, miserum dein; etiam meritum exodium testari cogerentur

oculati. Iam assequimini rem, Auditores. Quandiu turbatae bellis fuerunt Athenæ, quandiu armis quassatae, quandiu petita hostium insidijs, vexatae incursionibus, lacescit iniurijs, obsidionibus, impugnationibus, incommodis: tandiu eloquentia Phocionis sustinuit Ciues, Virtus abstinuit hostes: tandiu cum eloquentia dominante floruerunt ingenia, valuerunt Disciplinæ, atque Artes, doctarum Athenarum nomen inclytum, adorandumque Orbi terrarum fuit. Pariat verò pacem inexpugnata Ducis virtus, referat Eloquentia post turbulentiſſimas procellas malaciam, Soluat belli metu animos Ciuium; dissoluat otio, heu indigna tantæ Academix catastropha, quam subito ingenia torpescere, fordescere Artes, armari temeritas! Ita est. Petitur caput innocens eloquentissimi viri, atque cum eius vita, ipsa quoque Eloquentia, cum Eloquentia administræ eius Artes reliquæ, ac disciplinæ funerantur. Sed & cum ipsis deprauantur mores Ciuium optimi, Reipublicæ antè cultissimæ florentissimæque iura institutaque sanctissima in transuersum feruntur. Loquantur hic Demadis tempora, quæ post Phocionem naufragas Athenas complorant. Mihi verò iam satis, Auditores, Vt ex negotio bellico literarium prouehi ocium persuadeam. In præſenti quoque prouoco vos ad prælium propositis instar libelli assertionibus (*Rhetoricis, vel logicis vel &c.*), non nisi armis ingenij, ac machinis argumentationum pro tuenda libertate sententiarum, & opinionum cuiusque committendam.

G R A T I Æ.

QUod antè videbatur nonnulli durius, inter feritatem armorum, nutrirî humanitatem literarum; cuius cernitur præſenti congressu, cum inter duritias dissertationis meæ humanitas in me vestra, Auditores, maxime floruit. Ego itaque inter horrores silentij suauitatem animi erga vos grati in dios magis fouebo.

S C I E N T I A G E N E R A T I M.

Cum mentione honorifica Præceptoris.

Hominis ingenium instar pistrinensis molæ irrequietæ (sic vsurpabat quidam, nec inſcitè) cui si triticum suggeras, triticum molet; sin paleas, paleas: corruptela morum admissa, inanibus plerumque aut etiam perniciosis occupari studijs optimus

nus quisque non sine sensu doloris acerbò animaduertit. Hæc illa est fatalis scientia boni, malique ex ligni olim vetiti esu concepta, quæ facultatem intelligendi nostram separatis Intelligendarum substantiarum affinem propensione degeneri vitiat, miserèque disflendit. Itaque quò quæ respiciatior est, & valentior, eò improbius infano labore, alius alio, genium pascit: Nonne videtis, Auditorès, quemadmodum hic excussa è tabulis situlentis antiquitate thesauros terræ conditos infatigato studio vestigat, tentantes pertentat terebris, fugientes vestibibus, bipalijque persequitur? ut mirum sit, Antipodas magnete, non simul ferro, iam dudum esse repertos. Ille partas industria, & sudore maiorum fortunas ignibus infaustis totas infumit, ut nescio quos spiritus colligat, vaga discordiaque elementa componat, mobilem securum sistat, lapidem stultorum (verius dixerim, quam philosophorum) conflēt, vnde sibi in vigilia montes attollat auros, Croesi pertingat in atria, Solis ac Lunæ plaustra conficiat: Enique Midæ Regis fabulæ de portentosa ex actu metamorphosi, subiecta historiæ veritate fidem quærat. Alius honestiorauso Reipublicam comminiscitur ex genio nouam, cuius imago expingi in mentis tabula bellissimè possit vnus Morpheij pectillo, fortuitis lineamentis; temerarijs coloribus, nocturnis nbris: Cæterum facilius fingi, quàm efformari, sompiari, iam cerni. Adeo suggeri quidem valet studio communis boni, spe tamen nulla successus promitti. Quid illi, quibus viuere rere est, & belluino more humanitas exercetur? illi, dico, si pulcrâ sibi videntur petere per vulnera mortem: Qui gloriâ, atque opes militaribus studiis consecrantes, ipsam cum tanta gloriâ, opesque ipsas perditum eunt? Nam opum quidem indamentum vita est, quæ si alex committatur, inter fulgurantes mucrones, intentaque tela certius profectò casura, quam ratura, nonne tibi labantes, atque adeo labentes opes reddit? gloria vero, quia in æstimatione aliena nititur, non in tuâ estimatione, tum maximè carere videris, cum frueris: quippe quæ post cineres obuenit, id, cui maximè inhiant mortales. que in his, & alijs eiusmodi negocijs quam leues se, ac venos præbent humani, suis deque follis in modum agitari? amnè illud, ut obscenos se præbeant? Mentem illam Diuiconsimilem non modò contusa corrumpent acie, sed etiam pitudinibus immerfam temerabunt? O illa portenta scædissimantiquis sæculis in Mundum inducta. Quòd flagitijs, ac scædissimis inuentis nobiliores homines pro Dijs haberentur:

Quod inimica omnis pudicitiae, honestaeque disciplinae Venus titulo scorti Diuinitatem meruerit; nec scorti qualiscunque, sed eius, unde ars meretricia cæperit, unde in Cypro edoctæ sint percelebri magisterio mulieres, vulgato corpore dotem contrahere, vnicam dotem ac decus virginum virginitatis esse iacturam. Hi nimirum flores candidæ antiquitatis, Floram famosam meretricem veluti Latinam Venerem à sapientibus Romanorum Diuinis honoribus coli, ludis Floralijs celebrari. Id autem multò tetrius, atque intolerabilius, Herculi illi ob publicæ totius Orbis latrocinia notissimo, Marti armipotenti, neque non Quirino, Caino alteri, propter atrocissima bella, cædesque cruentissimas; Mercurio ob insignia furta, fraudeque memorandas; Ioui atque Sarurno obscenissimis perinde, ac immannissimis hominum, alijs ob alia nefaria (hominibus dicam, an monstris?) cultum istis Numinum, Aras, sacrificia data esse, Scilicet *optimi corruptio pessima*: & sicut vsu mentis recto ad Deum proximè extollimur, ita prauo deiicimur infra pecudes. Nihil enim meo iudicio caueri impensius debet in Republica, quàm quomodo literarum studia tractentur, quomodo instituendis ingenijs, tradendis doctrinis, capiendis disciplinis consulatur. Ne moderatorum inscitia pestem creet humano generi, quod fortunando Diuinitus est institutum. Agite ergo, Viri Auscultatores, & mihi in disciplina Sapientissimi Præceptoris NN. (*exprime Præceptoris nomen*) educato, quamquàm infelicitis exitus alumno; Scientiæ (*exprime speciatim scientiam cuius Theses propugnanda hic sunt*) tamen rara cum prudentia, perspicuitate, methodo pertractatæ summa quædam capita, & positiones depromenti adest, vt soletis, qua candidis ad meum exacuendum ingenium obiectis, qua benignis ad subleuandam tenuitatem auribus, sapientiam certè Præceptoris inelyti, si minus eruditionem meam humanitate vestra, atque auctoritate probaturi.

G R A T I Æ.

Recensui proludens male meritos de humano genere, inani-
bus, imò iniquis studijs mancipatos. Vobis humanitaris
vindictis, deque Reliteraria meritissimis, parum est, vt ego
pro collato in me hodierna concione beneficio gratias agam,
quibus humanum genus vniuersum habere se maximas profiterur,

SCIENTIA GENERATIM.

Non est scientijs dandum vitio, quòd suos semper oppugnat-
tores habuerint. Dandum his potius audaciæ; illis glo-
riæ, quod eæ inuidiam conuulerint, vnde calumniæ labem nul-
lum metuere poterant. Nouum haud equidem venit vobis (Eru-
tissimi Viri) vt laureato Imperatori petulans conuicijs adstet in
so triumphali curru mancipium: vt Homericam famam liuen-
mastige impetat Zolus: vt ne clariùs quidem effusi in corpo-
Solares radij immunitate gaudeant umbrarum. Quid? Mon-
strum terrima vitam Alcidae inuidia an non fuisse virtutis he-
dicæ femina, sempiternæ pabula gloriæ? Nec mirum, scien-
tis quoque in hunc modum fidei dispensasse, ipsarum dignita-
tem vt inuidi magis extollerent, quàm amasij; ipsarum nitorem
clariùs nigella capita, quam candida testarentur, ipsarum
iumpis, vt per conuitiatores acclamaretur festiuus, quàm per
æcones. Quoties, quæso, allatrauere sordentissimo rictu ista
ortenta? Nouissimè tamen in bellicam disciplinam ingenua-
m facile principem lethale hoc viris exhalauerunt: situm in-
timis esse bellicum neruum in pecunijs. Disceptemus parum-
er, si placet, & loco armorum adsciscamus verborum præsi-
dia. Humano siquidem, non belluino ingenio præliari homi-
nem decet, iudiciumque armorum togæ deferre. Nam quòd
possit quis bellum constare pro libito, non conficere, metiri an-
debet suas vires Princeps, quàm quidquam aggrediatur, atque
earum denique ratione se gerere. Eam verò prudentiam ad-
beat, oportet, vt ne de suis hallucinetur viribus. Porro au-
tem id fiet, quoties ipsas vel pecunia, vel situ, vel hominum
beneuolentiâ metietur proprijs ipse armis destitutus. Illa enim
si adijcere quidem vires possunt, fundare non possunt: cæte-
rum sunt ipsa per se nihil, nec sine fidelibus armis quidquam
conferunt. Nam neque auri copia sola par est, neque sola re-
onis munitio firmat, neque fides hominum beneuolentiaque
uturna; nisi fortè persuasum habeas, fideles tibi affore, quos
eri ipse non valeas. Quidquid montis, quidquid stagni, quid-
quid denique loci imperuij, inaccessi explanari per hostem
deas, vbi strenui propugnatores desiderentur. Aurum ipsum
in modo præsidio subtrahit omni, sed & prædæ præsentibus
ponit: neque vlla demum absurdior sententia, quàm quæ ro-
r militare in pecunijs reponit, Audacior verò Tute es (car-
pet

pet aliquis) in Q. Curtium censuram arripiens, à quo ista primum sententia: neque ipse mehercules Catò tantum ausit. An tibi excidit, quod is de bello inter Antipatrum Macedonem, ac Regem Spartanum enarrat, desiderio pecuniæ coactum ad pugnam esse Spartanum, clademque accepisse? Ad paucos dies si prolataisset, venturum fuisse in Græciam de Alexandri obitu nuncium, ex quo victor extitisset citra pugnam? Deficiente verò pecunia, veritus, ne ab se quoque deficerent copiæ, compulsus est fortunam perrenare congressus. Hinc igitur belli neruum pecunias intulit Q. Curtius. Quod sane placitum & vsurpatur passim, & Principibus viris minus iusto prudentibus arridet. Ea quippe opinione nixi sat esse definiunt auri cumulos ad præsidium: neque id reputant animo, aurum si bello imperaret, triumphaturos fuisse de Alexandro Darium, de Romanis Græcos, Patrumque nostrorum temporibus Carolum Ducem de Heluetijs. Verùm his cessere Victoria, qui non in auri cumulo, sed in milite strenuo summam belli constituunt. Gazam ingentem inter alia spectacula Regij fastus ostentauit Rex Lydiæ Cræsus Soloni, illique scitanti, quid de potentia sua sentiret, Non tu iecirco (inquit Solon) potentior mihi videris, propterea quod non auro geritur bellum, sed ferro: posse autem adesse alterum maiore cum ferri copia, qui tibi aurum eripiat. Ad hæc Alexandro defuncto vis Gallorum numerosa traiecit in Græciam, inde Asiam petiuit, ac misso per Gallos ad Macedonum Regem legato causa fœderis, ipse Rex vt sua explicata potentia terrorem Gallis faceret, acervos auri argentique insanos exposuit: ex quo rescissa pax est, quæ pene constituta per illos erat. Vsq; eò exarserant potiundi thesauri desiderio. Ita Rex despoliatum sese doluit per id, quod in præsidium sui coegerat. Quid? Arguunt euenta superioris sæculi, ne amplius sit nobis, cur perueri dogmatis conscientiam comprimamus. Nonne Veneti ærario iam tum conferto, minimè tamen iuuante, vniuerso ceciderunt imperio? Non ergo inquam (vt clamat vulgus) auro bellum viget, sed bono milite. Nec enim sufficit aurum bonis parandis militibus; at boni quidem milites auro parando. Romanis auro quam ferro si bella ministrare maluissent, ne totius quidem Orbis ærarium extitisset par; tot ac tantas res gessere, difficultates exorbuere. Sed cum disciplinam bellicam exercerent ferro, numquam profecto auri laborauere inopia, cuius copiam, vel in castra deferebant, vnâ virtutem formidatam habentes. Quod si illi Spartano Regi, quia pecunia defecto, fortuna prælij

prælii tentanda fuit, cecidit prorsum ob pecuniam, quod plerumque alias item ob causas. Nam quia deficiente comæatu, copiis iccirco aut fame absumi compulsis, aut prælio congregi, is facile congregiendi cæpit consilium, tum quia honestius, tum ut fortunæ relinqueret fauoris locum. Hoc simul usu venit, ut missa hosti subsidia, cognoscens Imperator, alterutrum sibi putet optandum, aut scilicet configendum, tentandamque fortunam; aut, sustinenti increscere hostem, configendum nihilominus neruo longè impari. Sed & illud succedit crebrò, quemadmodum Asdrubali, cum in Piceno à Claudio Nerone, atque altero Consule impeteretur, ut in arctum coactus Imperator, siue in fugam, siue in prælium, hoc semper deligat, ut ubi in hac parte, tametsi plena discriminis, posse tamen vincere, in altera verò omnino vincendus. Multa igitur sunt, quæ incipienti Imperatori vim faciunt, ut ineat pugnae consilium: ex quibus cadere nonnunquam potest pecuniæ desiderium: nec deò belli neruum in pecunia potius collocandum dices, quam in reliquis, unde necessitudo illa oboritur. Primas itaque in bello debemus virtuti militum, secundas pecuniæ. Quod sane placitum suo probauere Athenienses periculo, quum suadente Pericle aduersus Peloponenses arma omnino quasi astu, atque uero fortunanda, illi secundis licet euentis nonnunquam usi, tacti tandem, profligatiq; cessere, experti suis ipsorum artibus, ac nummis pluri esse consilium, bonumque Lacedæmoniorum militem. Ac ne male audiam ego apud nonnullos, impugnator tanti Scriptoris, quantum probat communis ferè prudentum opinio Q. Curtium: Consulatur si placet super hac re Scriptorum antesignanus T. Liuius. Hic differens, Perenti Italiam Alexandro Macedoni utrum nè Romani victi cecissent? tria esse admonet bello gerendo necessaria, numerosas easque valentes copias, prudentes Duces, prosperam fortunam. Ibiq; trinam præstarent his rebus, Romani, an verò Alexander, late expendens, tandem clausulam facit nusquam memoratis peniis. Hiccinne vero belli neruus, cuius in iudicio rei bellicæ ne nomen quidem auditur? O nostra corrupta tempora, quæ am futiles sententias ratas habet. O infauste aureum sæculum, quod aurum ferro substituit ad bellandum. Est, est gloria bellica non in ignauo illicio, sed in animi magnitudine; non in fraude, sed in robore; non in splendore opum, sed in puluere, & qualore certaminum; non in fugaci pecunia, sed in audaci conressu collocata. Quid tu, O perditæ, vitias virtutum insignia?

Quid

Quid tuum fraudas animum immortalibus ornamentis? Quid, percuellis, impugnas in re militari Rempublicam disciplinarum? Quid genus humanum corruptis submotâ Virtute, substituta Fortuna? Quandoquidem ars ista, ut ingenio acri hauritur; sic animi magnis spiritibus exercetur: nec aurum æstimat quia tractabile sed ferrum, quia rigidum. Quid ego amplius cunctor? Pugnavit Ars bellica pugnam suam: ego stipendia faciens Rhetoricæ (vel Lexicæ, vel Philosophiæ &c.) partes celsas, ut æquum est, pro virili defendam.

G R A T I Æ.

Nec auri pretio emuntur certò victoriæ militares. Nec pretio verborum compensantur merita in me vestra, Humanissimi Viri. Sed vix virtus in bello maxime pollet; sic vestra virtus agere vobis gratias sola potest.

S C I E N T I A G E N E R A T I M.

In fecio misere humanam propaginem tametsi damnatissimus vulgo error Academiæ, quæ dissidium frequens Philosophiarum vel segnis pertaxa, vel superba fastidians, rerum scientiam ex humanis tollebat: iamque inde ab Arctila primo Auctore ad hæc usque tempora exitiale hoc virus ita pervasit, ut non vni-braticis tantum colloctionibus; sed usu quoque, & publicis institutis spem remedij apud multos penè omnem excludat. Quos ego priusquam usu ipso, id est publica disputatione commissæ hodierno caru confutem: quia obtentu prudentiæ stultissimam sententiam suam tæri ipsi student, petitis ex prudentia scilicet, neque à compote rationis homine refellendis argumentis, abiecto eloquentiæ apparatu, sic urgeat. Agite iam Disciplinarum euerfores, Ignorantiæ consulti, Imprudentissimi Iuris prudentes; ad quid opinamini (cedo) Naturam omnem conspirare? Cerrè quancunque ipsi sectam, quancunque Philosophiam profiteamini, & Naturam ipsam; & Naturæ vnumquodque in bonum ferri, fateamini; oportebit. Lapides in altum præiecti suopre ingenio iara repetunt. Flammæ in humilibus locis suo pabulo detentæ, in apertum Cæli tractum nullo impellente tolluntur. Fert naturalis impetus amnes in maris gremium præcipites, & subterraneis inclusæ cuniculis auræ luctante spiritu imposita quæque immani motu evertunt, ut se Ioui suo restituant. At herclè quidnam in ijs adeo potens, ac validum clauditur, quod

quod tantos motus ciere possit? Nil aliud sanè, quàm Natura. Ergo si Natura mouentur, naturalis erit ijs omnibus hic motus, & ea ipsa parens, quæ tales fœtus in lucem edidit, eosdem tamquam obstetrix ad incedendum affluere docet. Quod si ab innato quodam principio mouentur, etiam ad id mouebuntur, quod ad acquirendum bonum aliquod illis conducatur. Hinc cum leuia sint, quæ superiorem sedem obtineant; grauias, quæ in imis locis subsidant, docentur à natura hoc ipsum acquirere per motum, quo ciuntur, vt propriæ naturæ perfectionem, & speciem acquirant. Est igitur aliquid, ad quod tendunt vniuersa, statim ac in lucem sunt edita, quod quidem ipsorum vel perfectio est, vel bonum, vel conseruatio. Hoc ipsam etiam in homine statuere necesse est, ne videatur Princeps cæterarum animantium fortuito quodam casu, & quasi temerè informatus, vt æreat incertus ingenij sui, & illud nesciat, quod elementa ipsa, ex quibus constat insitum habent. At hercle sentio in hoc veri cardinem totius dubitationis; aut si minus hic, haud sanè procul latitantem foueam deprehendemus. Dicent enim, quod necesse est, Hominem ad felicitatem natum; sed iam felicitatem ipsi in Imperio sitam esse contendunt: Artes verò imperij non disciplinis illas, sed vsu ipso animis instillari. Equidem si quaecumque Imperij artem, aut qualemcumque Imperandi rationem in felicitate collocauerint, obijciendus erit his hominibus accuratissimus Platonis sermo in Trasimachum, & putidum illud emonstrandum, nihil esse peius iniustitia, aut turpius. Sed nilo minus, quàm Platonis, damnatum foret hoc sæculum quasi impotenti pariter dominatui Tyrannorum obnoxium. Est igitur aliquum, rectam imperandi rationem felicitatem humanam esse, in quo ego sanè volo vltro ambitioni illorum manus dare, licet multa possint hanc sententiam in discrimen adducere. Recta vero imperandi ratio qua re alia, quàm ciuili virtute definiatur? Igitur in recti imperandi ratione felicitas est, ea verò ciuilibus rursus est, nihil erit aliud felicitatem obtinere, quàm ciuilem exercere virtutem. Discurremus iam per hanc ciuilem virtutem, videamus, quibus ea opibus, quo præsidio comparetur à nobis, ut non difficile erit consequi, si statuerimus ciuilem virtutem, agendo, atque eligendo versari. Quod quidem neque ipsis adfersari potest, & multum illis præterea ad sententiam suam prouidam conducere videtur. Electio verò, quæ & consultatio, cum hoc vnum sibi velit, vt peioribus abiectis potiora eligat, non boni, & mali quædam cognitio est, quæ aspiciunt quidem

dem in cognitione, finem verò in actione situm habet? Hinc illud Philosophorum, Civilem philosophiam partim quidem in cognitione, partim vero in actione versari. At verò si boni malique cognitionem præmittendam actioni fatentur, descendat iam versutia ista aulica in campum, quæ se instar Vlyssis multorum consiliorum parentem indigitat; quæ se Mundum, vt olim Archimedes, mouere posse sibi persuadet, si habeat modò, vbi pedes figere possit: & se ipsam interroget, an habitu quodam, & vsu bonum ipsum cognoscere se posse confidat. Non dormitabat hebes atque imperitus in rebus agendis Orbis terrarum, antequàm cognosceret in virtute felicitatem sitam esse, nec oscitantis ingenij Trasymachus fuit, quem tamen malum potius, quàm bonum delectabat. Quæ gens in Italia Tarentinis magis viuida, magis rerum magnarum capax? Prius tamen in maxima solertia delicijs se mancipio dederunt, atque in ijs bonum situm esse putarunt, quàm Pythagoras eos per philosophiam ad boni cognitionem extulerit. Syracusanis nihil magis versutum, nihil magis callidum, quippe totius Orbis emporium non corrumpebatur magis, quàm corrumpebat: ipsorum tamen Regales measas derisit Plato. Non enim cum prudentia idem calliditas est. Illa bonas artes ad optimum finem; hæc quælibet machinamenta ad falsum bonum adhibere solita. Itaque nec bonum ipsum totius bonitatis fontem, nec bonitatem eius boni filiam vsu quodam, aut meditatione humanarum rerum dignoscimus. Tollenda mentis acies est per contemplationem ad huius solis fulgorem, & disciplinarum præsidio illud tenendum, à quo calliditas sensu decepta, & nihil sibi confidens aberrauit. Hoc igitur bonum, quod per Philosophiam tantum dignoscitur, electionis normam, & prudentiæ nobis præscribit, quæ ex illius disciplinæ præscripto agens, vnde boni cognitionem hausit, comparat in rebus agendis animi sensus ad illud verum bonum, & per quandam similitudinem iudicium instituit: Falluntur ergo vel solertissimæ mortalium mentes in boni cognitione, cum vsus ipse, & exercitatio viam quidem nobis ad aliquem finem assequendum, aperire possit, ipsius verò finis vel rectitudinem, vel prauitatem, à contemplatione tantum accipere valeat. Sed prosequamur iam paulò diligentius hanc imperandi felicitatem. Nam si rectè imperare hanc felicitatem impertitur; quid est aliud rectè imperare, quàm eam imperandi rationem in Republica instituere, quæ tum Reipublicæ, tum imperanti maximè conducat? Non enim aliud rectitudinem facit Imperij, quàm eius Imperij electio, quod

quod rectum, & iustum, & summo bono consentaneum sit. Non
nim siquis Aulicis dolis innutritus ad militare Imperium Tyro
raducatur, rectè dicitur Imperium exercere, quodd nimirum
lienam prouinciam imperitus inuaserit. Nec si filius senilem
atris canitiem aspernatus domesticarum rerum clauum arripue-
rit, si rectè imperare sibi persuaheat, cum præpostero ordine
Naturæ patrium ius violauerit. Qui igitur eas in Republica par-
tis susceperit, quæ iuxta Naturam, Æquumque, & Bonum ma-
ximè fuerint, is se & rectè imperare, & felicem esse sibi persua-
ere poterit. Sed cum ciuiliis virtus priuatam pro fundamento
constituat, ea verò sine Philosophia, & disciplinis acquiri non
possit, iam nullum poterit Imperij genus in Republica rectum
esse, quod non philosophiæ innitatur, & à disciplinis dependeat.
Non perpendam hoc loco singulas Imperij partes, ne videar ma-
riam orationi quærere, breuitatem professus. Sed de forensi
udentia tantum quæram, Num ea usu quodam perfici possit,
et verò longa indigeat meditatione. Neque enim prudentum
sponsa, aut edicta Principum vsum tantummodò parentem suum
inouerunt: sed ex virtutum, ac vitiorum contemplatione pru-
dentia nomen, auctoritati pondus inuenerunt. Quid stultius scri-
bis legibus, si sola hominis solertia, & rerum usus omnibus con-
tentionibus tollendis tamquam Alexandri gladius sufficeret? vide-
ad ministrum legum, & concionis Reginam Eloquentiam, quæ
num à Philosophia acceptum, fecunditate sua deductis ex la-
eo fonte riuus populo communicans, boni pulchritudinem exor-
ando tollit, ut adametur; persuadet, ut retineatur; defendit,
exsurgat: vtrum illam putatis usu, an artis meditatione longa,
et diuque comparari? Cauete, ne, qui ita sentiunt, rabulæ in-
ro, pedarii in curia, circulatorès in concione, vbique ridiculi
nascantur. Demosthenem (credo) balbutientis oris natura; non
tem studium & artis præsidium ad gloriæ apicem tulit: Aut
allium fori strepitus, non hausti è Græca sapientia fontes con-
Demosthenis gloriam armarunt. Sed iam obmutescere video
uersarios re ipsa perorante conuictos, & suam in ipsos inscitiam
probrante. Reliquum est ut eorum silentio eruditos clamores
putationis vestræ, Auditores, subrogetis.

GRATIÆ.

Agnum ergo quiddam est Ciuiliis prudentia: quæ præter
vsum contemplatione amplius opus habet. Sed maius quid-
am actio gratiarum, quas habeo humanitati vestræ hodiernæ,

Viri Auditores; cui actioni non contemplatio scientissimi capitis; sed nec vsus consummatissimi Oratoris par est. Vos ipsi auctores & gratias iuste æstimare potestis, & dignè testari.

SCIENTIA GENERATIM.

I Vcundus est, ut nusquam magis, & in seueritate Philosophica poeticè amoenus Pythagoræ, ubi molem Vniuersi per partes contemplatus, in illud denique placitum venit, compositam ipsam esse ad rationem musices, atque ad harmoniam concinere. Id quod Platoni inspirauit (opinor) Musam inter philosophandum, ut Orbibus Cælorum, quorum vertigine continenti, omnium successus effectorum in Natura temperantur, Sirenes moderatrices, cuique suam, affigeret: Illas dico Sirenes, quas postmodum auditor ipsius Platonis, idemque obseruator Pythagoræ Aristoteles Intelligentias inibi præsides nuncupauit tam perspicuè certè ad doctrinam quàm grauius ad veritatem. Quid enim usquam in natura rerum cernere est, quod ad aliud reciproce, atque aliud se se referens non musicè consonet? Mirabilis planè, ac sui vbique similis Deus, non in conditarum rerum varietate solum, atque numero sibi vni comprehenso; verum & in multiformi concentu ex varijs earum affectionibus quasi vocibus quibusdam suauissimo, & vel dissonantibus consonantissimo; adeo ut nemo vnus existat mortalium ita hebes auditu, ita surdus ingenio, qui pleno hic odæo decantari gloriam summi Conditoris non audiat. Sed est cum inter Vniuersi partes sigillatim, tum inter Mundum vtrumque summa consensio. Neque enim absurdè Paruum Mundum dixere Hominem veteres nisi ad Magni contentionem fabricatus, nihil in illo planè eluceret, architectæ Diuinitatis opus; quod non iste sin minus mole, certè quidem virtute ac pretio vel exæquandum ostentaret, vel etiam præferendum. Non est mihi mens ire per singula: Nec tempus id patitur, aut institutum: nec, si ad argumentum hoc amplissimum pateretur campus, adhuc daret animus, ut præreptam ab alio in tanta re laudem affectarem. Habetis, Viri Auditores, dignum vestris oculis, dignum audientia, Principem ingeniorum nostri sæculi, ac Genuensium Iumen clarissimum FORTVNIVM LICETVM, qui vulgato iusto volumine speciosissimam materiam digna vtriusque Mundi spectaculo elegantia pertractauit. Mihi interim cum stupore oculos hac illac errantes rapiunt errantia illa quidem Cælis lumina, quos Græci planetæ nuncupant; atque eorum intuitu faciliè meimet

met ipſius admoneor, vt a Magno ad Paruum Mundum vno vix grefſu traductus, dum mente planetas intelligo, ipſam mentis meæ intelligentiam cæleſti radio collucentem dono. Numinis Conditoris inæſtimando tandem agnoſcam. Habet ſiquidem noſter animus lumina rationis, quibus non tam luceat alijs, quam illorum conſpiciat lucem; nec tam viſendus ipſe, quàm viſurus ſe ſe offerat. Et ſanè planetis ſeptem, Artium ſeptem ornamenta, quibus homo liberaliter inſtitutus fulget conſpicuus in Republica, non obſcurè referri quis neget? Niſi quis malit elucere poſſimum ſcientias in planetis, vt neque tamen ab earum cœtu illas excludat diſciplinas, quæ, vel humano magis arbitrio, quàm Naturæ lege nituntur, cuiusmodi habetur vtriuſque luris prudentia; vel præter intellectus notiſſimam, actionem vltra intendunt, cuiusmodi Medicina, ſed quarum vtræque non minus illis proſpecto Reipublicæ iuuandæ pondus habet. Ita ſi Rationalem hic aſſerueris Philoſophiam, tam Oratricem ideſt Rhetoricam, quàm Diſputatricem, ideſt Logicam; Si Naturalem, aimirum Phyſicam: ſi Methaphyſicam, ſeu Tranſnaturalem; ſi Mathematicam; ſi denique Theologiam, quàm belle ſtudia omnia perſtrinxeris, quorum gratia tam multa ingeniorum in celeberrimis Academicis, et in ſpatijs, atque arenis athletæ generoſiſſimi, non ſine magnis propoſitis brauijs exercentur? Hoc atque adeo congruit rei noſtræ; quod ſi planetæ inſtillatis deorſum feminibus metalla ingenerant intra orbis terreſtris viſcera, quibus abundè mortales non ad vſum vitæ ſolummodo, ſed ad delicias quoque ditantur: Anne breuior vlla via aperitur ad turpem excludendam egeſtatem, ad cumulandas in ſplendorem opes, ad opplendos in luxum heſauos, quàm ſi Cælum Microcoſmi tui, ideſt excelleſſorem, nobilioremque tui partem Animum aliquo lumine ingenuæ facultatis induſtrius adornaueris? Evolve ſu veterum monumenta, excute ſcriptorum omnium teſtimonia, diſpeream ego, ſi crebrius quidquam, aut memorabilius offendes, quàm ex cœno fortentiſſimæ fortunæ ad Attalicam magnificentiam ſubuectos proſatæ literaturæ Viros. Vt mihi ideo ab enumerandi exemplis ſuperſedendum eſſe putem, ne aut alicui veſtrum, Eruditiffimi Auditores, notiſſimarum rerum ignoracionem obſtare videar, ut ego ad grauius negocium procinctus, quàm par eſt, longius de re nullius quæſtionis, tamenſi momenti permagni, patiar importari. Nequaquam itaque mihi curæ eſt, vt ſcientiarum Planetæ depluant hominibus diuitias, ſed vt homines ipſi accendant in Cælo mentis Planetas, Quod equidem hodierna luce opes veſtra,

vestrâ, ac beneficio singulari, Viri, sapientissimi, iubeor de me ipse sperare, dum Philosophiæ (vel Theologiæ, vel &c.) impensam operam meam, addictum studium, Censuræ vestræ grauissimæ per publicam disputationem subiecero. j

G R A T I Æ.

Planetas dum prædico largos influxibus ad homines ditandos, simul damnare cogerer avarum mihi eloquentia Mercurium ad agendas vobis, Humanissimi Viri, gratias: nisi aduerterem magnitudine beneficij vestri vel ipsos Cælestes planetas inexhaustos, facile exhauriri.

R H E T O R I C A G E N E R A T I M.

Amphion musicus antiquitatis enchiomys decantatissimus, quemadmodum artis suæ præcellentia humanam æstimationem, ac fidem excedebat, ita fabulæ illi locum facile dedit; Acceptum à Mercurio patre Lyram adeo blandè, ac suauiter digitorum argutissimo pulsu temperasse, vt saxa ex ambientium crepidinibus montium excisa spontè, ac perpolita, struendis Thebarum mœnibus amplissimis, ipsius concentu lytæ pertraxerit. Huic lepidissimæ fabulæ allusit lepore non impari Latinus Pindarus eo disticho, (*Distus & Amphion Thebana conditor urbis, saxa mouere sono testudinis*). Quo sanè figmento quid nisi Orationis præstantia ad verum exprimitur? Habet hanc gratiam genus mortalium disertis viris; quòd eloquentiæ ipsorum vi homines olim victu rudes, ac moribus inculti deserta per loca terrarum, ferino modo dispersi ad societatem vitæ, ciuilibque obsequij disciplinam fuere traducti. Hinc celebres passim in terris fundatæ Ciuitatès, coactæ Respublicæ, constituta Imperia tam digno humana conditione, quàm alieno à brutis inuento. Neque id solum: Sed & Ciuitatibus ipsis, & Rebus publicis, & Imperijs præsto sunt instar mœnium firmissimorum Oratores, & loco præsidij, atque arcis munitissimæ ab omni hostium incurfione tutantur. Vnus ille Dictioni nostræ firmamento sit, quem Oratorum primpitum agnoscit literaria Respublica; Demosthenem volo, qui solis Eloquentiæ lacertis Rem Atheniensem seruauit aduersus potentissimum, ac plurimis triumphis formidandum Regem Philippum storentissimæ gentis inhiantem imperio, & iugum, seruitutis liberæ Ciuitati molientem. Quid? Nonnè hoc ipsum in dies vsu venire cernimus inter sacras conciones, vbi Diuina eloquen-

loquentia instructi Evangelici Oratores ceu firmissima quædam propugnacula Religionis, agmina scelerum, malarumque artium imminentia prohibent, inuadentia frangunt, minacissimo Imperatore subacti, triumphato? Hæc ita eum sint, Auditores; tum tantum in Oratione momentum sit positum: placet hodierna hæc, annuente N.N. Moderatore meo Viro grauissimo nonnullis super eo argumento Theses in medio ponere; vt hoc præclaro operæ pretio Diuinam, in quam toti incumbimus, Eloquendi rem facilius imbibamus.

G R A T I Æ .

A Vidistis tam nouum dictu, quam factu incredibile miraculum ex vetere poetarum licentia compositum. At Hercule natus quiddam hodierna luce: ac tanto mirabilius, quod verum,ustumque prodigium sensibus vestris exploratum habetis, Auditores. Ibi enim demirati Amphionem estis sonitu lyre animantem ad cursum saxa. Hic contra, ex taciturnitate animatam inuemini ad eloquendum linguam. Quid? Nonne elinguem me, c mutum conscientia imbecillitatis, & ex tanti argumenti maiestate trepidum, nutantemque silentio ipsi vestro excitastis ad hanc qualem qualem disputationem alacri animo ineundam? Dicuperem hic certe (si foret in promptu) Amphionis Diuinam lyram, quo accepti beneficii, dignas æternitate laudes gratis concentibus explicarem. Sed, vt vos mutis vocibus, ac benigno silentio necum egistis; sic mutis ego quoque concentibus, surdaque lyra humanitatem vestram incomparabilem profitebor,

Audistis.

R H E T O R I C A G E N E R A T I M .

SI quod est animi quærendum præsidium, si quod expetendum decus ingenij, & inter honestas disciplinas si qua est ingenuo digna adolefcente: Rhetoricen in primis, ac bene didicendi peritiam promereri humana vota, studium optare, induriam poscere non immerito semper duxi, Egregij Auscultatores. Non enim singularem aliquam porrigit cultoribus suis adoram, vt cæteræ facultates: sed variam prorsus atque multiplicem alio atque alio splendore ornamentorum cumulatam. Id quod animo attentius agitati succurrit mihi prodigiosa illius sensæ, dignæ non nisi stylo iuratissimorum Scriptorum, quam Iuliano in Templo S. Sophiæ celeberrimo Iustinianus Cæsar pietat-

pietate pari ac magnificentia dedicauit. Hæc non in aliqua singulari gemma, aut metallo elaborata; sed ex auro simul, & argento, omnisque generis metallis, lapidibus, lignis, rebus prætereà omnino omnibus, quas vsquam terrarum, ac marium vniuersi Orbis natura profert, conflata atque perfecta, Orbis vniuersi sola vel spectaculum faciebat; vel pretium. Nimirum ex pretiosa quaque materia plura, ex viliori pauciora coëgerat, ligatisque fluidis immiserat siccæ, atque in Mense formata absoluebat, Dædaleum planè opus cum nulla æquandum imitatione, tum æstimatione omni, ac prædicatione superius. Haud secus de Rhetorice nostra vsurpare fas est, ad quam ornandam, atque adeo constituendam artes certatim omnes, scientiæque conspiciant, ut non vna quæpiam virtus extitisse ab alijs discreta, sed omnes simul in vnam coaluisse ad miraculum mortalis ingenij videantur. Siquidem ipsa, quæ rationem hominis perficit, Virtutis sibi vendicat speciem. Quæ docet in vtramque partem de re quacunque propositâ disputare, Facultatis vtique formam habet. Quæ pulcherrimi Operis præceptiones tradit, Artis nomine decoratur. Quæ suarum causas præceptionum inuestigat, scientiæ. Sapientiæ, cum causas earumdem primas rimatur. Cum certis informat rationes regulis, orationem figuris, & elegantiâ, quid nisi Philosophiæ sedem occupet? Perstringamus rem paucis. Cum Eloquentiæ numeros omnes quis absoluerit, is demùm Dialecticum, is Philosophum, is Politicum, is Encyclopædiæ consultissimum iactare se citra iactantiam poterit. Iure priscorum, sapientissimi vnum, eundemque esse iubebant Philosophiæ interpretem, atque Eloquentiæ: Nec illam ab alijs facultatibus distrahendam putabant, vel quam coniunctam esse cum omnibus, vel cui omnes deferuire, atque ancillari viderant facultates. Quare cum ea sit Rhetorices præ omnibus dignitas, quam, & à me modò accepistis, & vestro ipsi vsu, ac periculis in hoc honestissimo puluere comprobastis, arbitror id fore pretium studij, si de hac ipsa in hoc florentissimo cætu congressum instituerò: Ut, quantum, non iam in ea profecerim, sed profecturum me esse confidam, exhibitis assertionibus, & vestra impugnatorum solertia excussis, aliquod non dubiæ fidei argumentum promptum habeam.

G R A T I Æ.

Prolusi, Auditores, cum sacra Mensâ, quæ suo & pretio, & arte apponendas à me exigebat eruditionis exquisitissimas, epulasne dicam, an dapes? Tandem spei irritos vos dimitto, ac ieiunos,

ciunos, appositis fructibus tam ingratis palato vestro delicatissimo, quàm ex meo penu æcerbis adhuc, & avaro Sole præcocius. Sed vestræ comitatis erit, aliquid grati meæ, non parum ingenio, plurimum autem insolentiæ muneris, ac tyrocinio remittere, communi illo adagio resfricato, *Dehile principium melior fortuna sequetur.* DIXI,

RHETORICA GENERATIM.

A Nimo bene fingendo (quæ portio Philosophiæ nobilior) bonam linguam conducere, nemo non aut solidæ est linguæ, aut liuidæ, qui refragetur, Cordatissimi Auditores. Siquidem præsidio vnius Naturæ nonne valet lingua informes brutorum foetus formare? Et eam imparem existimabimus, opis cælestis ministerio idipsum ut perficiat in hominibus? Plures vna Babelæ (quis mihi neget?) sibi tempora redimirent sideribus, nisi linguæ ex aduerso obstitissent, suam despumantes confusionem. Esto Ierichontina Vrbis mœnium circumsepta æternis propugnaculis, minacibus pinnis: sed labare nullo ariete ipsa mœnia, sed corruere illicò cernes oculis, simul atque buccinas fatales inflauerint ora Sacerdotum. Esto quasi Cælestis tonitrus vox: Ecce tibi decussum ephippio horrendum aliàs illud fulmen Tharssi; & è Saulo rescide atque adeò refractario resurgentem Paulum, ad nutus Cælestes expeditissimum. Si malo, quod creare solet, atqui renuit lingua hominis, metiri bonum eius velimus; mirum, hic, quantum ipsa in semet vibraret. Paucis autem plura complectens Apostolus, inclytus Hispaniarum Iacobus, linguam appellat malorum vniuersitatem: Hoc ipsum fateatur, licebit, testimonio è Romanis fastis petito Posthumius Regillensis, Annè vlla furiarum è Tartaro, præterquàm lingua ipsius ardentior iusto facem attulit indignationis, & flatibus tumbundæ mentis accendit seditionis flammæ. Tribunitijs in ordinibus, atque Senatorijs? Ciuile enim uero incendium non antè restinctum legimus, quàm qui verbis oppido inflatis excitauerat, suum superflunderet sanguinem, obrutamque & conspultam ingemisceret vitam sub ingruenti lapidum tempestate, quàm durities sermonis illius exciuerat. Ac quemadmodum si quis directuram arboris populæ probare velit, nequaquam opus habet, in speculo allabentis Padillam inspicere: ita planè ad indagandam bonæ linguæ virtutem, non est, cur in malæ vitæ desigamus obrutum. Sa è quidem lactata melle facundia Ambrosij Mediolanensium An-

stis amaritudinem leniuit Augustini. Ipsa extitit Chirnica; quæ istiusmodi Mercurium stitit: Ipsa silentium tumultibus indixit, quos in eius Viri disertissimi pectore turba ciebat effrænium cupiditatum: Ipsa magistrum illum perfidiæ, discipulum effecit fidei Sacrosanctæ: Ipsa Citharæ instar fuit, qua Saulem alterum furiali æstro iactatum Dauides recentior excantauit: Ipsius tonitru vocis ad enitendum sæctum Religionis coëgit hunc Cernium: Ipsius denique linguæ fulmen in isto angue monstroso, non eo quidem Aphricæ, sed Hæreseos exprompsit gloriam veritatis. Quare ad bene viuendum cum in bene eloquendo tantum insit momenti, non ab re Maiores nostri, quibus castigatio morum cum literarum cultura formandæ huic ingenuæ iuuentuti: proposita in primis fuit, Academicas hæc meditationes de Copia, & elegantia sermonis instituere; è quibus cum illa emineat, quæ & stylum expolit, & acuit ingenium, disputatio super placitis Rhetorum, non erit mihi arduum elicere vobis, studiosissimi Adolescentes, attentionem, dum pauca quædam capita hesternis auscultationibus per Doctorem disertissimum tradita, hodierno cœtu discutienda propono.

G R A T I Æ.

SI bene eloqui bene est viuere, vt sumus præfati; non ego equidem male viuam, spero; dum gratè, ne dum bene eloqui iam instituo in præsentia. Qui enim nisi gratè audiatur, quod gratias promeritas tam bene de me meritis vobis, pro exhibitâ humanissima attentione agere studeo, quas nequeo referre?

R H E T O R I C A G E N E R A T I M.

SI nudus fortunæ bonis homo, & cum egestate continenter luctatus in coronam locupletum accerferetur, iussus de diuitijs coram dissertare; &, quid ipse tandem de illarum affluentia, commodis, vsu sentiret, libera voce statuere: quid eum hominem facturum putatis, Auditores? quid consilij initurum, eiusce planè inexpertissimum argumenti? quid de rerum copia disturum, rerum omnium, & penè sui ipsius egentissimum? Tam insperatas ille coactus in angustias, horum profectò alterutrum ageret; aut in silentium simulata sorditate discederet, aut prouinciam huiusmodi in eos consultissimos, illoque in puluere versatos reijceret; aut, sin neutrum, petito è re nata consilio studeret ex sua ipsius inopia illorum opiam, ex pauperie opulentiam,

tiam, ex sordibus lautitiem, ex miserijs delicias, felicitatemque exprimere. Hoc ipsum belle in rem præsentem venit, Auditores; si quidem belle, quod non nisi summo incommodo mihi venit, ut iubar apud vos de Rhetorica facultate differere; ut in confestis disertissimorum virorum homo indiseritissimus, coram eloquentissimis penè elinguis adolescens; neque minis ætate rudis, quàm oratione, ac eloquentia, de ipsa eloquentia disputationem instituere hodierna luce compellar. Sed ego

----- *Fungar vice cotis, acutum*

Reddere quæ ferrum valet, exors ipsa secandi,

& meam in medio proponam dicendi tenuitatem; ut, quando hæc vocis hebetudo, non dicam in hac sapientiæ corona florentissima, sed in sodalium meorum adolescentum, atque adeo in tyronum quorumcunque numero vix me postremas compellit in partes, nec tacito dissimulare mihi liceat iussum moderatoris nostri, nec periuicaci detrectare prouinciam, memet certè tantæ tenuitatis conscium erigam in spem leuamenti maximam, animo reputans, quod veterum monumenta deprædicant de literatis viris non paucis ex egestate summa summam ad opulentiam adiumento ipsius literaturæ traductis. Fuerit (ut pauca quædam delibemus) fuerit pertenui patrimonio Isocrates; locupletauit illud facilè, ad oratoriam appellens animum, in qua vsque adeo profecit, ut vel vnam orationem suam talentis viginti vendiderit, hoc est aureis numis quatuordecim millibus. Fuerit natalibus obscuris Maro, patre opifice figulo, aut verius mercenario cuiusdam viatoris; sed eloquentiæ florescens gloria, reculam suam ad vsque sextertia sex millia, ducentos scilicet, & quinquaginta mille aureos perduxit, præter contractos sibi à Cæsare, à Populo Romano ab Ordinibus omnibus honores quantos maximos, atque amplissimos. Fuerit Marcus Tullius Cicero patre fullone, vel agricola genitus: quantum verò fortunam eius abiectam crexerit obscuram illustrauerit parta vigilijs eloquentiæ consummata facultas, vidit cum admiratione Orbis Romanus, inuidit posteritas omnis, & postmodum inuidebit vno illo inspecto ex historijs vestigio, quod ad Ciceronis exulantis incommoda subleuanda Pomponius Atticus Eques Romanus loco ingentis beneficii accepti habuerit, ducentis quadraginta mille sestertijs illum iuuisse. Fuerit (ut propiora nostro seculo attingamus) fuerit inter rusticos agricolas numerarius Antonius Campanus; sed fortunam pertentans studio amœniorum literarum, vnde sibi ad Historici, Poætæ, Oratorisque lauream gradum struxit; ecce tibi renunciatus

Episcopus Interamnensis, & Pij II. Pontificis Maximi auspicio ab aruis ad aras, à caula ad aulam, ab aratro ad Pedum Pontificium vocatus: Inde à successore Pij Paulo proventuum amplissimorum auctario cumulatus. Quid? non videtur mirandum, eliciuisse literatos fortunas à Principibus, quorum animis disertæ vocis, aut styli potentia imperitabant. Cui rei fidem facit Philosophorum veterum illud tritum Elogium de Oratione, quod ψυχαιοῦς, idest hexanimam nuncuparent: Et velut habet in equum sessor, sic in animos hominum, quam libeat in partem, pertrahendi potestatem illi faciebant. Et illud argutius Philonis Hebræorum disertissimi, quod ἀλεπούλης τῆς ψυχῆς diceret, hoc est machinam bellicam, quod obduratissima quæque pectora, atque ære triplici communita per vim, per impetum tandem expugnet. Siccine ergo literarum candidatis metuenda pauperies? Ecquid est, cur vel ego tyrunculus quantæcunque inopiæ meæ conscius, studio tamen inflammatus literariæ gloriæ despondeam animum, quin cum orationis copia, fortunarum quoque, atque honorum copiam, siquando illam consequar, sim contracturus. Interea loci disceptaturus super Rhetoricis positionibus iubeor de vestra attentione bene sperare, & meæ inopiam orationis humanitatis vestræ opibus fore subleuandam.

G R A T I Æ.

E Loquentia subleuari pauperiem, congestis in literatos diuitijs, nuper accepistis, Auditores: Nunc ineloquentia posse iuari, quis credat? Credat, tamen oportet, quisquis pro exhibita mihi humanissima attentione, taciturnitate potius, quam compositis ad pompam verbis, diuitias vestrorum in me meritum testatas me facturum intelliget.

R H E T O R I C A G E N E R A T I M.

Contra Logicam, cuius est initium. Quæ dua res nostri generis.

Dispudeat suæ quemque nequitix: Me autem sodalis quamquam aliis mei, nunc verò desertoris, ac transfugæ quid est, cur non magis pœniteat non execrari tota mente turpissimam notam, nec, quanta possum, vocis, & laterum contentione insequi, suæque ipsius iaculo Rationis retorto conficere? Audistis, puto, hominem imberbem humanioribus innutritum studijs, atque non modicam consecutum laudem politionis literaturæ, inde

ad seueriora transgressum, in iplo aditu ita raptum fuisse nouo illo spectaculo vmbraculi philosophici, ita captum Græcia illa syllogizantium in pallio, & barba studiosorum, ut præ Rhetorica, cui dudum se deuouerat, decorandam Logicam titulo humanioris disciplinæ non modò statuerit sibi; verum & alijs olim Collegijs pro virili sua parte persuasum voluerit. Et quando cardinem eius actionis video in facultate hominis potissima, hoc est Mente, & Ratione consistere; cui equidem regendæ, moderandæ, perficiendæ desudat Logica; miror, ita rationismet suæ, ac mentis impotem euasisse Aduersarium nostrum, ut vix limen ingressus Rationalis Philosophiæ, ad primum ipsum prospectum imitari videatur lymphaticos, humaniorem eam ratus, quæ seueritate sua deterret plerumque studiosos; humaniorem, quæ hominem fatigat amplius; quæ humanitatis præ se nihil fert, nisi quia ingenium hominis, rigentis instar ferri ardore disputationum perdomat; porphyritis quasi duritiem improbo pulsu mallei, acie scalpri inimiti victam perpolit; adamantinam æquans pertinaciam cruento emollit sudore frontis. Quàm verò sæculus humanum sonat, cui aliquis humanitatis est sensus? Nec iuuat adolescentes cœtibus hominum antè adiungi, quàm indigetum choros anhelare; gressibus ferri, quàm alas assumere; ad humanitatem formari, quàm Diuinitatis cognationem affectare. Damus nos itaque Rhetores, nec illibenter, vobis Logicis locum; inferiori, quàm colimus, facultatem contenti sumus loco reponere. Denique Rationis esse Orationem filiam damus vltro vobis; damus amplius ancillam, damus pedisequam. Quid inde? Humanioresmnè igitur vestram, quia loco, munere, iure superiorem? Imò verò quia nostram humiliorem, idcirco humaniorem hanc esse contendimus. Ita enim se se res habent, Auditores. Pusiones ludus recreat, Viros labor exercet: Delicijs nata infantia est, tenetur iuuentus periculis: Illa flores consecratur, hæc captat fructus: Quare humaniores meritò eas literas, quas & amœniores interpretatione vocis commodiore videmur vsurpare: An non amœnior, numeris concinnata oratorijs periodus, quàm cusus cathégorica seueritate syllogismus? Omnino enim sapere videntur mihi, qui Logicen cum illo conferunt rosarum genere, quas rubo enasci observant rerum naturalium scriptores; tametsi illorum princeps Plinius enasci omnes generatim spina verius, quàm frutice tradiderit. Sed qualia sint cumque illarum cunabula, vix profecto tu florem vsipiam legas incessans digitis, aut incolumi dextera. Hanc fere quis dicat esse Logicæ artis condi-

conditionem, cuius iucunda quidem meditatio, sed delicias identidem suas temerat infixis aculeis. Rhetoricam porro nostram Rosarium esse iam inde ab æurca ætate, atque adeo à Mundi infantia beatissima seruatum mortalibus, quo ex genere describit charactere suo verè ambrosio Mediolanensis Antistes; *Surrexerat, aïens, floribus immixta teneris sine spinis Rosa, & pulcherrimus flos sine ulla fraude vernabat*: dignus enim uerè (subijciam ipse) delicijs Paradisiacis flosculus, sempiterni ocellus Veris, pignus innocentie vitiatæ generi nostro suspirandæ, cuius quàm oculus elegantia, quàm nares suauitate, tam oblectaretur tactus mollitie. O Rhetoricen felicitatis pristinæ superstes delictum. Quid enim? Syllogismo vestro, Logici, gracilitas propositionum, ex quibus conflatur, quid nisi spina est? Dilatetur per nos in Ratiocinationem, En ut euadit in Rosam. Definitionis vestræ ratio ex genere, & differentia aciem spinæ utique repræsentat: Circumducatur per nos descriptione varia, nonnè vides explicatam floris amœnitatem? Vibrare, vos, cum Causa dumtaxat Demonstrationem, pungetis illa equidem Aduersarium: Pluribus ex topicis locis per nos colligatur; & afficimus animos, & aures titillamus. Ad summam probando, hoc est arguendo incumbit Logica: mouendo amplius, ac delectando Rhetorica: atque ubi illa contenta est subijcere oculis mentis nudam veritatem; hæc mundo splendido, lautoque ornatam Regina animorum, producit in medium. Quò dubium nullum extare vobis debet, Sapientissimi Auditores, quos etiam compello in hodierna questione Iudices, quin arrogatus Logicæ facultati humanioris titulus, pensatis rationum ponderibus, Rhetoricæ nostræ multò, ut audistis, humanissimæ per vestra collata suffragia restituatur. Id quò facilius decernatis, placet nonnullas exponere publicæ disputationi theses Rhetoricas, ut ne ab ipsa quidem altercatione, quæ alibi similitates, & iurgia plerumque ferit, modos humanitatis omnes abesse coràm probetis.

G R A T I Æ.

Humanitatem cum amœnitate præfando commisi, Causam Rhetoricæ propugnans. Itaque sicut humanos ipsi vos, Auditores, erga me disputantem præbuitis, par esset, ut ego contrà amœnus verbis gratias adornarem. Verùm vestræ quoque fuerit humanitatis, quæ modum habet nullum, inamœnum sermonem meum, atque sterilem ad tantum officium excusare.

RHETO-

RHETORICA GENERATIM.

Ad victorias classium literarias in ludo renuntiandas.

Scripta Venetijs. 1655.

QUOD mihi erat in votis, cum reluctantem licet animo, urgente autem imperio moderatoris mei prouinciam hanc Censore Maximi grauissimam tandem iniui; vt, quantum sodales athletæ adhortatione potius mea, quam exemplo animati literaria in umbra profecissent, in luce aliquando literatorum, quos penes censura ingeniorum maxima sedet, patefacerem: id me benignitate siderum, Cælique clementia plane singulari consecutum honorerna die fuisse, magnoperè lætor, Viri ornatissimi. Ecce umbra studiorum amœnior ex multo iam cursu annorum patuit enetæ iuuentuti, quàm cui nouus, ac Cælo lapsus Apollo hic pater præsidet? Aut quæ lux fulgentior sapientiæ, quàm isthæc sa vestris illata conspectibus, Auditores; & eò clarior, quò ratio in tanto, tamque diuturno Musarum nostris è testis exulanti mœnore? Quippe amat Pieridum chorus abstrusa saltuum, suos inter sacra antroꝝum silentia exaudiri concentus. Nunc imucro cum Martialis vndique lituus perstrepat, cum terræ, trique circumsonant omnia castrorum fremitu, an vllus Musarum choreis locus hospitalis fore putabitur? Id quod luculentius isto fortunam apud vos nostram extollit, vt profugas amasias eis, aureis quasi nexibus tentas media inter arma per nos egredi foueri, quin & concussis bello laribus nostris volentes eas lutesque hic sisti non sine admiratione spectaretis. An non vtriusque id expressum agnoscat quisquis rem apud nos literarum sub quadam belli specie geri aduerterit? quisquis delectos iam milites huiusce Academiæ cultores, quisquis distributas hinc le copias, decretos vtrinque Imperatores, creatos Tribunos, signatos Duces, explicata minacibus notis vexilla, hinc Romanorum, inde Carthaginiensium; tum instructas acies, laceffitos hostes, commissa prælia, rem denique ad omnes militiæ numerum administratam obseruauerit? Atque illud in primis iam clariùs est, studio æmulationis præcedere literalem æque, ac mirrem disciplinam. Nolo à proposito Academiæ commento, quem quidem vnum discedamus. Ipsum Romanorum negotium cum Carthaginiensibus præiudicium nobis pulcherrimum, dum exemplum suppeditat: Et quidem quod bello tertio prioribus

ribus multò atrociorē accidisse testantur monumenta veterum vniuersa. Feruebat, vt antea nunquam, in obsidione barbaræ vr-
bis Romanus, vendicaturus superiores iniurias, reparaturus ex-
tremis conatibus, vnâ cum dignitatis iactura, clades acceptas.
Cum contumacia hostili tandem edomita bellum quidem sedit;
sed efferebuit simul victoriæ studium de belli fine stabiliendo.
Ergo deliberatum hinc inde in Senatu consilijs aduersis, pugna-
cisi neque pars viraque altercata. Prior sententiam rogatus Ca-
to inexplēbili odio delendam esse Carthaginem, & cum de alio
confuleretur, pronuntiabat: Posterior Scipio Nasica, seruandam;
se metu, inquiens, ablato æmulæ vr-
bis, luxuriarj felici-
tas Vr-
bis inciperet. Vtrum horum consiliorum, Auctores, gra-
uissimo illi confessui probatum fuisse existimatis? Eiusne Vi-
i consilium, quod vna vexatione inspecta suggerebāt liquor, an
quod ex emolumentis & fructibus illius belli in Rempublicam
redundantibus pendebat? ita verò deliberant prudentiores viri:
Qui Patriæ hostem, quod Patriam modò exercet, extinguendam
patet, is hostis habendus est Patriæ: Amicus ille plane, qui com-
moda Patriæ maiora incommodis pensitans, seruandum ab inter-
ritu hostem contendit. Denique optimo Ciui plures esse debet
amor in Patriam, quàm in hostem odium. Nec enim, quia in-
gratum palato pharmacum redditur, vi minus salubre ægrotan-
ti reieciendum. Quid autem hic asseram, æmulatione Carthagi-
nis, quasi cote, exacutam illico ad Martias meditationes Roma-
nam pubem? Quid referam sublatum nullo negotio luxum in
Vrbe, excussam vecordiam, eliminatam libidinem? Quid enu-
merem voluntarias legiones, inuictissimos Imperatores, innume-
ra prælia? Quid cæsas formidabiles phalanges, munitissimas oc-
cupatas Arces, impetus validissimos perfractos, tot illa discrimi-
na superata, tot stratos exercitus, tot palmas collectas, trophæa
posita, triumphos reuectos? Sed hæc vetustatis ignaris homini-
bus recensentor: quamquàm & se ipsæ res ipsæ gestæ immortales
prædicant, & à millibus licet annorum spiritum adhuc & vocem
retinent, ne cui vnquam posterorum ignorantia prætendatur.
O fortem nostram, Commilitones, nulli non mortalium inuiden-
dam. O plenum prudentiæ consilium Institutoris nostri, quò stu-
dia hæc alacrius capefferemus, quò viuidius literarium agonem
proposito brauiò iniremus. Hic lætus belli vmbra-tilis apparatus,
hæc species elegans confinger tium quasi classium, hoc nouum
aspectui auctoramentum ingeniorum, quoniam, obsecro, tendit?
quo spectat? nisi vt excitata re-
prose virtute, prouocata in-
dole,

Volte, ad palmis quisque eruditionis, ad trophæa literaturæ, iuuentilia hæc, sed rerum aliquando maximarum (si fata dederint annos) in Republica gerendarum lectissima semina pro virili sua parte adspiret? Quid? hæc tempora Martialia, hæc Respublica, hoc Imperium Scythicis armisiam diu exercitum, rudioribus politicis, nec bene sanis capitibus vexatum, afflictumque quando-
nam feliciter effloruit gloria non militaris modo prudentiæ, verum etiam ciuilis? quando luxum longius propulit? quando alacriorem vidit Venetam iuuentutem, etsi Regales inter delicias nutritam ad capeffenda diffitis in terris, rigidior sub Cælo, omnibus exposita iniurijs, belli pericula? Quando verò aut maiore domi tranquillitate potita est, aut metum hostibus Venetiæ nominis maiorem ingessit, aut Orbis terrarum fines, inconcussæ, ac formidandæ potentiæ suæ fama compleuit? Scilicet habent Tyranno illi truculentissimo gratias plurimas Venetiæ nostræ, quod furiali perfidia sua, nostratium virtutem pertentans magis, magisque adauxit, ac vegetauit. Nos etiam adhuc ephæbi, annis quidem tenelli, ætate molles, sed ingenio viuidi, sed spiritibus erecti, inter hos lusus literarios magna utique molimur, magna anhelamus excitati hac ipsa, quam cernitis, geniali sanè, sed tamen acri æmulatione ab Institutore Academiæ Viro Sapientissimo, non sine Cælesti consilio adinuenta. Quare ut eorum, quæ hæcenus ipse disserui, specimen aliquod habeatis, ut maius quiddam, quam me dicente vestris forte animis concepi-
stis, ipsismet oculis propositum habeatis, profero in medium, vtriusque partis acerrima studia, tentamenta, congressus, victorias, & has quidem incruentas dixerim, nisi, quos vinci, & campo cedere coëgit fatum, sanguine suffusa ora, pudoreque sanguinantia, summa ipsorum ingenuitas ostentare compelleret. Adeste igitur auribus, adeste animis, digna studijs vestris humanitate.

G R A T I Æ.

Vicistis, Auditores, quod voueram. Commilitonum meorum trophæis incomparabili humanitate non attendistis modo, sed etiam plausistis. Quid isthæc humanitas, nisi trophæum à me exigat grati animi notis incisum sempiternis?

R H E T O R I C A G E N E R A T I M.

Disciplinarum vniuersitatem cum mecum ipse reputo, quandam veluti Regiam ingenijs nobilioris notæ quasi proce-
E
ritus

ribus frequentatam; ubi & honores in humanis amplissimos, & digniores in Republica Magistratus, atque his congruas ad sustinendam dignitatem fortunas sibi conquirant, non insulse adumbrare dixerim, Ornatissimè Sapientum cætus. Pergite, si lubet, mecum, & gressibus mentium vestrarum obsequimini duces, meum sermonem. Siquidem in ipso huiusce Regiæ limine occurrit oculis ex Græca magnificentia Peristylum (disciplinarum quippe magistram agnoscimus Græciam) amplum illud, & genere structuræ mirabile; quo schemate Rhetoricæ ingeniarum artium mundissimam, amplitudine, ac splendore dictionis conspicuam referri quisque facile conieciat. Huc autem, progressu patet in atrium aditus clauso Cælo, ac se curvantibus in angulos parietibus subobscurum, quod habet Dialecticæ non obscuram speciem. Est continens huic porticus iustam procurrens in magnitudinem; & elegantiam planè visendam, qualem Ionicus nitor, Corynthusuè fastus offerret, Geometriæ non absimilis. Tum per longam seriem hinc atque inde conclauium iter est, quibus Philosophiæ alia atque alia membra distinguuntur ex Naturæ multiplici contemplatione; quousque tandem, in penitissimam Augustalis partem, in secretius domicilium, transgressi Naturæ sedem, deferamur; ad sacram dico Theologiam literaturæ omnis centrum, & ultimam lineam sapientiæ. Nec deest huic Regiæ (ut cernitis) ad magnificentiam numeros absolutos adaptum ante frontem vestibulum, quò confluant rudioris adhuc ingenij homines, quasi de plebe ciues tractaturi grammatica, ut procedente studio ingressum Regiæ aliquando meriti per Eloquentiæ peristylum ad reliquas disciplinas subinpe aditum parent. Atque hic parumper subsistere operæ pretium puto, Auditores. Sic enim arbitror, nullum esse planius aut compendiosius iter meditatione Rhetorica ad altiores quasque scientias, ad seueriora studia ineunda. Est enim Rhetorica media inter Grammaticam, ac Philosophiam, & quidam inter utramque communis terminus, atque nexus. Nam quæ polientum spectat sermonem, & figurarum pigmentis ornandum, habet commune aliquid cum Grammatica sermonis congrui architecta. Quæ porro proponendi, diuidendi, probandi, denique concludendi subit negotium, cognata efficitur Philosophiæ, quæ rectam differendi rationem, quæ Rationalis est, inuestigat. Itaque sicut humana corpora ab æstiuis incendijs facile algorem patiuntur hyemis, erudita prius autumno, qui medius est inter utramque tempestatem calore partim, ac frigore per ingenium.

Natu-

Naturæ temperatus: haud secus ingenia deduxeris facile ad sublimiora exercitamenta, si iusseris prius emetiri campum eloquentiæ: facile ex ista accliuitate ad illud iugum, ex isto tempore ad rigorem illum, ex ista temperie ad illam seueritatem, ex dicendi munditie ad acumen, ex flore ad spinas, ex illecebris ad aculeos gradum subdideris. Nec enim uerò apud me bene audire illi poterunt inconsultissimi studiorum suorum, qui ex ludo Grammatico in arenam Philosophicam proximè se conferunt, hoc minimè intelligentes, Rhetoricam disciplinam limen esse ad eam Philosophiæ partem, quæ, ut est in disputando strictior, quasi compressa in pugnum manus; ita nihil facilius, quam si ex ipsa prius manu in palmam dilatata formetur; ampla numeris, arctanda; dictione magnifica, coercenda. Sic prudens topiarius non subito enaram, & vix pullulantem buxum aggreditur in formas varias componere; sed ubi primum luxuriantem, ramusculis videt, tum præcidere ipsam studet, ac castigare ad mentis exemplar. Prius ergo luxuriari doceas orationem, oportet, quam ipsam castigandam putes. Prius argumentationis formæ laxiores tenendæ sunt tibi, quam præstiores, & numeris certis contentæ. Denique, ut feras punctum in ludo Dialecticæ difficillimo, proludendum in Rhetoricis est, ne rem tuam literariam cæcæ alexæ committere videaris avarus temporis, prodigus dignitatis. Quò mihi præclarior, & consultius institutum videtur à Moderatore huiusce Gymnasij, ut quotannis ab emeritis discipulis theoremata Rhetorica disputationi publicæ exponantur, videlicet optimè prospectum rato candidatis Philosophiæ, si ex facilibus modis theatralis orationis ad arduas vmbra culorum disceptationes prouehantur. Quamquam enim in huiusmodi congressibus remissior euadat impetus, nec robor illa syllogismorum, atque enthymematum, qualia apud Philosophos, intendantur, nemo tamen iure negauerit, quin eadem sit istis, atque Rhetoricis methodus, par ordo, ratio non absimilis. Vtrobique confirmatur, utrobique & infirmatur, proponitur, deducitur utrobique. Itaque si quis vestrum, Ornatisimi, Auditores, ex honestissimæ disciplinæ tractatione materiam gloriæ præbere & sibi & mihi voluerit, en illum maneo in arena, uantulas vires meum mihi suggererit ingeniolum, exerturus.

G R A T I Æ.

R Eliguum est, ut & tibi (*hic locus est laudandi virum, cui dicata sunt Theses perstringendo epichetis vel periodo in Elogij*

E 2

modum

modum eius laudes) & vobis nobilissimi Auditores gratum explicem animum pro benevolentissima, qua me disputantem profecuti estis, attentione. Nec me despero præstiturum, atque adeo (quod citra arrogantiam dictum putetis) cumulatè satisfacturum. Nam quod ipsi fauistis mihi silentio, quo nisi silentio dignè respondeam? Beneficium itaque vestrum pro meritis tum demum extellam, cum nulla oratione mea extelli pro meritis posse, ipso meo silentio religiosè testabor.

RHETORICA DE ELOCUTIONE.

Fecit miraculum priscis, incitamentum posteris argutissima, successu æmulatio celeberrimorum pictorum Parrhasij, ac Zeufis (Nobilissimi quotquot hunc cætum coronatis, Auditores). Horum utrumque titillabat gloria, pungebat alterum alterius inuidia, & sudatam experimentis diuturnis frontem laureare quisque certatim studebat. Nec verò se alter suspici in arte sine alterius deiectione arbitrabatur. Nobilis quidem æmulatio de Artium liberalissima: quæ, dum fingit Naturam, Naturæ præcellentissimum munus ingenium humanum perficit: Alaudit ludenti tot in formis spectabiliū vndique rerum: docet speciosiores fieri posse species eius, adscitis ingenio pigmentis; addit pretium imaginibus ipsius originarias reddens transumptis exemplis: cogit in stuporem suæmet ipsam formæ depereuntem, veriore Narcissum. Quid moror? Procinguntur Artis magistri ad certamen, opere quisque suo ad genium elaborato. Conducunt diem. Prodeunt in forum confluentē ad spectaculum Cive promiscuè ac peregrino. Ibi omnibus intensissimis exigit periculum artis alter ab altero, iudiciū a non æmine; vsque adeo studuerant captandis aspectibus, ut oculos cuiuslibet tam Iudices, quàm spectatores admitterent. Prior Zeufis audax, imò impatiens moræ conscientia felicissimi operis, vitem in tabula onustam vis profert, iudicio præsentī animi ad numeros Naturæ sincerōs, ad vltimas lineas expressam; ut meritō illæ inter acclamationes admirantis ciuitatis subito volatu, petulantissimisq; rostris impetere non timerent. Iam ad Parrhasium conuerti omnes, hæreere vno intuitu, num tantæ virtuti obijcere posset ad palmam. Sed plausus æmulo dati auxere huic fauorem fortunæ. Hic ergo addito ad virtutem dolo visum se simulat, renuit rogatus concurrere. Tandem diducto pallio profert egrè tabulam suam, simulante insolentius aduersario.

faris. Referebat ipsa veluti obtentum velum inagini, sed ita scite pictura expressum, ut illud verum ratus vrgeret idem aduersarius submoueri, spectandæ latentæ imagini. Tu verò Heus (inquit) tu quoque tuam expone operam, iam detrahe velum. Tum Parrhasius, Tu potius, inquit, detrahe, ne mea ipse deulem pudenda. Iam enim certaminis tu palmam præripuisti. Vix, cum admota Zeufis manu, picturæque fallacia cognita, attonitus, Tu, inquit (fateor) iam habes palmam; siquidem ego Aues rationis expertes, tu hominem consultissimum artis fefelleristi. Simile quiddam vsuuenire mihi videtur hodierno congressu (Nobilissimi Auditores) quo expromptas de Oratoria Elocutione, Theses è Rhetore Vincentij Galli præstantissimi Viri proponere iubet disputandis eius, qui habenas ingenij mei moderatur, auctoritas. Quamquàm enim seruato more maiorum postulare res ipsa videatur, ut eliganti aliqua, & bonis ornata luminibus oratione pro argumenti dignitate proludam: Nihilò tamen minus inelegantia mei ingenij conscius, atque in dicendo ieiunitatis non modò non deterreor à disputandi instituto; sed, quod habet miraculi speciem, excitari me sentio maiorem in modum, & certam victoriæ spem concipio; ut eadem, sine minus virtute, fortuna certè cum Parrhasio vsus, character meo incompto, quasi rudi velo speciosissimam ipsius Elocutionis imaginem tegens, æmulos etsi ingenio, ac eloquentia multò superiores, congressu hodierno propellam. Sed hæc fatis permittamus. Interea si quis adest inter vos, Egregij adolescentes, non dico alienæ inuidus, sed suæ studiosus gloriæ, ne renuat de pulcherrima parte orationis oratoriæ, hoc est de Elocutione certamen instituere, & inuictos conatus consummati Rhetoris cum imbecillis tyrunculi viribus committere.

G R A T I Æ.

QUAM possum maximas ago, quia pæres non possum gratias vobis, Humanissimi Auditores. Verum ne agere vllas quidem licet, cui magnitudo meritorum vestrorum velum silentij magis exhibet, quàm picturam dicendi. Itaque quod Parrhasio præstantia facultatis, hoc idem mihi tenuitas suggerit: fortunatius tamen mihi, qui ex infelicitate ipsa peto felicitatis materiam.

modum eius laudes) & vobis nobilissimi Auditores gratum explicem animum pro beneuolentissima, qua me disputantem profecuti estis, attentione. Nec me despero præstiturum, atque adeo (quod citra arrogantiam dictum putetis) cumulatè satisfacturum. Nam quòd ipsi fauistis mihi silentio, quo nisi silentio dignè respondeam? Beneficium itaque vestrum pro meritis tum demum extellam, cum nulla oratione mea extelli pro meritis possit, ipso meo silentio religiosè testabor.

RHETORICA DE ELOCUTIONE.

Fecit miraculum priscis, incitamentum posteris argutissima successu æmulatio celeberrimorum pictorum Parrhasij, ac Zeufis (Nobilissimi quotquot hunc cætum coronatis, Auditores). Horum vtrumque titillabat gloria, pungebat alterum alterius inuidia, & sudatam experimentis diuturnis frontem laureare quisque certatim studebat. Nec verò se alter suspici in arte sine alterius deiectione arbitrabatur. Nobilis quidem æmulatio de Arium liberalissima: quæ, dum fingit Naturam, Naturæ præcellentissimum munus ingenium humanum perficit: Alaudit ludenti tot in formis spectabilium vndique rerum: docet speciosorem fieri posse speciem eius, adscitis ingenio pigmentis; addit pretium imaginibus ipsius originarias reddens transumptis exemplis: cogit in stuporem suæmet ipsam formæ depereuntem, veriolem Narcissum. Quid moror? Præcinguntur Artis magistri ad certamen, opere quisque suo ad genium elaborato. Conducunt diem. Prodeunt in forum confluyente ad spectaculum Cine promiscuè ac peregrino. Ibi omnibus intensissimis exigit periculum artis alter ab altero, iudicium à nemine; vsque adeo studuerant captandis aspectibus, ut oculos cuiuslibet tam Iudices, quàm spectatores admitterent. Prior Zeufis audax, imò impatiens moræ conscientia felicissimi operis, vitem in tabula onustam vis profert, iudicio præsentis animi ad numeros Naturæ sinceros, ad vltimas lineas expressam; ut merito illæ inter acclamationes admirantis Ciuitatis subito volatu, petulantissimisq; rostris impetere non timerent. Iam ad Parrhasium conuerti omnes, hæere vno intuitu, num tantæ virtuti obijcere posset ad palmam. Sed plausus æmulo dativauere huic fauorem fortunæ. Hic ergo addito ad virtutem dolo victum se simulat, renuit rogatus concurrere. Tandem diducto pallio profert egrè tabulam suam, stimulante insolentius aduersario.

sario. Referebat ipsa veluti obtentum velum imagini, sed ita scite pictura expressum, vt illud verum ratus vrgeret idem aduersarius submoueri, spectandæ latentæ imagini. Tu verò Heus (inquit) tu quoque tuam expone operam, iam detrahe velum. Tum Parrhasius, Tu potius, inquit, detrahe, ne mea ipse deuelem pudenda. Iam enim certaminis tu palmam præripuisti. Vix, cum admota Zeufis manu, picturæque fallacia cognita, attonitus, Tu, inquit (fateor) iam habes palmam; siquidem ego Aues rationis expertes, tu hominem consultißimum artis fefellisti. Simile quiddam vsuuenire mihi videtur hodierno congressu (Nobilissimi Auditores) quo expromptas de Oratoria Elocutione Theses è Rhetore Vincentij Galli præstantissimi Viri proponere iubet disputandis eius, qui habenas ingenij mei moderatur, auctoritas. Quamquàm enim seruato more maiorum, postulare res ipsa videatur, vt eleganti aliqua, & bonis ornata luminibus oratione pro argumenti dignitate proludam: Nihilò tamen minus inelegantia mei ingenij conscius, atque in dicendo ieiunitatis non modò non deterreo à disputandi instituto; sed, quod habet miraculi speciem, excitari me sentio maiorem in modum, & certam victoriæ spem concipio; vt eadem, sine minus virtute, fortuna certè cum Parrhasio vsus, character meo incompto, quasi rudi velo speciosissimam ipsius Elocutionis imaginem tegens, æmulos etsi ingenio, ac eloquentia multò superiores, congressu hodierno propellam. Sed hæc fatis permitramus. Interea si quis adest inter vos, Egregij adoleßcentes, non dico alienæ inuidus, sed suæ studiösus gloriæ, ne renuat de pulcherrima parte orationis oratoriæ, hoc est de Elocutione certamen instituire, & inuictos conatus consummati Rhetoris cum imbecillis tyrunculi viribus committere.

G R A T I Æ.

QUAM possum maximas ago, quia pæres non possum gratias vobis, Humanissimi Auditores. Verum ne agere villas quidem licet, cui magnitudo meritorum vestrorum velum silentij magis, exhibet, quàm picturam dicendi. Itaque quod Parrhasio præstantia facultatis, hoc idem mihi tenuitas suggerit: fortunatius tamen mihi, qui ex infelicitate ipsa peto felicitatis materiam.

RHETORICA GENERATIM.

Pro Impugnatore.

L Epidum est, ac dignum adagio, quod in audaciorem Aristarchum aliquando ab Apelle refusum tradunt. Hic depictam tabulam è pergula in omnium conspectu exhibuit, quod prætereuntium censuram latens ipse ponere tabulam liberius exciperet. Scilicet homo emunctæ naris non proprio magis iudicio, quam alieno niti securius ad immortalitatem sui nominis intelligebat. Inter alios ergo, atque alios prætergreditur Sutor. Pictura conspicua subsistit, contemplatur vocante genio crepidas; capit una intus pauciores ansas; auscultatur causæ scilicet illius arbiter iustus. Sed mox usurpato iure ad cauillanda crura prolapsus, *Hem*, inquit Apelles, elata voce compellans hominem, *Ne sutor ultra crepidam*: Sic censuram picturæ censura confutauit audaciæ. Hoc tu mihi facile obieceris (Ornatissime Adolefcens) quod ipse impolitus ingenio, impolitus oratione; nihilo minus de Arte illa, per quam sermo expolitur, disputare contra expositas per te assertiones non dubitem. Verum quod auaciæ alioqui vertendum fuerit, cum nostri Moderatoris cogat imperium, virtuti abs te potius atque officio tributum iri confido.

RHETORICA GENERATIM.

Pro Impugnatore.

Citharædum te facio (lectissime Adolefcens) Philomela ego dum prouocor ad musicam pugnam. Non tibi certè deest numerus ad eum absoluendum, quem olim STRADA proludens ad Claudiani modos bellissimè cecinit. Adeo te scitè linguæ plectrum tractare, explorare argumentorum fides, percurrere argute omnes cæsim, iustim pro Causæ mensura. Denique ipso Eloquentiæ sono demulcere, incendere, restinguere, simul aures suspendere, atque animos agitare, qua modo prolusisti, disertissima Præfatio testis est. Tecum igitur congregi de sono Rhetorico, etsi canoræ auiculæ; mutæ tamen animantis ausum fuerit; quidem longè temerarium, nihilo minus dammandum in homine orationis compote, quam Stradanum illud solo lepore fabulæ probandum. Sed si tamen fabulari iuuat non ad oblecta-

oblationem magis, quam ad commodum, quid est, cur Philomela partes detrectem, quamquam iacturae praescius? Oblatibo te forte instar illius vel ipsam asperans atque offuscans vocem. Certè meo commodo studebo, tuis intentus argutis. Cæterum sicut exanimata Philomela Citharædi virtute triumphum illius suo funere honestavit, par nata sepulchrum, eiusdem in quod decidit, plestrum: sic tua de me victoria tam mihi utilis fiet, quam tibi honorifica.

RHETORICA GENERATIM.

Pro Impugnatore.

IN contentione laudis vtri Ciuitatum Græcarum concedenda sit palma, Olympiæ Theatris celebri, an Athenis Academia nobilibus, Causa in ancipiti adhuc posita præiudicari ab illa expectat; Armanè literis, an literæ armis concedant. Perorant vtrinque disertissimè fundatores, hinc Hercules, inde Plato: ille meritis ætæum Deorum, hic Diuini cognomentum. Certè studere ambo Reipublicæ nemo neget alumnis innumeris ad clauum assumptis. Verumtamen Olympico pulueri quis neget præcellere munditiem animi, exercitationi lacertorum culturam ingenij, oleagineæ coronæ lauream? Sed & ludi illi thetrales ferinum quiddam redolent, militaria nimirum spectacula tam immanitati finitima, quam aliena ab humanitate, cui porissimum Academica studia nata sunt. Verum diremerint hoc alij. Te quidem, Egregie Adolefcens, quod magis iuuat vmbra Philosophantium, quam Sol Athletarum, planè demonstras prudentiam maximam, vt honestius esse putes ad gloriam, Diuinum inter homines censerì, quam inter Deos hominem. Ergo vt votum impleas, aggrediar homunculus perspicuum ingenium tuum quibusdam obiectis laceffere.

RHETORICA GENERATIM.

Pro Impugnatore secundo loco.

EXcipio securus prouinciam, quam antè reformidabat mihi meps, refugiebat genius, pallebat conscientia imbecillitatis meæ; virtutis verò tuæ notitia reclamabat, Nobilissime Adolefcens. Mirum tamen, vt apud me plus valuit sodalis exemplum,

plum, quàm robur Aduersarij. Scilicet (vt ait vulgus) Leonibus animosiores cerui, Leone Duce; Ceruoque Duce timidiore Ceruis Leones. Sed me animauit in primis, quod de Ceruis ipsis vulgauit fama, traicere maria gregatim nantes, suggerenteque animos necessitate imperare sibi ipsis virtutem, ita vt præeat erecta ceruice animosior: inde porrecto ordine reliqui capita imponant præcedentium clunibus, donec ille fatigatus, abdica-
roque primatu ad terga postremi per vices abeat recreandus. Itaque nec pelagi immensi vortices timorem ijs faciunt, nec terræ aduersi litoris inuisæ ab instituto reuocant: Adeò pollet Ducis strenuitas vel in meticulosis, & natis ad fugam animantibus. Sic ferè de me ipse vsurpabo. Trepidum reddebat meritò ingenio-
li mei tarditas, hebetudo, inopia, quò minùs tecum in arena ista congregeder. Ipsum Moderatoris imperium frustra vrgebat reluctantem, quem nutus aliàs expugnabant. Debeo sodali meo Adolescenti magnanimo, quòd subeo victus negotium: Debeo exemplo singulari eius virtutis, solertiæ, studij, quòd excussò metu non dubito illiteratus literatissimum adoriri, infirmus fortem, inermis armatum, ac tanto Duce excitatus inire alacer pugnam, tentare victoriam. Impugno itaque &c.

RHETORICA GENERATIM.

Pro Impugnatore.

*Diffata Iacobo Lapio Florentino Cum allusione
ad eius nomen gentile.*

NE mirere, Nobilissime Adolescens, expositis per te Rhetoricis thesibus ingenium illicò meum prouocari, & quasi classico cieri ad singulare certamen. Carere æmulo non potest singularis virtus, quemadmodum nec vmbra Sol. Sed & hunc ex vmbra clariorem, quàm ex radijs ipsis dispicimus: & illa tum demum triumphare cernitur, si quando aliena consequatur inuidia. Quamquàm nulla me adusserit inuidia tui, quem singulari præ alijs beneuolentia complector, obseruantia profsequor. Neque minùs temeritati vertendum, quod ego amice te impugnem, nouitius veteranum, tyro expertum, illiteratus eruditissimum, homo LAPIDEVS (fatebor ingenuè, nec sine gloria) homo, inquam, LAPIDEVS Phœbum alterum. Sequar enim exemplum Menionis illius marmorci, Priscis tantoperè memorati, qui

qui mane aduersus Phœbi radijs non tam percussus, quam animatus articulata ad miraculum voce vel arguebat ferientem, vel illucescentem salutabat. Te igitur Eloquentiæ iubar, dum ex isto suggestu nobis affulges, audebo securus arguere articulata, quamvis incompta voce, nonnullas ex propositionibus tuis, dissertationis gratia impugnans.

RHETORICA GENERATIM.

Speciatim de Oratione pro Impugnatore.

Oppugnaturus theses quàm scitissimè per te depromptas ex GALLI RHETORE (ingeniosissime Adolescens) etiam Moderatoris mei nutu, non mea me sponte procingo, non magnopere tamen reformidare non possum nouitatem prouinciæ, quæ nentis inopiam, & consilij peritissimo cuique facesserit. Quem nimis hic lapidem primum moueam, aut quid contra dignitatem Orationis pertentem, vnde non miseram mihi protinus ruinam consciscam, & periculo temerario certissimum exitum creem? It quidem siue tu viceris, Generose athleta, ego causa excidero, Orationis firmitatem irritis meis conatibus periclitatus. Siue ego ictoriam eripiero, Orationis certè causa integra persistet, quod ræsidio ipsius, & armis ex hodierna dimicatione triumphauimus. Quid igitur? Ignauum est silentium, si audax, ac temeraria oratio. Sed & ipsa audacia ingenuitatis fortè comes est, & ipsa plena consilij temeritas. Audebo igitur: Et, vt iucundum vobis, Ornatisissimi Auditores, exhibeatur spectaculum, Oratione unitus cum Oratione ipsa congregiar: vt eadem ipsa, quæ mihi ma suppeditat, campum quoque certaminis præbeat, ac segetem triumphi. Arguo igitur contra, &c.

RHETORICA GENERATIM.

Pro Impugnatore.

Cum allusione ad nomen gentile Propugnatoris?

IE, quantum argumenti amœnitas ad disputandam allicit; sodalium æmulatio prouocat, Institutoris imperium cogit: tumdem absterret, ac reuocat cum tua spectatissima virtus regie Condiscipule) tum quod præfers acceptum à maioribus

F

nomen

nomen sanè plenum auspicij. Ità quod felicitatem tibi certam portendit, id mihi infelici prorsum auspicio vertitur. Nam quis non brauium cui cederet à certamine Rhetorici curricula, constanti vaticinio proclamauerit, cum primum accepit, decretum ex alijs Franciscum Cursium, qui decerptas ex Auctore RHETORIS positiones publicè propugnaret? Eum quippe non tam cursurum in stadio valenter, quàm gloria præcursum aduersarios, ipsa nuncupatione præiudicium non ambiguum faciente. Ego igitur quid prodeam tecum in arenam initurus negotium, aut quid congregi tentem infirmus cum valente, tardus cum præpete, nouitius cum veterano? Recreat me tamen illud, atque erigit, quod nullius existimationis cum sim, nullius nominis apud sodales palæstritas, uti nihil deperdam in certamine superatus, sic non parùm aliquid parauero similem tui Athletam aggressus: ut sin minus eruditionis atque ingenij; solertiæ certè atque honesti ausi commendationem apud hunc florentissimum spectatorum cætum mihi iure pollicear. Impugno igitur duas ex tuis positionibus, &c.

RHETORICA GENERATIM.

Vel quævis Scientia generatim pro Impugnatore.

D Edignarere, metuerem, congressum meum (magnanime adolescens) nisi perspecta cum multiplici ista eruditione singularis tua virtus, & in summo gloriæ fastigio ignara fastus modestia meum confirmaret animum, incitaret ingenium. Non enim iniuria delectum Athletarum habebat Alexander iam tum, ephœbus, Magnus ille vel in ætate paruula, cum aliquando inuitatus curriculo decertare; Sanè, inquit, si habuero aduersarios Reges. Et verò quid Magnus, nisi cum magnis concurreret, eò illustrioris cupidus palmæ, quò similiorem fortitus aduersarium? Tua te strenuitas (nobilissimè candidate) in eò statuit honoris, ac præcellentis gradu, iure ut exprobet mihi conscientia, quòd ausim manus conferere cum Magno minimus, cum strenuo iuualidus, cum egregio gregarius, cum Imperatore lixa; denique cum rude donato, omnibus rudis donis, ac præmijs literariæ palæstræ. Ita planè, si tantum literaturæ pensum habeam, non etiam illarum virtutum, quæ præter ingenium, animum quoque instruunt, magnanimum efficiunt hominem. Itaque quantum eruditio tua, & mentis vigor absterret à cæpto aduersarium, tantum

autum prouocat facilitas ista, & incomparabilis moderatio, ut
 re maximè iuuet ab ea vinci, & cuiusvis loco victoriæ ipsa mihi
 actura reponatur. Quod ergo exponis in thesibus, &c.

R H E T O R I C A G E N E R A T I M.

Vel quævis Scientiæ generatim pro Impugnatore.

EXequor ductum Intelligentiæ Cæli mei, iussum Moderato-
 ris. Exhibeo impugnator harum Thesium spectandum So-
 lis defectionem cum horrore vulgi, sed vestra sapientissimorum
 Virorum cum altiore indagine. Si quis tantum in Adolescente
 sto, qui partes Propugnatoris agit, obseruauerit æmulam Solis
 claritatem non modò generis, sed ingenij quoque, solertiæ, eru-
 litionis: In me verò Impugnatore cornibus dilemmatum, sag-
 gitisque enthimematum instructo, Lunæ bicornis importunum
 obiectum subtrahentem mortalibus Solis faciem; habebit vtiq;,
 quod statim imprecetur, quod diris impetat viduantem omnia,
 violantem, corruptentem, perduellem Naturæ vniuersæ, quæ
 ola sine Sole iacet, ac cæca. Nihil tamen sic Solem pandit, ut
 qui occulit: nihil sic eius lucem commendat oculis nostris, ut cum
 paulisper subtrahit: nec diem tu cernis serenius illucescere, quam
 i præuixæ noctis tædio fatigatus fueris. Augetur itaque defectio-
 re ipsa fulgor Solis, crescit pretium lucis interstitio tenebrarum.
 Nequaquam poterit (quis iam neget?) eruditionis tuæ lumen,
 præstantissime sodalis, explicari latius, quàm si Lunæ subobscu-
 rum corpus, hoc est obiectorum meorum densitas offeratur. Sic
 non infausta dicenda Ecclypsis, quæ fructum mihi vberrimum
 sapientiæ ex eruditis responsis tuis, quæ claritatem tibi gloriæ
 maiorem ex obrectatibus meis importunis pollicetur.

R H E T O R I C A G E N E R A T I M.

Seu Academica generatim pro Impugnatore.

ARenam istam Palladiam dum meditor tecum (Magnanime
 Adolescens) hæret in limine animus, & secum certaminis
 enus voluens simul reuoluit Romanorum quondam fortunam,
 & Albanorum. Ecquid est (sic ipse mecum) quod Tute adoriris?
 quem denique putas casum subire? Præliaris cum potentissi-
 mo: Comminuaris ergo, necesse est, quamquam & ipse potens,

Parum est. In vnius horæ dodrante compendium moliris: Vide ne dispendium potius laborum omnium, quos latè defudasti, quos exantlasti literarijs in spatijs. Id quoque parum. Etiamnè fata tuæ classis, commilitoni committis? Horatium (credo) te tibi fingis, Curatium Aduersarium. Vide obsecro, ne occupata interitu gemino eius victoria victimam te sui portendat. Et quidem Curatius cura tibi fuerit, & sollicitudo, ne expers virtutis etiam dolos æmuleris: ne Romanam gloriam imbellis affectes: ne denique Albano victori album relinquas calculum. Sed illud animo succurrens recreat, studium longè aliud vtriusque nostrum esse; longè igitur aliam fortunam. Neque enim procingimur ad Martem cum ijs, sed ad Mineruam: Non habemus diutium, quod dirimamus, bellum; sed fœdus cum Musis nostris diutium nobili prælio constabilire paramus ad lauream immortalẽ. Erit itaque non pauendum mihi hocce virtutis periculum: Erit mihi sine sorde collectus hic puluis: Erit compendiosa hæc altercatio non sanè absque compendio; Tibi quidem (O egregie) dignitatis, & plausus: Mihi verò fructus non modici. Sic fiet, vt victus ego ab ingenio Romano, hoc est inuictus atque acerrimus; iacturam tamen meam albo lapilla, optatissimo quasi trophæo Albani ingenij gloriosus consignem. Iam ergo aggredior partem illam tuarum Assertionum, &c.

RHETORICA GENERATIM.

Sen Academica generatim pro Impugnatore.

Primo loco,

A Gunt inuitum fata in hanc arenam (Viri Spectatores) vt primus ego tantum ingenium Commilitonis adoriar. Ignorem, creditis, vulgatum illud ex contentione Decij, Fabijque problema: In prælijs vtrumnè præstet: Aduersum sustinere impetum, sustentoque hostem vrgere; An primum impetu facto premere. Ignorem ex his inclytis Romanorum Consulum, ex his belli machinis formidandis, spectabilem quidem extitisse Decij virtutem, qui acerrima impressione, immanique conatu hostilem irrupit in aciem: Fabij verò prædentiã Reipublicæ afflictæ voris magis consonam, & opportunam: quippe qui sat habuit sustinuisse hostem, vtilius fore ratus, si cunctabunda lentitudine obnitens, impetum suum ad extremum reservaret, ybi hostis calore

ore primo restincto deferbuisset a pugna. Egonè Decium amulatus, meam sin minus vitam, existimationem certè turpi aleæ committam? Siquidem ipse exitus etiam vtrique gloriosus probauit, vtri tandem fuerit sanius consilium; vtri nobilior triumphus: Atratusnè funere Imperatoris, an clarus pompa seruati? Cupressunè lemniscatus, an lauro? Nisi forte iniisse aduersarium non sua spontè, sed nutu Imperatoris: non præripiendæ palmæ, sed suggerendæ causa; vrgendi non tam pugna, quàm victoria hoc mihi fortunam sistit, hoc firmat aleam communis cum aduersario victore triumphû. Adoriar ergo te, adoraturus virtutem: impugnavo propugnaturus dignitatem: refragabor suffragaturus plausibus: inuadam euasurus consors gloriæ, trophæi collega. Quod igitur asseris in These, quæ est in ordine, &c.

A C A D E M I C A.

Ad expositionem Græci Epigrammatis dictata post ortum Caniculæ.

Καλὸν αἰνέειν ὅστιν ἀνὴρ ἴσῃ

ταῖς, οἷον, ὅς, ὅστις, τοῖς ἐνάλις καὶ αὐτῷ.

Ομηρ. Οδυσ. α.) Vsurpabo fidenter hoc ex Homero inuitamentum, ubi parem encomio Poëtam expono N. (*exprime nomen Poëtæ, cuius interpretandum est epigramma*). Neque enim timeo reprobari mihi leuidensæ operam: quasi vel vulgarem è poëtis electum habeam, vel genus argumenti de triuio apud hunc gratissimum cætum auso temerario meditatum. Qualis notæ censatur hic noster, & qualis in literaria Republica celebritatis, in prius profectò essem in vos, Viri Auditores. literarum non tam lumunos egregios, quàm parentes, si adscitis testimonijs, aut reuensis ingenij illius opibus, planèque gemmeis carminibus laborare in hac parte quidquam vellein. Ipsa vulgatissimi nominis appellatio ignaris instar est testimonij cuiusvis, & encomij. Nec uto fore vestris absurdum auribus, quamquàm seueriori acrobatum stylo assueris, quid poëtica hodie pertractem initia in rimis auditu, & ad delicias ingenij nata; non illa solum de iusa, vt amoenitate ipsa materiæ vestras paulum demulceam, solibus æstiujs ægras mentes, præsertim cum solito nunc vehementius (vt ait Homerus) κέλιον παίδων ἐπιδίδκται ἀκρίτως: erùm quia, cum Poësim dico, nihil minus, quàm Philosophiam interpretor. Vnum enim vtrique istarum est spatium, quod pro-

currant,

currant; vna utrique meta, quam teneant, quamquam studio dispari: Vnus idem Roscius in scena productus, sed varia in persona. Miratur hoc aliquis tanquam liberius dictum? Miretur potius ipsius Poëseos conditionem, quæ hoc ipso (inquit Magnus Albertus) quod hominem in admirationem adducit, dat modum philosophandi. Minus autem est, modum dare, & quasi classicum philosophaturis canere. Vultis eam amplius in philosophicis catervis militantem? Poësis (subdit Albertus) ratione metri quo ad mensuram subest Grammaticæ, quod ad intentionem pars quadam est Logica. Ego verò maius aliquid subijciam cum Strabone, Ex dicto videlicet sapientissimorum inter veteres: Primam quandam Philosophiam esse Poëticam, quæ ab ineunte ætate ad viuendirationem adducit: quæ mores, quæ affectiones edoceat, quæ res generosas cum incunditate præcipiat. Adhuc illud maius, quod idem asserit Strabo, posteriores antiquis literatos: Solum Poëtam sapientem affirmare. Exemploque dictum roborat, quod Græcorum Ciuitates ab ipso primordio liberos suos in Poëticam erudirent non id utique voluptatis, sed castæ moderationis causa. Minus est igitur, quod miremur obseruantem Quintilianum, sententijs poëtarum non orationes solum esse refertas, sed etiam libros Philosophorum; & quamquam inferiora omnia præceptis suis, ac literis credant; non fastidisse tamen à pluribus versibus auctoritatem repetere. Est ideo poëtica salis, sed conditum sapientia dictum Homeri, in Clytemnestræ custodia esse poëtas, cantores, & castigatores, ut qui Philosophi sint, & ex Musis omnia sciant. Siquidem ad cantum nascuntur poëtae, & ipso munere *συμπερίστας*, idest castigatores quondam agebant. O verò nostri temporis cantores aliqui non tam à Græco *αἰδούρες*, quam *λαϊδοίτες* à græcando. O poëtae mero plus operæ dantes, quam Homero. An non sapientissimus mortalium oraculo cœlesti prænunciatus Salomon nuncium vino remittendum putauit: isti mero innatantes affectabunt sola appellationis græcia, ut se se & *αἰδῶν* hoc est cognoscere, & *αἰδῶν* planè cognoscere omnium rerum absoluta comprehensione glorientur? Iam demus poëtis, oportet, philosophicam lauream; & quemadmodum Platonem ex vsu frequenti allegoriarum fateri poëtam cogimur; ita Maronem, & quisquis alio idiomate paribus vestigijs incescit, philosophum agnoscamus, dum ille sua in Æneide quasi tabula depingit allegorico penicillo vniuersam moralis philosophi disciplinam. Nihil verò interest, cur in lyceis seuerum exhibeat philosophia super-

periculum, in theatris facile; cur illic fenticosa monstratur, hic florida; illic acutè differat, hic amantè. Neque enim eadem na est ætas hominis, cui formando illa studet: neque genius imper idem, qui licet sagax, & vegetus, amat nihilominus ocia egocijs interponere: & curarum contumaciam iucundis identica commentationibus castigare. Quamvis

Εἴθ' ἔτι λυπῶν ἐκφυγῶν, ἢ δ' ἡμέτερον

Αἰετὶ καὶ νῦν αἰς τὸ φροντίζαν φέρει.

Quare si neque infans solidioribus scerulis arridet, neque lacte abhorret penitus grandis ætas, cum & senectus miseri immonis vnus lactis alimento è filiæ mammis diu steterit: Ira puerorum teneritati instillatur per fabellas poetarum instar la- tis institutio ad sapientiam: nec importuna redditur hodie pe- ca dissertatio in cætu virorum illorum, qui à multis cum foren- bus curis, tum clamoris scholæ congressibus fatigati iucundius quid appetunt, quo recreentur. Ergo agite, & N. vatis elegan- simum epigramma ex præscripto artis interpretandum excipite.

GRATIÆ.

Ratio vobis de more acturus pro præstita mihi facillima au- dientia, duo illa ex antiquo Monosticho iuste proferam, um mihi competens, alteram vobis. Nimirum

Καὶ ἐν λαβῶν μίμνησο, καὶ δὲς ὀπιλάθῃ.

Ita fiet; vt & vestra vobis humanitas iam nunc oblitterauerit mente gratiam, & mihi æternis eam notis inculperit.

RHETORICA VEL ACADEMICA.

um Disputatione de symbolo Academico OCYLATORVM in Op- pido Piscia apud Hetruscos, dicta à nobili Discipulo
Ioanne Chelio.

Tanè verò, Pisciensis, Academia nos tandiù caruerimus? Ita- nè Hetruriæ hæc ora lectissima pulcherimæ quondam ditio- s caput, Florentis Reipublicæ sedes, postmodum verò vrbani- tis omnis, & cultus politioris emporium, illud habuerit negle- um præsidium, vnde omnis potissimum efflorescit vitæ ciui- splendor, & traditi à maioribus Imperij stabilitas in omnem- osteritatem protenditur? Itane homines externi ab remotissimis rris appellentes mirati fuerint in agro Piscienti faciem hanc ri- ntis benigniùs Naturæ, saluberrimi Cæli clementiam, inex- haustam

haustam aruorum vbertatem, atque cum vbertate certantem telluris amœnitatem quâ placidè surgentis in cliuos, quâ desidentis molliter, & in plana se se pandentis: Commendauerint ad hæc maritimi portus propinquitatem, sinuigarum commoditatem. Urbium, lacuum, fluminumque delicias, ingenia cum primis incolarum viuida, & ad egregia quæque munia maxime præcozem indolem: Tot verò istis, tamque præclaris Naturæ beneficijs haud liberaliter respondere viderint consilium maiorum nostrorum in decernendo, more illustrium nationum, Ephebio, educandis ingenuè nostris liberis, quos ad propagationem fortunatissimæ Patriæ tam munificè nobis, ac splendide sydera largiuntur? Itanè, dico, industriam illam nostram nulli gentium posthabendam vnis aut congerendis pecunijs, aut exædificandis magnificis tectis, aut theatralibus ludis instituendis, aut saltibus auerruncandis dilatandæ culturæ terrarum, aut demum conquierendæ sumptibus infans domesticæ supellestili contulerimus, nihil curiosi, nihil solliciti de publica morum disciplina, in qua quidem veriores sitæ sunt hominis opes, quæque omni securius patrimonio filijs atque nepotibus transmittuntur? Fortunatam verò nostram ætatem, Auditores, quæ duas ipsas vno nascentes tempore Academias videt, quibus vt binis cardinibus subnixæ, nostra Pisciensium felicitas vertigine immortalis perennetur. Sed vna fundatorem ac Principem veneratur? IOANNEM RICCIUM Præfulem nostrum Illustrissimum: Altera Serenissimorum Principum auspicio parentem colit suum Octauium Boldonium huiusce Sodalitatis Antistitem. Illa virorum est, hæc adolescentum. Veteranorum illa in castris literarijs, hæc tyronum. Illa rudem emeritis decernit, hæc stipendium rudibus: vt propterea vnâ ab altera distrahere nefas sit, quando illi ista adiutum munit, & per hæc iuuenilia studia grauioribus ijs ingenij periculis perbelle proludit. Gratulor itaque vobis etiam atque etiam, Viri Academici, vestram in tam præclaro consilio primigeniam gloriam. Gratulor & vobis, Adolescentes egregij, consortem istam, concordemque Academiæ fortunam. Gratulor demum Patriæ vniuersæ hoc ipsum, quod in commune redundat, bonum; felix illud, faustumque ab immortalis Deo, ac tutelaribus Dijs apprecans. Sed mihi adolescenti dabitis hanc veniam, Auditores, vt meam potius Academiam hodierna serenissima luce exornem, (quando altera nec patitur puerilem meam, & pene infantem eloquentiam, nec suos hætenus desiderauit robustos & consummatos oratores, sua nimirum dignos ætate, ac

suo

io Principe) & quàm præclaros ex mea fructus ingenij, quàm
 ximia commoda tum priuatæ rei, tum publicæ præstolari liceat,
 xposito recente ipsius symbolo de more solemini patefaciam .
 Ioc igitur esse placuit Academiæ nostræ symbolum: In agro
 ampestri compositum retibus aucupium. Stat suppositum in
 medio nemusculum è cædua quereu. Circum cauea frequens ca-
 tuas pellices auiculas tenet, fallendis, nimirum peregrinis
 quarum ecce grex aduentitius specie varia, sed passere præfer-
 m, & pica, è ramis, quibus vix tum infederat, dum retia su-
 e traiciuntur; ocyssimè auolans, insidias aucupis eludit, collu-
 itque desuper inscripto lemmate FRVSTRA LACITVR. Ad-
 idit autem ad illud Salomonis, Prouerbiorum primo: *Frustra*
reitur rete ante oculos pennatorum. Simul ipsis peropportuna
 ministrat Academicis nomen OCVLATIS. At huius bonita-
 tem Symboli (quoniam mihi etsi immerito Censorij fasces obue-
 erunt) vbi Academicæ consilium exposuero, vos vna mecum ad-
 ibitâ disputatione, ceu lydio lapide probabitis. Agite iam,
 auditores, qualis in illo campestri agro campus excultis ingenij
 beritur? Quàm non modò ad dicendum spatiosus, sed speciosus
 tiam ad contuendum? Videlicet in hoc ludicro studio perquam
 rium acroama percipitur: in agresti scena polioris vitæ refe-
 untur exempla: denique in aucupio aucupari fas est pari cum-
 uctu, ac voluptate, quid tandem nostrates ephæbi apud Patres
 arnabitas affectent. Quemadmodum enim hic aues tum sagaci-
 te sua, tum exemplo monitæ oculatissimarum comitum picæ,
 e passeris capturam retium ingruentium effugientes, natiam
 bi tuentur libertatem: ita vitiorum illecebras, quibus ferè iuuen-
 is patet, declinare parant Academici, ad egregia excitantes
 idole, prouocante exemplo, coëuis corruptis (si qui fuerint)
 ustra insidiantibus. Sed exponamus rem planius, Auditores.
 grum campestre placet nostram nuncupare Patriam, excul-
 tum olim (quis neget?) iam inde à suo exorsu vetustissimo publi-
 s, priuatisque institutis puerorum, velut ad messem ditissimam.
 quæ vestigia huiusce culturæ agnoscitis Ciuēs? Heu inquam,
 iues, ergone sola dabitur agnoscere vestigia tantæ culturæ? At
 is, Adolescentes, agnoscite in campestri agro horrentem agre-
 s animi faciem. Cognoscite quid tandem felicitatis, quid soli-
 boni inimica Virtutis Voluptas pollicetur. Incultus hic ager
 x offert viriditatis nemusculum despiciatum; ne illud quidem
 tium (si benè cauetis) sed infititium: Videlicet si quæ spon-
 untur deliciæ intemperatis hominibus, adscititias illas, & breui

Sole ætatis periturus intelligite. Nec afferunt voluptatem conventu suo: auculæ dispositæ; sed fraudes afferunt, dolos attrahunt: dumque omnia circum modulationibus complent, ubique læqueos incautis tendunt: Cautis verò vobis, atque OCVLATIS argutè detegunt hoc typo, declinandum esse non animo solum, ac studio ab assentatoribus, & corruptoribus morum, sed commercio quoque, & vsu, atque adeò conspectu ipso, luuenes, procul auolandum. Hocce nos Oculatos Orbi probabit, hocce hominis dignos nomine. An verò Princeps animantium ideo censetur homo, quia sensuum instar brutorum inseruit cupiditatibus, paret blanditijs, motibus obtemperat? Nec potius dignitatis, seu (melius) Diuinitatis conscius, generosa velut Auis, arrepto mentis volatu in oras Cœlestes liberè expatiaturus euehitur? Sed quid ego hic pluribus? Iniuriam facio Sapientiæ vestræ i Viri Audiiores; Ingenio vestro; Adolescentes, huiusce Argumenti sensa curiosius pertentans. Nec mea interpretatione, Viri, opus habetis, qui vel mutum picturæ sermonem optimè capitis: Nec luce mei sermonis, Adolescentes, qui satis per vos OCVLATI, nouistis inter communes coëuorum tenebras deprehendere, ac declinare larentes insidias. Agite nunc. Discepremus si placet, de propositi Argumenti bonitate. Patescit campus, prodeamus in medium.

Oppugnant duo ex Academicis Prioris oppugnatio.

EXquisitum prorsus, & ad Polycleti normam absolutum argumentum pari cultu orationis persecutus fuisti (Egregijs moribus & ingenio Adolefcens) planè vt nesciam, quid hic potius demirer, argutiam commenti, an à styli amœnitate. Certant inter se ambo; nec tam tueri dixerim alterum alterius dignitatem, quàm vtrumque inuicem de venustatis palma contendere. Nam illud, vnde bonitas argumenti commendatur, summum præfert acumen in summo compendio; Hic varium ac multiplicem florem in campo patentissimo latè diffundit. Illud in angustijs bellissimum est; Hic felicissimus in amplitudine. Denique nihil illi adimi; Huic nihil addi meo iudicio potest. At quemadmodum olim in Eunomij lyra cicadam confedissee aliquando ferunt, & quacunque poterat vocula concentum fidum, delicatissimum prosequutam fuisse, æmulam Principis Cithæredorum argutissimam: Non absimili ratione cum symboli nostri encomia tuæ ipse vocis mellitissimos nervos feriens concinueris,

Ego

Ego qui & ingenio, & eruditione vix impleo exiguae cicadæ numeros, interpellare audeo orationis tuæ concentum, & quasdam voces fundere, quibus encomia ipsa non magis interrompens, quàm distinguens, eo iucundiora circumfistentibus reddam, quo garuliores eæ, ac insuauiores videbuntur.

Illud igitur primum carpi posse à Zoilis video in Argumento proposito, quòd figuram ornaueris eo lemmate (FRVSTRA IACTIVR) Te enim in huiusmodi disciplinis amœnioribus verfatissimum præterire non puto, exponi quandoque singulariter figuram, quandoque lemma: Vt ideò vel consuetudinem hanc summorum ingeniorum damnandam vel alterutram certè partem in argumento nostro redundantem fatearis. Neque enim religiosè minus cauetur, nequid huiusmodi argumentis necessarium desit, quàm nequid luxuriet: Cùm vel ipsi apices in lemmate ad examen vocentur. Præterea cùm ex proprietate figuræ perueſtigandum sit arcanum mentis consilium eius hominis, à quo propositum argumentum: non video, cur istic & euolantes aliàs aues ex retibus, & aliàs in caucis, ac laqueis tentas defendere tutè possis. Nam vt probatur eruditis viris figura singularis ac simplex, ita hæc multiplex, & varia improbetur, necesse est; cùm intuentis mentem confundat veriùs, quàm illustret: & quæ operibus hijs elegantiam varietas affert, auferat ea potissimum huic operi humani ingenij maximè portentoso.

Propugnatio.

[Ingeniosè admodum nobilis alumnus Palladis obiecit Argumento nostro, felicior (credo) quàm illi ipsi, quos in Argumento cernimus capiendis auiculis retia expandentes. Verumtamen quod fuit ingenio fictum ingenio item faciliè resoluetur. Non inficior equidem occurrere passim lustranti monumenta eritorum lemmata aliqua singularia in clypeis, aliqua item symbolica sola figura contenta. Sed illa in numero Argumentorum minimè censerì, quandam autem constituere commentì speciem ab argumentis nostris discretam, quod placet nomine lemmatis, aut epigraphes, aut etiam epigrammatis nuncupare. Porro huiusmodi apertissima succurrit ratio, quòd id genus lemmata sententiam uètoris absoluunt, ipsaque per se absque figuræ præsidio oculos ètoris implent. Sic ædes Iasónis Iuris consulti celeberrimi in urbe Ticino apud Insuabres frontem lanuæ exornant illo lemma-
(*Virtuti Fortuna comes*) Aliter se habent Argumentorum Epigraphæ,

graphæ, quæ nec se ipsis absoluunt sententiam, nec destinatum Auctoris absque figuræ accessione significant. Nam quod figura singularis absque lemmate nomen obtineat Argumenti, est id quidem verum, sed rarum, ut omnibus proiade Argumentis commune esse non possit. Ea verò conuincit ratio. Cum enim aperire meditetur Auctor suæ mentis consilium per aliquam figuræ proprietatem: cuilibet autem rei proprietates complures accidunt, consequens illud est, ut ad vnam ex proprietatibus secernendam opus sit additamento lemmatis, seu dicti, cuius peculiare munus est proprietatem aliquam designare; nihil quippe in mentem hominum cadit, quod non externa imagine referri posse debeat. Cum autem nulla rerum aspectabilium non huic negotio seruiat, iure ac merito præcipiunt eruditi, ut figuræ nubat lemma. Nisi fortè figura ipsa instar phænicis, singularis ac vidua consistere magis gaudeat.

Deinde quod obijcis multiplicem figuram, aues nimirum alias euolantes ex retibus, alias in caueis & laqueis tentas; Addam ego & retia, & nemusculum, & casam Aucupis, & arbores circumfatas, quæ quidem vniuersa multa sunt, & specie discretæ. Vno autem verbo satisfacio, omnia hæc in vnum congregi, constarique ex his omnibus vnum aucupium. Quare vnus figuræ locum in Argumento tenere.

Concessio Oppugnatoris.

Egregia planè solutio, Præstantissimè Sodalis, vnde argutus quoque argumentum istud reddidisti.

Posteriors Oppugnatio.

IN hoc leporis aucupio, in hoc ludentis ingenij spectaculo iucundissimo, quod per te (Censor Optime) communi Academicorum nomine expositum nemo non suscipit: Ego, quantum est ingenij meracies, tam laudo illius aucupis industriam, quam plaudo Volucris bellè declinantibus insidias. Quam enim non fallat è pennato grege tam scite composita captio? Quam non titillent salientes (etsi captivæ) concinentesque ad amorem hæc illic nobiles auculæ? Quam non capiant demum, ne dum rapiant fictæ ad illecebras vocalæ latentis aucupis? Qui, quod olim præstitisse fertur Parrhasius expicto vuae racemo, id iste simulata voluctum argutia, & garrulitate mirum in modum consequitur.

Sed

ed quoniam Pictoris meminimus, liceat mihi instar illius quoniam Sutoris de Appellis tabula iudicium ferre, quando id Argumentum Apelleæ instar tabulæ iudicijs alienis hodierna luce subiicitur, & ingeniosissimum inuentum ingenijs Academicorum cœcis in medio collocatur.

Videri igitur potest illudendus hic ludus, ut qui casu nitiur, hoc est fortuito euentu. Nam quod effugiant hic aues insidias, tribuendum fortunæ est, cum fiant plerumque captivæ: acus id genus aucupij uti futile nequaquam vsurparetur. Quis porro nesciat niti Academica argumenta qualitatibus rei certis atque perpetuis, ut ex ijs certo, non fallaci tramite ad intelligentiam deducamur latentis consilij eius hominis, à quo expositum Argumentum? Hinc historias ab argumentis quidam excludunt, & siquidem ab exemplis pendent rerum gestarum, quæ semel, ut perquam rarò succedunt. Absurdior videri potest vsus humanæ figuræ, quam scilicet Paulus Iovius Argumentorum academiorum inter Magistros Princeps ab ipsorum finibus proscripsit: ut ideò brachium illud, & manum protentam ad retia contrahentia, contrahere satius fuerit, & cum reliquo Aucupis corpore, quod latere in casa fingitur, amandare. Quare provideant Academici, ne hic ipse Auceps, intentus insidijs, aduersus ipsorum existimationem machinari videatur.

Propugnatio.

S Vtorem ut ageros, non tam modestia suavit, quam solertia, & deporque ingenij. Nec enim calceorum, ut Apellomastix ille quondam, sed conceptionum mentis sutor tam belle expressit acu ingenij, & sermonis cheleumate collocatam infauste operam ab aucupe nostro, ut instar racem Parrhasici, non voluerum ocellos, sed virorum mentes circumspicientium fallere potueris, & ut malè de argumento nostro suspicarentur, suadere. Non erit autem difficile, ut opus tuum fictum esse, non factum demonstrarem. Nam quod casus, sicut & historia, congruat argumentis, id via duplici consequi potes, ratione, & auctoritate. Quorsum enim, assumis figuram, nisi ut ex eius certa proprietate, quam lemma explicet, consilium Auctoris latens intercedente similitudine aut proportionem deprehendas? An verò negabis proprietatem huiusmodi non minùs à Casu, atque Historia, quam à re naturali peti posse? Siquidem virisque accidere multa quiddam est, quæ cum sententia nostræ mentis conveniant. Et quam-

quamquam absurdum est, versantem in Sole accendere lucernam, aut facem: placet nihilominus ex innumeris vnum exemplum subdere: & illud ab Aresio recenti scriptore probatum; scilicet Gordianum nodum præcisum, adiecto lemmate Italico (*Tanto monta*) à quo quidem scriptore alia multa congeruntur, quæ tam historię materia sunt, quam casus (vt ita dicam) miracula. Nam quis non in casum refundat incendium illud authoribus Græcis ad extinctionem Urbis Troiæ excitatum; ad eius tamen dimidium elanguens: Et ipsam in argumentum semiuistam Troiam, assumpsit probatissimus Auctor, cum Epigraphe (*Tenant Danai quæd deficit ignis*). Quamquam quis nostrum à casu petitem dixerit? Quis fortuitum vocet, quod etsi rarò, secundum naturam, nihilominus cadit? Rarum fuit, imò singulare, quod in transmittendo fluuii cæcus & claudus mutuam sibi operam, ille pedum, hic luminum locarent: hinc autem pro Emblemate proprietatem discernere non dubitauit auctor nobilis. Quod itaque sæpilis captiue, rarò liberæ equant ex retibus volucres, non ideo naturalem ijs facultatem adimit ad capturam. Reliquum est, vt quod obijcis de humanæ figuræ vsu, amoliar. Quid amoliar dixi, cum stet à nobis Bargalius censura illa argumentorum severissima? Hic quidem humanæ figuræ admittit partem ad figuræ ipsius vel sustentationem, vel decorum; cuiusmodi foret Hominis manus etiam cum brachio accensam tenens facem, aut enssem nudatum, idque tam familiari apud scriptores omnes exemplo, vt & superuacaneum fuerit rei probandæ, & literatissimo tibi iniurium, pluribus probare. Quare manus cum brachio extenta hic ad superam tenendum, cum nihil præter adminiculum, aut decorum præset, immeritò reprobatur.

Concessio Oppugnatoris.

Illudentem me huic ludo elusisti mirificè acuta, & erudita responsione.

G R A T I Æ.

Habemus ergo (Academici) i symbolum nostrum quo literaria in Republica dignoscatur à cæteris, ne gregarij, ne numerus habeamur. Quid igitur est reliquum, nisi vt institutum felicissimo auspicio studium prosequamur alacrius? Magnum, quiddam est, quod spondemus, quod nouo isto nomine profite-mur. Altius equidem præfiximus scopum, quò studia, quò niti-us ingenij, quò meditationes omnes, atque omnesque inendamus:
cultum

tum animi, decus familiæ, ornamentum patriæ (Adolescens pollicemur. Quid tandem illud sit, vos, OCVLATI scilicet, videtis. Enitendum igitur omni contentione, vt facta veris, initijs exitus, fides promissis respondeant: nec tam æquetur concepta spes, quàm superetur à vobis. Vestra autem paratia, Viri Auditores, me Censorem Adolescentem, omnium iura dignum impune apud vos disputasse, vt maxime, mihi; ita maximis semper gratijs prosequar, encomijs publicabo. Dixi.

RHETORICA, SEV ACADEMICA.

*Id dedicationem libri nostri, cui Titulus est DIES ATTICI
Ioanni Arias Maldonato D.*

Hæc formulam quoque præstabit noui generis præfationi.

æ tota in laudibus occupetur præsentis viri, cui Theses dicantur in quacunque scientia disputandæ.

Etiam absenti viro inseruiet, substituta secundæ persona tertia.

Prodeunt Dies Attici è caligine ingenij mei in communem aspectum: atque ex te, Meccenas optime, lucem quærunt. Idacior fortasse Operi frons videbitur, quod nocturnas lucubriculas dignas equidem nocte, libuerit inscribi Dies: sed & opportunius consilium meum; quippe subsseciuas tibi Horas (si nen vel momenta horarum superant ex continenti ista serie blicarum rerum) audeam egq Diebus occupare, Teque ex iundissimo recessu Mineruæ domesticæ Athenas vsque Atticas ducere. Sed illa me duplex ratio causatur, & quod ipse minime peregrinus es in Græcia, Græcis à puero literis pari cumendore, ac Latinis excultus: & quod vmbra tua obscuris alioin operibus lumen impertit. Nimirum ea parentem habet Son dici, ac lucis opificem; illam (dico) claritatem auiti stemitis, quàm Tute à maioribus acceptam vel illustrasti nouo rorum accessu, vel gloriosius obscurasti. Diem profecto igno, qui ARIÆ Gentis ignorat laudes. Literis, Armis, Pruntia, Religione, claros Gentiles tuos iam fama omnis ætatis iuitur, omnis nationis historia prædicat. Viuit adhuc (vt firm reliqua) tuis deuota Scepbris Galatia, quæ Arium Myrrhum prouin-

provinciæ Regem ultimum, Ariæ stirpis satorem primum ostendat. Tu verò tantorum heroum heres dignissimus, vnus omnium virtutes absoluiſti compendio: Arma Literis, Literas Armis anticipi meditatione conciliaſti; vt eadem diſputanti laurus, ac dimicanti pangeretur. Et quaſi id quoque ſupinum eſſet otium, traduxiſti feliciter ad forum quidquid vel hauſeras in lyceo, vel caſtris apparaueras: Hiſque omnibus ad corruptæ ætatis exemplum coronidem feciſti pietatis cultum. Non appellabo hic teſtes. Etiam num auditur vocali præconio celeberrima toto Orbe Academia Salmaticenſis, quæ te dudum Iuris Interprete per gradus omnes, ac ſedes gloriatur. Auditur Inſubria, quæ tertium excepit Aduocatum Fiſci: quæ communis annonæ Conſervatorem, fundatorem pacis, iuſtitia vindicem diſcillimis temporibus experta fuit. In quo illud ſuſpexit prodigij ſimile, cum interrogà ſimul, ac ſago publicam rem incredibili virtute curaviſti. Si quidem provincijs plurimis magni momenti conſectis, cum in Patres Conſcriptos demum adlectus eſſes, renuntiatus præterea. A Conſilijs Catholica Maiestatis, Regius in Inſubria reditum (vt aiunt) Annatæ Præſes, Reuiſionis generalis publicarum, atque Regalium rationum Iudex Regius, pro Magno Cancellario ad Comititia tunc pacis vniuerſalis ablegato: tot, tantisque muneribus honeſtatus, dicam, an oneratus? non modò pacatam adminiſtrationem rei Ciuilis pro dignitate iniuiſti: ſed vno ſimul tempore præuiſti rei bellicæ, irrumpentibus Gallis, A Conſilijs Iuſtitia militaris, ſupremuſque cum imperio Præfectus. Quamverò opportunè Catholicis copijs? quibus tuendis non ſatis putuiſſes conſilium, ni manus quoque cum hoſte ſæpe collatas adhibuiſſes ea ſueceſſus gloria, vt tantumdom inuidia conſlaueris tibi, quantum alijs ademiſti ſpei. Sed enimverò mores tuos integerrimos, ac ſtudinm in primis Chriſtianæ pietatis inuidenti neceſſe fuerit inuidiam omnem in admirationem conuertere. Tu accipe lætis oculis, quod à me ſyncera fide traditur munus: nec patere inuidorum conuitio deliteſcere in tenebris, quod clariffimo tuo nomini nuncupatur, &c.

G R A T I A.

Sic ferè dicenda.

N Villa hæſtenus mihi candidior DIES, quam ex præſentia tuæ fulgore (vir Ampliſſime) quæ & nebulas ex meo reſoluit

soluit ingenio, & purum veritatis cernaendum exhibuit. Diem hanc igitur lapillo candido felicissimam consignabo: lucis verò tuæ præsentiam mihi communicatam nigro in marmore, sed aureis notis iucundè gratus inscribam.

RHETORICA, VEL ACADEMICA.

Ad Excellentiss. Principem Sacri Rom. Imperij, & Eminentiss. Cardinalem S. R. E. Theodorum Triultium.

de Clericis Regularibus Diui Pauli optimè meritum.

Cum in Collegio ipsorum primario Ad Diuum Barnabam Mediolani literario apparatu exciperetur anno 1631.

Habita.

In aditu Collegij ab Auctore, Allegoriam Solis suggerente
Triultio Stemma.

Sit felix, & faustus aduentus tuus, Cardinalis Amplissime: sit felix, & faustus tibi, & nobis. Non quemadmodum Sol iste Cælo spectabilis cum aduentat, fouendis æquè, & exurendis quis exoritur: serenando Cælo iuxta, ac procellis turbando: ca:faciendis Scythiæ populis, vnâque Mauritanæ incolis atro core fœdandis. Nam & auiculæ mellitis cantibus, atque vno impore maledictis & probris Æthiopes erumpentis Auroræ coniectum intendunt. Nos verò, Collegium, Ordo vniuersus te beuntem has ædes Diuinum quasi Solem ignarum iniuriæ, profusum beneficiorum agnoscimus: Roseam istam faciem iam inuito stemmate prælucentem accensis diu votis præstolamur: ureum os pretiosi roris opificem salutamus synceris, sin minis gutis nuncijs. Vtque aduentum exoptatissimum purpureis istis iadrigis sollicitet, etiam atque etiam comprecamur. Ergo agè

Ingredere, ò Prasul, plaudentia limina Panli:

Prasul, in aduentu pectora nostra beas.

Ingredere, Antistes, Cælum, quod lumina pandis

Ingenij: Antistes, tu miæe blanda facis.

Ingredere, ò Princeps, Orbem, in quo Palladis artes

Florescunt: Princeps, vox tua dulcis alit.

Si Cælum hæc Aula est, si Orbis, si Pallada seruat:

Tu Sidus, Phœbus, Iuppiter almus ades.

In recessu .

G R A T I Æ .

TRiultui tuo (Cardinalis Amplissime) obijcimus ternas Charites: Vt, quando illius fereuitate nostros hodie beasti cum oculis animos: harum nos benignitate præsentia, sin minus nostrarum facultate virium, grati aliqua in parte erga tantum Principem, & Patrem habeamur .

LOGICA, SEV SCIENTIA GENERATIM.

Non est, cur desideret Regales delicias meditatio literaria, quæ Homini Regiam amplitudinem in Aula mentis ipsius honorificentissimè ostentat. Ac quemadmodum in Aedibus Dynastarum cum omnia occurrunt oculis magnifica, ac digna Principe Domino; tum in primis suspiciendæ veniunt deambulatoriæ porticus, in quibus præter structuræ, & molis elegantiam, augent hinc inde prospectus decorem disposita alternis per seriem longam Signa marmorea, pictæque tabulæ, suos inter artifices de principatu certamen cientia. Ita propemodum habemus, N. N., in homine literatura decorato, cuius amœnitatem ingenij duo illa munera potissimè commendant, quæ hisce in congressibus atque umbraculis eruditorum obeuntur. Vbi solenne primum est proludere oratoriè ad Scientias, quas quisque proficitur; tum disputando excutere per obiecta argumenta propositas illarum Theses. Quid enim aliud est Oratoria dictio præterquàm species quædam Picturæ? Disputatio verò inter Doctos quid nisi sculptum Signum? Sed Picturam inter & Sculpturam hoc interesse nemo nescit, quòd illa adiectione existit, hæc detractio: Ibi apponimus colores tabulæ, umbras coloribus; hic planum scalpimus, plenum euacuamus, rude deterimus; scilicet præfamur in rem nostram cum laude Scientiæ, cuius dignitatem conquistis luminibus orationis, aggestis coloribus artis Rhetoricæ, figurarumque dicendi pigmentis iconicè repræsentamus, quo in ipsam Scientiam oculos circumfistentium animosque conuertamus: Deinde instituta disputatione patimur libentibus animis oppugnare, imò verò prouocamus vigentes, vt scalpri obiectionum quasi detrahente veritati, euadat tandem per responsa Propugnatoris Simulacrum ex verò illius Scientiæ, oculis omnium spectatum simul & probatum: At ego quidem expositurus hodie de more Theses

Theses Logicæ (vel Physicæ, vel &c.) ad publicam disputationem; intelligo superuacaneum omnino fore alterum ex hisce muneribus, hoc est Oratorium. Forem enim profecto iniurius huic consessui, quoties Logicam (vel Physicam, vel &c.) disciplinam, audare aggredider apud laudatissimos viros cum in omni disciplina, tum in hac ipsa, quæ suos istic agnoscit Apelles, ac suos arrhasios. Est igitur reliquum, ut propositis Thesis permissim scalpris ingeniorum vestrorum acutissimis, & validissimis elaborandum pulcherrimum simulacrum.

G R A T I Æ.

EN Logices (vel Physicæ, vel &c.) simulacrum hodierna disceptatione perfectum. Gratia equidem non mihi debetur, sed vobis, quorum est scalpro tantum opus produit in lucem. Ipsum igitur erit vestræ virtutis partus idem, & præco.

LOGICA GENERATIM.

In exordio annuæ interpretationis in Pisana Academia.

Quærelam illam plerisque mortalium familiarem, qui prona quadam censura suam obiurgant ætatem ignauitæ, præteritas quasque florentes ac beatas deprædicant, quo præsertim longiore antiquitatis tractu recesserunt: hac certe nostra ætate, hoc Cælo nostratis Etruriæ auspicatissimo haud dubia cum antiquorum invidia conticescere intelligitis N.N. Habemus nos quoque Xyppos nostros, Apelles, Pyrgoteles; Habemus, & Alexandros, qui se nullo, nisi illorum vel scalpro fingi, vel pingi penicillo, vel sculpi adamante iubeant non edicto, sed merito. Ferlinandi nostri Serenissimi non minus verendum sceptrum, quam adorandum ingenium sentit non sine triumpho Etruria, sentit simul Italia, Europa omnis, ac dissitæ procul oræ sentiunt, in quas vel recto radio, vel repercusso felicitatem longè dispensat. Festis hæc ipsa Academia consummatissimæ sapientiæ, quæ sicut indigenis iuxta patescit, & aduenis; sic aliorum promiscuè potendis ingenijs, aliorum politis ostentandis, ut nullæ usquam gentium Academiæ, constanti tenore felicitatis floret, & ita floret, ut nisi iure ab omnibus nationibus encomia sua exigeret ordinandus, qui est de omnibus tam magnificè meritis, priuilegium hoc sibi ista vindicaret, suo quoque Magno Mæcedone gloriosa. Et quidem ea secula candido lapillo notare solent Scri-

ptores, quibus Martiali silente classico aurea in pace exercentur negotia, excoluntur commercia, aluntur studia fabrorum, prouehuntur conatus, ex quo breui immutata rerum facie nouus & splendor urbibus, & ciuibus opulencia, & Aulis maiestas felicitibus incrementis accedit: Nihilo tamen melius foueri, ac stabiliri pacatum imperium, quam cultu liberalium artium, ac disciplinarum, cum ipsa per se demonstrat ratio, tum aggerata periculis ætatum veterum memoria testatur. Ita verò res habetur, Auditores. Respublica non nisi in multis nititur, communi societate vitæ, communi iure domicilij fœderatis. Ad vnum autem omnes tendant, omnes conspirent, necesse est, quò omnium opes iuuentur singuli, atque à singulis omnes opem accipiant. Atque vt in humano corpore vnum ceteris membris præstat caput, quod excelsiore loco Natura constituit, quasi in Arce Regem satellitio sensuum stipatum, quorum opera toti corpori regendo, conseruando, moderandoque vtitur; sic planè in Republica vnus præsidet, veluti caput, ciuibus, populisque Rex, conseruator, moderatorque omnium, vt eorum tamen, quibus imperat, opera, vt i, consilio iuuari, satellitio muniri necessum habeat. Non sat igitur administrandæ ciuitati, si Rex præcelso instructus ingenio, si opibus præditus Sapientiæ præsto fuerit, ni simul subditis palæstram eandem exercendi ingenij, theatrum idem ostentandū patefaciat, easdem cum ipsis gazas literaturæ communicet. Opus omnino est capiti ministerium reliquorum sensuum ad vitam, Regi ministerium subditorum ad regimen. Et quemadmodum humani corporis Respublica collatis membrorum cum capite facultatibus continetur: sic ex Populi cum Rege collatis ingenij ingenium quasi vnum conflatur, proferendis ad Ciuilem administrationem consilij. Egregiè, sicubi Plato, asserturus beatitudinem ciuibus, regnare præcepit Philosophos: ciues dicam hic ego antè Philosophos, rectè postmodum è Lycæo ad Regiam, è Cathedra ad Solum, è Pallio ad Purpuram, è Stylo ad sceptrum traducendos. Philosophandum igitur prius, & quidem cum multis, quorum vsu & contubernio excitet sibi quisque vel desiderium animum ad inquirendam sapientiam, quorum experimentis commodius poliat ingenium, obiectis exacuatur, præceptis informetur, iuuetque ita protritum quotidianis certaminibus puluerem philosophicum Olympiaco gloriosius collegisse. Conferre iam ex annalibus Orbis (Viri Auditores) tam multa terrarum Imperia, Monarchica, Aristocratica, Democratica, Quam vario illa fato defuncta! Siquidem aliqua tenui facta stipite, sed firmis adultarici-

dicibus annosæ veluti quercus ad multa seculorum feliciter per-
 arant. Alia contra in oitu ipso aspirantibus Zephyris floren-
 a repente canuerunt, speciem Rosæ caducam præbentia, cuius
 igorem Regalis purpuræ (vt scite cecinit ille) Vna dies aperit,
 onscit vna dies. Scilicet vbi literaturæ flos viret, ibi viget Im-
 erium, quod ab illa suos omnes, quibus nititur, habet nervos.
 nec aliud (nisi fallor) elicuit Platoni illud, præceptumne dicam,
 i suspirium? certe vocem vouentis Politici, dignam studiis om-
 ium mortalium, qua voluit deferri Philosophis sceptrum Reipu-
 licæ. In eam quippe artem calamitosissimam incidit Platon,
 iæ principatum totius Græciæ multiplicem vna tyrannidis fa-
 ula referebat, claudente catastropha miserrimæ seruitutis bono-
 am, deletionisque Ciuitatum. Verum (ne longius diuagemur)
 ندنâm clariùs orationis nostræ lumen petemus, quàm ex ME-
 NICEO Principatu? Quem à culti splendido ingenuarum ar-
 um auspicatum quid miremur successum ætatum subinde melio-
 rē, ac fortunatiorem habuisse? Alios Viros Principes pro va-
 etate ingenij, alio atque alio studio dissentos memorant prisco-
 am scripta; atque ita dissentos ac defixos, vt ausis iugentibus
 egias suas opes prodigerent, gazas exhaurirent. Sic Cyrus Me-
 orum Rex ædibus suis tantum insumpsit, quantum fasset octa-
 o constituendo Orbis miraculo. Sic Templo Hierosolymitano
 onstruendo, ornandoque Salomon Rex haustam diuinitis fa-
 ientiam splendore diuitiarum cumulauit. Sic hororum Regi-
 bus delicijs postremam lineam fecit Alcinoi magnificentia.
 ic Marcus Scaurus excitato Romæ Theatro vastitatem suæ men-
 s, opumque superbiam ostentauit. Sic mœnibus Urbis Troiæ
 i passum millia quadraginta circumductis, quisquis ille fuit,
 omo certè mortalis, Diuinitatem apud Ethnicos comparauit.
 a verò Principis nostri ingenium quanto nobilius instituendæ
 iuentuti, quàm excitandis molibus; colendis virtutibus, quàm
 pparandis delicijs intenditur? Quinquàm ne desiderari quidem
 i se se patitur excellæ mentis exempla, vnde & parem se probe-
 remoratis Principibus, & iure Magni titulum Ducis supra Ma-
 imos quosque occupare. Nam si magnificentiam Ædium quæ-
 mus, quid illa Regia Florentina magnificentius? Si Templo-
 am sumptuosum cultum, quid illa ipsa in Vrbe Templo Lau-
 eatiano sumptuosius? quid cultius? Si hororum delicijs; quid
 ortis Regiæ illi adiacentibus, quid confitis passim ad delicias
 illis amœnias? Si Theatra, habemus inibi ampliissimum, ope-
 i exquisito, sumptu Regio. Denique si Urbium miracula, est
 est

est quidem cernere nouum Liburni, Urbem in continenti maritimam, innatantem terris pelagum, firmam in fluctibus plagam, continentem simul contentam; Vt ingenio FERDINANDI parum fuerit vicisse hominum mortalium conatus, à quo victam se se fateatur Naturæ opera. Hæc, & alia explicauerit Heros noster ad pompam, nisi Pisana Sapientiæ fulgor instar Solis reliquum omnem in Principatu suo splendorem vti nocturnum lumen inuolueret. Quid enim Princeps Florentinus meditetur, nisi vti florentem reddat, conseruetque Regni sui provinciam? Non aliter superbis tectis felicitas Ciuum, sed spiritibus celsis: Non vouet sumptum æris in Templis, sed affectuum victimas: Non tenetur delicijs hortorum, quibus persæpe virtus corrumpitur: Non habet opus theatro, ipsa sibi theatrum simul atque spectatrix: Non denique mœnibus altis attollitur, sed magnanimis factis, tanti æstimans vrbes lateritias, quanti marmoreas: Quæ quidem omnia nullo ex fonte manare perspicuum est, præterquam ex publica ista cultura Sapientiæ. Nam si liberalitate Principum in Artifices tantum nitoris accipiunt Mœchanicæ disciplinæ, vt plures è fortunæ sordibus educantur familiæ, erigantur iacentes in gradum, respirent ab iniurijs oppressæ, floscant miseræ, fortunentur; quid est, dicamus, consequens de artibus ingenuis, de studijs honestioribus, si quando Magnos Principes Mœænates habuerint? Quàm faustè tractari videritis habenas Reipublicæ? Quàm prospero cursu teneri Regni clauum? Quàm propitiam conciliari fortunam populis? Sanè quisquis Regiam illam porticum Florentinam inuisit, ibique varias eas lustrat officinas excellentioribus huiusce ætatis fabris largo stipendio conductis attributas, protinus mirari desinit famæ sonitum de Principis Etrusci magnificentia peruagentem, deque operum Florentinorum pretio, pretium omne superantium. Nec enim alia manus, quàm MEDICEA tam nobile hospitium fabrilibus artibus instruere valuit; nec inde, nisi exquisiti, & nusquam temporum spectati artificij opera proferri possunt. Cedat tamen, oportet, Academia illa Pisana nostræ, quantum Mœchanicæ nostræ liberalibus cedunt. Cedat literali nitori fabrilis. Vix siquidem hic obtinet partem in publica felicitate, quem vel Tyrannorum impotens dominatus excluso literarum cultu seruauit. Itaque duplici potissimum iure prænomen Magni videtur sibi vindicare FERDINANDVS, quod artes vtriusque ordinis ita fouet, vt nec Mœchanicæ alibi liberalius, nec liberales splendidius habeantur. Hæc verò consummata gloria est felicissimæ Reipublicæ,

blicæ, vbi virtutes vniuersæ eminentia honoris Duces Fortunam comitem facile exorant. Quid inquam Virtutes? ipsum vnum. Virtutis studium iam ciere Fortunæ fauorem, testis est concessa. hæc mihi modo Sedes Logicæ disciplinæ interpretandæ. Quantum enim est, hominem adolescentem inter tot summos viros, tyronem inter veteranos, nouitium inter emeritos iudicio tanti Principis adnumerari? Vix dudum Auditorem Sapientiæ, iam renuntiari Doctorem? atque ab auribus ad linguam, ab exhedra ad cathedram, à Lauri ad rudem vocari? vix in ludo spectatum, iam laceffiri in palestram? nondum probatum in vmbra, iam Sole dignum censer? adhuc versantem in Templi vestibulo, ad moueri protinus Aris, sacris præpositum hecatumbis? Vt propterea sit mihi cauendum etiam atque etiam, ne, quæ me nimium attollit Fortuna tantæ omnino imparem prouinciæ, periculosiore ad ruinam gradu suis ludibunda successibus collocare videatur. Gratias igitur habere Serenissimo Magno Duci, cuius annuente benignitate honestissimum hunc locum accepi, meæ quidem sunt partes: Vestræ autem fuerint, Humanissimi Auscultatores, tenuitatem meam fulcire, humilitatem erigere, inopiam subleuare. Ne quando resstantem Fortunam culpa mea præsentiam, quam hætenus beneficio quoque vestro assstantem experior. Dixi.

LOGICA GENERATIM.

Adsun vestrum in adspectum producturus Magiam: Ne me propterea præstigiatores Magum suspicemini. Adsum delecturus arcanum Chymicum: Neve circumforaneum hominem in hunc cœtum grauissimum putetis irrepsisse. Tantum abest, vt ego cum Demosthene strangulatus audiam ARGENTANGI-NVS, quin argenti nouandi ipsa mentio fauces mihi oppido quàm dilatat, atque ampliat, beneficio potissimum alieno, cuius quidem præ meo longe studiosus huc accedo. Ac ne vos pluribus reuorer, ita statuo: Venenum illud omnium rerum, quod est Plinio Argentum viuum, quod vulgo Græcorum Hermes, nostratium Mercurius hac ipsa, qua de loquimur, arte mirificum euadit in huius vitæ mortalis calamitatibus leuamentum. Magice, quæ nostris est Philosophia, cuius vtrique portio Chymica, imbutus sit penitus, oportet, non tantum aspersus, quisquis è Mercurio conflare argentum intendit. Quantum est enim, instabile metallum sistere, irrequietum domare; è fluido solidum, è liuido pellucidum efficere ad vsus splendidos Principum, ad
sordes

sordes egestatis, opum inde contractarum cumulis abstergendas? Ac nequis venalitium sermonem hunc meum esse in morem Agyrarum existimet, Chymicen longè aliam subintelligo, aditum tutum expeditumque ad Magiam pandentem. Procul hinc verò metus anginae, vbi eloqui liberè, vbi dissertare vocaliter, vbi disputare acriter datur citra erroris periculum, citra victoriæ ambiguitatem. Logicen hic mihi volo, Auditores, quàm pressè, & bellè Tullius ex ethymo græco Rationem differendi definiuit. Ecquid, cedo, viuacius ingenio humano, & varios ad errores, nisi ratio ac discipuliina contineat, paratus atque procliuius, prorsus vt argentum viuum nihil illo magis adumbrare videatur? Quàm verò ad amissum, & quàm è propinquo petita sententia, promptum cuique est vèl sciolo obseruare, qui huic metallo nomen apud veteres Græcorum commune cum illo esse animaduerit, quem ingenij, quem sermonis, quem negotiationis Præsidentem colebant; quem alis instructum expungebant ad motus celeritatem exprimendam; quem moliendis fraudibus, quem furtis patrandis, quem texendis mendacijs versatilem adeò faciebant, vt non immerito ipsum sibi tutelare Numen delegisse Respublica furum, commento poetarum falso feratur. An vultis percrenseam hoc loco, quàm multa, & quàm fœda in errata prolapsa fuerint ingenia cæteroque egregia veterum Philosophantium, Logices Arte nondum adinuenta? Eset hoc profecto & imprudentis hominis, & impudentis quoque tam multa breuissimo complecti velle spatio; ac vos Auditores in scriptis veterum versatissimos erudire. Quamobrem quòd modo ingenij nostri natua mobilitas procul à lapsus discrimine subsistat, quòd caligo in lucem desinat, quòd rationis peruersæ vitium in pretium transeat rectæ dissertationis, debemus id totum Chymicæ nostræ miraculo, debemus Logicæ facultati, quæ vna inopiam animorum nostrorum dicit, quæ ad opes incomparandas, rerum scilicet omnium tam creaturam, quàm perenniter ab immortali opifice Deo creandarum intelligentiam, complanata reliquarum disciplinarum via traducit. Huiusce tanti arcani pernoscenti siquis vestrum sitiens est, accedat, & mentis aciem in ea, quæ per me mox proferentur, intendat.

G R A T I Æ .

Chymicen alteram nisi Natura prospexisset, per quàm gratiæ agendæ penes homines humanos, referendarum æquirunt æstimationem, quomodo ego inopia pressus possem pro beneficio humanissimæ vestræ attentionis, immenso gratias referre pares?

pares? Retulisse itaque confido, quas ego in præsens vobis gratias immensas.

LOGICA GENERATIM.



Perfremat licet hac misera ætate, lano adaperto, discissus turbulententer in partes Orbis terrarum: quando vel nos literarum cultores, hoc est iurati amasi pacis in partes scindimur. Fulguret minaci vultu Bellona, fulminet ad rixas Iupiter, tonet indignabundus Mars: Nos quoque sani nostri Apollines recludimus fores ad bellum, & ipsum belle ciendum. Pugnet ille positus nullo non loco, nulla non ora castris, permixtis rebus humani generis, utriusque Solis concusso cardine, ipsa (dixerim) Cœli tranquillissima facie corrupta, vitata. Nostra nos etiam statua tenent procinctos ad pugnam, excitos, implacatos. An bellis Mars imperitet solus, quem non verentur imbellia à Parnasso Numina acri æmulatione laceßere? Nam quod ille in campo, atque acie instituit, hoc ista in licæis, hoc in cathedris, hoc in vmbraculis aggrediuntur, ut scite referretur antiquis Præses literarum Pallas armata. Quid enim? Præsto sunt nobis ad tegendum, ad feriendum arma omnigena. Quippe pro ensibus sunt syllogismi, pro pugionibus enthymemata, pro lanceis inductiones, pro telis exempla. Tormenta requiritis? Diuinæ sunt auctoritates: Balistas? Humanæ. Responso, quid nisi clypeos faciant? Distinctiones, lorica & ægida? Glossæ, galeam? Negationes, valium? Instantiæ, fossas? Conclusiones, arcem? Inuadendus est hostis? Informationibus vimur. Effugiendus? Digressionibus à re propolita. Insectandus? Repetitis obiectis. Vnde verò melius obsidetur, quam dilemmatis, hoc est cornutis argumentis? Vnde receptus paratior, quam concessionibus? Vnde certior clades, quam absurdi alicuius admissione? Vnde clarior victoria, quam ex Aduersario errati confessione expressa? Vnde cædes acerbior, quam obiectione ignorantia? Denique vnde gloriosius fuisset armis confodiri Inimicus; quam si sua in ipsum retorqueas argumenta? Planè est. Siquis vestrum auct experiri, expectat argumentationum arma, dirigat disputationis aciem, impugnationem intenet in arcem nostrarum Thesium, quas in conspectu statuo pro virili mea parte propugnandas.

G R A T I Æ.

Receptui iam canitur. Dimicatum satis. Verum quod meæ feliciter defensæ sunt Theses, illi dandum est gloriæ, qui &



nomine, & auctoritate Sapientiæ opportunum subsidium tulit: Quod verò acriter imperitæ, ingenio vestro (Viri studiosissimi) tribuendum; qui nec detrectastis cum pumilione gigantes congregari. Ergo disputationis series, vestræ fuit virtutis; fortunæ verò meæ, successus.

LOGICA GENERATIM.

I Niturus hodierno cætu de Logicis theorematibus disceprationem (Ornatissimi Viri) imitabor musicæ artis consultos, quibus in Chorum confluentibus, iamque procinctis ad cantum, solemne est proludere teretismate, seu id peritiæ commendandæ gratiæ, seu magis conciliandæ adstantium attentionis. Igitur artis meæ à me prolixum encomium, ut à plerisque solet, ne expectate, Auditores. Alumnus Logices pressio gaudet sermone, non laxo: Laconicum familiarem habet, non Asiaticum. Non enim fucatam speciem habeo vanalem exponere, sed nativam, ac synceram; neque indigentem præcone ad sui commendationem pretij, sed se ipsa contentam ad insignem quamvis captandam auctorem. Quid ergo? Proloquatur paucis Africæ oraculum, quid de mea disciplina sentiendum. *Hæc, inquit, Ars est Artium, Scientia Scientiarum: qua aperta, & nota omnes alia aperiantur: ignota, & clausa omnes alia clauduntur.* Magnificè id quidem, dignumque Augustino, hoc est augustum, si quod aliud, encomium. Coronidem fecerit non ignobili commento philosophus ex novèteris, qui Logicæ notitiæ necessitatem expressurus in tabula, Clavem expinxit, superinducta epigraphe NON SINE HAC; quasi non sine Logica recludi possint cæterarum disciplinarum thesauri. An verò de vlla omnino re certò quis differat, quamquam literatura multiplici præditus, ingenio præcoci donatus, usu longo, experimentoque vario institutus, cui defuit huiusce artis adminiculum? Errabit (quis dubitat?) eò longius, atque enormius, quò sua se fidentius prouehet intelligentiæ opinio. Naufragabitur tanto miserius in scopulos erroris, quanto plenioribus velis eruditionis fidetur disciplinarum pelago: Ruct foedius in præceps ineptiarum, quò audacior ad apicem sapientiæ tentabit gradum: Hæc, inquam, hæc fiet, nisi indicem viæ, quàm premat: nisi versoriam, qua proram intendant, nisi tritum, vestigijs callem; quem ingrediatur, consultus, ac prudens quætiuerit. Quid plura? Teretismate prolium satis: Vobis expertissimis plus quàm satis. Iam ergo tantæ Artis meditationem è vesti-

gio aggrediamur, licet: eius necessitatem disputatione commodius, quam prædicatione probaturi.

G R A T I Æ.

T Eretismate proludens sponderam cantum; sed ecce stridorem reddidi. Præcinui ergo ad strepitum, fraudavi vestras aures, sine fraude tamen, Viri ornatissimi. Iam strepitum compensabo silentio: sed proclamabo tamen æternam patientissimam vestram, semperque inuictam attentionem.

LOGICA GENERATIM, VEL DE SCIENTIA.

N Atum ad scientiam se nouit esse, quisquis natum se nouit: quisquis usu, imò etiam sensu probauit Aristotelicum illud rudimentum *Omnis homo natura scire desiderat*. Verum & Hercules ad labores natus, in biuio quandoque substituisse fertur hæsitabundus, eius ancipitis viæ distractus illicio: Et nobis, qui literarijs laboribus deuouimus caput, nescio quod biuium ludentia, obijciant fata destruendis melius, quam distrahendis ingenijs accommodum. Vix enim quasi recens editi infantes queritamus iuidissimi Naturæ parentis papillas, lactis sapientiæ esuriem natiuam expleturi, quo vno lacte nos alij, quo vno viuere posse arbitramur. Cum ecce velut excepti gremio cuiusdam larvæ, nanisue simulacri, deprehendimus elusi vix formam extantem, naterni pectoris turgescens. Cæterum neque lactei humoris iudiciam manare, neque mammillas vllas teneri. Hoc nos sepe offendimus, Auditores, admissi primum ad studia scientiarum, nec mirari desinimus dissidium illud veterum (philosophantium dicam, an bacchantium!) quorum alij cum Zenone scientiam ponebant omnem vel quorum sola subiret nobis opinio, suspicio, uel aliqua oboriretur: Alij verò *ἄντιστοιχῶς* omnem è medio tollebant rei cuiuscunque scientiam, quos tu si cum Arcefila Academicæ conditore Philosophos nominandos putas, admittere ridiculè cogeris nouam non philosophandi Philosophiam, nouamque rescindi Scientiam. Sed neque ab istorum declinans Charybdi, uitabis illorum Scyllam. Et quidem (vt cum prioribus congruam) si verum id omne est secundum scientiam, quod quiuis foret opinatur; quidni verum esse fatebere, quod & mihi opinio inierit, imò inculcat, tuam istam de Scientia assertionem à veritate linea toto Cælo aberrare? Neque secus posteriores urgebo: qui si nullius omnino rei scientiam probant, iam ipsi se ignaros

venditant, & suomet placito nulli nisi insipienti placendo egregium præiudicium faciunt. Qua in re (ingenue dicam Auditores) nihil æquè ciet mihi stomachum, nihil bilem æquè turbat, atque horum insana disceptatio, quos tamquam rei literariæ perturbatores damnari perpetuo ostracismo oporteret relictis vix nominibus ad execrationem posterorum. Quis enim Philosophiam acrius Philosophis istis impugnauit? quis fœdilis euerit? Siquidem aduersas in partes cum isti abierint vtra nos; quæso, in parte Philosophiæ sedem statuemus? Vtraque certè non possumus: neque enim stabit intestinis prælijs Ciuitas, nec secum ipsa pugnans veritas consistet. Vtramuis igitur partem probemus, certè alteram reprobabimus. Alterutra quippe ita sibi veritatem adscribit, vt hoc ipso proscribat aduersam: Ita se proficitur sapere, vt desipere alteram consequens ponat. Sed, vt subruit vna alteram, ita ariete mutuo ab altera subruitur, expugnatrix eadem & expugnata. Ambæ igitur stratae, ambæ euersæ altera alterius impetu: nec secus ac Spartiatæ illi Poëtarum, sic se inuicem iugulantes vt neutra sit superstes. Quippe gladium ambæ, quo feriant, habent, quo se protegant, scutum non habent. Corruat itaque cum huiusmodi Philosophorum sectis ipsa quoque Philosophia, necesse est. Cautius alij istorum casu admoniti statuerunt, & sciri multa, & multa nesciti, nec vndique idcirco tollentes scientiam, nec vbique ponentes. Cui enim tam præceps amentia, & ingenij furiosa temeritas, vt Artes tam multas, quas hætenus ad humanæ vitæ siue præsidium, siue ornamentum ratio naturæ dictauit, frequentia vsus inuexit, experientia multorum firmavit, vnus ipse impudens refractarius, ne dum imprudens neget? Ipse vnus consensu tot sæculorum perspecta, ac definita ab Astrologis Solis ac Lunæ cursum, recursum, ortum, occasum, defectionem: Ipse à Medicis corporum naturam, humorum qualitates, herbarum vires, & lapidum, mixtorum temperamenta, morborum periodos: Ipse à nautis statuum accessus, recessus, regiones, dominatus: Ipse ab agricolis naturam terrarum, vicissitudinem tempestatum, imbrium futurorum indicia: Vnus ipse, dico, ab alijs atque alijs aliarum artium obseruatas frequenter, ac traditas constantissimas præceptiones summa sibi vsurpata censura retractabit? reclamabit aduersus concordēs omniū voces? philosophabitur eiurata communi Philosophia? sapiet probatæ omnibus desertor sapientiæ? Latent nos enimvero non pauca, quæ nec pudet Philosophos fateri occulta naturalium qualitatum, latentes sympathias, reseruata

Natu-

Naturæ ipsi arcana, indissolubiles homini griphos, arctiores cuniculo nodos. Itaque prudentes magis, quam sapientes suamet inscitiam specioso titulo, idest admirabilitate Naturæ honorare conantur. Sed parcere iubet ignorantiae ingenuitas: neque nimis fato licet obistere, sed enitendum est potius, ut quemadmodum industria, atque usus maiorum dedit hætenus nobis multum, sic nostra posterorum patientia, & labor inuictus alia subinde dijecit scientiæ rerum absoluendæ, ingenijs nostris consummandis. Quamobrem pretium operæ me facturum paravi, Auditoris, si de Logica primo ad scientias abstrusiores vestibulo (*vel, de Scientia nobilissimo in Logicis argumento) disputationem apud os scientissimos viros instituero.

G R A T I A E.

Scientiarum vestibulum inscius ego ausus sum scientibus vobis recludere. Gratias nunc benignitati vestræ debitas sciens committo. Tantus enim cumulus excreuit meritorum in me vestro, ut licet cum Zênone scirem omnia: Nescirem tamen in hac parte cum Arcesila dignas meritis vestris gratias proferre.

LOGICA, VEL DE SCIENTIA.

Perischorum quorundam, quos Philosophorum censui adscripsit vulgus, digna sanè spectaculo videtur mihi illa disceptatio, quam de Scientia instituunt, non absumilis ei, quam turba olim mendicantium Cœcorum, furore non minus armata, quam baculo, atque in arcto conclusa spatio, opinione fraudatæ iniuriam stipis commississe fertur. Nam ut se quisque & purum scientiat illius fraudis, & pulsari tamen insolentissimè ab impuris sentiebat, nimirum dictum, sed magis visu, ut alius in alium totis exertis viribus, intentis nervis, atque disiecto quaquaversus calce baculi nodosissimo contumelias minis, minas verberibus, verbera stridoribus asserens centena conijceret: vnâ & laceratus lacerasset, tunsus tunderet, ictus sæpe suos frustrans, sæpe alienos incautus excipiens; spectaculo tam cæcis ipsis acerbo, quam spectatoribus curiosis iucundo. Sed quæ nobilior temeritas, quam veterum illorum super quæstione de Scientia? Cœcorum utique propria. Nam ut placet Peripatetico *Literarum expert non videt videns*. An non eos illiteratos appellem, quibus Scientiæ ratio incomperita penitus est? Quippe ista tractatio elementa prima colligit peculiaris cuiusque Disciplinæ, quæ in vestibulo ipso eadem

dem semper terit de Tractatu Scientiæ petita principia. Placetne vobis spectare parumper de pergula Cæcorum istorum tumultuarium congressum? Omnia sciri posse statuunt alij, alij nihil. Vtrorumque (quis neget?) pugna temeraria: Illorum, quod homini plus iusto tribuunt; horum, quod minus. Exigitur enim modus in omnibus, sine quo summis ima permixta in vetus chaos prona recurrerint. Cui autem, præterquam Deo scientia competit rerum omnium? Cui omnium inscientia, præterquam pecudi? Aliquod igitur medium dandum fuerat ex utroque temperatum; quando & media est Deum inter, & pecudem duplici conflata substantia Natura Hominis; Ecquid illud, nisi scientia, ignorantia commissa? Iam philosophemur nos pressius. Scientia nostra habet suam in Animo & sedem, & originem; est enim in hoc Microcosmo portio Cœli parallela. Ignoratio verò vique à Corpore obuenit, quod Terram non cognatam solum, sed parentem agnoscit. Ità quod Cœlum æmulamur Animo, Terram Corpore, ab illo lucem scientiæ trahimus, ab hac ignorantia caliginem: neque valet ora illa etsi superior situ, & crebris accensa luminibus subterfugere è crasso elemento cæcas eclipses. Multa itaque assequitur humana mens, ne cœcutire in luce dicatur; Sed multa simul eam fugiunt, ne sensuum corporis dissimulet, quam maximè damnat; custodiam. Cernite nunc; obsecro, veterum philosophantium cœcitatem. Physici cum quædam teneant, teneri omnia definiunt posse, atque ex apertis ad obscura quæque argumentum trahentes, caliginem ostendunt in Sole. Quid ex aduerso Academici? Hi quibusiam incomprehensibilibus sibi fortè primùm obiectis, terrentur ab reliquis omnibus, & acie Aquilina denegata abeunt sponte in talpas perpetuà cœcitate contenti. Videlicet Aduersarij nimium audacibus, nimium ipsi trepidi. Quamquàm vbi illos in tuenda scientia rerum omnium facit pugnaces audacia; sic istos in tollenda perti-naces trepidatio vsque adeò, vt neque illi pungere istos desinant, neque isti illis repugnare. Urgeamus nos acrius hanc mutuam pugnam probris, ac sibilis. Quod si omnia, ô Physici, sciri possunt, quid ni vos etiam nescire facile sciam, qui omnia scire profitemini? Quod si nihil, Academici, sciri potest, quid ni nesciatis vos quoque scire, quod nescitis omnia? Sic ambo transuersis lētibus cæcorum in morem furia augent spectaculi iucundissimi pretium. Sed remouere iam placet è spatio repagula vt fessis à prælio cæcis, & egregie tunsis ossibus, euadendi tandem libertas fiat, agnoscamusque, vt scite Peripateticus vsurparet: *Quibusdam*

usdam magis fieri opera pretium, videri Sapientes, nec tamen esse, uam esse, nec videri. Hoc namque tulit, vt optime video, insana ambitio istorum capitum; vt vel scientiam tollentes omnium rerum, scientissimi ipsi omnium mortalium obliquè crederentur, vel omnium scientiam asserentes, scientiæ omnis gloriam, vnius propriam Numinis immortalis impiè ipsi occuparent, Ego verò, juxta de Scientia pro ingenio mei tenuitate percipere paucula, potui, propositis in medio thesibus, humanitate fretus vestra, scientissimi Auditores, aggredior disputare.

G R A T I Æ.

CUm ex veriore Scientia & sciuntur, & ignorantur complura: Tum hoc vnum præcipuè, quod hodierni in me beneficii vestri magnitudinem & optimè ego scio, & quibus gratijs æquari possit, planè nescio.

LOGICA, VEL PHYSICA GENERATIM.

Item de Scientia.

TEnet stupentes, & meritò, prudentiores quoque viros veterum illorum memoria Philosophorum, qui scientissimi alioqui cum essent, & ingenio peracuto: in scientias tamen ipsas ingenia sua exacuere sunt aggressi, omnem scientiæ rationem humanis procul à finibus amandantes. Itanè verò? Struunt Scientiæ interitum, quàm habuere ingeniorum suorum obstetricem? Amasiam intestino odio; viperinoque morsu venenabunt? Operam fidelem, comitem indiuiduam, ducem tutissimam, præconem, delictum, præsidium indicto Marte, aperto campo velut hostem insensidimam petent? Veruntamen, demus, Auditores, hoc quoque monstrum in Natura stupendum quidem certè illud, quemadmodum anhelantes summi Viri ad Sapientiam, eò vsque desuperint, vt apud hominum genus laudari se posse crederent, sua ipsi studia, & vota damnantes: direscere posse abdicato patrimonio: clarescere luce submota: denique ex inscientia ipsa scientes haberi. Ego verò admirationem facillè pono, cum mihi reuoco in mentem Platonis dictum: *In his, videlicet, quæ sapimus, gloriamur, & superbumus.* Placetne obseruare parumper gloriosam superbiam istorum philosophantium asophorum? Scientia in primis (aiunt) ab ingenio nostro non manat, cogitatione nostra non comprehenditur. Proxiam enim in se ipso habere

bere scientiam, Numinis est, non Hominis. Humana verò mens si quid capit, oblatum extrinsecus capit, ut quæ corporis inclusa carcere per angusta sensuum quasi spiracula quantumcunque haurit lucem: Sed quantam illam, nisi segnem, & per reflexas rerum species mutuam? Accedamus, inquit, propius ad questionem. Scientiæ cuiusvis meta utique verum. Id autem verum percipitur, quod ita sit animo impressum ex eò, unde fit, ut esse non possit ex eo, unde non est. At percipi ab homine verum posse, falso falsius esse cuincunt rationes innumeræ. Quid enim usquam offertur menti non incertum, non dubium? Quare sit, licet, abditum nobis, atque abstrusum non minus, quam quod apud Antipodas habetur; Vtrum Sol exempli causa Orbem Terrarum magnitudine exæquet, aut superet: Luna vtrum globosa sit, an concava: Num Stellæ cohæreant Cælo, an per inane libero cursu ferantur: Denturnè intermicantia planetis alia lumina nostris oculis non conspicua: Quæ cælorum materia sit, quanta moles, quis numerus, atque ordo. Quæ nê Cali, ac Terra mobilis, an contrâ quæta Terra mobilibus Cælis: Terræ ipsius quanta crassitudo, quanta in ambitum prolatatio, quæ, & quanta habitabilis. Hæc nos, & alia id genus arcana naturæ disquirentes, sed minimè tamen allequentes implebimus Viri Sapientis omnes numeros; tanta id quidem cum felicitate, ut non modo scientiæ, sed etiam opinionis omni lege solvamus. Nihil etenim turpius (ut optimè Zeno) quàm opinari, nihil indignius, quàm falsæ opinionis periculo se committere; nihil periculosius, quàm fugitivam rerum notitiam per ancipites calles, perque inexplorata vëstigia persequi. Hæc isti. Audistisne vos ineptias? Audistis deliramenta? Audistis Magistros ignorantiae, Mineruas pingues, mangones exoticæ sapientiæ, qui nihil scientem pro sapiente diuendunt, nihil opinantem pro philosopho, nihil præcipientem pro præceptore: Denique qui gloriam Sapientis tuerentur in obdormiente homine, nihil boni, malive approbante, nihil quod rectum, honestumve sit, sequendum; nihil quod iniquum ac turpe, fugiendum, præscribente: in homine (inquam) officiorum omnium desertore, à functionibus quibusque vitæ communis feriato, à supino, à stipite, Quare si Iulio teste *Sapientia est animi sanatas*, nihil profectò mirandum, quod hæc Sapientiæ infensissima capita tam sædè laborent insania. Sed neque sanus admodum iudicari potest, qui huiusmodi deliramenta, quicquàm curanda, aut ad ea perstringenda suscipiendum sibi negotium vllum putet. Id eo magis in isto litteratorum confessu

grauif-

rauiſſimo, Viri Auditores, qui, quod ſemper à ſcientia ſteteriſ-
is, benignam hodie attentionem aurium, fauorem animorum,
propugnato mihi pro viribus * illius Diſciplinæ Aſſertiones,
quæ ad ſcientiam quamque (ſi antiquis placet) aditum ſtruunt,
acilè reponetis.

* *Vel.* Phyſicas Theſes, quæ (ſi antiquis placet) Naturæ
heſauſos patefaciunt, facile reponetis.

* *Vel.* de ſcientia generatim præcipuas theſes, quæ anti-
quorum illorum placita antiquata eſſe teſtantur, facile reponetis.

G R A T I Æ.

ſcientiam inſcius ipſe propugnaui: Alij ſcientiſſimi oppugna-
rant. Repugnantis hoc habet ſpeciem. Verò tamen verius
ſiſſe & probauit hodiernus euentus, & factò conſimili ego quoque
robabo. Pro veſtro in me fauore, Humaniſſimi Auditores, gra-
as vobis ſine vllis verbis acturus.

LOGICA, VEL METAPHYSICA,

De Ente rationis.

Ræſidem animantium Hominem non immerito Philoſophan-
tes quidam Vicarium Dei in terris: Non temerè alij Deum
terum in creatis, dignitate conditionis inſpecta nuncuparunt,
I. N. Hoc ſiquidem extolli magis quis neget Cæleſtis Condi-
oris maiestatem, nedum quidquam imminui, quo illius opus in-
trum procreatione præcipuum, conquiſtis ad pompam clario-
bus titulis in publicum aſpectum producit. An non Pictoris
æcellentiam ſpirantis penicilli tabula optimo in lumine collo-
ta, Et Statuarij incomparandam indaſtriã animatã ſcalptu-
e ſignum excelsæ impositum baſi glorioſius oſtentat? Et ſanè
iód depictam ab ſe citra vllum exemplar puellam neſcio quis
hilopinax apud Ariſtænetum adamare mox cæperit, colere, de-
rire; formoſam eam quidem, ſed mutuam imaginem, ſed ina-
mam in illa tabula, feſtiuiſſimum enimuero commentum fuit,
bellæ autem cognatum, neque à decoro Pictoris abhorrens:
eruntamen ille in alienæ demum formæ amores exarſit, &
llectas ex alia atque alia Virginum ſpecioſiſſima venuſtates fa-
e cœgit in vnum, externa dumtaxat pulchritudine viſendum,
us, & amore dignum promiſcuo. Maius quiddam hic habe-
Auditores, vbi æternus opifex quod in tempore non alienam
K imagi-

imaginem; sed propriam; non emendicatis extrinsecus, sed ex se ipso petitis lineamentis, & coloribus Hominem picturam Diuinitatis viuentein, spirantemque ad miraculum Naturæ sit molitus; miremini, cur illum; vti sibi quàm simillimum, in amoribus, in delicijs habuerit; &, ni Maiestatis obstitisset immensitas, Deum alterum fuerit effecturus? Sed vt nostram orationem studio breuitatis in arctum contrahamus; In quo (cedo) ad viuum magis refert Condito rem suum Homo, quàm quòd hic Entium, vt vocant, Realium est effector, ille Entium Rationis? Videtur per vestram fidem, cum Deo Maximo concurrentem (si fas est loqui) paruum hunc Deum. Nam nec præter Deum alius rerum ex nihilo efficiendarum habet facultatem; nec Entium Rationis efficiendorum alius præter hominem, Vsq; adeò ne cognosci illa quidem à Deo posse, quando cognitione hominis sola producantur, salua tamen Diuinæ perfectione Maiestatis, Doctissimi quidam philosophantes contendunt. At hæc, & id genus aliarum quæstiones commodum exposcunt campum, Sapientiæ vestræ, Auditores, propositis per me thesibus patefaciendum.

G R A T I Æ.

Vestræ attentionis humanitas Entis Realis quodammodo repræsentat naturam, Animi verò mei grati significatio speciem habet Entis Rationis. Nam & Ens illud in solido consistit opere, hoc in efficto. Quid autem beneficii collatione firmum, magis, ac diuturnum? Quid actione dumtaxat gratiarum fluxum magis, ac euanidum? Verumtamen ego & gratias vobis ago præfentes quas possum maximas, & habebo perpetuas.

LOGICA GENERATIM, ET SPECIATIM,

Expressis in fine capitibus disputandis.

Quæ duæ res generis nostri dignitatem supra greges cæterorum animantium extollunt, Ratio & Oratio: si earum vis, ac facultas penitus introspectiatur, præiudicabunt facile de quæstione inter Collegas meos nuper excita, vtra disciplinarum, Rhetorica, an nò Logica, humanioris titulo sit censenda. Ne, quæso Auditores, cuiuspiam vestrum mentem subeat de mea fide suspicio: quòd ipse è gremio Musarum in castra Philosophorum modò quidem traductus, atque amœnioribus dudum literis ad humanitatem imbutus, industria pari Doctoris, ac mea ipsius virili

virili contentione: nunc quasi immemor officii, atque desertor pristini instituti, ab illorum partibus, quibus huc usque studii, genio iuuenili deficiam, nequaquam ad Rhetoricen, vulgum secutus, verum ad Logicen meapte sponte, nec vllius adhuc sapientis oraculum præsentiscens inclinem. Quandoquidem vbi Ratio dicat mihi, quod Oratio proferre debeat, ecquod aliud tandem oraculum quæram certius, aut cur placitum alienum emendicem? Neque verò illud me fugit, Orationem ex placito Sapientum quoddam esse quasi Rationis promptuarium, ex quo nimirum quidquid hæc conceptum habet, atque collectum magisterio prudentiæ, promptum est nobis proferre in vitæ nostræ usum, in societatis præsidium, vnde vita ipsa fulcitur. Nisi tu fortè brutis animantibus usum Orationis esse concedendum putes; propterea quod ex pennatis nonnulla videmus sub hominum disciplina tantum articulanda voce proficere, vt non verba modò, sed & membra, & periodos Orationis, moræ hominum pronuntiare perdiscant. Tu ergo cum legeris in memorijs antiquorum, salutatòs non semel Cæsares à psittacis; cum coruos, cum turdos, cum picas in testis priuatorum offenderis lusitantes verbis, quæ didicerint; didicisse, quæ minimè intelligerent; neque secus insinuata illis arte hominum verba effutientes, quàm si in sonos, aut garritus, naturæ cuiusque congruos eandem vocem inflecterent, hos tu (inquam) animantes eo pacto loquaces, malueris loquentes appellare? Illam tu vocis affectatam articulationem, perditæ sæpe opera, & oleo tentatam; improbo autem magistri extortam labore, ad iocum dumtaxat, ad risum, ad speciem scurrilitatis compositam, Orationem nuncupabis, ac sermonem hominis proprium, qui non nisi face Rationis præuia, & quàm enuntiare sententiam, & quibus verbis congruenter pro re sibi proposita debeat, attentè atque maturè deliberet? Quare cum à Ratione omnino pendeat Oratio, cum hæc illius indigeat magisterio, cum illa prudente, euadat hæc sapiens; imprudente, desipiens; solerte, composita; hebetè, inepta; veloci prompta, (ad summam) vicariâs Rationis cum agat partes Oratio, cum pareat, cum ancilletor: quid est, quamobrem non hominis proprium magis ornamentum dici debeat ipsa Ratio, humanior idcirco cultus illius, ac humanior disciplina? Ob id præsertim, Auditores, quod vbi superiorem belluis reddit loquendi facultas, reddit Intelligentiis Cælestibus parem munus intelligentiæ, atque adeò Cælestem illi quasi Diuinitatis imprimat speciem. Neque enim pertinere quidquam credimus ad corpus, aut corporis affe-

etiones illam similitudinem, quàm inter Deum atque Hominem, intercedere statuit Auctor Sacræ Geneseos, ad eius hunc imaginem efformatum describens. Spiritus quippe Deus est purissimus, idemque simplicissimus, omnis non modo concretionis expertus, sed illius quoque in spiritu creato cadentis compositionis, quàm vocant ex actu, & potentia, incapax, & immunis. Itaque cum Superis agentem hominem non facit nisi Mens; Mentisque affectus; cum mortalibus autem mortalis vox, & ex organo hoc vocis cancro vocalis Oratio. Iam scitor à vobis, Sapientissimi Auditores, quæ cui ex his duabus facultatibus moderandæ atque perficiendæ nata sit disciplina? Rationi profectò Logicam, Orationi Rhetoricam, vel ipsi fateantur Aduersarij. Nam logos Græcis non magis sermonem aut verborum oris, quàm mentis Latine sonat. Certè de Verbo sempiterni Patris, eius nimirum, mente ab æternitate concepto magnificè pronuntiauit, & quidem Græcè ex autographo, Diuinorum ille arcanorum custos Ioannes, *In principio erat sermo*, vbi ex Latina versione *erat Verbum*. Commodius in rem nostram Diuinus Plato Rationem intelligit: Vnde perbellè Rationalem Philosophiam pro Logica nuncupant sapientissimi interpretes. Itane? Rationem Logicam perficit, facultatem hominis Diuinam, qua sese ille Superum choris ingerit, & humanam summo in gradu collocat dignitatem, non ea humanior censetur? non sceptrum tractabit inter liberales disciplinas? non exiget à Rhetorica, eiusque cognatis literis obsequium? Et quoniam in hac causa perorasse me intelligo, placet missos facere Rhetoricos, & inter Logicæ ipsius studiosos disceptionem serere de * præcipuis capitibus, quæ mox producā.

G R A T I Æ.

SI mihi humanitatem hodie vestram experto confugiendum, putarem pro Gratijs ad præsidium Orationis, nec initium dicendi vllum, nec finem reperire fas esset. Ratio igitur vna mihi indiferto illa succurrit, quòd Gratijs si minus agendis; habendis certè, & mente æternum conseruando beneficio vestro, meum in vos non patiar officium deesse.

L O G I C A A D T R A C T A T V M.

De suppositione.

DEcoxit cum fide Poëseos simul cognata dignitas Fabularum; nec ex iam, præterquam pædagogorum infelicis hodie appella-

appellationis narratiunculæ ioculares, auribus modò pusionum tenendis æstimantur. Id quantæ corruptelæ indicio sit, probat vel vna illa sacrarum literarum (poëtis interim suspectis) auctoritas, cum oraculo Principis Apostolici Senatus *τοὺς μύθους στοιχείους*, fabulas nimirum doctas habeamus nuncupatas; atque ita doctas interpretari nos iubet, vt ijs quasi scientiæ quibusdam organis (est autem scientia de rebus submotis à sensu, solaque ratione nitentibus) visum ipsum atque obtutum obijciat eo loci Diuus Petrus, suosque citet oculos testes; *Non enim* (aiens Epistola secunday *doctas fabulas secuti notam fecimus vobis Domini nostri virtutem, & presentiam; sed speculatores facti illius magnitudinis.* An verò non doctas dicamus fabulas, quas tantquam ænigmata inuentas ad occultandam Philosophiam esse tradit Vincentius Gallus in suo Rhetore abfolutissimo? An non doctas fabulas, quibus Platonem illum Diuinum eiusque sectatores omnia ferè Sapientiæ mysteria inuoluiffe videmus, vt ingenia ad eorum cognitionem excitarentur? An non doctas fabulas, quarum vsu Principem Latinæ eloquentiæ grauissimas causas defendisse, Amerina, Miloniana, Manitiana testantur? An non denique doctas fabulas, quibus aliquando aduersus Magni illius Alexandri armatam furore auctoritatem, & insolentissimam victorijs postulantiem ad necem, Oratores Græci omnes cum eorum Principe vitam suam acceptam retulere? Neque enim quidquam laborandum est vobis (Sapientissimi Viri) de vsu vulgi, deque sensu per hocce seculum barbarum populari; quasi, quoties vox auditur Fabulæ, toties fictus ad risum, toties compositus ad nugæ sermo subaudiatur. Est verò res ficta Fabula, est & facta. Quæ enim fabula docta, ea quidem ficta, sed quæ tamen veritatem adumbrat factæ, sed arcana deuelat sapientiæ, sed dogmata grauissimu cum lepore insinuat animis, eò autem viuidiùs, quo iucundiùs. Quæ verò facta est, quidni fidem demereatur audientium? quid Fabulæ dedignetur titulum, quem deferre doctissimi viri non dubitant? Quasi non verè illud factum, & ex fide indubia famæ communis, argumentum ad persuasionem præualidum sibi velit Hieronymus, latinitate purissimus inter sacros Scriptores, ac eloquentiæ gloria Tullius Christianus, quum Castrutium quemdam per literas consolaturus super orbitate oculorum, exemplumque allaturus de Dydimò cæco, quem quidem Diuus Antonius Abbas coram fuerat consolatus, hanc ipsam germanam historiarn, vt quæ per omnium ora ad eruditionem circumferretur, titulo donauit Fabulæ, ita præfatus: *Et ne veteres replican-*
do hi-

do historias longum faciam, & excedam mensuram epistola, breuem tibi *FABULAM* referam, quæ Infantis meæ temporibus accidit. Audistisne Hieronymum? Audistis Historiæ, Fabulæque reciprocata vocabula? Audistis euentum rei nequaquam commentitium, aut è suspecta antiquitate petitum, sed ætate prima enarrantis ipsius Hieronymi, sed fama recenti, atque aures viuentium, adhuc pulsante? Dispeream, Auditores, nisi hanc vocem in sacro argumento, de re veriore veris, Sanctiore sanctis, omniumque augustissima vsurpatam produxero. An verò Christo Domino Hebræorum machinationibus, post proditionem, contumelias, verbera, in Crucem sublato, atque extincto quidquam verius factum, atque certius? an quidquam simul auditu sanctius, ac religiosius? Et quidem ea de re agentes in itinere discipulos Christi duos historicus Euangelicus cum describeret, colloquutionem hanc fabulam appellat, *Et factum est, aiens, dum fabularentur.* Fabulam (suscipite, hinc licebit) non nisi historiam damnati extremo supplicio Christi Dei. Fabulam enimverò tristem, & longè lugubrius argumentum tragædiæ, cuius gratia mœrorem præferentes discipulos seiscitantes Dominus, *Qui sunt, inquit, hi sermones, quos confertis ad inuicem, & estis tristes?* Quorsum verò hæc, Auditores, à me differuntur? Nisi vt specimen exhibeatur eius, quæ mox disputanda prometur, doctrinæ Logicalis; cuius præsidio cum alijs multis præceptionibus errores, ac fallaciæ argumentorum, veluti Phœbæis radijs atræ nebulae dilabuntur, cum ijs quæ de Suppositione traduntur, vnde sophismatum, & elenehorum scatebræ frequentiores, nullo negotio præuertuntur. Hæc ita cum sint, tam alacres mihi vestros polliceor animos ad auscultandum, quæ fallacijs dicendi retexendis conducunt, quàm scio, faciem veritatis speciosissimam adamare.

G R A T I Æ.

VIndicaui (vt audistis) à contumelia vulgi, Fabulæ nomen ferium & graue: Vindicate vos mei, Humanissimi Viri, à nota ingrati apud vulgum. Et pro admissa vobiscum fabulatione mea hodierna, gratias quas ago ex animo, tenues per se licet, officij pleni loco accipite.

LOGICA SPECIATIM.

De Syllogismo.

P Arcētis Naturæ admirandum in varietate, ne dum spectandum decorem cum multa passim in hac rerum vniuersitate circumferentibus se se oculis ostentant, tum ingenij humani alia & alia, atque adeo aduersa alteri alterius propensio, facultas, ratio in primis declarat. Cur enim quædam permagno constare alibi gentium, perparui verò alibi videmus, nisi quod pretium rebus & æstimationem non quæ est eadem ipsa materia plerumque facit, sed magis hominum arbitrium, & libido? Interest autem omnino, vt sensibus alienis ac votis obsecundet quisquis rei alicuius præclaræ molitor, primusque inuentor auram sibi populatam, ac nōminis celebritatem contrahere inde parat; quo fir, vt quædam opera oculos teneant imperitæ plebis, fugiant autem prudentum aspectum: quædam contrā neglectui plebs habeat, quæ prudentibus nullo satis sunt pretio exæquanda. Ac pingua quidem & crasso Cælo edita ingenia in ijs ferè desiguntur attonita, quæ vel inuentum aliquod mæchanicum operosiore artis industria elaboratum offerunt, vel pompæ sumptusue magnificentia lenocinantur sensibus corporis, quæ tamen omnia ingenijs liquidiore sub Cælo translaticia sunt. Itaque mirentur alij eburneas illas quadrigas musæ alis intextas, & nauim similiter pennis apiculæ: Alij in gemma annuli expressum lineolis casum Phæthontis; In Achate alij Musas nouam cum Apolline impressas: Alij alia quasi solertitæ mortali homine maioris argumenta: Alij hortorum Alcinoi dignas magno Rege delicias; magnificentiam Salomonis auro, gemina, supra numerum, supra fidem. Quanto secius alij sapiunt, qui sola literarum monumenta pro cimelijs, pro gazis æstimant, quorum vnus pro omnibus fidem orationi nostræ faciat Iulius Scaliger, fortunæ quidem bonis ad splendorem insignis, opibus autem ingenij eminentior, ac rerum rectus æstimator, cui tanta in admiratione fuit elegantia Odarum Horatianarum, vt similem illis vnā ab se compositam mallet, quā totius Tarraconensis sceptro potiri. Quod si tantum à Sapientibus tribui videmus Horatianæ Musæ, quid de Aristotelica formula Syllogismi pangendi iudicandum? Cuius enim rei gratiā potissimè natum est carmen, præterquā delectandi? At Syllogismus (dicam ipse) docendi; neque id segniter, sed neruose;

sed

sed pugnaciter ad auerruncandas fallacias, ad veritatem intrudendam quocunque in genere disciplinæ. Quàm latus hic mihi patefcit campus ad eius laudes, vos videris, Auditores: Siquidem quàm multis obnoxium est dolis malis ingenium hominis? quàm ardua, & inacceffa ad veritatem via? At illos quidem Syllogismus retexit, ne captent philosophantem, hanc verò expedit, vt facilis pandatur. Vultis huius rei periculum ipfimet facere? Ego de ipfo Syllogismo pofitiones dum profero difputandas, exerite ipfi veftros, atque in arenam pugnaturo defcendite.

G R A T I Æ.

A Vdiftis, Ornatiffimi Viri, vt crassa ingenia plus iusto æstiment machinica opera, minus iusto liberalia. Incomparandum fit ergo, oportet, meritum in me veftrum, ob exhibitam hodierna difputatione materiam eruditionis; quando Ego crassiffimi homo ingenij, illud tamen omni maius æstimatione prænuntio.

L O G I C A S P E C I A T I M.

De Syllogismo.

Naturam in Homine lufiffe, quis neget, quum illi ingenium indidit, per quod Naturæ ipsius parentis æmulator verius, quàm imitator euaderet? Nam quod à Claudiano canitur lufiffe Archimedes laborem louis in arte fragili, paruo in vitro concludens æthera; spectandum offcens spiritum varijs famulantem, astris, vrgentemque opus viuum, certis ac statis motibus; sed & Solis cursum annalem, ac Lunæ menstruas reparationes, atque ita senex iste Syracusanus voluere Mundum suum audaci industria, ac regere mente Sidera: Quid hoc totum esse aliud statuemus, Auditores, nisi quod Vates idem de tanto artis miraculo cecinit in clausula.

Æmula Natura parua reperta manus.

Quid aliud (dicam apertius) nisi ludentem in Homine Naturam reciprocè ab ipfomet ludi? Verum hoc tu Syracusani Mathematici studium imitationis esse dices, non æmulationis; foletis esse, non inuidi ingenij; lasciuiantis, non liudi: quasi scilicet vt luserat Natura in Mundo minore, Homine, ad contentionem maioris Mundi fabricando: Ita Homo ipse ad exemplum sui, Mundum paruum alterum ludens in vitro machinari studuerit.

duerit. Lepide tu quidem, atque à mentione Iudæ minoræ nig-
 scorde sententia. Quid porro de Philosophis illis loquamur, qui
 Mundos alios, quos ignorat Natura, sibi mente consistere? Nam
 quod Syracusanus in vitrea sphaera molitus fuerit æmulam huius-
 ce Mundi imaginem, experiri profecto voluit, in studio Mathe-
 seos quantum ipse profecisset, pertentauit, quantum suppeteret
 virium ingenio suo, ut minimum affectauit, sui nominis gloriam
 transmittere ad posteros immortalem, illud à Seneca dicendum
 iam tenens: Mehereule magni artificis est, clausisse totum in exi-
 guo. Denique quæ illi Mundum mente finxerunt, hic finxit ma-
 nus: Illi supini, & oscitantes; hic vegetus & operosus. Illi infa-
 na quadam Philosophia, hic cura graui, ac serua. Curauit quip-
 pe aperire studiosorum oculis theatrum hoc vniuersitatis ærum,
 admirabilem in modico, in fragili, in translucido spectandum,
 ingenti cum voluptate, nec paruo cum laboris compendio philo-
 sophantibus, ut in sphaera illa speciem quandam pœseos contem-
 plarentur, mutæ quidem, sed non immortæ, ac iuxta Magistros
 artis noua ibi arte immixtum vtile dulci mirarentur. Ergo pro-
 cul hinc cum sequacibus, aut sui similibus Xenophanes nescio
 quis, & Mathematicis aliquando phanaticis aures præbeat. Quod
 Orbis Lunaris duodeuiginti partibus, quam Terra, sit maior: Som-
 niet inde, explicatam in suo cerebro quasi mappam Mundi alte-
 rius, in ea depictam ipsius Lunæ sinum, in quo terrestrem alium
 Orbem, aliud genus hominum simili plane modò vitam viuen-
 tium, quo nos hic in Terra viuimus. Hæc igitur delirare Xeno-
 phanem non dispuduit, & in cœtu siequenti Auditorum suorum
 buccis concrepantibus philosophari. Quem de facili quilibet è
 grege ita elusisset. Si Orbis alter terrestris in sinu Lunæ, si homi-
 num genus alterum; habent ergo illi homines Lunatici Lunam
 alteram, quæ ipsis lumen nocturnum afferat, quemadmodum
 hæc nobis affert Luna; Et hic ipse fortassis, quem calcamus, no-
 ster Orbis terræ, alterius nobis inferioris Terræ Luna credi po-
 tuerit. His enim uerò commentis inuidiæ infandæ liuore tabesce-
 re vrique coarguuntur id genus homines tenebriones, qui cum
 afferre de suo artem nullam possint ad honestum cum Natura
 certamen exhibendum; eius vsurpantes Magisterium, solo dicto
 novos constituunt Mundos, Mundis Terras, Terris Ciues, Ci-
 uibus Leges, ac iura continuo disponunt, insidentes interea Natu-
 ram feriari, atque impiè sibi iura Naturæ vendicantes. Quò so-
 ret sanioris mentis, atque consilij, continere se se homines in
 hocce Mundo, in quo editi à Natura sunt, eiusce contemplandæ

speciei, amplitudini, harmoniæ, vnde beari possint, intentos esse; neque in morem Icarî negatos humanis vestigijs Orbes, negatos obtutibus, volatu quodam deliræ mentis audaci exquirere. Quàm itaque damnandam esse videmus insaniam Xenophanis, tam commendandum Archimedis inuentum; cuius tamen sphaeræ molitio non in sola consistere nos patitur admiratione artificij singularis, sed amplius ad imitationem vocat studij non absimilis, gloriæ autem multo maioris. In illo enim opere adumbrari perbellè nemo non videt mentem Homini, & rationem; quippe non minus iste in se Magisterio Naturæ, quàm illa Archimédico in genio collegit compendium Mundi. Iam nisi Syracusanus hic noster vitreos illos Orbes, suo quemque loco, digessisset, suum cuique motum certa ratione impressisset ad harmoniam, concentumque Vniuersi, Ecquod in fragilitate eius materiæ fecisset præmium tantæ operæ? Mehercule spectaculum obtulisset pusionum oculis, non Sapientum virorum, nec supra quàm Agyræ cuiusdam, aut circumforanei famam esset consecutus. Id ipsum fere præstandum est studioso cuique existimationis dicam, an felicitatis? Ordinanda in primis nostræ Rationis est Sphæra, certam viam in differendo teneat ab omni erroris suspitione munitam. Atque id cuiusnam assequimur beneficio, nisi Logices, quæ & Rationalis titulum idcirco præfert, & quàm Boëtius differendi Magistram, Augustinus Artem Artium, ac Scientiam Scientiarum, Aristotiles ante omnes Organum appellauit, hoc est Instrumentum sciendi, & Modum ad reliquas omnes addiscendas Scientias. Quibus ex titulis satis liquet, ex vsu perfecto huiusce disciplinæ felicitatem in terris humanam, ne dum existimationem ac dignitatem pendere. Eius porro pars præcipua in construendo Syllogismo occupata suggerit mihi capita quædam hodiernæ disputatione inuestiganda, ni vestra me indignum humanitate putaueritis.

G R A T I Æ.

IN sphæra vitrea & fragili Orbes Cæli adamantinos atque æternos Archimedes expressit, & laudem inde tamen retulit immortalẽ. Ego pro beneficio attentionis exhibere æterno, gratias vobis acturus, sicut ingenuè profiteor meæ imbecillitatem orationis, ita hinc si minis laudem grati animi aliquantulam, non ingrati certè censuram referre confido.

LOGICA GENERATIM.

Vel speciatim de Elenchis.

L Ascipientis ingenij, non philosophantis propositum illud mihi semper est visum, Ornatissimi Viri, cum ut auditorum palato sententiam plerique suam conciliant, improbare aliorum, ac superiorum in primis, ad probum usque instituunt: Utque censuram de se formidatam auertant, ipsi in alios censuram incunt, quasi ex aliena modo caligine suam ipsi claritatem, lex ineptijs sapientiam, ex erratis doctrinam, ex ignominia gloriam, non ex se ipsis, Marteque suo parare, se facilius posse confidunt. Quod si veterum rudimenta, & quasi nascentis Philosophiæ tyrocinium aspernari liberum est, quid est reliquum, nisi ut despicias atque derisas habeamus primas illas à sanctissimo Naturæ opifice lineas theatro huic rerum aspectabilium positas, Et primos quoque lucis matutinæ suspiratos omnibus albores, & quam posteriores nostræ consecutæ sunt degeneri subinde cursu ætatem auream, & prima quæque summorum virorum de rebus egregijs gerundis consilia, Et (medius fidijs) nostram ipsorum infantiam, & primum ortus momentum, sine quo nobis felicitatis crepusculum illuxisset nullum, iure licuerit execrari. Habendæ sunt potius per nos gratiæ quàm plurimæ prisca illis mortalium, qui ætatem earum ignorantiam pertæsi, socordiam, & luxum excoli cœpere sibi animos excitare ad saniora cogitata, erigere mentem ad Naturæ arcana indaganda, quorum cognitione parta fore se superiores gregi hominum, ac semetipsis maiores lumine Naturæ spondente autumabant. Neque verò si qua circa rerum notitias minus verò similia, aut etiam inepta dicuntur effutiuisse (dicuntur autem vulgo commentitia quàm multa per invidiam) idcirco carpendi ij sunt nobis licentioze censura, multoque minus digito notandi medio; quin quod viam errandi posterioribus nobis præcluserunt, & quos declinarem scopolos, facto ipsi naufragio monstrauerunt; & fundamenta philosophandi firmitiora procul dubio, quò rudiora reliquerunt, par est ætatem potius causari, quæ illos edidit, & nos in meliorem referuauit. nec vilo certè nos merito, nec eos vlla culpa. Quin etiam si quis est sensus humanitatis in nobis, si qua mentis grauitas, si quod rerum humanarum periculum, commendandum imò fuerit illorum studium, extollendi conatus, extenuandæ autem ineptiæ, errata quoque, & quæ

similia sunt, monstris, non secus atque peccata Naturæ, inchoamenta-que rerum trunca, & mutila in honore habenda, in pretio, tantum abest, ut in contemptu, in fastidio. Sed quorsum hæc à me dici existimatis Auditores? Quippe offendi nuper inter legendum, nec sine stomacho, quemadmodum Firmianus inter Ecclesiasticos Scriptores non ignobilis, tametsi rerum Ecclesiasticarum minus consultus ex censura meliorum; stylum alicubi suum acuit, atque vrget amarulentior in Philosophum ex antiquissimis Anaxagoram, obiectans, quod illi aliquando exciderit hoc effatum, Nivem esse nigram. Ridendum enimvero effatum Philosophi, & Sapientiæ insanientis argumentum: Nisi desipiens Tu magis ac ridendus interpres reddaris, cum sonum dumtaxat syllabarum pulsantem aures attendere cura est, non propositum dicentis, aut vibratam sub dicto sententiam. Quo quidem pacto deliramentis accenseas, licebit, lumina orationis frequentia, hyperbolas, metalepses, ænigmata, ironias, & cothurnatum quemque Scriptorem proscribes; pedestrem & humi repentem solum probabis. Quandoquidem Anaxagoræ Axiomata nequaquam in triuijs nata, quemadmodum & gesta digna præcellis natalibus candidum postulant, non modo sagacem auditorem. Quidquid autem sibi voluerit Anaxagoras, mihi certè & nigra nix, & quod æquè quasi absurdissimum inferebat Firmianus, alba pix impunè enuntiabitur, si gratia disputationis per sophismata, vel ad hominem retorto argumento, vel alia quasi ratiocinandi arte huiusmodi dictum pollicebor me sodalibus meis euicturum. Tanta est (Ingenui Sodales) Logicæ disciplinæ necessitas, ea in primis parte, quæ in Elenchis occupatur, ut, nisi rationem illorum quis calleat, perueriti illi sensus de facili succedat; atque aliud oculis, aliud mente teneri ludificata ratione, perturbato iudicio nigram æquè asserere nivem, atque albam picem reluctantem licet sensu compellatur. Ergo tanti momenti materiem, quando iam ipsi nos deuouimus huic disciplinæ, ne pigeat propositis in medio thesibus, instituta disputatione tractare.

G R A T I Æ .

Nigram esse ipsam nivem, quàm nuper albam non iniurati asserueritis, hoc est insipientem sapientiam meam non sine magne meo pudore hodiernæ processu disputationis probauistis, Auditores. Ne verò etiam absurdo consimili ingratus ego videar beneficijs cumulatus vestris, Accipite, Vos, pro maximis, quas pro tenuitate mea gratias agere vix villas possum.

LOGICA

LOGICA GENERATIM.

De Syllogismo, vel de Demonstratione.

ANaxagoram volens lubensque vendico à calumnijs religionis cætera Scriptoris, cuius à nomine quidem stylum effluxurum esse lacteum tibi pollicebere; à studio autem liuidum austerumque gustabis. Vendico, inquam, Philosophum à Rhetore, Sapientem à cauillatore, Ethnicum à Christiano; sed isto è censura Magni Hieronymi ad Paulinum Christianis in rebus minus perito; & ad Magnum oratorem Romanum, Ciceronis in Dialogis collectore. Quò sanè haud irreligiosus ego apud vos, Viri prudentissimi, auditurus esse confido, causam defendens obiter eius hominis, qui tempora Euangelica quàm procul, longèque præuectus fuit, tam redditur dignus venia, si veræ lineam sapientiæ transilierit; admiratione, si tenuerit. Atque hunc Lactantius in quo vellicet, audite. *Anaxagoras* (inquit) *cum ab eo quæreretur, cuius rei causa natus esset, respondit, Solis ac Cæli videnti: Hanc autem vocem* (subijcit Lactantius) *admirantur omnes, ac Philosopho dignam indicant.* Et paulò infra. *Videamus, in tribus verbis quot, & quanta peccaverit.* Tum in sui dicti firmitermentum ita statuit: *Primum quòd omne hominis officium in oculis posuit, nihil ad mentem referens, sed ad corpus omnia.* Hæc ille, alijs subinde atque alijs ad censuram, ad probum inuehens in Philosophum. *Quanta verò id iniuria, Viri Auditores? quanta insulsite sententiæ? quàm perverso interpretamento? An illum tibi, bone Lactanti, criminandi locum reliquisse dicas, illum omne officium hominis posuisse in oculis, quo primus omnium testimonio sincero Laërtij cœpit philosophandæ arguere, initio Mundi omnia fuisse confusa, & ab omni procul ordine, omni specie, ac decore permixta? An illum retulisse ad mentem nihil, qui omnibus ita permixtis, atque confusis Mentem quandam fecit accedere, quæ illa ipsa disponere aggrediretur, ornareque ad eam, quàm cernimus, Mundi elegantiam? Nihilne ad mentem retulisse, cui cognomentum Nus, hoc est Mentis indidit vulgus ex isto ab se vulgato nouo dogmate? An denique ad corpus omnia retulisse, qui, cuius causa natus esset, sciscitanti, non sensum corporis pascendi, respondit, non venandi voluptatum, non ventri, gulæque indulgendi, non more pecudum defigendi oculorum in terram; verùm vt humani oris sublimitas exigit, erectis*

erectis altius luminibus, Cæli, Solisque contemplandi. Quare Anaxagoræ sensum Lactantius vel minimè hauserit, oportet, vel studiosè diffimulauerit, vt, vndè inueheretur, arriperet: hoc autem egregiæ vertendum malitiæ, illud inscitæ perpingui: Vtri verò magis, ipse cauerit. Iam Philosophum locutum ibi metaphoricòs, nemo neget, qui cætera de eo memorabilia è testimonio consentientis totius antiquitatis obseruabit. E quibus illud suggerit Elogij segetem immortalis, quòd parandæ doctrinæ studio, patrimonio abdicatus amplissimo, peregrinationemque adornans in vltima terrarum, Cuidam ita compellanti, Nullanè tibi patriæ cura est? *Mibi verò*, respondit, *Patria cura est, & quidem summa*, Digitum inter hæc in Cælum intendens. Hic enim uerò Auditores attendatis licebit docentem Anaxagoram, cuius rei causa sit natus. Iam nomen Patriæ impositum Cælo conferte vos cum Cæli, Solisque conspectu; conferte digitum illum sursum versum intentum cum illius vibratione responsi: Cælestis desiderium patriæ cum abdicatione terrestris voluntaria: diuitiarum sitim immortalium cum deserto amplissimo patrimonio: studium doctrinæ flagrantissimum cum suspirato fonte æternæ sapientiæ; Ecqua lux inter caliginem Ethnicorum ista fulgentior? Ecqua vox in seculo iam tum infante admirabilior ad eroditionem, illustrior ad gloriam, commendabilior ad exemplum? Quæ verò dignior, cui celebrandæ stylum suum verè lætèum conferret Lactantius, cuius commendatione Institutiones suas Diuinas locupletaret? Quasi verò absurda sit, aut abhorrens ab instituto Philosophantis figurata locutio, vsusque Metaphoræ. Proferamus testem, Auditores, non diobolarem, sed clasticum, imò & clasticorum locupletissimum, Diogenem dico, qui vt contemptor nitoris, fastusque omnis ac pompæ conculcator egregius fuit; ita perpetuus in translatis, hoc est Leporibus esse maluit, siue illum loquentem audirent, siue (quòd est mirabilius) operantem. Vultis loquentem? Cum is laudatorum se dixit esse canem, laudantium verò ad venationem secum ire audere neminem: Cum hominem diuitem, sed rerum ignarum nuncupauit ouem in vellere aureo: Cum inclamans in foro *O homines*, ac cernens conuenire plurimos, baculo insectatus est inquiens, *Homines ego aduocaui, non scelera*. Vultis autem operantem? Cum in foro ciuibz confertissimo quærebat accensa in meridie lucerna. Hominem vnum, Vultis vtrumque simul? Cum cuperent aduenæ quidam Demosthenem visere, extendit ad illum loco Indicis digitum medium, aliàs infamem; *En*, inquiens, *vobis Orator Athenien-*

Atheniensium. Scilicet vsque adeò in translatis ludebat, ut indò eliceret passim facetias, vibraret scommata. Quid verò Cratæ Philosophus? quid Plato? quid reliqui eius notæ atque nominis? Non hærebo hic, Auditores, ne videar vulgarissimæ rei vos quasi ignaros arguere. Interprete itaque eget Anaxagoræ dictum, non Zoilo, dum audit Lactantius obiurgantem Senecam. Epist. 72. *Ketnque istum ludum literarium Philosophorum, qui rem magnificentissimam ad syllabas vocant.* Neque enim (subdam ego) sub ijs syllabis, ac vocibus *Cali Solisque* quid conditum vellet tantus Philosophus, animaduertit Lactantius, & fortè plura ibi arcana condidit, inter quæ placet nobis interpretari, Solis quidem nomine, seu facis diurnæ, lucem veritatis, quemadmodum Lunæ, facis nocturnæ appellatione caliginem falsitatis. Cælum autem pro Deo, cuius est sedes, de facile vsurpauit, ut eo illustri apophthegmate felicitatem perfringeret hominis in discernendo verò à falso, inque Deo colendo collocatam. O Diuinam ex ore hominis Ethnici Philosophiam. Adeste mihi, Studiosissimi Iuvenes. Cuius porro disciplinæ munus hoc proprium dicemus esse, præterquàm Logices? Ipsa enim verò tria hæc ad amissum præstat, cum formas argumentorum excudit, quibus ut à falsitate veritatem primum dignoscamus, efficit; tum ut à Natura ad illius Auctorem Deum scandamus, gradum supponit. Quæ quidem à nobis perspecta & studium nostrum facile accendunt ad tantæ disciplinæ consecutionem, & spiritus hodie adijciunt ad disputationem, propositis per me summis capitibus ineundam.

G R A T I Æ.

C Vius rei gratia sim natus, siquis vestrum à me fortè sciteretur, Anaxagora doctore habeo promptum respondere: Humanitatis vestræ, clementissimi instar Cæli videndi hodie, fruendique gratia. Tum pro gratia tanta, ut quas per me licet, gratias agam.

Fulgebunt dum sidera Cælo:

Dum Cælum stellas, dum vehet amnis aquas.

L O G I C A G E N E R A T I M.

Vel speciatim de Demonstratione.

I Gnorantiam, truculentum non minus monstrum, quàm totum, antiquitas poetarum elegans descripsit in Minotauro, qui

qui Cretico illo additus Labyrintho, immissus fatali fœdere iuuenes, præclusoque exitu à fuga prohibitos, discerpere, ac deuorare putabatur. Erat is locus, (si famæ credimus) amplitudine vastus; magnificentia admirabilis; structura verò, & artificio planè monstruosus; dignus, quem & Dædalus humani monstrum ingenij delineasset, & monstrum belluarum Minotaurus sibi Regiam quæssisset. Nulla ibi sedes quietis, sed series continens itinerum, textus errorum perpetuus, perplexa ambagibus via, flexus callium inextricabilis, aditum occursum, recursusque implicatissimi, fallacissima vndecunque vestigia, tortuosissimi anfractus, quid plura? Neque quâ progredi hic est, neque quâ regredi; non vti quis sese expediat, non vti euadat, succurrit, ni Theſeus aliquis Ariadnæ amoribus fortunatus, inuentionemque, edoctus Dædali, filum ad ingressum Labyrinthi annexerit, cuius ductu ac reductu artem illam omnem eludere, perplexitates dirimere; errores deuorare, ambages effugere sit potens; tum recto itinere, certò gressu, lectu non fallente, monstrum illud adoriens, iugulans, sternens, tanta victoria insignis inde efferat pedem, laurea coronandus immortalis. O nostram mortalium vicem complorandam. Auditores, qui ab ipso genitricis conceptu prædicti diuinitus ratione ad scientiam rerum omnium hauriendam, ad mentis oculos in Solem veritatis, vade bearemur, intendendos, in hanc tandem euadimus lucem ex oculati, è materno editi clauſtro in Labyrinthum detrudimur horrendum tenebris, laboriosum erroribus, desperato exitu suspirandum, discerpenti miserè per Minotaurum, quoties ipsi nos sortitos animaduertimus corpora quidem humana, sedem verò Mentis Caput non nisi beluinaum. Hæc autem cogitatio quàm sit tristis homini ingenuo, conijcite mecum, Auditores, ex atra illa priscorum ignorantia consulentium bruta ipsa super Naturæ proprietatibus: conijcite ex primorum Philosophorum infandis inæptiis, quarum hercle commemorationem quis ridiculam appellauerit, quis veriùs luctuosam; adeò illi, totis licèt mentis intentis conatibus, à linea veritatis procul, ac longe aberrabant. At quis mihi vnquam portentosum hunc Minotaurum interemerit? Quis Labyrintho isto fatali se se explicuerit? Quis tam cæcis ex erroribus in lucem Scientiæ, tam tortuosis è flexibus ignorantie in callem rectum veritatis vindicare se posse putauerit, nisi Theſeus alter oblatos habuerit Ariadnæ alicuius amores nullo satis amore compensandos? Fortunata verò tempora, Auditores, quæ intulerunt Mundo Aristotelem stagyritam! Hic tantus Vir ardentior formis

Amis in amore Philosophiæ, solum suo traxit ex ingenio, hoc est formulam argumentorum, Demonstrationis potissimum adinuenit, cuius usu tutus cuique studioso datur ad triumphandum in quaque facultate de Monstro Ignorantiæ, ad euadendum errorum omnium super quaque materie implicationem: denique (quæ solæ sunt hominis opes) ad Rationis rectum, inoffensumque usum. Hæc quoniam usu ipso, quàm dictione mea, elarius constabunt, placet nonnullas Theses de Demonstratione ipsa in medium proferre disputandas.

G R A T I Æ.

Vtinam, quemadmodum ad euadendum ex Labyrintho errorum tradidit omnibus Aristoteles solum; sic mihi potissime ad memet explicandum ex Labyrintho, ubi mille vijs implicor meritorum vestrorum (humanissimi Auditores) solum orationis, & eloquentiæ paris modo traderet. Theseus profecto nullus me fortanator, nec Ariadna vlla illo dignior amoribus meis existeret.

LOGICA GENERATIM.

Speciatim de Demonstratione.

Ingenij partum, parentem scientiæ, obstetricem ideirco humanæ felicitatis quis nostrum ambigat, Demonstrationem Logicam amplo sed iusto ælogio nuncupare? Cuius verò partum ingenij, Auditores, præterquàm illius, quod in ostentationem virium suarum editum à Natura censuerunt sapientissimi philosophorum? Aristotelicum ingenium mihi volo, cui quantum debeat Respublica literaria, non Encomia magis testantur, quæ ipsi ipsam recti æstimatores certatim congesse, quàm ipsa liuentium mordacitas obtrectorum, quorum dentes facile perfregit eius doctrinæ impetita soliditas. Parentem autem scientiæ eandem Demonstrationem si quis auct cognoscere, satis habet inspicere, ante Aristotelem, hocce eius inuento nondum edito, & post ipsum, neglecto à nonnullis eiusdem usu, tam multi philosophantes, egregij ceteroquin ingenij, & mentis excelsæ, quàm frequentes tamen in scopulos offenderint erratorum, quàm pingue, despue- rint. Non profero censum notarum, quas ille superioribus philosophis suspecta nonnullis censura iussit, sed è posterioribus vnum pro multis indicasse sufficiat Firmianum libro Diuiinarum Institutionum de falsa sapientia aduersus Gentes, qui Diuinam

M

inter

inter disputationem suam, & sapientissimam Ethnicæ insipientiæ confutationem, humanum in morem ipse prolapsus non dubitat tollere à Mundo: Antipodas, è Mundi medio Terram, è Terra incolas; atque incolis Cælorum & siderum ambientium prospectum, volubilitatem, affectiones gratis negare. Iam si Demonstratione hic nifus fuisset, non hercle commisisset, experimento se posterorum, qui assu felici ad Antipodas transgressi & suis ipsi oculis oras illas populosissimas lustrare, & suis vestigijs aduersa nostris illorum vestigia mensi fuere, tanta cum iactura sui nominis refutari. Quid? Idem ipse Aristoteles (quod magis miremur) siquando oblitus sui, à formula demonstrationis parumper deflexerit, quid non decerat? quid non labitur? Undenam æternus ab eo factus est Mundus? Vnde sub Zona torrida inhabitabilis? Vnde alia multa cum Veritate pugnantia, ingeniorum recentium feliciore modo philosophandi sensibus nostris præsentata? Verum quid ego vrgeo? Quandoquidem inficiari nemo potest, non omnia singularia vni innotescere homini, quem sæpe fide aliena niti cum periculo fallitatis necessum est. Proinde cum in altera Propositionum sæpenumero contingat error, causari merito potest hic tantus Philosophus, siqua suis in scriptis admirabilibus peccata cadunt, siquando princeps planetarum deficiens, siquid scorix auro immixtum, si crudus in scena Roscius, si bonus dormitans Homerus fortè occurrit. Ceterum quid felicius in terris, quàm mentem arcanis sapientiæ ditatam habere? quid iucundius ad delicias, veritatis luce oculis nostris deuelata? quid splendidius ad gloriam, quàm in imperio rationem, in subiectione corpus, tranquillitatem in animo nullis concutientium casibus conseruare? Hoc enimuero beneficio assequimur Scientiæ, Scientiam vsu Demonstrationis, Demonstrationem studio ac meditatione, cuius idcirco gratia, En profero de illa Theses in medium, vestrorum, sodales, ingeniorum lance perpendendas.

G R A T I Æ.

Demonstrationis arte non eget, quæ sensibus aperta patuit humanitas in me vestra incomparabilis, Auditores. Arguite vos contrà per Demonstrationem, quantam ego in vos gratiam conceperim animo, quod eam nullis vel disertissimis verbis fas est aperire.

LOGICA GENERATIM.

Speciatim de Demonstratione

Prosilit in arenam istam, daturum vobis spectaculum virtutis non iniucundum, par virorum sapientum, imparibus instructum armis, sed arte non impari, Aristoteles, inquam, & Galilæus. Ille ætate priscus, hic recens. Ille oppido Stagira, hic Florentia: Vterque in congressibus nequaquam tyro, vterque propterea ductans familiam. Cuius sit celebritatis ab omni antiquitate Aristoteles, frustra ego vobis commemorem: Ipsum eius nomen Græcis obsignat gloriam optimi simul, & perfecti viri. Et crediderit (putes) antiquitas appariturum fore aliquando philosophum meliorem optimo, perfecto consummationem: visuramque fore hanc nostram ætatem inter Italos hominem, qui Græcis illis veteribus palmam sapientiæ aut eripere moliretur, aut infringere? An vos arma inquiretis vtriusque? En hinc Demonstrationem Logicam, ingenio Stagiritæ elaboratum opus, perficiendæ rationi natum, dignoscendæ veritati, reiectandæ fallaciæ, assequendæ certò vestigio in qualibet disciplina Sapientiæ. Quo quid maius ad felicitatem vitæ, eius inquam vitæ, quæ hominem sapiat, reperiri, aut quid ne votis quidem concipi diuinius potest? En è contrario Telescopium nescioquod, seu tubulatum conspiciulum, artis matheseos recens miraculum, Galilæici partum ingenij, cuius vsu propinquiora sunt oculo, quæ interstitio terrarum longinqua sunt: &, quæ recessu locorum minuuntur, conspiciulorum contrarij obtutus gliscunt obiectu. Cui quidem inuento celebrando quæ poterit, Auditores, par oratio reperiri? Huius ope quàm multa, eaque miranda in Cælo arcana detecta? Inuisæ antehac Stellæ, motus haudquaquam prius observari, in Sole ipso nedom in Luna maculæ præter communem hominum opinionem, denique proprietates aliæ in Sideribus ad hanc diem penitus incompertæ. Vtrum autem horum ingeniorum admirabilitatem putatis habere maiorem? Vtrum plausus excipere plures? Et quidem ille demonstrat obscura, nec fallere mentem potest; hic longinqua repræsentat, nec ludit aspectum: formulam ille loquat scientiis; hic tubum oculis: Tam ille in concludendo certus; quàm hic in contuendo: Denique illi nudata veritas pro meta est; huic longinquitas castigata, Quò mihi perarduum redditur, imò verò hisce superius viribus

dijudicare, vtri tantorum Authorum plus debeat Republicæ literatorum, inueniri vtriusque nobilitate inspecta. At enimuero in iudicio quæstionis subtilissimæ, in qua cum admiratione vidimus afferri in medium, Telescopium, magnum illud conspiciendum, quo, nisi Microscopio, vtendum erit vobis, paruo scilicet conspiciendo, cuius beneficio subtilia quæque, ac minimâ minutim concernuntur. Neget mihi Galilæus, neget, opus habuisse demonstrationibus Aristotelicis, per quas antè cognita, & bene percepta visus facultate, dispositione, sphaera, obiecto; tum ex obiecto ipso quæ species, quæque rationes manantes; quæ ad illud distantia, quæ interpositio luminis, & alijs id genus doctrinis prius haustis, machinationem postmodum sui aggredieretur conspiciendi, tentatam fortè per alios non bonis auib; quippe placitis Aristotelicis minus bene conceptis. Hoc animaduertens Seneca, *Mathematica, vt ita dicam, inquit, superficiaria est, in alieno adificat, aliena accipit principia, quorum beneficio ad vltiora perueniat. Quare habeat gratiam, oportet, Stagiritæ Florentinus, atque ipsi acceptum ex parte magna referat inuentum suum. Fateatur lucem ab eo hausisse, quàm obturibus nostris vltra terminos Naturæ prolongandis nouo opere impertirer. Fateatur, gradum sibi fuisse ab eo suppositum, quo Cælum ausu inaudito lustrandum conscenderet. Fateatur, remotissimas in oras iter sibi adornanti commeatum ab eo suppeditatum fuisse. Fateatur denique, anhelanti sibi Cælesti Orbem, Terrestri despecto, non nisi Cæleste Aristotelis ingenium alas commodasse. Quid enim (amabo vos) profuerit in Sole ipso maculas obseruare, vbi quis inter philosophandum, inscius demonstrationis Logicæ, maculas inscitæ passim contraheret? Quid motus inuisos Cæli, quid nouas Astrorum faces detegere, motibus Naturæ obuijs & quotidianis, causis effectuum vulgarij ignoratis? Quid denique remotissima sub aspectum velut præsentia cogere, si proxima quæque, si intima fugerint? Verum de Galilæi conspiciendo hætenus. Restat, vt Aristotelis demonstrationem adhibito demonstrationis Logicæ conspiciendo contemplemur.*

G R A T I Æ.

IN Mente, quæ est in homine Sol, maculas falsitatis contingentes obseruat Aristotelica demonstratio, Galilæico feliciter conspiciendo. In me porro, qui nocturno, quàm diurno Planetæ similior sum, ne Vos, Humanissimi Auditores, maculam illam multò foedissimam, ingratum videlicet in vos animum notetis;

retis; dispeream, si quas nequeo referre ex tenuitate mea gratias, non affectu habeo quàm maximas, non & æternum habuero.

LOGICA GENERATIM.

Speciatim de Demonstratione.

Stagirita omnium ante se Philosophorum calliditate ingenij, non solum studio fortunatissimus, de genere mortalium præclare meritis videri posset, viam illis ad intelligentiam rerum, atsequendam, præclusam antè, patefaciens, flexuosam corrigens, præruptam complanans, aurea illa dissertatione instituta de Logica demonstratione; si aperuisset simul, vndenam homini inter animantes facultatem intelligendi sortito, atque ad imperium rerum, ne dum notitiis nato, à Natura tamen habeat, ut caliginè obsessus ignorantie primam huius vitæ lucem aspiciat. Nam nec ille famam sibi conciliat in arte Medica, qui curandi dumtaxat corporis asserre studium percallet, ac certum reuocandæ salutis modum præscribere; ni & morbi originem, & causas cognitione se consequi prober, quaque offensione, qua intemperantia sit contractus, quò firmitus, ubi æger conualuerit, tueri ad ætatis quàm multum valetudinem possit. Neque mihi suscipiat hoc loco quisquàm Stagiritæ consecraneus, incusans eius ætatis conditionem, qua ætate silente iam diu fama ex vetustate edacissima de principe hominum Adamo, lapsus eius in impietatem defectionemque à conditore Deo, quæ causa vna fuit natiæ ignorantie posterorum, foret vulgò incompertus, quasi id arcanum non nisi luce Euangelij exorta innotuerit: An non (reperam ipse) codices Mosis hocce argumentum complectentes per tempora Aristotelica in manus omnium circumferebantur? An in huius quoque incidisse dubitemus cum reliquis certè scriptis Sapientum, quæ ab ipso quàm studiosissimè conquesta fuisse scimus, euoluta, perlecta, emedullata, mox vasframento infandè suppressa, atque extincta, sed alijs, alijsque in vulgus calumnijs diffamata, ut vnus ipse Aristoteles benè sapere, desipere ceteri omnes, ac insanire viderentur? Neget ille, haurire potuisse commodè sensa Diuini Platonis, cui viginti totos per annos operam dedit. Neget autem scisse, quod nemo hominum nesciebat per id ætatis, ut antè ipse Plato studio perdiscendæ Sapientie, suscepta, longè latèque per Orbem peregrinatione: post plurimas emensas

terras Ægyptum anhelans adiuerit, vbi & Gymnosophistarum auditor fuit, & Mosaicorum voluminum contemplator. Neget ille (si valet, famâ refragante) deuorasse se suis oculis Pentateuchon, atque eius principium, Genesin, quo nihil augustius, aut diuinius; censura illa perstrinxisse: *Hic Author multa narrat, nihil probat.* O caput refractarium. Itanè verò? Moseos Genesin sacrosanctam tam multis ante Stagiritam seculis Mercurius ille, Maximus idem & Rex, & Sacerdos, & Philosophus, cognomentuo propterea Trismegistri ab omni antiquitate consecratus; Moseos inquam Genesin, suum in Pimandrum transferre, ac opera pene cælesti repræsentare vel inuitis animis sublimia illius Sacramenta, hæud indignum sapientia sua studium Mercurius existimauit: Et vnus potuit Aristoteles vniuersæ antiquitatis iudicio, famæ, religioni suum ipsius ingenium ac sensum obtendere? Sed permittamus, bonum Homerum aliquando dormire: Vsque eò siquidem defixus fuisse putandus est hic noster in opere Demonstrationis moliundo, vt, quæ est imbecillitas humani ingenij, nihil non ille ad eam libellam compositum sermonem à nemine Scriptorum non exigeret. Ita quod ipse suo nobis Marte proficuum comparauit, id omnino gratis animis excipendum esse ratio persuadet. Siquid verò ipse sibi fortè peccauit, quidni etiam animis facilibus inoscendum? Longè autem multum profuisse Aristotelem philosophiæ candidatis, Demonstrationis lege vulgata, tum per se res ipsa loquitur, tum ex disputatione per nos ineunda luculentius fiet.

G R A T I Æ.

Demonstrationis Aristotelicæ perfectionem simul, & vestræ magnitudinem humanitatis hodierna disputatione demonstrastis, Auditores. Reliquum est, vt, quando non patitur inclusus pectore animus meus, in vos gratus demonstrari, interprete saltem actione gratiarum quàm sincerissima testatum reddam.

P H Y S I C A G E N E R A T I M.

Renascentem video apud literatissimos viros Troianum Paridem (Cordatissimi Auditores) qui humanæ industriæ contuentes miracula iudicium sibi vendicant nullo loue deferente, Causam cōfingunt inter disceptantes quâsi Deas Naturam, atque Artem; nec dubitant pulchritudine alterius capti malum aureum adiudicare Arti, varium illum Ceston canentes *Humana Ars*

*Ars Naturam vincit: Natura Ars amula: Emendat Naturam
Ars: Arte simul cum Natura certante: Sic in hunc sensum aliter,
atque aliter. Usque eo, ut penes quosdam Scriptores vix longius-
culi sermonis tractum decurramus, quin aliquam offendamus
huiusmodi formulam. Quam verò prudenter, ipsi cauerint.
Nam cui non absurdum videtur alienam suscipere causam diri-
mendam, sua ipsius præiudicio cadere? Atque adeo quem paci-
ficè tenet Homo diuinitus inter corporatas res gradum eminenti-
tiæ, vbi inter Artem & Naturam litem committit, simul ipse si-
bi diem dicit. Quid enim? Artem colendo, inquirunt, tum ma-
ximè ratione vltur homo, & facultatem illam intelligendi, per
quam cognatus Deo est, magnificè exercet. Enimverò inquam;
sed hoc ipso concinit perbellè homo artifex eum Natura, cuius
quidem *Natura opus* (si probant commune placitum) *opus est in-
telligentiæ* lubetne Intelligentiæ huius expressa vestigia lustrare?
Deum, & Naturam, ait Aristoteles, *nihil frustra facere* (1. Cal.
cap. 4.) *Nihil Naturam facere superuacuum* (4 part. anim. cap. 11.)
*Nihil temerè efficere Naturam; sed omnia ex ijs, quæ fieri contin-
gunt, ad id, quod est melius* (de anim. incesso, cap. 10.) *Naturam
rei alicuius gratia omnia facere* (1. de part. animal. cap. 1.) *Earum
causarum esse Naturam, quæ sunt propter aliquid* (2. Phys. cap. 3.)
*Naturam infinitum vitare solere; Infinitum enim sine caret; Na-
turam autem Semper finem querere* (1. gener. anim. cap. 1.) *Natu-
ram, ut hominem prudentem, ita tribuere solere cuique rem, quæ
uti possit* (4. de part. anim. cap. 10.) *Omnia, quæ vel Natura, vel
Arte efficiuntur, ratione aliqua esse* (4. gener. anim. cap. 2.) Porro
hæc Nil frustra, nil superuacuum, nil temere facere; Ad mel-
lius tendere; Alicuius rei gratia operari; Finem semper quære-
re? Prudentiam sequi, Rationem tenere; hæc dico, & id genus
munia, quæ de Natura sexcentis, in locis Aristoteles prædicat,
Tunc alij, nisi summæ cuidam, & numeris omnibus perfectæ In-
telligentiæ tribuenda esse iudicabis? Ac ne ista forte in primum
Motorem Deum proximè referas, quasi ipse, qui res omnes con-
didit, quique intima præsentia Maiestatis implet, per se quo-
que moueat, effecta illarum omnia nullo ministerio prouehat:
apertè enim id cauet Philosophus, *Naturam* dicens *Dæmoniam
esse, non Diuinam* (de diuin. pro somnium cap. 2.) Idem quoque
Intelligentiæ admittens, spirituales substantias corporibus cælesti-
bus præsidentes. Nec putet irreligiosus quispiam theologizare,
nos velle cum philosophantibus; dum ex Diuo Augustino (lib. 83.
99. 79. tom. 4.) & ex Origene (in cap. 22. Numer.) Sanctum Tho-*

mam auctorem facimus, omnia corporalia regi per Angelos (S. Thom. 1. par. quæst. 110. artic. 1.) Irreligiosos quippe homines egregie confutat similis ipsorum Avicennas, cuius placitum est, *Vnam dari substantiam immateriatam, præsentem immediatè sphaeræ actiuorum, & passiuorum, quàm & Intelligentiam agentem vocat.* Recedit itaque ab ethnico Philosopho, Intelligentiam è Cælo deuocans: sed vnam dùm statuit, non multiplicem, à Christianis Theologis distat potius, quàm discordat. Iam consensione omnium siue ethnice, siue Christiane philosophantium nihil Natura per Intelligentiam non operatur. Iam ergo fæderatas, imò conspirantes cernis Artem & Naturam: quòd si litem inter ipsas ex arte conferis, mancum te esse intelligentia fatearis necesse est. At, inquires, imitatur Naturam Ars, illiusque operum solertissima quadam æmulatione affectat laudem. Hæccinè non contentio; non lis, non pugna dicenda? Imò inquam & ipsa semet imitatur Natura: quis autem dixerit secum ipsam furiali demencia pugnare? Sic enim est profecto, *Stellas suas floribus, flores gemmis, gemmas succinis æmulo Natura architectatur ingenio.* Quid speciosius Homine, cuius obsequijs illa condidit, imò verò subdidit cuncta suorum operum? Nonnè imitatur in Simijs effigiem eius & modos? Nonnè virilem in Satyris dignitatem, muliebrem formam in Pharijs ipso oris tractu linearum repræsentat? Si Artis est apex, vt per picturam imagines spirare iubear, quid spirantius imaginibus, quas illa nitidis in speculis, quas vitreis in riujs, quas gemmeis in stagnis obiecta cuiusque rei species reddit visendas? His certè ne motus quidem deest, vt vides, neque (dixerim) cum motu consona vita. Ludat Artis solertia, & rex maximas referat in minimis ad miraculum: Ecce stellas Cælo errantes, nimirum adoratas, vitæ hominum, ac fortunæ architectas in Cicindelis, per noctem errantibus cum fulgore musculis illudere dices. Vt propterea mirari ipse desinam, quæ meis met oculis obseruauì, in agro Asteni, concerni sponte ex argilla quasi concharum tegumenta ad marinarum formam ac duritiem, nescio quo genio luxuriantis Naturæ, nullo quippe eius operæ pretio, nullo nisi distinendi humani ingenij proposito studio. At lasciuit petulanter Natura supra quàm audere Ars possit, cum in concauis locorum reperçussus aër acceptos reciprocat sonos, obloquentium vocibus frequentata interdum Echo obmurmurat. Quàm multiplex in ynius ludibunda imitatione Natura? Parum dixi inimitabilem Arti Naturam in statumque rerum imitatione. Etiamnè vltro Artem ipsam imitatione

tatione laceffer? Omnino, Auditores. Cito hic surdos lapides, testes in ista Causa clamoros, & illos lapides, qui maculis erraticis nobilibus vitiat, Naturæ partus infeliciores credi possent. Non fugit profecto eruditionem vestram, quod est ab antiquitate penes omnes decantatum, de Achate gemma Pyrrhi Regis, in qua Musæ nouem, & Apollo citharam tenens spectabantur, Arte quidem attonita, ita discurrentibus Naturæ sponte maculis, ut Musis quoque singulis sua redderentur insignia? Nonne ita fæderatas nunc cernis, quas modò dissidentes volebas Naturam, atque Artem, ut & Naturæ Artem suam inesse, & suam vicissim Arti Naturam fatearis? Intelligentia itaque pollere ambas quis neget? Nec vestra ista, Mortales; minus digna est in artefactis, quam Naturæ suis in operibus, quamquam immateriata illi sit ex Ethnicis Philosophis; hoc est ab omni materie fæce seiuncta substantia: quamquam Angelica ex Theologis, hoc est ex intuitu Dei immortalis beatissima. O nostram præcellentissimam dignitatem experimento Artis probatam. Nam cum inanimas res Cælesti Intelligentiæ commendauit Auctor Naturæ sanctissimus, tum Homine suæ ipsius menti, solertiæ, intelligentiæ commisso primicertum opus & sartum ita, & rectum curauit. Quomobrem caueat, quisquis, ne, si ab Arte steterit aduersus Naturam, inertem se planè diuenditet. Siquidem exposititum se facit Regia sortitus cunabula. Ignorat suum ingenium, qui hæc ingenio iactando commentat: Naturæ indicens bellum, agit in eius triumpho mancipium. Nos igitur, Auditores, sani mente, cauti consilio proclamemus inter has Diuas fædus perpetuum, iura, amicitia inuiolata. Id quod belle præstabimus, si ad Physicas, nimirum de Natura Positiones Artem disputandi omnem contulerimus.

GRATIÆ.

Naturam & Artem semper concordēs, discordare maximè video hac vna in re: quod innumeris cum nexibus animi erga vos grati præsentem mihi Natura, Ars tamen nulla præsto sit, quæ debitam actionem gratiarum perfoluat.

PHYSICA GENERATIM.

Vel de Natura.

Erces, qui Naturam tollas? Pol! Quid tu monstri, Naturæ, profers? Ne in hoc quietem ipsa tibi libissimam, quæ vi-

perines

perinos partus euocas ytero genitricis discerpto . Quamquam (O parce) quid effutio ? Te magis adorabundus miror , Natura , parens rerum sanctissima , Dei filia illibata , index eius cum potentia , maiestatisque , tum bonitatis , & sapientia , nihil vt ipsa efficias , quod non sanctum , quod non pulchrum æstimandum . Tua quædam sunt monstra nobis , tibi pretia , obrutibus nostris impuris haud monstrata . Nos enimuero , nos monstra tibi , totius degeneres , propago abortiua , studiosi aborigines , nothi spontanei , victima orbitatis vltronea . Ecquid sanctius ad gloriam , quam nos Natura non modo genitos , sed primò genitos profiteri . Quid infelicius contrà , quam gremio communis parentis abreptos exponi ? Hoc verò peccat in se se , quisquis Misosophus melius , quam Philosophus contra orthodoxum placitum , Peripatetici in medium vocat , *An detur Natura* . Multò id magis quisquis *Ignoram nobis Naturam esse* contendit . Ac ne existimetis , Auditores , nouum hoc esse genus monstri , quamquam exteris in terris visum , tulit Arabico-Hispania quintodecimo ab hinc sæculo ex his Auicennam à suo congeneri Auerroe damnatum , atque proscriptum . Acerrimus ille , credo , vindex veritatis , & magna meditans in Rempublicam merita , totis perarmatur viribus mentis , omnes expedit machinas ingenij , artis , industria , vt pro luce Solis contra oculatissimum quemque aduersarium , atque obtrectatorem dimicet ; vt Cæli amplitudinem , Terrarum ambitum , Marium vastitatem , Vniuersi denique situs partium , varietatemque intrepidus , ac inconcussus tueatur . Misera verò conditio Principis luminum , nisi lychnus demonstrationis adesset , splendoris illius index . Non tam solus luceret Sol , quam solitarius mœreret ; nullo suæ lucis patrone , nullo te-ste . Te autem sospitet Deus , te fortunet , Auicenna Vir eximie , qui à Natura stas , opere illius augusto : cuius faciem nobis deue-las , radios explicas , vitæ spiritum probas . Siccinè iam certus de victoria non amplius desæuis , sed rides aduersarium Aristotelem , alios nempe illudentem , qui Naturam esse demonstrare conentur , quasi ipsa neque per se nota sit , neque principij vim obtineat in naturali Philosophia ? Caueto , nè ridiculus tu magis existas irridens irridentem , quorum non aliter confutari ineptias oportebat . Nam nisi cæcutias , omnia circum te Natura vtique esse vides . In Animalibus , in Plantis , in simplicibus corporibus , Terra , Igne , Aqua , Aëre si contendas Naturam latere , neque quid pedibus premas , neque quo repares in singula momenta vitam , neque ynde spiritum ducas , neque quid percipias visu , quid

quid auditu colligas, quid mente verses, quid denique tibi ipse sis, tibi constabit. Nihil enim non Natura te circumstat, nec aliud prorsum, nisi Natura, tu tibi. Annè latere nos potest, quod omnibus in rebus unam semper faciem exhibet, principium in omnibus iuxta manifestat Motus & Quies? Principium dico τὸ κινῆσαι, καὶ ἡρεῖσθαι movendi & quiescendi; non ergo Motus efficiendi, sed patiendi principium. Secus iam cum Grammatico, non cum Philosopho negotium esset; ut, quoniam ἡρεῖσθαι quiescere, utique passivè, sonat; dissonantia illa surdissima vocis istius cum præcedente, connexæ κινῆσαι, si more mediarum seu communium activè, quàm passivè potius usurpetur, nonne disputationem ferulis melius, quàm enthymematis dirimendam fore concluderet? Quid igitur est, cur de Motore scrupulum premias, ubi passivo motu, & quiete Naturæ contenta est? Quid trepidas constituere principium Philosophiæ naturalis Naturam, propter eam quod Naturam ipsam neganti obsistat primus Philosophus? Quid enim, si primus Philosophus? Certè Naturalis quid ea in re laboret, nihil habet. At ille quidem quibusnam armis, quibusnam præsidij obsistit? Non demonstratione profectò; Non ergo suis armis obsistit, sed Dialecticis, hoc est redargutione, ut non armatus ad pugnam, sed personatus ad fabulam videri possit. Nec quisquam mente sanus asserat, rem sensibus probatissimam probationis indigere; aut demonstrationis capacem, quæ indemonstrabilis existat. Itaque notiore nulla res innotescere potest, quando ipsa & ubi primum menti offertur, notissima per se redditur, & quæ ex ea sunt cætera, tanquam simulacrum in tabella depictum cernuntur. Demonstrationis igitur loco Inductio militat, & ita militat, ut antiquioribus philosophantibus persuasum fecerit, omnia Naturam esse. præterea nihil. Cæterum caverit sibi primus Philosophus: dum Naturalis firmissimum habet in Natura sola præsidium. Utinam eadem mihi hodie ingenij clypeum suggerat, quo tela vestra, Strenuissimi Viri, irrita reddam, & impetum oppugnationis, quam tamen lubens provococo, impiger infractusque sustineam.

G R A T I A.

Gratum suppressis gratijs videri velle habet similitudinem monstri, non tamen monstrosam. Ita se plenà effudit hodie beneficentia in me vestra, ut mente obruta, quid lingua efficerat non succurrat,

P H Y S I C A.

Et speciatim de Naturâ.

Naturam parentem rerum communem, nostram in primis hominum magistram, atque patronam esse, non quidem secundum corpora dumtaxat, sed & secundum animos; neque in vitæ modo caduæ necessarijs, sed in ijs quoque ad æternam, quæ pertinent vitam: si me proferentem quis audiat ante, quàm probantem; vereor, ne temeritatis impiæ arguendum, ne dum inscitæ, nisi excoxisse verbum imprudenti causetur, existimet. Verumtamen Naturæ dandum ipse contendo, quod nobis in re Naturæ ipsius fines excedente consulit; quod in ordinem Cælestis commercij se ipsa sublimior ingerens, maximo in negotio proficit; quod gradum se se ad immortalitatem supponit, obstituentiam perdomans superioris potentia; quod denique vno sui obiectu nihil proinde efficiens; nihil moliens, vacua planie, ac feriata insidias reuellit cruentissimi perduellis, machinas evertit, imperum infringit. Consulite, si placet, Theologos, scitamini ex ijs, quorsum Christi Domini corpus stupenda toti Naturæ operatione genitum ex Virgine, habitudinem vt contraheret quàm optimam, humorum harmoniam quàm perfectissimam præcunctis Adami nepotibus prouidit Sapientia Cælestis architecti? Vt (inquierent hi) digna simulacro nobilissimo subesset basis; vt Cælestis gratia, quæ pleno alueo effundenda in Christi Animam erat, plenam quoque naturali gratia carnem, hoc est opificio compactam numeros Naturæ omnes implente, tantoque dignam spiritu nancisceretur; denique vt Animæ subsistenti Deo insertæ organum existeret quàm consonantissimum. Ita planè res habetur. Habitu corporis bono simul, & bonitate ingenij mirum quantum ad bona cœpta inclinantur mortales, vt his quasi stimulis admotis in cursu virtutis agi, quàm agere potius videantur. Hinc illa non vulgarium philosophorum sententia, quod in genere substantiæ dentur animæ hominum, alijs aliæ excellentiores, quàm tamen secundum essentiam eiusdem omnes sint ordinis, eiusdem gradus. Quo sensu non absurdè interpreterabimur oraculum Sapientiæ de illo, qui se bonam Animam sortitum esse, grato in summum Creatorem affectu prædicabat. Quid? Scitamini non eximendos è choro philosophantium Physiognômos; cognoscetis, licebit, quantum sit momentum positum in præclara

clara corporis humani forma, in concinna dispositione memborum, in aspectu decoro, in coloris suauitate, dignitate oris, maiestate vultus, grauitate frontis, fulgore, vigore, lumine oculorum, vt vbi huiusmodi signa cōiuncta obseruauerint in homine cetera ignoto, ingenium illi optimum, optimosque mores non tam certis coniecturis annuntient, quàm præclaro gratulentur elogio. Hocce nimirum est Naturæ parentis munus, Auditores. Sed quid ego Parentis dixerim? Etiam vbi in nouercam degenerare videtur Natura, cum in plerisque humanorum corporum erratum aliquod admittit, vnde Animus peruersitate affluens in morum licentiam, & vitia pronus reddatur; tūm maximè (dico) quid Natura valeat suimet vindex, & quasi supposititia, quanto fit in erratis ipsis cautior, in mendis felicior, in casibus fortunatior, plusquàm luculenter probauit exemplo sui Sociates, antiquitatis totius testimonio in ostentationem vtique Naturæ iuxta, & in ostentum ignauorum. Quandoquidem hic notatus aliquando legitur fuisse à Zopiro, Physiognomo ea tempestate nobili; nimirum videri sibi Socratem stupidum & bardum, quod iugula minimè concaua, sed obstruētas haberet illas partes, & obturatas; sed & oculis, vultu, fronte inspectis, mulierosum prodi. Benè tu quidem, Zopire (suscepissem ego). At vitia Tu Naturæ; non vires pensitasti. Peccauit hæc, fateor, in corpore Socratis conformando, sed citra peccatum: vitiauit carnem, sed citra hominis vitium; scilicet vt Animæ, quàm illi indiderat Architectus Cælestis, intra Naturæ quidem spatia se continentis, vires tantas exereret, ac explicaret, vnde illud faceret exploratum, peruersitatem affectuum omnem, pronitatem in scelera, prauitatisque notas, quantæ eæ cumque sint, vigilantia, studio, meditatione solertis Animæ posse egregie castigari; Quemadmodum Socratis ipse vnus Naturæ præsidij sultus præstitisse ad prodigium prædicatur. An non verò miranda ista sunt, quæ de Natura dicuntur encomia? An non scitissimè illam committere cum Auctore suo, veluti cum parente filiam instituerunt philosophi veteres illud crebrò vsurpantes, *Deum, & Naturam nihil frustra facere*? O si ductum sectarentur Naturæ Mortales, quanto ex ijs plures, quantoque facilius immortalitatem, non nominis dico, sed vitæ; neque hic in terris, quæ sedes est mortis, sed in æternis illis Empyrei sedibus consequerentur! Quàm breuis è gradu Naturæ subiecto ad gratiam Diuini Numinis fieret nobis ascensus! Naturæ itaque nomen augustum cum sit, & sacrosanctum, quid nisi honorificentissimam, ac planè dignam

Cæli

Cæli theatro disputationem fateri cogimur, Studiosissimi Viri, quàm luce hodierna propoſitus de Natura ipſa Theſibus inſtituimus?

G R A T I Æ.

Quod mihi de Natura diſputanti tam humaniter adfulſtis, Auditores, Gratiæ vos manent per me cumulatiſſimè agenda. Ipſa tamen, quæ vos ſuis cumulauit muneribus Natura, Gratiarum agendarum munus cumulatiſſe multò perſoluet. Dixi,

PHILOSOPHIA MORALIS,

Et ſpecialim Politica.

Imperij moleſem, Mundani Inſtar Orbis, gemino illo ſubniti cardine, Vſu atque Arte, calculus communis virorum ſapientum ſcite ſtatuit, Ornatiffimi Auditores. Horum vtrum ſit poſius, An altero deſiderato ſufficiat alterum, non immerito quis vocet in medium. Et ſi quidem prima Mundi ſecula reuoluantur, quàm antè diſperſi ſedibus, diſcordes moribus, ac ſui quiſque iuris homines, vnum porro conſpirantes in corpus, vna inuicem congreſſi, vnius capitis, à quo tuti regerentur, imperio ſe dedidere: inſiciari proſecto nemo auſit, Vſum regiminis ipſo diuturno partum, Artis præceptis nondum inuentis valuiſſe. Tanta ſiquidem in Vſu vis poſita, vt Sragirita teſte ſolus per ſe ſe adminiſtratores Reipublicæ quàm prudentiſſimos dederit: Cui Philoſopho alter Chæronenſis adſtipulatur, Gubernatorem, inquit, nauigij eſſe bonum neminem poſſe, qui non antè pelago ſe commiſerit, atque ejus ſtridentium procellarum fecerit experimentum, tametiſi nauiculariæ imbutus theorematibus. Verùm enimuero quorſum antiquis Romanorum, qui vſu dumtaxat regundi Imperij apud finitimas nationes ſumma cum gloria florent, tanta nihilominus cura fuit tranſmittendi certatim in Græciam, vt cum omnes ingenuas artes, quæ inibi mirificè alebantur, tum Politicam in primis addiſcerent; niſi quod Reipublicæ perfectæ adminiſtratio ſolo vſu non conſtat, ſed ampliùs Artis ſubſidium quaerit? Nam & ille periculoſior eſt, & ambitum habet longiorem, quàm poſcat diſciplina. Contrà verò diſciplina tutior, vt quæ cadentiã in vſum errata, nec ea ſanè infrequentia, caſtigare docet, viamque & rationem ad felicitatem publicam, quæ mèta politices eſt, certam demonſtrat. Ita hæc facultate quiſquis fuerit

fuerit præditus, docere alios poterit; id quod posse non datur, nisi vsu pollenti. Quamobrem prudentiæ laudem non medicam, detulit ijs Antiquitas, qui dominandi vsu dumtaxat instructi, Magistros sibi Artis consummatissimos, quibus operam nauarent, ingenti studio conquiescere; quo de genere Themistocles Nisipholum, Pericles Anaxagoram, Dion Platonem, Philippus Epaminondam, Alexander Aristotelem, Scipio Polybium alij alios nati sunt ætatis quemque suæ gloria Politicæ celeberrimos. Ergo si perficit vsum doctrina, benè etiam auspicietur, necesse est: quàm multas enim offensiones cauet suas, qui aliena tyronum, pericula apud Scriptores Artis memorata perceret memoriæ, præcurrit consilio, compendio temporis laborisque declinat. Non erit propterea (credo) graue, imò verò iucundum studiosissimo consensui vestro excipere, quæ per me promentur tantæ Artis capita nonnulla disputanda.

G R A T I A.

Commisi Politicus Vsum cum Arte, atque huic ex merito primas adiudicaui. Ne me quæso incusetis nunc, Auditores, quasi retractantem. Urbanitatis causa in præsens oblata, longè alia; Aio fidentissimè, vsum humanissimæ vestræ attentionis immerito mihi commodatum, arte nulla agendarum gratiarum, vinci posse, aut æquari.

P H Y S I C A G E N E R A T I M.

Vel Philosophia.

FAcit audacem inuidia; tantum abest, vt me, ac mei similes terreat; eius, quàm hætenus ætatum omnium constanti plausu parauit gloriam Stagyræ Philosopho, excellentis in paucis, æquandi ab nullis ingenij. Concedunt & Phœbo principatum lucis, agmina astrorum innumera, totique se Cæli campo subducere videntur illo viso. Vnum tamen ex erraticis minoribus audet efferre se coram, nèque eius solum nascentis extantem iam radijs maiestatem quasi præmissa face anteire, sed occumbentis pariter deciduam gloriam funereæ instar tedæ deducere. Et quando nos in mentionem astrorum euasimus venerantes in Principe Sole Aristotelem: quis neget sæculo nostro ad omnium superiorum inuidiam, nouas in Cælo stellas, noua lumina esse conspecta, quæ Aristotelici obtutus aciem fugerant? Quis neget

get experimento recente probatum, sidus Veneris memoratum, perinde atque Lunæ, incrementis vicissim, ac decrementis pate-
re: neque tantum silens apparere, sed etiam bicornæ? Iouis lu-
men quatuor antehac inuisis luminibus medium teneri? Saturni
præterea duobus alijs comitatum? Quis neget in Sole (nisi So-
lem ipsum iam neget) maculas quasdam nunc demum deprehen-
sas? In Luna montes ex vallibus ad milliaria fere quaterna af-
surgentes; neque id vsui incolarum vlli, quod prisorum aliqui
ingenio certè lunatico commenti fuerant; sed radijs ex Sole ac-
ceptis, per aprica illa montium, & vallium concaua copiosius
in Terram ad nos refundendis. Multò enim clarius profectò
cernit beneficio conspicilli sui Galilæus, eius inuenti vel Auctor
primus, vel amplificator, quàm conductitijs oculis Astronomo-
rum Aristoteles. Quid? Cælum alterum nobis offertur, Audi-
tores; Galilæus alter ingenij felicioris conspicillo, in Cælo Na-
turæ, noua prorsus lumina dogmatum Aristoteli quidem incom-
prehensa comprehendit. Hic ille est **REDEMPTVS BARAN-
ZANVS** Ciuis Vercellensis, iubar clarissimum Sodalitatis Cle-
ricorum Regularium à Diuo Barnaba Mediolani nuncupatæ.
Quem Virum vix terris monstratum nuperrimè nobis Cælum,
ipsum inuidit: Cuius præsentis eruditionem prosecuta honori-
bus Parisiensis schola, Censura illa ingeniorum grauissima, in-
ter adscriptos suos ultro percensuit: Atque vtinam percensere,
diutius licuisset, vt conceptos multiplices foetus ingenij vastissi-
mi, maturo exclusos partu aliquando conspiceret, non tam ac-
cepturos lucem, quàm duros. Nunc verò quàm multa ipse in
Physicis post egregiam Logicorum tractationem euulgauit, suo
primum excogitata Marte, Peripatetico sensui repugnantia,
ratione verò altè subnixâ, Sciolis tantum, Zoilisque sugillanda?
An quisquam facilè improbet illam *formarum substantialium po-
sitionem præexistentium actu in materia secundum substantialis entis
rationem*? Sic autem ferè ille philosophatur. Nisi formæ omnes
substantiales secundum eiusdem entis rationem fuerint ab initio
rerum in materiæ gremium actu collectæ: ex quo fiat, vt natu-
ræ Agens detracta Materiæ modificatione (quam vocant) po-
tentialitatis, illam quasi massam entis existentem ad formalitatis
modificationem deducat; atque adeò materiam ipsam secundum
partem transmutet in formam: quid consequens est, nisi vt ex
nihilò creatæ dicantur formæ, & eæ à corruptione immunes
cum animo nostro immortalis congediantur? Quis illud quoque
ipsius placitum temeritatis acculet, *accidentia corporum secun-
dum*

dum accidentale genus ex materia, ac forma constare: quando & in corporibus ipsis componendis suam exigunt substantiam duplicem, illam potentiae, istam actus ratione distinctam; materiam dico, ac formam imperfectas per se substantias, ad vnius verò perfectionem substantiae conspirantes? Hæc atque alia scitissimè Baranzanus: sed & alia alij; incomperta quidem omnia Stagyrîtæ. Sed nemo tamen detrudere illum putat de Cælo, neque communes sapientum plausus inuidere. Multa herclè inuenit, multa etiam mutuatus est, ne non pauca dicam, suffuratus. Et ista nos libentes remittimus, quemadmodum ita etiam atque etiam commendamus, efferimus. Verùm teneat ille immania saxa incisa gloriæ notis trophæa magnifica ad posterorum admirationem sempiternam. Nostra nos quoque, ô luuenes, manet gloria; si tamen Baranzanum, sui que similes æmulati secretiora Naturæ adyta solerti indagine pertentauerimus. Cui quidem rei fiet per nos ipsos auspiciū optimum, si delectis ex Phyfica consideratione (vel ex Philosophia) nobilioribus placitis, ingenium quisque suum adhibita cote disputationis exaceruit.*

G R A T I Æ.

VT gratulanda est sæculo nostro felicitas, quòd supra Aristotelem se se euexerit: Ita mea miseranda fortuna, qui tantò inferior sum facultate agendi vestræ humanitati gratias, quantò vestra superior est omni mea facultate humanitas.

P H Y S I C A.

Item generatim Philosophia.

Obseruasse in minimis Naturam maximæ semper prudentiæ fuit (Florentissima Sapientum corona). Vel quòd ex minimis sensim ad maxima faciliore gradu, feliciore iccirco traducimur: vel quòd ingenium Naturæ vastissimum inter angustias festiuus ludens sagaci nos inquisitione deprehendisse arguimur. Neque ad ea solum vocatur opera nostra, quæ nouitatem habent, aut adiunctum commodum; quemadmodum aduesto ex Indis bombyce curiosa protinus Europæorum ingenia philosophandi pruritus quidam acer momordit. Nam & pulchra semper in nouis habentur, & ubi priuata utilitas penditur, ipsa mox honesti species euanesceit. Ne ergo rem meam aucupari videar hodierno congressu, simul vt vetustum, ac nullo non sæculo expositum

O

omnium

omnium oculis spectaculum offeram : Intuemini parumper, Auditores, vnum ex animalibus minusculum atque neglectum Aranæum, fila quidem ducentem instar bombycis, sed irretiendis bestiolis, non amiciendis hominibus; sordidandis domibus, non ornandis, insidijs struendis, non pellendis iniurijs: sed qui tamen suis valet retibus capere, ac diu suspensa tenere summa mortalium ingenia, suis sordibus multiplici adornare eruditione, suis insidijs argutè pellicere. Nonnè videtis Democritos ad risum, vbilibet pronos, in vna Aranei aluo contemplanda componere sibi ad seueritatem supercilium? Plinios thesauris Naturæ inhiantes, eiusdem aluo Aranei quodammodo beari? Philostratos gestis sophistarum, & heroum addictos Aranei studia interponere? Aristotelem, Censuram illam philosophorum hac ipsa in meditatione vix sibi constare? Adeò miranda obijcitur indefinens ea copia flaminum, quæ ex aluo huiusce brutuli opulentiùs, quàm ex cornu nescio cuius Amalthææ fruges prompta est ad iuge telarum opificium, vt plus Philosophis, quàm Muscis facessere negotium videatur. Cernite autem Minervæ æmulum in bruto pertinacissimum, quàm scitè machinatur opus? quàm prudenter orditur? quàm solerter pexit? vt eadem textrina pateat, atque tendicula? Duorum distantiam lacunarium (vt & in agro duarum arborum) expandendæ telæ campum deligit, pulli præsertim, exerceñtes artem, atque ediscentes. Itaque à culmine ad solum deducit; agrifice filum, atque à solo ad culmen eiusdem fili relictis vestigijs alia rursus atque alia reducit fila, quibus nendis se ipsum aptè sufficit & pondus, & fuscum: donec orsu composito texturam ineat. Hic porro artis sine arte miraculum. Quis enim Arti sit locus, vbi sola Natura magistra est? & vbi bestiolæ penè nullius formandum ingeniolum? En vt à medio principium ducit; subtegmina scutulatim adnectit; maculas paribus semper intervallis, sed se subinde augmentibus ex angusto dilatatas insolubili implicat nexu: opus materia certè fragili, mole pertenui, labore subitario; tanta tamen statuit ac roborat firmitate, vt & irruentibus ventis, & ingenti puluerum vi degrauante illæsum planè, immotumque perduret. Ipse distento sic rete ponè delitescit in specu ab se contextu. Quo quidem in opere Architectonicæ numeros implere omnes dicetis; ita bellè concamerata figura domicilium struit, tam capacitate sui atque vsibus commodum, quàm contra hyemis iniurias densatum villis, atque munitum. Hic sedet versutus auceps ita inclusus, vt nullo extante vestigio suspicionem sui omnem excludat: incidente verò captura,

ita

ita vigil & promptus, vt non currere, sed aduolare ipsum putes. Et quidem licet in extrema fortè hæreat plaga, per lineam telæ pertinentem, dexterrimus quasi funambulus, in medium proripitur: impresso motu totum concutit rete, vt sic pedicis tenta perplexius, certior venatori præda consistat. Frustrà iraque impingentes muscæ reluctantur ad fugam, frustrà palpitant, agitanturque, tametsi alio distrahente araneum negotio. Sat enim fidè seruatur præda pexitate ipsa tramæ tenente. Sed nobis de isto animalculo hic dictum satis, de Natura non item satis: quæ, quàm sit mirabilis, & vno Deo auctore digna vel ex araneolo arbitragi licet despectissimo plerisque, sed omnibus maximè spectando. Naturæ igitur contemplandæ studiosi excipite vos, quæ per me theorematæ mox proferentur, subtilissimis vestris ingenijs indaganda.

G R A T I Æ.

A Raneum ipse me profiterer tam despectum, quàm vulgarem inter sodales: Nisi hac ipsa disputationis tela, quàm texui capiendis (si liquisset) oppugnationum ingenijs, captius ego singularis vestræ humanitatis (Sapientissimi Viri) euasissem, nullis gratiarum agendarum conatibus euasurus.

PHILOSOPHIA GENERATIM.

I Nter memorandos Florentinos dies anni Quadragesimi sexti supra Millesimum, & Sexcentesium, diem illum soleo ideam mihi (nescio, quo Genio) in mentem reuocare; sed & sodalium fabulationibus plus quàm fabulam quidè aliquam ioculariam, si tempus fuerat, immiscere, qui nouam post hominum viuentium memoriam attulit Arni fluij redundantiam, Ornatisissimi Auditores. Ad id spectaculum conflente per anxie promiscui sexus, atque ætatis Ciue, quæ fluitans alucus nediàm urbem proscindens immensas imbrium vndas è cliuis, ac montibus circumquaque imminentibus aggestas deuoluebat; simul ipse curiosior adfui, demirans stupidus non tam amnis sensim intumescens impetum, ac debacchantis fragorem, quàm res varias, & moles, quas ille ex adiacentibus campis conuulsas, atque correptas iracundus, ac turbidus comportabat. In his fortè contigit inspicere innatans Dolium recenti Baccho (scilicet vertebat Autumnus) adhuc rubens: Mox quassatam vorticibus Arcam visendæ magnitudinis, ac operis vetustate pernobilem: Illic deuectum Asellum, infido haud dubiè abreptum stabulo, miseram iam tum

animam expirantem: Hic proceri stipitis arborem, cum stirpibus ipsis recens euerfam: Alias subiade, atque alias opes campes-
 tres, domesticas, præcipiti voluminum cursu fluctuantes. In hac tumultuaria quasi scena, Viri Auditores, multa mihi pau-
 enti simul, atque fruenti subministrabat ingenium. Reminiscebar in eo Dolio Diogenem, quem inuento illo hominibus insulsis ri-
 dendo, sapientibus autem admirando, domicilium sibi in dolio ad omnes temporum vices versatile constituisse legeram: nunc versari per ludibrium, non ad arcendas, sed ad excipiendos su-
 bitariæ tempestatis iniurias. In illa verò Arca quid, nisi opes commentarer auara manu eò congestas, quas non multo post tempore ludificantis fortunæ inuidentia dissipet, atque absumat? At hercle demersus vndis, eneetusque Asellus nonne Icarus alter videri potest, qui fortè animantis terrestris pertæsus conditio-
 nem, Cælestesque æmulatus volucres, frustra sibi alas affixerit prolapsus in flumen? Tandem id Arboris, genus nostrum facile retulit, refricauitque memoriam vulgaris adagij, Arborem esse, Hominem radicibus inuersis. Hæc me porro cogitatio è fabulis, & iocis euacuat, totum in inemet collegit, defixitque altius in rerum contemplatione mundanarum. Ita steti recolens attonitus, res istæ quâtopere sint fluxæ, quàm de facili euanidæ; quàm mul-
 tis obiectæ calibus, Cæli iniurijs, hostium direptioni, inuido-
 rum fraudibus, potentiorum violentiæ. At contrâ quàm sit beatus, quisquis opes sibi conquirat fixas, immotas, sempiternas, immunes à fortuna, securas à casu, & (citra absurdi speciem) mor-
 talis domini immortales. Et has quidem quis neget esse in sa-
 pientia positas; in rerum inuestigatione, in contemplatione Na-
 turæ, eiusque conditoris, in sui met cognitione potissimum; quæ desiderata, rerum omnium externarum notitiam frustra quis au-
 cupetur, omniscius (ut sic loquar) & sui nescius. Quare sapien-
 tiæ possessor idem est, & verarum opum possessor. Vultisne, hæc opes quàm sint certæ, quàm tutæ, cognoscere? Inspicite Biantem, vnum è septem Sapientibus, ac sui temporis in scena, direptæ Patriæ suæ, Roscium, spectatum cum admiratione, au-
 ditum cum plausibus ad omnem transmisit posteritatem. Cum enim vniuersi aufugerent ciues, rerum pretiosissimarum sarcinu-
 lis onusti, ipseque Bias rogaretur. Cur ex bonis suis solus nil se-
 cum deferret, Omnia, inquit, bona mea inecum porto; Sapien-
 tiam sibi ille volens, in qua vna opes suas indelibat, fortunaque omni superiores condiderat, & qua vna contentus non diuitem, se modò, sed florentem, sed beatum existimabat. Quare cum
 opum

opum tantarum nulla sit vena ditior, quàm Philosophia, agendæ sunt quidem per nos gratiæ Fato immortales, Ingenui luuene, quibus contigit à triuijs auocatis in adyta sacrosancta Sapientię, beneficio Philosophię introduci. Huiusce autem gratiarum positione aliquas, vt publicæ disputationi proponerem, suasit perspecta in vobis mirifica quædam Sapientię parandæ cupiditas, & ad immortalium opum acquisitionem anhelans cuiusque vestrum animus, quibus idcirco periucundum hoc fore necesse est, quod alijs fortè ingratum fuerit, ad incundam hodie disputationem inuirementum.

G R A T I Æ .

Discuperem, Auditores (tantum abest, vt horream) æmulam flubij illius exundantis eloquentiam, agendis scilicet humanitati vestræ paribus gratiis, quæ se mihi in modum largissimi vndequeque imbris effudit. Sed si ex vndarum fragore desiturus breui earum cursus prænescitur; consultius ego silentio, quàm sono gratiarum agendarum, animi mei grati constantem, atque perpetuum cursum testatum fecero.

PHILOSOPHIA GENERATIM.

Album, Philosophię, quò suas omnes maxime collineat præceptiones, ipsam esse Hominis inspectionem, regimen, consummationem, nemo vnus Philosophię primum limen ingressus non videt, Florentissime literatorum confessus. Stultè quis nititur rerum omnium conditarum, ac earundem Conditoris notitiam altius quærere, si se vnum ignorauerit: frustra studet homines alios cohibere imperio, ni cohibere se primum didicerit. Ita prius, quàm ad Politicam admittare, persuadenda est tibi Ethice: priusquàm Civilem administrationem ineas, periclitanda moderandi tui scientia, quò alios demum in te velut in speculo contemplare, atque illorum moribus frænum directionis iniicias, director tui. Hinc illud nouo semper auro exarandum oraculum, & nouo laterum nisi prædicandum, *Nosce te ipsum, & omnia nosti*. Qualem verò te nosces? An quæ tui sint prima exordia? quibus compingaris elementis? quo peculiari decreto Natura communis in te vno supra cæteros factus se se extolat, quæ in alijs humiliter nacta fatum induit rudiorem imaginem, postremosque limites tangit, atque ordines rerum? Minime verò. An quomodo compacta ex his corporibus moles tui, & inert

inerti iacens pondere cæterarum quidem animantium ritu, interiori pullulet impetu, sui ipsius & gignat in se motus, & sentiat: mox vim quandam externa scrutandi recipiat, & maius post se ignobiliorum rerum, quam ante se præstantiorum relinquat agmen, dum imperioso volatu se supergreditur, inquirendo nititur latentissima quæque colligere? Ne id quidem: propterea quod sæpè, dum omnia quæris, te ipse non capis. An de te iam composito, & ad vnguem elaborato quid Natura tandem disponat, quid cogitet? Scilicet datum animal fastosissimum terris, nondum lucidatum: & post annuos ferè carceres, quibus maiore, quam cætera animantia, periculo clauditur, tandem aliena manu claustris eripitur in argumentum infirmitatis; & quam init lucem, non fert, assuetus iam tenebris: vtròque corpus offert vinculis nihil magis quam vitam exosus, quam tūm suo fletu, tūm maternis cruciatibus prosequitur, omnia à sordibus, dolore, angustiis auspicatus? Nihil tale hic peto: quamquam ex ea cogitatione compescaris, necesse est, tu, qui terribiles gentibus arces moliris, qui Regnorum, non libidinis terminos, tantis opibus, tantoque sanguine per ceruices, ac pectora populorum profers: qui domicilia piscibus subtrahis, Terramque Ponto mîsces, cluso Naturæ sanctissimo ordine: qui præruptissimas rupes, scopulosque Cælo minaces exæquas humo; iacentem campum infano, nec profuturo auso in gemini Mundi discrimen extollis, erubescas, inquam, necesse est minas tuas, & pronum in vasta consilia furorem, quum tantulam molem respexeris tantorum malorum officinam. Liberaliore te volo studio prouocari: nec enim premendus es mole corporis caduca, nec brutis animi sensibus hebetandus, qui nobili Naturæ opificio contemplando in hac Orbis vniuersitate natus es; & tibi ipsi, cui Vniuersitas eadem consistit, sedatis animi tumultibus, conciliata inter aduersas portiones concordia ad exemplum Numinis perfectissimum conformando? Dicam vno verbo. Qualis tibi homini Deus, talis tu homo rebus cæteris Deus. Quo quid sublimius, Auditores? Philosophiæ scopus hic est. Sed me iam scopum constituo in isto ingeniorum cætu florentissimo, in quem vos argumentorum tela, vt semper soletis, acutissime collimetis.

G R A T I Æ.

IN hominis contemplatione occupatur certè pars maxima Philosophiæ. Sed in vestra tantorum hominum contemplanda
humani-

humanitate, qui mihi disputanti adfuitis, multo maximam Philosophiæ meæ partem occupatum iri profiteor.

PHILOSOPHIA GENERATIM.

SI, quantum plerique mortales corpori excolendo concedunt, alterum certè tantum animo impertirent: nihil iam esset, cur quisquam suorum temporum corruptelam damnaret, aut humani generis nunc cum Democrito derideret ineptias, nunc miseras cum Heraclito comploraret. Quànto enim extat animus corpori, tanto eius oblectamenta dulcius afficiant, oportet, ac semel gustata pretium aliorum longè, multumque deprimant. In quo quidem egisse melius cum brutis Auctorem Naturæ meritò quereremur, si corporis sensibus, qui nos cognatos brutorum efficiunt, sua cuique voluptate præscripta, non etiam maiorem atque excellentiorem statuisset, quæ animum non tam reficeret, quàm perficeret, & forti natiæ congrua felicitate compleret. Iam liceat ex corruptibilibus istis sensuum lenocinijs, quibus homines ita captantur, cupedia mentis, quæ, & quanta sint, coniectare. Nec enim brutam partem beasse Natura, cælestem ac diuinam abieciisse credenda est; nec ventri, quàm menti lautiores epulas apparasse. Quanta sit enim, quàmque inexplebilis gulæ libido, plus satis deprædicant tam multa eduliorum excogitata genera, relegata ultra fines humani generis mensæ frugalitas, indictum elementis bellum, ne quid fortè celent irritando palato, aut complendæ ventris ingluviæ minùs ingratum. Parum quoque est plerosque hominum vsque eo depressum ferri in gulæ perditissimum luxum, ut quamquam à Natura sublimes, atque in Cælum erecti, proni tamen in terram more pecudum, nil præter pascuum intendant, nil meditentur, nil curent. Etiamnè eò ventum erit, apud nationes alioqui humanissimas, ut contra humanitatis ipsius lura non noctes modo totas conuiujs addicant, sed etiam legem inuexerint acerbissimæ hostilitatis pœna violandam, cum valetudinis semper, sæpè etiam cum vitæ iactura seruandam, Inuitatus ad poculum etsi milliès, etsi iam temulentus, ac mero innatans nequis omninò renuito. Scilicet Epicurus è totius antiquitatis Magistris haud difficulter reperit, qui eius in verba non adiuratus iuret. Florentior hoc tempore philosophia, polyphagia est. Academiam hodiè popinones habent percelebrem. Quid plura? Venter plerisque Deus est (sic exprobrat Gentium Doctor) quòd in ventris cultu, velut in gremio beatita-

beatitatis conquiescant. Quid persequar hoc loco visus oblectamenta? Minus paulò indigna, quàm gulæ, sed nihilò minus acria. Trahit hominem nescio, quæ Diuinitatis vel species, vel affectatio. Artem ille obijcit Naturæ, scilicet opificio Dei homunculus. Quid quid ab hac vsquam pulchri, quidquid elegantis, quidquid magnifici conditum cernit, assequi per illam tentat: & quasi fastidiens ex quotidiano prospectu speciem hanc ambientis vndique plagæ cælestis, studet eius opes in terræ dodrantem cogere, in lapillis stellas accendere, in auro Solem æmulari, explicare in crystallis Orbes, colorare in tabulis diem, in margaritis lucem exprimere. Neque hic sistit. Cernite superbas Theatrorum moles Thermarum, Pyramidum, Signorum, Arcuum, non tam sumptum, quàm austum, quibus dum pascit oculum, excedendi quoque materiam Tempori subministret. Nam, quæ tactum afficiunt tangere hic prohibet candor vestrarum aurium, ipsa eò tenacius vincientia, quò & vincientia facilius. Nec enim alliciunt, sed trahunt, sed arripiunt captiuum Gordianis nexibus humanum sensum. Et quisquam erit ita impos rationis, qui sua deneget rationi pabula, sua oblectamenta, suas delicias alius ordinis simul & ponderis? An verò durissimæ seruitutis incommoda pertulisset Diuinus Plàto imperturbato semper animo, ac mente nunquam luxata, si mentis illecebræ, atque animi secretis Naturæ se se pascētis deliciæ totum in corpore cruciamentum absorbuissent? Desinite ipsi mirari, quos prædicare iactabunda antiquitas, mirari ignara posteritas nunquàm desinit, ita Philosophiæ deditos nonnullos, ita siderum obseruandorum abstractos amœnitate, vt corporis ipsius cura neglecta, patrijs posthabitis commodis, abdicata hominum societate, in summa rerum omnium copia sponte inopes, vna tenerentur, vna viuerent, vna spirarent contemplatione. Quare quòd vestræ mentis intelligo has esse epulas iucundissimas (Sapientissimi Viri) non inuitam, pollicebor mihi iure vestram attentionem, nec cum iusulso meæ disputationis apparatu epulas per se ipsas Philosophicarum Theſium ingratas vobis aut iniucundas fore.

G R A T I Æ,

D Egustastis vna mecum Philosophicas dapes, Humanissimi Auditores, Non est, cur bellaria gratiarum à me quisquàm exquirat. Suaues per se illæ satis ad deliciās: nec nisi desipere incendita mea oratione possunt. Ergo suppressis gratijs malo ingratus vestræ humanitati, quàm palato mentis videri.

PHILO-

PHILOSOPHIA GENERATIM.

Divinitatis filiam, Humanitatis parentem Philosophiam, factori primo humanæ propaginis divinitus illapsam, sacrarum literarum adumbratam mysterijs cum alibi ego passim, tum in portentoso illo simulacro, quod in ipsa quiete laborem mentis obtulit, & verum somnianti negotium Monarchæ Rabylo-nico non sine ingenti animi mei admiratione curriculum hoc eme-tiens contemplabar, Ornatissimi, Sapientissimique Viri. Quod enim generis cuiusvis metalla ad id conflandum, suo quodque or-dine pretij, confluerent; Philosophia rerum omnium naturas per gradus ordinatissimè complecti, ac perscrutari cernitur: aut certè peculiare omnes facultates tot in membra distributas vnius Phi-losophiæ spatijs contineri quis dicet. Nisi fortè amœnius ludat, Philosophiam ipsiusmet rerum parentis Naturæ æmulam esse, eum, quidquid vbique locorum hæc agit, quidquid molitur, quidquid potest, audaci indagine consequatur, perque leuiora huius vestigia certum iter colligens in penitiora se adyta, sinusque abstrusiores intrudat. Tametsi (quod bona vestra cum venia di-ctum volo Auditores) monstrum hoc immane simulacri ex vniuer-so philosophantium studio, ac meditatione conflare (laudine di-cam, an probro tantæ disciplinæ; vtrumque dicam) mihi pro-sum videtur. Quis enim satis miretur tantam Scriptorum cater-uam ab antiquis ad hæc vsque tempora ingenijs suis lucubrationi-bus conatibus conspirantium ad eam disciplinam per iteratas di-sputationes, perque aggerata commentationum volumina illu-strandam? Nonnullos ego quidem optimè de ipsa meritos obser-uo; benè alios, quosdam malè, non neminem pessimè nauseans offendo. Primum igitur aureum caput Aristotelem nos Peripate-ticorum Principem, & ipsi quidem *πρωτοφύλακος* (consistere quippe disputationi, superuacaneum) agnoscimus, ac venera-mur. Hoc auro cæterorum Philosophorum lapis Lidijs contra-rio Naturæ genio probatur, vt, quod de Tullio in re Oratoria Quintilianus protulit, vsurpare iam liceat de Stagyrta Philoso-pho; Tantum videlicet alios philosophando profecisse, quantum sibi placuerit Aristoteles: quantum aut ipsi illum probauerint, aut illos ipse. Argenteum verò pectus, quamquàm oppugnet ali-qui, candidum perpurgatumque Thomæ Aquinatis ingenium, est, vulgari appellatione Intelligentiæ cælestis attestante. Si qui-dem is tantum claritatis adiunxit philosophiæ, quantum imper-tiuit.

tiuit luminis Aristotelicis placitis, quæ sanè placita eius potissimum Doctoris studio superiorum Sapientum famam illustriori doctrinæ gloria obscurarunt. Iam coxas æneas, vt & ferrea crura interpretes alij, atque alij retulerunt. Sed illi vel inuiti sortiuntur terreat pedes, qui Cælum temerè scandentes, in cæno tandem resupini spectantur, interpretes, & commentatores, dementatores melius, qui Aristotelem in contrariam quamque sententiam perplexis nescio quibus paraphrasis, ac meditamentis detorquent, se seque demum ingenij portentosi laudem adeptos putant, cum per quæstiones, & verè tormenta elicuerint Aristoteli, quod is neque senserit aliquando, neque fuerit sibi quidem somnium. Quid autem magis intolerandum prudenti viro, quàm cum Aristoteli attribuant definitam contingentium futurorum veritatem, Diuinam ipsam ante cognitionem? quàm cum, derogant præcedentem primæ causæ motum erga humanam voluntatem? quàm, quod in vnaquaque partium coniunctione ad vnum constituendum modus quidam secundum substantiam distinctus intercedat, id esse cum velunt Peripateticum? Quæ quidem res (vt nihil dicam de alijs sexcentis) optimum quemque ætatis nostræ Philosophum iure compellit, vt ad tuendam nominis integram dignitatem, quemadmodum non ausit germaniam, ex Philosopho, veram idcirco sententiam infringere; sic ad oppositam quoque tuendam ex ipsius Philosophi sensu paratissimum æquè se proferat. Verumtamen vnius ictu calculi, vnius lapilli ruina pedes istos argillaceos, vnius (inquam) argumenti impetu operam omnem, & molem Commentatorum istorum facile rueret, comminuique quis non videt? Ergo dum simulacrum ipse exhibeo, vos exitum expectate.

G R A T I Æ.

Inter obstrepentium clamores disputationum (nescio quo illud modo) inturbatus mihi somnus alteram, simulacri speciem, sed longè meliorem obiecit, ex auro nimirum toto conflati. Vestra humanitas ista fuit, Auditores optimi, quæ me disputantem diu sustinuit. Huic autem tam æstimando beneficio quid, nisi prædictum simulacrum ex auro inter metalla incorruptissimo debeat ad ipsius memoriam sempiternam?

PHILOSOPHIA GENERATIM.

Non dubito (Viri Sapientissimi) quin plures hoc temporis; ac plures affectas Philosophia suos censeret, quoties ad ipsius lætissimos fructus errabunda nostræ ætatis iuuentus aduertet mentem. Nec enim est, ut vulgus existimat, illa Poëtices præcipua commendatio, nec Theatralis tantum, quod utile dulci miscat; sed umbratilis quoque & cum Philosophia communis; atque adeo ex Philosophia ipsa velut vberissimo fonte nilus deductus. Philosophiæ bona in hominum genus manantia ignorat nemo, qui non se ipsum ignoret hominem: nemo obtrectat, qui non simul rationi nuncium remittat. Eius verò suauitatem, eximiam quisquis vsu nondum libauit, nequaquam miror, huic planè incognitam esse, imò incredibilem. Mirabor potius, cui semel datur attingere, huic nullum suppetere verborum genus; nullum eloquendi præsidium, quo sensum animi aperiat, esse promptum. Ita fit non sine miraculo, ut Philosophiæ impercepta voluptas fidem omnem excedat, percepta omnem sermonem. Iam ut quiddam proferam tam ad genium mollioris iuuentutis, quam ad veram exactioris intelligentiæ, ita statuo; Philosophiæ studium parallelam quandam venationis habere speciem. Non enim domestica loca, ac celebria incolis adeuntur, sed tesqua inospita, & surdi recessus; Videlicet procul à forensi strepitu, à domesticis curis abducit philosophaturus animus, ac totus in se se collectus erigitur. Illic sagacitas canum, hic sensuum nostrorum in primis pollet. Illic gressus pernicitas exigitur, hic ingenij promptitudo. Lituorum illic sonitus, ac venatorum clamor clamore hic disceptantium, ac umbraculo personante perbellè compensatur. Respondent ignitis tormentorum glandibus tonantes syllogismi balistarum telis intorta entymemata, captiosæ argumentationes tendiculis, sophismata atque clenchi retibus. Nec desunt ardui calles, & saltus imperij problematicarum quæstionum, Verumtamen inter tantos anhelantium sudores gratissima demum captura ferarum est. Multò gratior profecto cum feras ipsas in caueis abditas, frustra diu conquistas, frustra conclamatas per vestigia procul odorata, erratico tandem filo solertia canum deprehendit, proteruia exturbat, audacia incessit, quousque insequentibus offerat venatoribus prædam. Ecqua dictio satis exprimat curiosæ mentis voluptatem, quàm inuenanda multò licèt labore, vigilia, conatu additarum intelli-

gentia rerum percipit, ad earundem causas, ubi ratio tota scientiæ nititur, per effecta quasi per vestigia certò itinere pertinens? Hæc planè sunt Philosophantium deliciae, non nisi Philosophantibus cognitæ. Quas quidem ut paululum hodie degustemus, non tam inuitandi vos estis mihi (Viri Sapientissimi) quam vobis ego, vestram in meis thesibus agitandis sagacissimam eruditionem probaturus.

G R A T I Æ.

T Amet si venandi voluptas in captura ferarum tota est: Ego tamen de vestra in me exhibitâ humanitate (Ornatissimi Auditores) quas agam pares gratias, venari me nullas posse, maxime lætor, oblectorque.

PHILOSOPHIA GENERATIM.

I Ngnauorum conditionem quisquis literaturæ studiosus expendens in eam ferè sententiam erumpit, damnata ista capita usque eò Philosophiæ infensa proscribi turpiter ex hominum societate oportere. Sed iuro ego, non illa solum Philosophiæ, sed sibimet ipsis infensa, ac multò inimiciora uti monstra teterrima humani generis è medio viuientium fore tollenda. Sic enim est, Auditores. Nemo non in virtute beatam vitam, nemo non in Philosophia virtutem, quisquis vel vitam affectat beatam, vel virtutis suauitatem semel attigit, collocabit. Te ipsum certè quidem negas, si remittis virtuti repudium. Tuum fraudas immortalitatem animum, si legibus brutorum addicis. His enim tantum virtus incognita, quia extranea, quia absurda. Nam ut prona illa in terram abiecit Diuinus Artifex; ita te sursum erexit, quò Cælum luminibus spectares, virtute peteres Indigeta inter mortales, beatus in terris. Ità planè. Sed erectum te quàm multa, nihilominus curuare ad ruinam tentant illicia terrenæ voluptatis? Huic porro tanto discrimini quodnam fiet aut certius præsidium, aut promptius Philosophia? Hæc scilicet sua certitudine derexit latentes dolos, & structas deprauandæ menti demolitur insidias. Hæc sensuum lasciuiam petulantem comprimit, insolentiam reterundit, impetum frangit, iubetque edomitos subire cum dignitate rationis iugum. Itaque sit, licet, cupiditatis illecebra firenum cantilenis mollior: dabit Philosophia, vnde tu tibi obstruas auditum; dabit, cui rationem firmiter alligatam commendes. Sit illa Crætenfi labyrintho implicatio: dabit hæc filum, quò tutus euadas.

cuadas. Sit Cerbero trisauce cruentior: dabit catenam, qua reluctantem cogas in seruitium. Sit horrendior Lernæo monstro; dabit ferrum, dabit & faces, vnde amputes minitantes pestem ceruices, vnde repullulantes contumaciter triumphes. Et erit quisquam de vulgo ira turpiter amens, ita refractariè insanus, ita sui monstruosè inimicus, vt tantum, tamque multiplex sui præsidium, vnum in hac laboriosissima vita solatium, leuamentum miseriarum singulare, felicitatis vberissimum fontem bonitate, ac sapientia Conditoris, digna quidem Deo, prospectum, comparatumque exosus sit? Sed in quos ego pluribus inuehor? Optimum pessimum, cui non sana mens. Vitiatò stomacho sanissimum, quodque amarulentum, virulentum. Vos, Viri Sapientissimi, quorum palato sola benè sapit Philosophia, accipite, vt soletis, hilari oculo, quæ de illa per me disputandæ promuntur Assertiones.

G R A T I Æ.

Vererer, ne disputatione mea incomptissima infelicitatis præiudicium fecissem Aduersarijs Philosophiæ, nisi vos, qui tanta humanitate subleuastis imbecillitatem meam, eius quoque dignitatem auctoritate vestra conseruaturos esse certò scirem.

A L I T E R.

Hominis fælicitatem ex Philosophia non hæc mea certè habita infelici successu disceptatio, sed vestra, Viri Auditores, conspirans cum humanitate Sapientia felicissimè supra vota propugnauit.

A L I T E R.

Hominem virtute beatum fieri accepistis initio, Auditores; Ergo, si debitis humanitati vestræ meas tamen excedentibus vires gratijs superfedero, nequaquam ingrati vitio, sed prudentiæ virtuti datum iri non dubitabo.

A L I T E R;

Disputationem hanc, meo licet periculo infelici susceptam; Philosophia tamen vestra (Viri Clarissimi) scilicet vestrum, Impugnatores, acumen; vestra Auditores, attentio; vtrique eximia virtus digna Philosopho felicem, fortunatamque effecit.

A L I T E R.

Habuitis, Beatitatem Virtute parari, Virtutem Philosophia. Vestra nunc Virtus, Auditores, qua me disputantem & im-

ugna-

pugnastis acutissimè, & patientissimè sustinivistis: quid ni, felicem memet ut iactem, efficiet?

PHILOSOPHIA GENERATIM.

SI captos amore iuvenes, eosdem & Musicæ deditos obseruamus, ut, vel temperent illà æstum amoris, vel nutriant: Date mihi hanc veniam, Viri prudentissimi, ut qui Sapientiæ amorem fouere me in sacrario cordis penitiorè profiteor anxius philosophiæ candidatus, egregiam istam, & planè cælestem, Amasiam, quandam vti Musicen proferam omnium compendium deliciarum, atque humanæ in terris felicitatis periodum. Non hic adsciscendæ mihi ad probationem voces extrariæ Sapientum, non conquirendæ mercenariæ rationum cantilenæ ad testimonium, non allegandæ argumentorum conductitiæ fides ad fidem, vbi sonus ipse per se vocalissimus huiusce musices exauditur. Nec enim alio cæterarum curarum præcipiuntur induciæ; quàm ut sequestri silentio mellitum ipsius Musices concentum facilius hauriamus. Sic igitur est profectò. Quò te cunq; Philosophaturus conuertras, Musicen percipis, harmoniam quandam, mirabilem ipso sensu non audis modò, sed vides. Etenim, siue moralis disciplinæ obiectum producamus Hominem, nonnè ipsum instar decantati illius Regij adolescentis in obscænitatem præcipitis vna hæc Musice multò arctius, quàm quæuis improbatillatio Veneris correptum, abstractumque reuocare valet ad frugem? Quoties verò isthæc efferatum vehementioribus perturbationibus prorsum sedauit, ad serenam animi tranquillitatem composuit; hoc est ipsum sibimet restituit hominem, reparato quem Natura perfecerat, libido turbauerat; intra hominem ipsum, conceptu? Hinc tam verè, quàm lepide per literatissimum nostræ ætatis describitur *Homo*, *Animal natura musicum*; Ex musice (subdam ego) atque ad musicen factum, non secus, ac limatissimum cæcumen, cuius tota ratio est, ut ad musicum sonum pangatur. Cui bellè consonat Paulus cælestis Philosophiæ fator, commento sanè cælesti eundem nuncupans *Hominem Dei opus*, aut ex Græco prothographo iucundiùs, *Dei Poëma*; quod totum scilicet ad modos musicos ludibunda Opificis Sapientia architectata fuit. Siue modò alteram Philosophiæ partem, quæ Naturam intendit, suo in lumine collocatam spectemus, Ecquid vel minimum in ea deprehendere est, quod non aliquem Musices efficiat numerum? Quasi verò vel surdas aures non feriat hebetio-

betiorum hominum illa Diuini oraculi vox: *Hoc, quod continet omnia, scientiam habet vocis*: Vocis (dico) scientiam Musicen habet continens omnia Mundi moles. Atque eius Mundi, Auditores, quod *Canticum Dei* appellare idcirco non dubitas Diuus Augustinus; *Organum Dei*, Dorilaus Pythagoricus; *Ordeum Regium Dei*, Granatensis Concionator. In quo maxime mirandi ij videntur, qui mirari non desinunt tam multiplicem in Mundo varietatem dissimilium, atque pugnantium inter se rerum, vnam tamen in molem coalescentium, vnum ad finem conspirantium, suæ isti Philosophiæ metam stuporem facientes; neque animaduertentes vterius prouecti, ex concorde discordia, concordiaque discorde effluere demum harmoniam: nec, nisi aduersis collidantur motibus Cælestes orbes, nisi contrarijs collustentur elementa qualitatibus, neutiquam extitutum fore concentum, vnde Conditoris gloria totidem musicis vocibus prædicaretur, quot constituitur partibus hæc rerum numerosissima Vniuersitas. Id quod serio ludendi locum fecit priscis sapientibus, vt Plato Orbibus cælestibus singulis singulas Syrenes adscriberet cælestis modulationis magistras: Vt Pythagoras ex eorundem Orbium vertigine varia, ac defricatione conditissimos cantus eliciat, attingendos quidem hinc infernè nostrismet auribus, ni strepitu terrenorum vincente subtrahantur: Vt Orpheus ex primis inter pœtas Theologos, temperari cecinerit à Deo totum Cælum, quasi canoram citharam. Atque hæc nostra philosophantium cura est, Auditores, hoc nostrum negocium: si modo negocium dixeris, quod ocio quoque dulcissimo dulcius redditur. Hæc verius deliciæ nostræ, hi amores, quibus alendis merito nauæi ducimus rotas agere noctes insomnes, intercipere corpori comoda, sensibus laxamenta denegare, ipsum defixis nobis in studio Solem, atque Aërem interdicare. Amatoribus autem hic sermo benè cognitus, nec exprobrandus certè tamquam intemperantibus, quando Numen ipsum æternum in hæc infima terrarum delapsum auditur *ludens in Orbe terrarum*, vel (ex autographo) *choreas ducens*: Amantis autem id esse quis neget? Vel (expressius aliunde) *deliciens in Vniuersi consonantia*. Mirabere tu igitur, mentem nostram sectandæ veritatis silentissimam suas hic omnes nancisci delicias? Mirabere, ita capi hominem huius Mundi concentu, tam multis alioqui miserijs mortalitatis immersum; quando beatitatis fons ipse Deus tantam inibi reperit, quàm metat, segetem beatitatis? Hæc ita cum sint, humanissimi Auditores, haud metuo hodierna luce, quin vos Musicen philo-

philosophicam olim experti, vestras quoque eruditas voces, dum ego disputandarum Thesium lyram, profero, concentui perficiendo interponatis,

G R A T I Æ .

Prolusimus cantu: perorabimus silentio. Quandoquidem meritis vestris haberi gratiæ, quàm agi facilius possunt.

A L I T E R .

Non ingratam vobis disputationis meæ Musicen existisse, vestro ipsi silentio probauistis, Humanissimi Auditores. Vestrum ego quoque quàm gratum sit perpetuo futurum silentium, silentio profitebor.

A L I T E R .

Dulcis Musice (nemo negat) propriarum est laudum auditio. At vobis, ô Humanissimi, qui laudationem omnem vincitis meriti magnitudine, dulciorem Musicen silentium fore meum non dubito.

P H I L O S O P H I A G E N E R A T I M .

Mirari non desinit vulgus, etiam cui est sensus optimus honestatis, quoties conspicuos literatura viros aduertit tenuitate victus, ac rerum omnium desiderio laborantes; Siccinè, dicens, egena nudaque incedis, Philosophia? O miseram tantorum virorum conditionem. O improbam dispensatricem bonorum fortunam; Cæcum planè Numen, ac durum. Siccinè in homunciones effunderis, in summa capita contineris? Illiteratis, numerariis, Therfitis congestas, cumulas, exaggeratas opes: politissima verò ingenia, ornatissima literis, cultissima moribus, (Ad summam) oracula humani generis neglecta iacere, pannosa, sordidata? Ita ferè vulgus; mille propterea iactans conuicia in Sortem, mille impetens Cælum diris, feriens sidera, damnans horoscopum. Sed hoc iniuria profecto. Nam iustius ciere debet inuidiam conditio Philosophorum, quàm commiserationem, si suo respondere pensetur. Collocate, obsecro, in bonolumine Philosophiam. Eius lineamenta, speciem, habitum, cum intenderitis, tum nihil illi adesse ad miseriam, nihil deesse ad felicitatem videbitis. Quid enim in communi bono legere est, quod non in gremio Philosophiæ colligatur? Honesti rationem? quid Philosophia honestius? Vtilitatis? quid utilius illa?

lucun-

Iucunditatis? quid ipsa iucundius? Quos, & quales Philosophis honores adiudicant Antiquitas, non aduocatio istius insignes passim statuas illis positas, quibus nec maius decus affectant mortales, nec perennius. Nam quod vnus Théophrasti discipulus Demetrius Phaleræus sexaginta supra trecentum statuas Athenis meruerit, dicere omni inuidia id maius esse, nā maius mirari in re minori succurreret, lucerna fictilis Epicteti philosophi ter mille drachmis coempta, quasi suppellectile illud rusticius, ac leuidentse ex contactu Philosophi, atque ex vsu philosophandi religionem contraxisset. Neque verò vtile negabit hoc studium, nisi quis tam hostis est patriæ, quam amicis sui: nisi quis, dico, sordide studia sua suis tantum commodis curandis impendit. Quid utilius, quam quod beatam Rempublicam facit? Sic enim testatur fore diuinus Plato, si vel Philosophi regnare, vel Reges philosophentur. Iam & iucunditatem deriuari hinc maxime, quis neget? Neque hinc solum, sed & publicam Rei felicitatem, creat Philosophia, & priuatam cuiusque. Frustra tum in commune moliris, ni cures prius in singulis. An verò parui putas muniri tibi animum ad quoslibet casus? Se danti tibi intestinos mentis tumultus, perturbationes cupiditatum, quæ lacerant hominem, in miram quandam tranquillitatem, serenitatemque componi? Philosophiæ hic quidem fructus, hoc pretium omnimortali pretio maius. Quæ cum ita sint, desinat vulgus, desinat minus digne sentire de nobis: desinat insultare causa nostra Fortunæ. Non est nostri (credite) miserendum, sed vulgi potius; atque eius malæ sententiæ, quod in externis quandoque sordibus latentem quasi in rudi concha margaritam, nostram Philosophorum sortem inuidendam ignoret. Sed iam semotis hisce Præfatis aggrediamur, si placet, philosophari. Præsto sunt placita, censuræ vestræ grauissimæ submittenda.

G R A T I Æ.

A Varam in Philosophos Fortunam incusat vulgus. Ego Fortunæ meæ auarissimæ gratias habeoq; maximas, quod me inopem ingenio simul, & eruditione, vestro ramen fauore diuitem hodierna disputatione, fortunatumque effecit.

PHILOSOPHIA GENERATIM.

Vel Speciatim Physica.

Parentem rerum naturam natam parente Deo, satis loquitur ipsa Natura, demonstrat Philosophia, pervincit ratio, illa quoque Sanctissimorum inter sapientissimos heroes oracula prædicant: Chrysostomi: *Naturæ opifex Deus est*; Augustini; *Quid quid ad naturam pertinet, Deus est*; Eiusdem; *Natura rei cuiusque, Dei est voluntas*. Quo fit, ut miranda quædam opera, hoc ipso, quod Naturæ sunt: miranda nobis videantur: quæ, quod ex Deo est ipsa Natura, omni protinus mirabilitate vacant. Quid namque mirabilius visu, aut quid dictu incredibilius, quam ab Araneo congregiente in pugnam Serpentem sterni? Hoc enimvero, si Naturam spectes, persimile monstro videri potest, & stylis eruditorum fatigandis natum argumentum. Quod si altius hic Deum attendas vim suam impertinentem Naturæ, ingenium imprimentem, atque solertiam; negabis tu mihi deferre illico miraculum, ac penè obsolescere novitatem prædij? Lepidum erit (nec dubito) sed maximè tamen credendum, si quando inter Sirij flagella captans umbrarum, & frigorum Serpens sub arborem inciderit, qua ex arbore suspensa habuerit sua, seria Araneus, hunc filo se suo argutè submittere, in caput librare Serpentis, adeò validè rostro arietare illius cerebrum, ut stridens subindè, ac vertigine rotata sibilans ne filum quidem superne instantis aduersarii abruptere, adeò nec effugere miserrimus Serpens queat; donec ariete frequentato succumbere iniuriæ, occumbere tandem inevitabili fato cogatur. Eminent nihilo tamen minus in huiuscemodi operibus admiratio: quod, quia Deum ex coniecturis tantum assequimur, Naturam verò attingimus sensu, occupat hic nobis mentem obiectu rei, quod tenuioris mole, hoc facultate amplioris, raptamque tenet beato quodam stupore, ut iam aliarum quarumlibet rerum magnificentia, quodammodo iaceat, splendor fordescat. Nonne illas omnes amphitheatrales pugnas Romanorum, atque Elephantorum horrenda prælia despecta quisquis habuerit, postquam vnam conspiciatus erit Araneolum cum atro, luridoque Serpente in arenam, profilientem, eius ferociam truculentam usque eò edomantem, dum vitam strato eripiat, triumphato corium detrahat? Mirantur plerique vnus impetu cuniculi quassari ingentes moles, per-

rumpi

rumpi solum, dirui totas vrbes, fragore Cælum oppleri, euer-
ti hostium vel obstinata præsidia, vel sudatas insidias; quasi istud
sit Artis, nec potius Naturæ miraculum. Quid enim hic habet
Ars de suo, nisi, quod applicet passiuæ actiua? In actiuis (dico)
agendi vis utique Naturæ resplendet: in passiuis eiusdem reci-
piendi potestas, quarum certè facultatum altera submota frustra,
molimentis suis Ars incubuerit. Mirabitur ergo Vir cordatus
non tam inuentum cuniculi, opus Artis; quàm scintillæ vnius
atomum, partum Naturæ minimum & penè nullum, tam mul-
ta vi tamen præditum, vt corporum grandiorum moles momen-
to euerstat, Arti materiam miraculorum suppeditet. Atque hæc
vbique cum sit Naturæ magnificentia, quis non auide discipli-
nam illam disputando pertractet, quæ tantis recludendis thesauris
clauem porrigit? quæ tantis rimandis arcanis aditum pandit? quæ
sacris his ymbris lustrandis facem præfert? Eius igitur decerpta
summa capita in medium producenti adeste vos mihi (obsecro) be-
nignis animis: disputanti adeste promptis ingenijs.

G R A T I Æ.

IN disputationem vocauimus (si ab initio meministis). In
operibus naturæ vtra emineat, admiratio Naturæ ipsius ope-
rantis, anñe Dei maiestas parentis Naturæ? Nunc Vos dispu-
tandum mihi relinquitis Viri Auditores, vtrum in vobis emineat
magis; Ingenium in impugnando; an verò in me propu-
gnatore attendendo benignitas. Ego dum prædico tacitus inge-
nium, benignitatem gratus obseruo, ac pronus veneror.

PHILOSOPHIA GENERATIM.

Item Physica.

Solent, qui miraculis naturæ teentur, explicare illius pom-
pam in grandioribus rebus, quæ solo obiectu facile implent
magnificentia oculos, admirabilitate animum. Hinc aliqui Leo-
nem potissimè contemplandum producant, dignum generositate
Regem quadrupedum, robore belluarum. Alij Aquilam auda-
ci Solis inspectu magistram philosophandi. Alij Elephantis non
magis molem immanem, quàm prudentiam homini æmulan-
dam. Hic formidandam Draconis fatalibus armis, & rictu pal-
lendo potentiam. Ille Equum ferocia pari, ac docilitate prædi-
tum. Sunt, qui minusculis in rebus grandem comenstrant Na-
turæ

naturæ solentiam adeo, ut nemo vnus philosophantium non multum impendat in scrutando Apis magisterio, atque ingenio. Ego verò proditurus hodie Naturæ diuitias, & eius opulentam panegyrim consēsi huic florentissimo exprompturus, ne vestris sensibus adulari fortè videar, malo proludere in eo animante, qui, & mole perexiguus sit, & aspectu inhonorus, ne dicam subterpis: adeo Naturæ proprius est lepor, ut vel inter probra, atque nauseas operum suorum eluceat. Contemplantini vnà mecum, si placet, Araneum: compensabitis (haud dubito) admirationis tenuitatem bestiolæ, oblectatione fœditatem: Addam & vilitatē operam. Siquidem in hoc tantulo animalculo rationes boni vniuersas habetis. Sed quid ego fœditatem, quid probum, & nauseam in Araneo recensuerim, cui Naturæ summus indagator Aristoteles lautissimo animali, sapientissimoque nomen dedit? Cui Salomon ille diuinitus eruditus, inter quatuor minutissima animantia, quæ ipsis sapientiora sunt sapientibus concedit locum? *Stellio*, inquit, *manibus nititur* (hoc est interprete Iansenio, Araneus quibusdam quasi manibus telam texit) & *moratur in adibus Regis*. Ipsius (crediderim ego) Regis Salomonis, qui hospitem pauperibus familiarem ex tugurio in Aulam euocauit, ut exhibito mirabilis texturæ suæ spectaculo Regalibus delicijs corollarium faceret. Volo igitur vos parumper, Auditores, intra lares domesticos, & quidem Aulae Regiæ, & laute mecum, ne dum commodè philosophemini. Agite iam. Araneum profero, speciebus reliquis exceptis, domesticum: maximum ergo mole præ illis, at minimè noxium. Iam bonæ frugis præfagium habetis. Cernite, ut illi è corpore tereti, habitu pallido, aspectu iucundo, prælongantur oppido crura: quibus siquando discriminatis circumquaque, ac dispeffis hæret alicubi, pistæ stellæ speciem exhibet. Iam honestatem quoque cernitis Cælo monstrante. Oblectari verò se neget, quisquis attentius obseruat; congreddi cruribus hos animantes ad prolem, eniti per similes ouis vermiculos, ad numerum trecentorum vno partu, saliendoque emittere. Sed hæc belluina sunt, inquit. Enimuero humanis illa proxima, imò verò maiora quia in bruto; lepidiora iccirco, & miraculi plena; quippe simul ac aranei adoluerint, matrimonia contrahere non nisi morte dirimenda. Vbi enim mas fœminaque conuenerint, riualem non patiuntur: & si quis in eorum telas, tuguriuè ausit irrepere, illico expelli, nec raro pœnas mortis luere. Tanta inter eos coniugij fides, & genij probitas viget. Sed quanta œconomix prudentia? Ita distribuere inter se mur-

se munia, ut extrinsecus incumbat scemina, venationi mas. Quamquam & scemina interdum venetur, & vir texat, si quando alter alterius indigeat opera, ne tam alienos à ratione ipsos putes, ut in tanto amore coniugij vicarias detrectent pro necessitate subire operas. Ideo & singulis internodia terna in cruribus Natura prospexit; quò ad utramque operam utrique essent procincti. Quid hic miramini Auditores? feracitatemne alui, quasi cellae cuiusdam inexhaustae, unde operi continenter fila promuntur? Mirabor ego potius & ingenium acre terendi, & sagacitatem callidam aucupij, ni laxiore praefatione, quam par est, videri possem aut aranei telam tenuissimo meo stylo velle distendere, aut muscarum venatu gravissimam istam Sapientum concionem altius tendentem detinere. Abscedat igitur ab Aula Regia, & à conspectu vestro Araneus; peroretque, quod ego superius innui, quantum ipse humano generi commoditatis afferat, cui ruinas aedium multò antè, quam collabantur, suo portendit abscessu. Neque id modò: sed (si Medicis credimus, atque vsui multorum fecat Tertianarum febrium, Quartanarumque periodum; aurium dolores tollit, oculorum albugines deluit; epiphoras curat; sanguinem sistit vulnere. Plurane vultis à penè nulla bestiola? Hæc porro sunt erudita Naturæ opificia, Auditores, ut vos ex vngue leonem, & quanta illa sit, ex minimis demum conieceris. Sed placet insinuari altius in eius indagacionem, promptis ex tractatione physica Theorematis: quod quidem bellè succedet, si collata per vos cote obiectionum, mei acies ingenij acuatur.

G R A T I Æ.

Obiectum philosophandi habuistis Araneum initio disputationis, Humanissimi Auditores: Ego præceptorem orandi habebo in clausula. Nam sicut, Plinio teste, ipse Araneus sereno non textit: non secus ego sereno isto in me superculio, & benigna adeo audientia vsus, nihil est, cur actionem gratiarum instituiam texere, quam prosequi pro merito nequaquam possum.

PHILOSOPHIA GENERATIM.

Vel speciatim Physica.

Titululus ille Philosophi, quo se vindicare studuit ab arrogantia maiorum, paulò cordatior Pythagoræorum schola: si vestri iudicij trutinæ committatur (Viri Sapientissimi) non dubito,

to, quin tandem extet purgatio magis pudendæ ignaviæ, quàm pudibundæ obtentus modestiæ. Cognouerat Samius paris discriminis esse, si vel domesticam sibi faceret sapientiam, ubi ferè peregrinabatur; vel insipientiæ mancipium venditaret natum ad sapientiam ingenium hominis. Quare nec ausus est iactare quasi suam sapientiam, nec quasi alienam negligere cursu medio, studiosum se illius tantum professus: nihil verò hic meritis de humano genere, qui ad supremum gradum vocatus, in ordine brutorum sibi esse consistendum putauerit. Hoccinè vos quasi dicterium admiramini? Sed dictum profecto, Sole, quàm sale notabilius. Siquidem Sapientiæ impotes natura cum sint, impotes mentis animantes; eius tamen studio quodam teneri, agi, moliri passim obseruare est in minimis quoque, maximeque neglectis bestiolis. Non citabo ex Indis, aut postremis Solis limitibus, sed ex nostrarium ædibus, atque adeò ex humilioribus egenorum tugurijs obuium vel inuitis exemplum. Araneum appello non generosum in brutis, sed plebeium, parente putri genitum, nutrice passum, muscarum ignobili venationi natum, foedo serpentum certamine exercitum. Sordet ipsa commemoratio, adeò vestris indignum oculis proponitur argumentum. Hoc tamen brutulum sordidulum, luridulum, obscænulum (quis credat?) sapientiam quodammodo affectat, quum instar philosophi faciem Cæli obseruat, ut telam suam sereno nequaquam texat, sed nubilo: qua quidem, ex philosophia veluti subalternante (vt aiunt) rectè philosophantur subalternati homines, multis visis araneis proximos imbres portendi. Tribuet hic fortè quisquam genio modestiæ, quòd Araneus artificium texturæ suæ mirabile malit Solis aspectui subducere, nubilo Ioue innoluere? Imò verò sapientiæ documentum id est singularis, & omni arte maius artificium. Nam; ne cui temerè agere videatur, qui mole caret, non sagacitate; nequaquam patitur aut effugere sibi prædam, aut abrupto rete venarum disturbari. Itaque claritatem virtutis affectans inter tenebras, tempus deligit nubibus imbrisque subobscurum, promptum ut fiat incautis bestiolis præteruolitantibus offendere pedicas, quas telæ tenuissimæ cribrata illa pexitas obtutui pœnè surripit. Verùm incrementi aquarum futuri præscius attollit altius texturam suam, ne ingruentibus, atque exundantibus aquis casso negotio venationis decoquat. Ecquis, obsecro vos, erudiuit Araneum, oculis volucrum fallendis captandum fore momentum temporis, vnde interfusus aër, lumine iusto defectus obiectum referre planè non possit?

possit? Quis, quibus prognosticis humiditatem aëris, imbriumque copiam ad exundantiam usque fluviorum præfagiret, admonuit? Studium certè Sapientiæ, consummatissimæ philosophiæ, alibi à lyceo hausta, sine Aristotele, absque ephemeride; solius magisterio Naturæ tam prædicando in brutis, quàm hominibus amulsis, & asophis exprobrando. Non hic metam figit Araneus philosophici sui curriculû: non communibus contentus est regulis, nec trita umbraculis sapientiæ. Etiam Magiam assequitur, hoc est penitiora Naturæ peruatit arcana, quorum aditus patefcit oppido paucis. Comprobo dictum à eo, quod ruinas ædium ille præsentit, easque multò antè deserit, quàm collabantur. Annæ, quæso, hoc addiscit suggerente Sibylla, aut Oedipo vate? Annæ assistente Chaldæo, qui è situ, congressuque siderum latentes casuum origines, motusque prædoceat? Hoc ipso mirabilior Aranet præfagitio; quod, non vt homo, opus habet in Cælum conijcere oculos, vt imminetia terris euentu colligat. Habet nobilius Cælo, quod speculetur, clariora sideribus, certiora planetis, doctiora methæoris. Habet in semet gymnasium, magistrum, bibliothecam. Habet, vnde impiger intendat, ingenium, vnde rem quamque feliciter assequatur, vnde assecutus certò vsu exerceat. Videte solertiam vnus Aranæ, quemadmodum deperit sapientiã! Quid nos præstare decet, Iuvenes generosi? Vos compello felicitate ingenij, facilitate indolis, commoditate ætatis, copia præceptorum, opportunitate sodalium, Naturæ simul fauore, atque fortunæ ad studia Sapientiæ natos, ad gloriam Philosophiæ. Sed videbor iniurius virtuti vestræ, Iuvenes, adhortamentum adhibens, vbi magis encomium exigitur. Satiùs agam productis Philosophicis (vel Physicis) thematibus, theatrum vobis, vbi spectemini, patefaciens.

G R A T I Æ.

TElam suam Araneus sereno Cælo non texit. Sic principio dictum est. Imirandus ergo ille mihi, quippe Magister Philosophiæ: Vt sereno isto Cælo humanissimi vestri conspectus, & audientiæ non rexam ego relam gratiarum; quas, quàm debeo, tam nequeo dignas vobis persolvere.

PHILOSOPHIA GENERATIM.

Item de Causis, aut de Principijs naturalibus.

Pætendam (si placet) hodierno confessui non indignum vobis, opinor, umbraculum, Viri Sapientissimi; breuem censuram Peripatetici cuiusdam placiti, omnibus è lyceo propofiti, expositi paucis, iniquè idè vellicati, atque explosi. Iam enim in id conspirat Philosophia vniuersa, vt ens vnum constituat, summum, infinitum, æternum, extra quod nihil sit aliud, à quo vno manent omnia, in quo recipiantur, per quod subsistant; Numen ipsum maximum, idemque optimum. Itanè? (suscepit sciolus) si ergo, inquit, ens vnum est, & ipsum sempiternum, duo hinc consequuntur *τὰ ἀδύνατα, καὶ ἀτοπα*; alterum quidem vt omnia quæcunque sunt, ens illud existant sempiternum: alterum verò, quidquid est, omnino vt sit numen illud. Ex quo adhuc subsequatur, necessum est, vt aut nihil rerum intereat (id quòd diuturno infringitur experimento) aut Numen illud subeat pariter cum rebus ipsis interitum. Ità vel sempiternum nihil vsquam extiterit, vel omnia certè vbique sempiterna. Sed vtrinque Sirtes, vtrinque scopuli. Nam & illud stolidissimus hominum ne excogitauerit quidem; & hoc sapientissimus cæteroqui, Stagyrites somniauit aliquando, Mundum æternum definiens. Hæc ferè sciolus. Vos autem scientijs non resperfos, sed imbutos; non eruditos, sed expolitos, & cote liuida impugnatorum acerrimorum exercitos, ac exacutos compellans ego, facile conciliatos habebò dictioni meæ, quæ saniozem in partem, vt candidum decet hominem, Aristotelicum placitum vsurpabit. Mundum igitur statuo æternum esse, ipsummet esse Deum, interitui obnoxium haud esse. Non sum mei immemor, hoc est Christiani capitis, atque adeò religiosi. Sed cum illa duo firmauerò, Et Mundum ipsum esse Deum, & immunem interitu; tum verò æternum esse, suapte consecutione deduxerò. Quid ergo? Statuo oraculum Mosaicum nostræ basim orationis. Nec enim dissimulauerit, ex illo se fonte bibisse quidquid in riuos effudit alijs Plato, ex Platone Aristoteles, ex Aristotele omnis subindè caterua philosophantium, vt me propterea nequaquam dispudeat, nec supercilium ipse reformidem aut fastidium hominum irreligiosorum, quando ad illos prouoco, quos dissimulare institutores primos ipsimet erubuerint. Age ergò: Quid sibi voluit, quod

Mosi

Mosi nomen Dei serio percontanti, cœlitus responsum est: *Ego sum, qui sum: sic dices Israelitis: qui est, me ad vos misit?* Quid, inquam, eo sibi voluit, nisi ens ipsum esse Deum, qui suapte natura, verèque est? qui rerum omnium esse est? Qui ergo est (aiebat) seu (melius) Ens ipsum, me ad vos legauit, Israelitæ: Neue detrectarent hi, habere huic Enti fidem Numinis, Deumque censere, iubetur Moses orationem in hæc verba concepta ordiri: *Dominus Deus Patrum nostrorum visus est mihi*. Nimirum hoc summum Ens edisserit palam, non minùs esse à potentia Dominum, à Maiestate ac prouidentia Deum, quàm Ens nuncupauerit ab essentia. Erit igitur, vt Dominus omnium ac Deus, sic & Ens omnium; nullaque rerum conditarum, quæ est, Diuinitatis expers dabitur. Quid? *In Deo sumus, viuimus, & mouemur*, ait philosophatus ex Arato poëta Paulus Apostolus. *Ioue cuncta utuntur, ab ipso nos sumus, ille fouet, cunctis viresque ministrat*, præcinuit absque fabulis Aratus. Sed alius nos adhuc vocat Ioannis Aquila despiciata nubes omnes humanæ ignorantie, fontemque ipsum lucis propius ebibens: *Quod factum est* (inquit) *in ipso vita erat* (placet sic legere cum grauissimis Græcorum, Latinorumque Patrum). Quod factum est, ait, in ipso vita erat; in Verbo quippè illo mirifico Paternæ mentis, per quod Vniuersitas hæc rerum constitit, vita fuit hæc ipsa, quæ postmodum exiit Vniuersitas. Vitam igitur Dei vixit Mundus, & quidem sempiternam; nihil enim in Deo non Deus est, non æternum. Et erit adhuc, cui durior videatur in hunc sensum Stagyrites æternum deprædicans Mundum? Et adhuc ibit quisquam inficias, quidquid vspiam est, Numen esse; quippe cum Numinis natura, quæ in se se omnia comprehendit, simplicissima existat, nulliusque patiens admixtionis? Restat modò, Auditores, vt cum Numine ipso vindicemus ab interitu Mundum. Quis enim Christianorum philosophorum ausit corruptioni subicere hanc rerum molem, quàm exacto tempore, ac generandi vicissitudine resistente immutandam in melius, reformandamque prædicant sacrosancta vatum oracula? At refragatur hic sciolus; hæc ipsa, inquit, quàm Tute ponis, temporaria generandi vicissitudo, hæc ipsa immutatio, hæc reformatio quid, nisi ad generationem corruptio est? corruptio verò ipsa quid, nisi interitus? Iam ergo interierit per vos, sin minus Vniuersum, certè quæ illo continentur infra Lunarem ambitum. Merito hæc omnium calculis philosophorum generationis corruptionisque sedes est; eritque, quandlū Mundus ista, qua præditus nunc est, indole constabit.

R

Acuta

Acuta incherle disputatio, Auditores, & pumilione ingenio non nihilo aktior. Sed ne congregiendi campum præripiant Aduersarij, attingam expolitionis gratia, non disputationis de substantiali transmutatione Aristotelicum sensum. Nec enim putetis, materiem, rerum perniciem, interitumvè sentire. Formæ quidem ipsæ mutantur, dum variam fermentationem materiei suscipit massa. Et quemadmodum in cera solemne est nobis facere, cum albam in viridem, cum viridem in nigram commutamus, cum aliam ipsi, atque aliam effigiem pro sigilli varietate imprimimus: Ita ferè Auctor Naturæ Deus massa hac utitur vt lacte, vt stygmatum pastillo, vt farinæ mole: habet autem fermenta varia, succos, coagula in pyxides quasi distributa. Sumit hanc massæ partem, adiungit inde fermenti, coaguli, succi particulam. Si quibus massæ portionibus ex vna, eademque pyxide applicuerit, hæc sient vnus, eiusdemque speciei, veluti bini homines, bini æqui, binæ arbores. Si quibus ex diuersis, diuersarum, quemadmodum Homo, Equus, Arbor. Quare non ex massa diuersitas ista provenit, sed ex fermentis: fermentis si quidem pluribus, massa vna, & ista vniufmodi; Quæ tamen massa secundum partes singulas apta nata est vim quamlibet impressam recipere. Tu illam subige; mox recipiet. Abollet hanc formam, inducit aliam sapiens ille figulus: illam tu dicis interire, hanc oriri. Sed gratis, sed perperam. Sume, si placet, animantem; contemplantur non diffinitiuam illam substantiam, nec quæ sensui occurrit species, sed essentiam modò illius vsurpa. Hanc tu semper extitisse neges? Dicas, licebit, dissolui animantem illum, sed eius animam in aërem possiliminio reuerti, aërique velut depositum reddi: Corpus autem ex terra concretum, terram perflare, quousquè è pyxide noua ipsi species inducatur, qua subindè corrupta in massam pristinam, hoc est terram recidat, necesse est. Inepte igitur generationem, atque corruptionem, ex specie in speciem mutationem, appellabit quis interitum, aut essentiaæ desinentiam, cum intercuntibus formis, cum desinentibus speciebus ipsa minimà intereat, aut esse desinat massa, in nobiliorem quandoque formam, nec vnquam interituram speciem ex præcitatæ oraculis transmutanda.

Nec species sua cuique manet, rerumque nouatrix

Ex alijs alias reddit Natura figuras

Nec perit in toto quicquam (mibi credite) Mundo.

Sed variat, faciemque nonat, nascique vocatur

Incipere esse aliud, quàm quod fuit antè, morique

Desinere

Definere illud idem, cum sint huc forsitan illa,

Hac translata illuc: Summa tamen omnia constant.

Sic cecinerat Ovidius in Metamorphoseon libris. Verumtamen vos ab amœnitate philosophandi ad seueritatem, à Musis ad Martem recentes, expositis thesibus, explicato quasi vexillo iam prouoco.

G R A T I Æ.

SI temporaneis rebus sempiterna essentia est, ut ipse proluseram: Vos certè beneficium in me collatum temporaneæ attentionis, non vnius horæ, quàm perdurauit; sed æternitatis spacia grata in vos memoria dimetiendum putatè.

PHILOSOPHIA GENERATIM.

Vel Mòralis Speciatim.

TRita est, nondum tamen (quod stupeo) explanata vsu communi disceptatio penes Platonem; Vtrum Virtuti Scientia aditum patefaciat. Ego quidem vestigia illa eiusdem Platonis vrgebo selecta omnibus millies, plerisque neglecta, *Beatas tum demum fere Respublicas, in quibus vel regnarent Philosophi, vel Reges philosopharentur.* Sic igitur habeo, & quidem non ad Epicureos: Hominis mortaliis felicitatem in virtute potissimum sitam esse: talesque debere se se Reges præstare, quales suos esse populos velint. Felices dixeris? beatos? Imò verò philosophos, inquit Plato. Quorsum ita? nisi quia mirum est, ad beatitatem, atque adeò ad virtutem quantum scientia, seu philosophia conducat. Subsistamus hic paululum, Auditores, designamus obtutum. Virtus est, quæ modis quibusdam, ac terminis præcipitem coërcet animum; & sic ea Respublica, quæ partes adæquat omnes, nec patitur alias iacere, alias æquo sublimiores rapi, erit (inquam) virtuti persimilis, erit beata. Hæc verò Scientia est, hæc Philosophia, & hæc regnanti peculiaris. Hæc Regna stabiliuntur, hæc colitur animus, hæc paratur felicitas, hæc nihil maius in votis est generi mortalium. Utinam id rectè caperent nostrates iuuenes, quos utique manent, cedentibus fato senibus, moderandæ aliquando habenæ Reipublicæ. Non ij ab ardua Cebetis rube scandenda sic terrentur, tot illecebris, ac fucis accessum eius inhibentibus. Quantò autem alacrius victoriam sibi quærerent, dum dispendiosum lucrum, dum perniciosam vtilitatem, dum verbosam scientiam, dum miseram felicitatem

blandientem animis, & toto conatu aduocantem reiectarent, du-
riorum quidem auidi, sed honestiorum. Quippe id ijs suggere-
ret scientia, id philosophia commendaret, quæ veris innixa fun-
damentis, atque ab omni abhorrens fūco, posteaquàm animos
ingenuos occupasset, procul seruire illud vulgus faceretur, nu-
datumque gypsatissimis pallijs, quàm fœdum, mucidum, inane,
inhonestum, corpus lateat, Sole clarior panderet: detrahe-
ret oculis caliginem, expurgaret intrusam animis fœccordiam,
& stolidam cupiditatem retunderet, & quidquid ibi speciosum
apparet, quidquid allicit, quidquid à cæpto reuocat, detecta
hinc veritate, omni demum detestabilius monstro, omni sordē
inhonestius, omni tempestate periculosius, omni fœce, scelere,
turpitudinē inquinatius, obscœnius, flagitiosius demonstraret. Sed
hæc contentiosi apud ignauos. Cæterum vos, quando vel præ-
maturis conatibus ingeni ad Philosophiæ apicem, & per hunc ad
virtutis felicissimè pertigistis, iuuabit (credo) de Philosophia di-
sputantem attendere; scilicet quæ vestræ olim fuit præclaræ in-
dolis, solertiæ, generositatis Theatrum.

G R A T I Æ.

SI quemadmodum præfatus eram, è Scientia manat Virtus:
certè, quanta insit illa vobis (Nobilissimi Auscultatores) hæc
ipsa, qua me hætenus sustinuitis, Inuicta patientiæ Virtus ar-
guit. Simul ne ea audacius abutar, minus ingratum vel sine gra-
tijs, mihi silentium indicit.

PHILOSOPHIA GENERATIM.

Vel Moralis speciatim.

Professus hodierna die in hoc cætu ingeniorum florentissi-
mo, cuius nuper spatium emensus sum, Philosophiæ theore-
mata, nequaquam t. nendam puto viam illam omnibus tritam;
ut in limine disputationis ipsam vobis commendem composita ad
pompa dictione Philosophiam, & velut expositam mundanis
mercem adscito fūco, ementitaque sagina manganizem; cum
id veret omnino, & eiusdem disciplinæ dignitas incomparabi-
lis, & vestra, Nobilissimi Auditores, omni maior commendatio-
ne philosophandi peritia. Non sunt emendicandi mihi emptor-
es, quos adesse tam frequentes hic cerno (quamquàm quid ege-
tis ipsi cœmere, quod vobis superfluit?) neque conquirendæ fo-
rinse-

rissecus laudes, qui ne obtestationem quidem, aut calumnias reformido. Nunquam enim (vt grauius Seneca) in tantum conualefcer nequitia, nunquam sic contra virtutes coniurabitur, vt non Philosophia nomen venerabile, & sacrum maneat. Quare (vt hic Ciceronem subiiciam) qui Philosophiam proficitur, grauissimam mihi personam videtur sustinere. Nam (vt idem ipse in Claris Oratoribus) illa est mater omnium benefactorum, beneque dictorum. Atque (vt in Tusculanis) mater est omnium artium, donum & inuentum Deorum. Quod quidem encomium magnificum, etsi Philosophiam vniuersam complectitur; maximè tamen cum ea concinit parte, quam Ethicam vocant, quæ, & benefactorum est, & nostræ propterea culmen felicitatis. Sed interest omnino, vt veræ Philosophiæ linea teneatur; non illa ergo veterum, qui de summo hominis bono quærentes, quod est omnis Philosophiæ caput, multorum ipsi capitum efficiunt monstrum, furiando magis homini natum, quam beando. An verò quisquam patientes stomacho ferat ea dogmata putidissima, adeo sibi inuicem repugnantia; Vt in voluptate animi summum bonum constituat Epicurus: In corporis voluptate Aristippus: Calliphon, & Dinomachus Cyrenæici in virtute simul, & voluptate: Diodorus in doloris priuatione: In non dolendo Hieronymus: Peripatetici in Animi, Corporis, Fortunæque bonis. Herillus in scientia: Zeno in congruente vita Naturæ. Stoicorum aliqui in sequenda virtute. Denique in honestate ac virtute Aristoteles. Quot capita certè, tot monstra. Sed alijs alia monstrosiora. Quid enim primum contendit Epicurus? An non (ego dixerim) summum summi animalis bonum in eo collocari oportet, quod commune cum cæteris animalibus esse non possit? Verum, vt propriæ sunt volueribus pennæ, armentis cornua, feris ungues ac dentes, ita & homini proprium aliquid assignandum, quo detracto de naturæ suæ ac dignitatis gradu turbetur. Voluptatem verò animi nec brutis quisquam iure negauerit, gaudij nimirum & securitatis capacibus: Nec homini consequenter tamquam peculiare ac summum ipsius bonum attribuerit. Siquidem Aristippi placitum brutum verius, quam hominem, ne dum Philosophum sapit; nisi quod à bruto sola Philosophantis loquela distinguit. Ecquid mancipium ventris ac Veneris, nisi suas in popinis, in ganeis delicias commendaret? Suas ibi Aras habere, quas incenderet, suum Numen quod coleret hecatumbis perpetuis, Sacrificulus idem ac victima. Confutent igitur bruta Aristippum, & Mineræ cum primis inuisum pecus arguat sacrorum Deæ suæ

suæ vſurpatorem temerarium. Quid enim (date veniam, Auditores libertati ſuccenſentis iure Philoſophi, atque adeò ſtomachantis). Quid ſi gregem grunnientium obſcœniſſimum offendas, cum aut in glandes petulanter proripitur, aut laſciuiens in purulento cœno volatatur, aut olentes rabidus iniecit fœminas; atque facultate ſermonis conceſſa ſingulatim ab ijs quæras; Quid ſit, cur tam procacia, tam perſeuerantia ruant in fœdas illas corporis voluptates: Nihil minus proſpecto respondebunt, quàm quod Ariſtippus, ſummum bonum in ijs ſe ſe nanciſci: probabuntque ſcite, ex veterum ſententia habere ſe quidem pro ſalutem animam; nihil verò ſalis habere Ariſtippum in anima, cuius philoſophantis placita ſalacia ſint magis, quàm falſa. Huic finitimi Cyrenaici, virtutem cum voluptate coniugantes. Sed viderint hi, he ſummum Hominiſ bonum fortuitum ponant iniquiore brutis conditione. Liquer enim, non niſi labore conſtare virtutem, quæ, ubi radices amaras appoſuit, expectatiſſimis fructibus perſæpè fraudat. Ridiculus autem videtur Diodorus, quod beatum deſcripturus hominem, miſerrimum efficit. Etenim ſi ſummum tuum bonum in doloris priuatione poſueris, ſummo igitur malo antè doceas, neceſſe eſt, quo poſtmodum ſubleuatus læteris ſummo bono: Et quod ridendum eſt magis, miſerrimo tibi ex ægitudine ſummum bonum miniſtrabant phar-maca, lapides, radices: ex ieiunio poma, cæpe, allia, ex ſiti aquæ patera, ex frigore ſpolium pecudis; è laſſitudine pauillum ſœni. Hos tu verò ſummi boni auctores ac largitores agnoſces? Cum Diodoro certat ineptijs Hieronymus, qui beatum faciens indolentem, vel cum homine bruta eleuat, vel cum brutis deprimit hominem. Quid, quod ſummum bonum proponit magis, quàm promittit? Quandoquidem ne doleamus, optare ipſi quidem poſſumus, ſperare non poſſumus. Bonum autem ſi ſummum illud ſit, in noſtra ſit, oportet, poteſtate, certum, perpetuum, immotum. Conſonant cum hoc ſerè Peripatetici, bona corporis ad beatitatem exigentes, inter quæ utique cenſetur indolentia; immo & alia plura cum brutis communia. Quod verò Fortuniæ accumulans bona, quæ noſtram fugiunt poteſtatem, quis non videt, non in hominiſ poteſtate bonum, ſed contrà in boni poteſtate hominem (ſi tamen bonum dicendum quod à Fortuna) tanquam mancipium eluſis ſæpe votis cruciatum conſtringi: Scio, ab hiſ bona quoque animi primo loco reponi. Verum quæ illa ſint, Griphus eſt, Oedipum expectans. Sed neque audiendus nobis Herillus, qui dum inſciens

scientia felicitatem requirit, intellectu saturo voluntatem ieiunam relinquit, felicem eundemque miserum hominem volens. Zeno fortè fortuna album retigit, consentaneam naturæ vitam, præfigens summum bonum. Verùm tamen siue naturam hominis corruptam, & in deterius pronam intendit, hominem perfectò exigit brutum, vt faciat beatum: siue integram illam contentamque legibus à Conditorè præscriptis, iam & hoc in beluis reperiet, quæ vtrique secundum naturæ impetum in omnibus feruntur, nec repugnandi habent potestatem. Quid verò Stoici? Paulò ipsi nobilius differentes, beatitatem in gremio virtutis reponunt. At quoniam virtutem ipsam esse summum bonum volebant, visi sunt in scopulum prudentes offendere, Causam felicitatis effectricem pro effecta re permiscentes. Quod sanè metuens naufragium Aristoteles maluit ipsam cum honestate virtutem, quasi Virtus factò ad honestatem gradu nos demum in apice statuatur felicitatis. Sed animaduertat ille oportet, frustrà fieri Virtuti honestatis appendicem. Quid enim? An diuortium aliquando cum honestate Virtus faciat? Quasi inhonestæ aliqua detur Virtus, turpitudinis comes, magistra dedecoris. Sed iam faxint istiusmodi placita, quæ placere scilicet non possunt verò Sapienti. Faxit vetus isthæc Morosophia melius, quàm Philosophia, quæ causam primam rerum omnium Deum dissimulat, Deum, inquam, Optimum Maximum, bonum igitur hominis verè summum, cuius in cultu beatitatem nostram iure tucetur castigatissima Christianorum Philosophia, atque eò mores nostros, studia, consilia docet intendere, vt rectis ad Deum itineribus pergentes dignam hominè vitam concludamus digni Deo. Verùm hæc hæc hactenus. Vos, Auditores, qua soletis benignitate audientiæ adeste obsecro mihi, Philosophicas theses ex N. N. discussuro.

G R A T I Æ .

DE Philosophia hodie disputantes grauissimam illam, quam ex Tullio initio memoravi, personam vtrique nostrum sinuimus. Vos quidem Philon, idest Amicorum; Ego verò Sophu, nimirum Sapientis. Tametsi, vt ego Sophos visus sim, vestra Phlôn benignitas sola perfecit,

PHILOSOPHIA GENERATIM.

Vel Moralis Speciatim.

O Bjicio inermes armatis, solis bellicosos Philosophiæ placitis, pugnaces humanitatis cultu, aduersus totam Martialem ferociam; neque anxius quidem de consecutura victoria, aut de triumpho legitimo ambiguus, Studiosissimi Auscultatores. Rem mehercule incredibilem dictu, si magnitudinem spectemus, sed spectaculo protinus ipso credibilem, immo verò oculatissimam, nec nisi talpis altercandam. Sic enim statuere non dubito; prima omnium arma inter mortales mora à principio rerum, primam lani apertionem, primum castrensis tubæ clangorem aduersus literas extitisse; nec propterea mirandum, quod iam tum Ciceronianis temporibus cessasse canerentur Arma Togæ, laureamque linguæ; quippe quorum dimicatio cœuæ generi hominum tam multis eatenus congressibus victorias, victorijs palmas, palmis triumphos eidem Togæ, ac linguæ, hoc est literis, & eorum parenti Philosophiæ numerabat. Quid? Pugnant hæc, quod mirere, sed amice, iisdem in castris, iisdem pro partibus, auxiliorum sibi inuicem, vnam eiusdem Imperatoris gloriam, publicæ rei commodum intendentia. Neque enim, ut putat vulgus, militarem disciplinam infringit Philosophia, sed firmat; non turbat, sed tuetur; non obsistit, sed obsecundat; atque ubi arma hebetantur, subit acies Philosophiæ, ac vigor sapientis animi residentem Bellonæ impetum sustinet. Sit, quæso, arbitra Causæ experientia, cui tam religiosè deferunt humanæ res magisterium. Obsidebat Camillus Faliscos inueteratis odijs feroces, munitionibus verò, copijs, com meatibus metuendos. Iam copias circum oppidum explicauerat, castra posuerat. Quo ex oppido Magister puerorum Principum (planus) Princeps Pædagogorum, & hominum scelestissimus deducit vetere de more quasi lusus, & exercendi gratia gregem alumnorum imbellem, utique lanienam meditans. Sed variato lusu, atque sermonibus trahit ad spatium solito longius à porta, donec per stationes hostium, & castra Romana perlatus Imperatori tandem sistat. Huic deuelat mentis machinam: offert præsentem pueros in deditionem, & per pueros parentes in Patria Principes, per quos tandem cedat oppidum, & natio tota, necesse sit, in Romanorum potestatem. Magnum verò Fortunæ tentamentum, Auditores?

ditores? sed maius virtutis præsidium. Vos factum aduertit. Odit profanum munus Imperator integer. Repudiat oblatam victoriam victor tanti sceleris, periculo virtutis nono, nec solum: sed & acriter obiurgatum Magistrum denudat: manus post cærgum illigat, tradit pueris reducendum in patriam; simul eis virgas distribuens; quibus proditorem ad oppidum vsque urgeant verberantes; scilicet dantem poenas discipulis præceptorum optimum, equitantem suis in pedibus nobilem prædagogum, malè tractatum thema retractantem in ferula, digna omnino cum pompa ingenij sui ac disciplinæ. Quid amplius moror? fecit spectaculi nouitas tam apertam Faliscis nequitiam Magistri, quam iustitiam Romanorum adeo, vt posita fortitè, ac restincto odio, quo se, suæque Marti deuouerant, inuicti pacem, ac deditionem offerrent Romanis non armorum magis; quam animorum victoribus. Quid per vestram fidem hunc tantum Imperatorem in tam dubia expeditione fortunauit, præterquam Philosophia? Hæc ingenium erudiuit, animum formauit, virtutes congeffit non tam ornamenta, quam subsidia; vt, vbi armatus repugnantem hostem sentiebat, sentiret victum exarmatum sola inuehens virtute animi, debellans facilitate. Validius etenim frangunt adamantinum pectus adhibita humanitatis officia, quam ab immanitate hostili admotæ machinæ. Quam multæ ciuitates (vt hoc etiam vrgeamus) quam multæ prouinciæ, quas ingentibus apparatibus bellica vis in cassum tentauit, vniustandem obtinuit ciuilitatis obsequium? Quis Pyrrhum Romanis armis frustra petitem Italia pepulit? Philosophia, quæ Fabricio liberalitatem in hostem suasis, vt ei necando compositum esse venenum dederet. Quis Scipioni Africano inclytam magis famam peperit? Philosophia, quæ post edomitam Africam edomare simul docuit castitate libidinem, vt captiuam foeminam ætate florentem, forma insignem redderet Viro illibatam. Quis Cyri memoriam æternam sacrauit? Philosophia; non illa certe, quæ stylum Xenophonti rexit, sed quæ stylo eius poliendo, fatigandoque materiam suggessit, Magistra omnis immanitatis & continentiæ. Quæ cum ita se habeant, quis vestrum iam ambigat plus multo valere armis literas? his illa destituta patere fortunæ aleæ, munita sistere labentem rotam, & fati inuidiam stabilimine Imperij habere delusam. Satis iam pro Philosophia à me dictum; De Philosophia restat & à me, & à vobis commissæ disputatione dicendum.

G R A T I Æ.

Proem poscunt à Romanis Falisci non Marte victi, sed Philosophia. Frustrâ ego quoque vobiscum prælior agendo gratias, qui vestra humanitate summis Philosophis digna, & omnem mecum habetis sermonem victum, & victum animum.

PHILOSOPHIA GENERATIM,

Vel moralis Speciatim.

Omnia Deum in sapientia fecisse tradit sapientissimè Israelitarum Rex Dauides. In sapientia quoque omnia refecisse subdiderim ego, nec (puto) insipienter, Auditores vndeque Sapientissimi. Non ago in hac parte Theologum, vt per Sapientiam sempiterni Patris, hoc est Verbum illud Diuinum in Humanitate nobis visum, nobiscum versatum ruinas Orbis instauratas fuisse prædicem, assertum è seruitio Cacodæmonis genus mortalium, desecratos corruptelis & vitijs mores, receptam postliminio veri Numinis religionem; denique restitutas virtutes animis, animos hominibus, homines Mundo. Hæc autem alium Actorem petunt, & scenam aliam. Sapientia, hic dico, ipsa est, cux recreat omnia, atque eius amor, seu (vulgari appellatione) Philosophia ipsa est, quæ illius velut Parentis obstetricem agit. Quid enim obsita tenebris ignorantia mens nostra, nisi cæca demersum caligine chaos adumbrat, confusa vniuersa, atque informem in cinnum permixta? Pulcherrimum Dei opus homo, magnus molimine, etsi moles parvus Mundus, fac, laboret infcitia, laboret ieiunio Philosophiæ, nec tetrius illo chaos dabitur, nec cinnus confusior: malè morati mores, animus exanimis, mens amens. Prorsum nulla est cogitabilis sorditas, quàm non ille excogitet, nullum indignum facinus, quod non meditetur, nullum exitiale consilium, cui non adhaereat. Brutis grauis, & sibi redditur, ac velut purgamentum ciet Romachum rebus omnibus, inter quas ne numerum quidem facit, quia numerum nullum habet probitatis: parumque adæquatè cum Flacco dicitur, *fruges consumere natus*, qui nec frugi ubi est, nec nisi Naturæ legibus inuertendis instar monstri egestus in Mundum. Fac dein, affulgeat huic lux aliqua Sapientiæ, oboriatur modò crepusculum; fac, dico, Rudium modo Sapientiæ eius in pectore accendatur, Ecce illi diffuere extemplo tenebras,

nebras, dilabi horrorem, redire nativam formam, respirare spiritum, reuiuiscere vitam, totam componi ad beatitatem naturam; (vno verbo) ipsum ad se se hominem reducem fieri, nec se ipsum præ magnitudine capere; adeo dignitate succedere, maior quodam modo se ipso redditus. Non hic effutio, nec iactor audacius. Quid enim nobilius Imperatore ex victoria insigni minime insolente? At hoc Philosophiæ opus est, hoc miraculum. Iacit quippè miraculum raritas Imperatorum, qui victoria superiores hominibus, non infra homines desideant similes lasciuentibus feris belluis. Annon miraculi famam habet, quod de Darij victore Alexandro refertur Annalibus? Emerat iam sibi Macedo nominis celebritatem pretio sanguinis tot cæsorum hostilium agminum. Intulerat effertioribus latè gentibus victricia signa, penetrauerat triumphis remotiores Orbis terrarum plagas, fecerat Regni sui pomærium diuisa Oceano Regna vastissima. Quàm multa numerabat summorum Regum capita subiugata, tyrannos perdomitos, prouincias populates? Mundus totus minorem se fatebatur illius virtute, cuius pars maior non virtuti, sed famæ virtutis, ac pene monstratis armis, sonantique vix classico promptissimus cesserat. Hunc domitorem Orbis gloriosum, cui omnia obsequiosa parebant, cui adorabunda gerebant morem, cuius genio, delicijs, libidini auctorata militabant, à Statiræ Reginæ complexibus deuicti Darij vxori, non elegantia minus, ac formæ venustate, quàm Regali conditione multò conspicuæ potuisse sibi temperare ab illis dico, complexibus, quàm sibi dederat intemperantior Victoria captiuam: quis neget hic excessisse Macedonem in hac parte Platonis votum, quod beatam voluit Rempubicæ sui temporis Philosophus ipse non solum pacatus Regnans, sed etiam bellator triumphans? O nobilem Principis Philosophorum Alumnum, dignum profecto præmere imperio populos, suas ipsum prius cupiditates imperio rationis præmentem; victorem antè sui, quàm aliorum; sensuum antè, quàm hostium debellatorem. Agnoscite in hoc homine Sapientiæ recreatrici lineamenta, reueremini Philosophiæ opificium. Sed placet quandam velut idæam eiusdem in medio ponere, quàm vos obiectis argumentis, vtrumne expressa graphicè sit, probetis.

G R A T I A :

Conflare non poterat melius humana omnia per Sapientiam recreari, quàm cum hodierna disputatione insipientiam

meam sapientia vestra castigastis: tenuitatemque hanc virium
subleuastis excellentia beneficii sempiterni.

PHILOSOPHIA GENERATIM.

Vel Moralis Speciatim.

Nescit Philosophiæ pretium, qui Homini illa defecti for-
tem miserrimam oculatus nescit. Tamen nos cælestis
huius disciplinæ naturam purgato lumine contuentes vel omni
secluso experimento in eam facili sententiam pedibus imus, ut
quidquid felicitatis obuenire mortalibus potest, ex vno illud
fonte Philosophiæ manare cum Sapientissimis Viris statuamus.
Non enim exterarum modò rerum naturas sensibus nostris abdi-
tas, suisque reclusas in tenebris peruestigat Philosophantis mens,
quarum ex affecutione quasi deprehensis venando feris in cæco
recessu, voluptatem quandam animo gessiente hauriat: Verum
peculiari negotio erigitur ad suimet indagandam conditionem,
naturam, præcellentiam, altius contemplatur originem, intuens
defigitur mirandum corporis cum animo nexum, distinguit
vtriusque facultates, obseruat studia; tum demum qua lege ad
concentum temperentur singularum motus, quæ sit ratio tuen-
dæ inter dominantem ac subditam portionem harmoniæ, quæ
quidem harmonia ipsum in se se hominem continens beat, ærum-
nis exemptum omnibus, gaudijs omnibus cumulatum. Quid
enim amplius habet ille, quod expetat, si se possideat, se frua-
tur? Neque externis bonis indiget, qui omnia in se collecta
bona diuinitus habet: neque alienis dutescit, qui assatim proprijs
abundat. Hoc ipsum tribuit cultoribus suis Philosophia: Con-
temptores verò quales faciat, haud dubie colligere est, miseros,
perditos, profligatos, tam à felicitate distitos, quam ad omnem
proiectos ærumnam. Inspecite animatam huiusce rei picturam
in Appio Claudio historicorum stylis ad probrum sempiternum
expositam. Hic in amoribus Virginis reduxit in scenam Tar-
quinium Reum Lucretiæ; fecitque Decemviris, ut ille Regibus,
detestando suo facinore abolitionem. Intuenini vos, quæso,
in summo Magistratu summam vecordiam, in potestate impo-
tentiam, in Imperio seruitium. Adamare formosam Virginem
(quis neget?) humanum est, deperire, amentis; tentare, leno-
cinari, petulantis, proicteque impudentis. Quid dicam iniecta
vi opprimere? Quam turbata hic mens deliquentis? quam iasta-

tus furijs animus? quàm foedè lacerata stimulis conscientia? Scilicet quantum homo brutus à Philosophia abhorrens, tantum aberrans à veri amoris regula. Exécrata facinus Roma est; damnauit Plebs, quamquàm ex lex iniquissimum caput. Parens ipse puellæ Virginus, plebeius licet ordine, animo tamen fortis & excelsus dignum philosophia pectus obiecit. Quid? Puellam (proh facinus!) in oculis Tyranni libidinosisissimiprehendit: stricto ferro confodit: Honori victimam dicat. Cadit ipsa (heu) illius perempta manibus, à quo vitam hausit, vlnas inter paternas, quæ dulces illi cunæ iam fuerant. Poteratne in homine Ethnico illustrius factum Philosophia moliri? Amore parentis in filium nihil dulcius (quis nescit?) nihil potentius. Docet nihilominus modum amoris Virginus Claudium, Plebeius Magistratum, Priuatus miles Decemuirum: Docet amor non dari locum, vbi subit infamia: fama obstetrice genitum habere priuignam filiam, si hæc ipsa malè audiat: Denique honestate omnem castigari dolorem, iacturam compensari, orbitatem hilarescere. O Parentis constantiam ignotam Naturæ, Philosophiæ domesticam. Equè serenus perhibetur, quum filiam tollit, quàm quum genuit, Amorem vitricum cernens, non patrem. Fundit imperturbatus ipsum, quem dederat filiæ, sanguinem, labe dedecoris vt abluat calente balneo. Ferit amasium in amasa, tyrannum in filia, corruptorem in virguncula. Eripit spiritum natæ, simul extinguens proco libidinem, ferali eo ferro exarat sibi vindicatæ gloriam dignitatis, contractæ Claudio notam turpitudinis sempiternam. Hæc planè monstra dicetis, Auditores, siue vnius impotentiam spectetis, siue alterius fortitudinem: quemadmodum & inter amoris delicias fractus animus cruciamentis pateat, & inter cruciamenta doloris infractus experiatur delicias. Sed lubet arcana quadam proferre illius Artis, quæ rerum tam admirabilium thesaurus est, vt opes mihi aliquas solertissima vestra ope, Auditores, depromam.

G R A T I A.

Docet Philosophia in affectibus modum. Ego vero bona cum venia Philosophiæ, cui memet emancipatissimum profiteor, nolo grati animi modum in vos, Auditores, qui humanitatem in me vestram terminis nullis clausam præbuisistis.

PHILOSOPHIA GENERATIM.

Debuit Aristoteles ingenium suum Naturæ, tanto præ cœteris ab ea donatus, ne aut malè operam suam ipsa locasse, aut hic degenerasse in immane monstrum videretur. Sed nusquam meo iudicio ita frugi extitit Philosophus noster erga communem parentem, aut luculentius probatum fecit acumen ingenij sui, quàm, cum animantia quæque minima pretium esse voluit humanæ indagis, libro primo de partibus animalium. Accipite vos quasi oraculum, Auditores. Quamobrem, dicens, viliorum animalium disputationem, perpensionemque fastidio puerili quodam spreuisse, molestèque tulisse dignum nequaquam est; cum nulla res sit Natura, in qua non mirandum aliquid inditum habeatur. Et quod Heraclitum dixisse ferunt ad eos, qui, cum alioqui eum vellent, quod forte in casa furnaria quadam caloris gratia sedentem vidissent, accedere temperarunt: ingredi enim eos fidenter iussit, quoniam (inquit) ne huic quidem loco Dii desunt immortales. Hoc idem in indaganda quoque Natura animantium faciendum est. Aggredi enim quæque sine ullo pudore debemus, cum in omnibus Natura nuxen, & honestum; pulchrumque insit ingenium. Hæc Stagyrites. Qui fanè, dum vel in minimis magnam exhibet Naturam, magnitudinem ipse ingenij sui, atque adeò iudicij ad censuram Philosophiæ nati nusquam magis ostentat; simul & fastidiosa illa ingenia pusillitatis condemnat religiosus in singulis quibuscunque cultor Naturæ. Ea mecum ipse agitan, opportune satis prospexisse mihi Naturam existimaui, ut publicè ad disputandum proditurus coram tantis ingenijs ducta ex eiusmodi aliquo argumento præfatione certum pusillitati meæ præsidium compararem. Promptum verò adfuit vel invito argumentum, & illud è Cælo nuper oblatum. Aëreum Cælum mihi volo, Auditores, æmulum fiderei hac tempestate, atque in his terris ingeniosissimum. Ad siderum quippe contentionem innumerandum agmen produxit illarum volucrum, quas nisi appellandi culices continuisset usus, iustius ego harpyias dixerim, adeò mihi superiore nocte quietis famelico è longa studiorum meditatione præripiebant edones apparatusissimum somnum. Sed me denique ipse carpens, heus, inquam, insulsiissime hominum: Siccine repellis oblatam vltro è Cælo attollendi te parumper ex humilitate tua occasionem; dum, quod Socrates ex molestia procacium vxorùm, tu ex improbitate insidiantium culicem nancisceris domi, atque in tenebris, quod foris

foris atque in Sole philosopharis? Vix ea dixeram, cum facilis genius conciliatus est mihi in culices, salutavitque protinus hospites, opportunum deprædicans, quem antè doluerat multo importunum, aduentum. Quis enim, ait, exprobet eis nocturnum errorem, quos Phœbus parens abscessu suo terram deserturus, vigiles, atque excubitores constituit? Quis incuset aculeum, quo aciem provocant ingenij nostri? Quis truculentam nuncupet vocem, qua se tibicines, ac præcones Naturæ publicant? qua indicunt vigiliam oscitantibus, ut ad Conditoris gloriam contemplantam interdum erigant mentem; siquæ merfos sopore compererint, corripiunt protinus, & conflata in telum tuba compungunt. Nesciunt autem stativa, adeo insistent operi, sed quasi velitaris cohors hic, illic, ut res tulerit, præsto sunt. Nequaquam ergo hostiliter non feriunt, sed amicè, quia sapientiæ amantes, hoc est philosophos esse iubent: sed ardentè, ut qui consanguinitatem nobiscum ambiunt candidati quidem, sed mox purpurati. Quapropter quid est, cur mediter tristis vindictam in Culices? Quid, cur sibilum eorum meis querelis, errorem fremitu, aculeum diris, ietus pulsibus, pertinaciam intenta nece insecter? Sed attollere tu magis ad philosophandum: Dabit vnus culex materiam, & eam cum fanore, dummodo ipsi vitam serues immemor prætentæ molestiæ, memor officij. Ecquid portento similis, quàm in corpusculo minimo tam grande concludi Naturæ magisterium? In magnis quidem beluarum corporibus operosæ Naturæ panditur spectaculo sequaci theatrum: In hisce autem pene nullis idem profectò spectaculum est; ac miraculum. Quis enim vnquam fabricauit Dædalus, horologium in tantulo spatio? Hoc si quando daretur, nonnè mentes mortalium admiratione compleret, quòd in mole nullius visus, tot tamen viserent collectas rotas, denticulationes, lamellas motus, & frenum, & spiritum, & malleum, & tintinnabulum? Neque verò pars minima eorum, quæ culex complectitur, horologii sinu continetur. An non illum constare simul dices carne, pelle, ossibus, venis, sanguine, neruis, cartilagine, membris? Si quidem videt, audit, comedit, olfacit, mordet, graditur; quidni oculos, aures, os, nares, dentes, pedes, crura distinguat? Quòd cibum perficit, utique stomacho instructus arguitur; Quòd sanguinem generat, iecore; Quid respirat, pulmone; Quòd viuitt, corde. Intestina, necesse est, habeat, quò congerat superuacua, Ventrem cauum, quò intestina condantur; Caput, quò seruet cerebrum; Palatum, quò cibus sapiat; Linguam, qua vocalissimum illum efformet

efformet sonum; Membrorum item reliqua, quando eadem cum reliquis animantibus munia vitæ exercet. Sed attonitum planè facit Philosophiam ille ferientis stimulus: nec sibi ipsa credit, quod non solum visu probat, sed tactu quoque, & eo enormi, neque dissimulando? quemadmodum tenuior capillo, atque inuasidior deridem tergoris expugnet? quemadmodum & subtiliter traicere, & largè simul ebidere sanguinem valeat; ut neque summæ exilitati usus fistulæ obsistat, neque vsui fistulæ summæ exilitas. Iam ergo non mirari Naturam non potes, quod eius ingenio plusculum nihilo animal tam multa in se se membra perstringat. Nam partes ita exiles quo laborant? sunt ferramento? quàm agilis manus, quàm solers ingenium artificis tam modica, in mole tantam instrumentorum copiam digerentis? Verùm præfationis grãtia datum est Culici satis. Demus maius aliquid disputationi, quæ multiplici vestræ eruditioni ampliorem campum exposcit.

G R A T I A.

Præstantem Culicem hodierna disputatio retulisse videtur, Humanissimi Viri. Ego certè, ut gratias ago quam plurimas, quia plurimum habui, quem exurgerem ex vobis, sanguinem sapientiæ: ita, quia malè aculeato ingenio meo molestiam peperì, etiam atque etiam, ut ignoscatis, rogo.

PHILOSOPHIA VEL THEOLOGIA.

Minus bene sapere videntur mihi (Viri Cordatissimi) qui Sapientiæ sacris hoc seculo initiati, priscorum temporum Philosophos tamquam insipientia notatissimos ne legere quidem, aut obiter delibare audent sine religione, ac piaculi conscientia; ut propterea illorum non tam errores conspicuos, atque intolerandos, quàm codices ipsos, syllabas, apices auersis oculis cauendos, condemnandosque putent. Ego verò lectionem eorum, atque usum non mediocriter conferre dixerim ad Sapientiam: si tamen pictores imitatus, ad eam, quam molior, imaginem visis coloribus, natiuis luminibus referendam, umbras potius congestero, & eas quàm maximè densas, quo illa viuidiùs, & clariùs obiectu ipso aduersarij exprimantur. Atque ut pauca ex innumeris producám, quisnam Philosophorum veterum Zenonè densiores errorum umbras protendit? At vndenam melius eluxit Sapientiæ lumen? Inter hominis vitia, inter morbos animi repouerat Zeno Misericordiam. Videte cæcitatem, nedum umbram Philo-

Philosophi. Quis autem vestrum, Mortales, huius Magistri ritum æquis oculis ferat? Scilicet Hominem ad apicem felicitatis per Sapientiæ callem professus deducere, de gradu ipso humanitatis pulsum videtur inter pecudes miserrimè abiicisse. An verò arctiorem nexum prospicere Natura poterat, quò genus nostrum tam secerneretur à brutis, quàm secum ipsum coherens congruente dignitati suæ vita seruaretur? Est enim homo (quis neget?) societatis cum primis amantissimus; natus non sibi tantum, sed alijs; in communi bono priuatim intendens; ad ciuitatem factus, ad officium pronus; ut, si ad alterius hominis aspectum efferari iusseris more cæterarum animantium, quarum natura solliuga est; nonnè ipsum humanitate posita beluina immanitatem induere compuleris? At, inquires, Misericordia pusilli animi vitium est, ad aspectum alienorum malorum succidentis. Eam anus, & mulierculæ, eam quisquis effeminato, ac molli animo vir familiarem habent: ut vel nocentissimorum lachrymis moueantur: ut, si potestas fieret, damnatos eriperent laqueo, viactis effringerent manicas, & compedes, carcerem panderent, impunita scelera, conculcata iura relinquentes. Non ita vir sapiens, qui solus (inquis) beatus viuit, eandem semper faciem seruat, os idem semper, serenum, & inconcussum; tantum ideo tenax iusti, quantum à misericordia, quæ utique miserum facit, alienus. Is ergo tibi vir sapiens? rigens, inexoratus, inhumanus? Nonnè si Beatum delineas, etiam Deo immortali quàm simillimum reddi oportet, Deo inquam ad misericordiam paratissimo, ad condonandum facillimo, ad subleuandum miseros, ad beandos ita expedito, ut se tùm maximè Deum ostendet, cum maxima in hoc genere exhibet pietissimæ facilitatis exempla, vobis ipsis Ethnicis perspecta, prædicata? Debuerit, Auditores, huius argumenti radio discuti vmbra tam tetri erroris; verùm Ægyptiacis crassior tenebris adhuc obtinet. Succurret, inquit, Sapiens alienis lachrymis, non accedet: dabit manum naufrago, exuli hospitium, egenti stipem, non hanc contumeliosam, qua pars maior horum, qui se misericordes videri volunt, abijcit: & fastidit, quos adiuuat, contingique ab his timet; sed ut homo homini ex communi dabit. Donabit lachrymis maternis filium, & catenas solui iubebit, & ludo eximet, & cadaver etiam noxium sepeliet. At faciet ista tranquilla mente, vultu suo. Ergo non miserebitur sapiens, sed succurret, sed proderit. Hæc à Zenone stans summus Philosophus, vmbra illius illustrare se posse putans. Sed nisi retractet penitus, & submoueat; nonne in lumine cor-

pu s vmbra facit? Certè ita redditur obscurus Zeno, vt idæam sapientis, quam nulli hominum exprimere in se liceat, confinxisse videatur. Quòd enim illi misericordiam negat, effecta verò ipsius attribuit omnia, plus est profectò, quàm vt homo viribus Naturæ integris fultus perficere possit. Indigetam faciat, oportet, mortalitati penitus exemptum; ceterum optandum, hic nobis dicerem ego magis, quàm sperandum, nisi, quod vni Numini beatissimo peculiare ac natium desert sacrosancta Christianorum Theologia, id nos in hac vità lege fatali miseros optare, densentissimæ foret audaciæ: Me verò iuuat esse hominem, ne in immanem degenerem beluam. Ac nunc quidem, vti philosophum decet, humanitatem in ipsum Zenonem præsto: Misereorque summoperè eius, alioqui ingenij præcellentis, inscitia. Vtinam re quoque propositum animi in inscitia obstinatum expugnem. Reliquum iam est, vt dilabentibus priscorum errorum vmbreis ad lucem veritatis disputatione publica intendamus obtutum.

G R A T I Æ .

Inscitiæ vmbra sapientum veterum conspectum nostris sapientiæ veræ lumen magis commendat. Sic humanitatis vestræ singularis meritum, Auditores, silentij mei vmbra, quàm agendarum gratiarum luminibus, clarius clucescet.

A L I T E R :

Habeo gratias fato meo, quòd in luce sapientiæ vestræ incomparabilis vmbra humanitatis quæsiuit obscuro ingenio meo longè gratissimam.

A L I T E R .

Obtuli nunc vobis, Humanissimi Viri, quam inopiz meæ impenderetis, misericordiæ segetem copiosam. Vos mihi alteram tantam segetem gratiarum. Quas, quia referendo non sum, agenti certè quàm maximas possum, eodem, spero misericordiæ sensu condonabitis.

PHILOSOPHIA VEL THEOLOGIA GENERATIM.

Platonis indigna Platone vox, & vulgi plausibus quàm vestris dignior (Prudentissimi ingeniorum arbitri) visa mihi semper illa fuit, quùm agere se gratias Naturæ diceret, quinque ijs auctus beneficijs: Quòd natus homo esset potius, quàm brutum

tum animal: quodd masculus, quàm femina: quodd Græcus, quàm Barbarus: quodd Atheniensis ciuis, quodd Socratis demum temporibus. Id ego, Auditores, cauillanti excidisse, ad summum imprudenti libentius crediderim, quàm vt tantum caput inscitæ, ineptiæ condemnem. Ecquid, obsecro, homo sciolus, aut agirta circumforaneus captandæ ieiunæ plebeculæ Audiosus, fabularumque diuenditor effutisset inanitus, ac delirius? Quasi verò (vt hinc ipse suscipiam) si vel barbarus, vel mulier, vel (bona cum venia) si asinus natus foret, idem ipse denique Plato foret, an non ipsum idem quod natum fuisset. Horum, quippe alterutrum: aut Philosophi personam ista dicendo seposuit, qui sensum vulgi insulsum promptis: aut certè Pythagoreum somnium probauit: quem quidem Pythagoram scimus, vt homines ab esu animalium prohiberet, euulgasse, elapsas corporibus animas in aliorum corpora animalium commeari. Cum hoc itaque somniare visus est Plato, potuisse fieri, vt, quæ tum temporis informaret Platonem anima, in mutum aliquod animal degenerante sorte includeretur; essetque nihilominus humano sensu prædita, benè vt eo intelligeret, doleretque, indecora onerari se corporis mole. Quanto fecisset personæ suæ congruentius Plato, si Naturæ gratias professus fuisset, quodd ingenium sibi tribuisse inter homines Diuinum, quodd miram ad virtutes omnes indolem, quodd ea congestisset humana præsidia, eas opes fortunæ, quibus liberaliter erudiri, & tantæ expectationi respondere cumulatissimè potuisset? Hæc enim verò gratias nostras merentur, quinimò extorquent. Nam quodd Athenas habuerit patriam, videtur nescio quid è triuio redolere, atquellà Platonico spiritu nimis alienum. Quid enim interest tua, vtrum hoc, Vel illo sub Cælo vsuram auræ acceperis; dum sortem eandem subeas, idem tibi fortunæ fauor aspires? Quasi Ithacæ exosus esset Vlysses, cuius Regno potiebatur: quasi non Stagyrae suæ Aristoteles, & Arpino Tullius; & Ataci Terentius Varro, & Aquino Iuuenalis, & Priæne Bias, & alij alij obscuris locis clarissimi viri splendidius duxerint, contulisse se Patriæ, non accepisse splendorem. Quid? Athenis nati, ac temporibus Socratis milleni hominum multi extitere (dubium non est) indocti ij, atque insani. Non enim vt Cæli clementia ingenium; sic soli conditio, & celebritas loci, in quo quisque effusus ex viro est, conciliat homini sapientiam. Aliquid refert (opinor) incidisse in Socratis tempora, ætatem illam auream sortitum fuisse, oraculum sapientiæ proprijs auribus ebibisse, percepisse eius vo-

cis sonitum, attendisse Philosophantem, disputanti adfuisse vel longi pretio itineris, atque emensis ab vno ad alterum polum terris, ac maribus. Verumtamen non omnibus patet eiusdem Solis aspectus, qui omnibus oritur: quando Cymmerijs ignoratur, vt propterea Sapia Socratica beari debuerint contemporanei: Sed quos tu beatissimos putauisses Alcibiadem, & Critiam Socratis ipsius auditores assiduos, ac multò studiosissimos, nonne vidimus alterum patriæ hostem acerrimum extitisse, alterum Tyrannorum omnium crudelissimum? Vtinam non eos ad malas artes expedierit disciplina Socratica, astutiores ex cognitione rerum vberè effectos, & cote disputationum ferocius exacutos. Sanius vsurpare mihi fas est hodierna die; maximas me habere gratias Naturæ summo Auctori; quòd ego, qualis qualis sum, hoc potissimè sæculum videam, fortunæ licet iniquitate vexatum, gloria tamen vestra serenum, felicissimumque (Viri sapientissimi) qui & præsentis mortalium animatæ vocis oraculis, & absentes erudito famæ sonitu rapitis in beatitatem. Quamquam si alibi iniquius agit fortuna, hic certè multò clementius, seseque gratiore vice compensat, Te vnum nobis largita (N. N. *) & cursu valetudinis secundo ad hanc vsque ætatem in rei literariæ gratiam prosequuta. (* *Hic erit excurrendi campus in laudes vel Doctōris, vel eius, cui Theses dicantur, à quo sanioris doctrina præcepta, & integerrima simul vitæ exempla hauriuntur, &c.*) Felix igitur ego cœuus vester, Auditores, sed adhuc felicior cliens, si Philosophicas (vel Theologicas) theses publicæ disputationi proponens, non tam Iudices vos eruditionis meæ, quàm patronos incitiæ ac imbecillitatis experiar.

G R A T I Æ.

Accusaui Platonem agentem temerè Naturæ gratias. Ego verò ne accuser ineptè vobis agere, ab ipsis abstinebo gratijs, quas quidem beneficij vestri magnitudini non nisi impares agere mihi licet.

PHILOSOPHIA VEL THEOLOGIA.

VIndico vel generi hominum Sapiantiam, vel ipsam sibi à calumnia notissima per summum alioqui studiosum ipsius, atque adeò patrenum irrogata. Hic ille est Platonis imitator nobilis, & eloquentium Romanorum princeps, in eam aliquando sententiam progressus, vt Philosophiam minimè esse vulgarem

rem statuerit; propter eam quod non nisi docti viri assequi eam possint. *Est*, inquit, *Philosophia paucis contenta indicibus, multitudinem consulto ipsa fugiens*. Præclarum sanè diæterium, & dignum Tullio. At mihi, Auditores, vox illa *CONSULTO*, quia imprudenter (credo) ingesta, scrupulum facit quàm molestissimum: cum neque me fugiat, eundem ipsum Auctorem in libris Officiorum consentire cum Græcis, nihil ut sit aliud Philosophia, præterquàm studium Sapientiæ, ipsa verò Sapientiæ nihil, præterquàm humanarum, ac Divinarum rerum scientia. Vtrumne venditet hoc fastidiosam sapientiam, quæ selecta solum ingenia dignetur: An infelix oppidò genus hominum ad ludibrium ignorantia: ferè proiectum: auaram ideo Naturam, & eius Auctorem (horrescunt aures) barbarum, ac iniquum, qui cæteris optimè instructis animantibus vnum omnium Principem ita luserit? Ego igitur sic statuo; Naturam hominum, quia mente Diuinitus prædita sapientiæ capax est, nullum planè ab ipsius consecutione sexum, conditionem, officium, excludere: ut nec fœminas, nec fabros, nec rusticos, nec, si qui alij formam hominis gerant, à communi hoc dono secretos velit. Quasi verò Mystèrium Philosophiæ barba solum celebretur, & pallio. Admittit profectò, nisi vel necessitas prohibeat vel voluntas; admittit (dico) & pallam, & penulam, & sagum: admittit colum, ferram, aratrum, malleum, plectrum. An verò Stoicos igitur ignoramus, & seruis & mulieribus philosophandum esse dixisse? An non Epicurum audimus rudes omnium literarum ad Philosophiam inuitare? An fugit Platonis commentum, componendam esse de Sapientibus ciuitatem? At (dixit Tullius) quàm multa proludent, oportet, ad Sapientiam? Quàm multa eluctanda incidunt, quæ paucis hominum vix conceduntur? Primum enim exigitur literalis apparatus, ut, quando non omnia contingit acroasmaticè discere ob desiderium sæpe Doctorum, in tanta præsertim rerum sciendarum varietate; succedant auribus oculi, & ex notitia communium literarum Doctores ab omni ætate, atque ora tibi conquiras. Itaque non Latine modò consultus esse debes, sed Græcè quoque, & Arabicè, ut Philosophiæ fontes ipsos deprehendas. Deinde ut hæc tibi vsui sint idiomatica, recta loquendi ratio adhibenda. Grammaticæ ergo amplius studendum; Sed & Rhetoricæ, ut non loqui solum, sed quæ didiceris cum labore, eloqui præ dignitate possis. Ad hæc haurienda Geometria, noscenda Musice, tenenda Astrologia: habent enim hæc disciplinæ quandam cum Philosophia

cogna-

cognitionem. Atque hæc omnia ante Philosophiam ipsam, nedum ante Sapientiam, ad quam illa aditum parat. Id verò totum negotium quanto cum impendio temporis, per quam malè auguramus in ipsis rudimentis grammaticis, in quibus apud ludimagistros, vel imperitos, vel certè ambitiosos totam nos plebunq; cum pueritia adolescentiam absumimus. Rudes ergo Epicurus admiserit: quo modo, cedo, illa, quæ inter Philosophos tam acriter disputantur de Natura, de Principijs, de atomis, siue punctis in quantitate, siue instantibus in tempore, aliaque id generis intelligent ij tam perplexa, & inuoluta, vt vix etiam eruditi homines assequantur? Tu nè ad res obscuritate implicitas, ingeniorum varietate confusas, eloquentium hominum sermone exquisito fucatas existimes imperito & rudi aditum esse posse? At crudiri eos omnes antè nemo prohibet. Imò, si Deo placet, prohibent multa. Nam forminis quidem intra pubertatem, quàm in vestibulo Philosophiæ, hoc est minoribus disciplinis versari oporteret, nonnè solis exceptis Principibus illa sunt ediscenda officia, quæ mox consequentibus nuptijs ad vsus domesticos, familiaremque administrationem exiguntur? Quid autem Serui. Nonnè per eos annos maximè exercendum seruitium, per quos & promptiores spiritus, & viuidius ingenium, & obsequentioremem memoriam habent ad literas? An fortè pauperibus, aut fabris, aut rusticis vacabit, vt mentem doctrinis excolant, quibus nempe colluctandum cum fame est, & manibus quæritandus victus in diem? Ob hanc itaque causam; si abhorere sentit Tullius à multitudine Philosophiam, ego non tantum do manus, sed & pedibus venio in eius sententiam. Verum, enimuero non fugiet ipsa conspectu multitudinem, quam inuita, quam fame, ac fato coacta fugit, furtiuè quandoque reuersura, vt largiore sui copia erga paucos iacturam compenset reliquæ multitudinis. Quis namque vnus virorum philosophari visus est altius Themiste scemina? Quis amœnilius Sappho? Quis autem, vtilius Phædone, aut Æsopo mancipijs? Quorum alterum Cebes edocuit, alterum sola Naturæ solertia? Quis magnificentius Anacharsi, quem inter Scytharum barbariem educatum excepit Græcia doctrinis suis imbuendum? Ac ne plures attexam, liceat memet vnum pro recenti exemplo vobis proferre: Hominem videlicet adolescentem è multitudine, ac planè numerum, caput gregarium, nullis opibus ingenij, nullis præfidijs literaturæ instructum; varijs quoque fortunæ periculis exercitum, Diuino tamen munere, & tuo (Præceptor Sapientissime) magisterrio;

rio ; & vestro (Sodales egregii) incitamento ad hanc quantam quantam Sapientiae notitiam perduclum . Sed praestat discussis thesibus , quam iactatis verbis id ipsum experiri ; si vester item fauor , Humanissimi Auditores , adfuerit .

G R A T I Æ .

V Trumne ego vix vnus e multitudinem ; aliquid tamen Sapientiae contra Tullij opinionem hauserim , vestrum est (Auditores Prudentissimi) iudicare . Meum interim est meditari , Vtrumne vobis referre gratias possim , qui ne agere quidem valeo humanitati in me vestrae pares .

PHILOSOPHIA VEL THEOLOGIA MORALIS .

Item Ius Civile .

Elegantiam ingenij sui Natura in animantibus ; neque aquam in vnus hominis opificio , sed & brutorum sua cuiusque specie , structura , conditione plane admirabilem , sibi sibi similem commonstrat . Habet vnumquodque animantium spectabilitatem suam dignam oculis philosophantium . Illa ipsa , quae ad terrorem , exitiumque nata videntur , si contemplemur per partes ; si membrorum dispositionem , proportionem , concentum obseruemus ; nihil illis ad vitam perfectius , nihil formosius ad aspectum ne mente quidem concipi posse nanciscimur . In hac tamen pompa elegantiae non desunt animata monstra , soli nata horrore , ac soli exitio ; quorum torua deformitas , ac truculento aspectu , Naturae utique subtrahuntur operibus . Vt enim illa ingenium habent parentem , sic ista peccatum : nata (credo) consilio Conditoris occulto , vt quando omnia ex nihilo consistere ; ita in nihilum , quod est peccati germanum , recurrere suo pte pondere doceret . Id ipsum ; quod in brutis , & in homine vsu venit , cuius ingenium aemulandae veribus Naturae , quam imitandae natum est . Platonem vnum testem , immo reum citabo , Quale vero eius ingenium , Auditores ? quam illud acutum , quam amoenum ? quam multiplex ? Humano maius dixisse minus est , nisi Diuinum dicatis . Citra religionem hoc dictum , nam omnis vobiscum aetas consentit . Quae igitur ingenij elegantia cum eo adaequanda ? Natura maior Plato , quia Diuinus , nihil monstri , creditis , ex se se proferet ? Monstruosius certe nihil , quam quod modo per transseanam spectandum

cognitionem. Atque hæc omnia ante Philosophiam ipsam, ne dum ante Sapientiam, ad quam illa aditum parat. Id verò totum negotium quanto cum impendio temporis, per quam malè auguramus in ipsis rudimentis grammaticis, in quibus apud ludimagistros, vel imperitos, vel certè ambitiosos totam nos ple-
sumque cum pueritia adolescentiam absumimus. Rudes ergo Epicurus admiserit: quo modo, cedo, illa, quæ inter Philosophos tam acriter disputantur de Natura, de Principijs, de atomis, siue punctis in quantitate, siue instantibus in tempore, aliaque id generis intelligent ij tam perplexa, & inuoluta, ut vix etiam eruditi homines assequantur? Tu nè ad res obscuritate implicitas, ingeniorum varietate confusas, eloquentium hominum sermone exquisito fucatas exiltimes imperito & rudi aditum esse posse? At erudiri eos omnes antè nemo prohibet. Imò, si Deo placet, prohibent multa. Nam scæminis quidem intra pubertatem, quàm in vestibulo Philosophiæ, hoc est minoribus disciplinis versari oporteret, nonnè solis exceptis Principibus illa sunt ediscenda officia, quæ mox consequentibus nuptijs ad vsus domesticos, familiaremque administrationem exiguntur? Quid autem Serui. Nonnè per eos annos maximè exercendum seruitium, per quos & promptiores spiritus, & viuidius ingenium, & obsequentiorem memoriam habent ad literas? An fortè pauperibus, aut fabris, aut rusticis vacabit, ut mentem doctrinis excolant, quibus nempe colluctandum cum fame est, & manibus quæritandus victus in diem? Ob hanc itaque causam; si abhor-
rere sentit Tullius à multitudine Philosophiam, ego non tantum do manus, sed & pedibus venio in eius sententiam. Verum, enimverò non fugiet ipsa *consultò* multitudinem, quàm inuita, quàm fame, ac fato coacta fugit, furtiue quandoque reuersura, ut largiore sui copia erga paucos iacturam compenset reliquæ multitudinis. Quis namque vnus virorum philosophari visus est altius Themiste fœmina? Quis amœnulus Sappho? Quis autem vtilius Phædone, aut Æsopo mancipijs? Quorum alterum Cebes edocuit, alterum sola Naturæ solertia? Quis magnificentius Anacharsi, quem inter Scytharum barbariem educatum excepit Græcia doctrinis suis imbuendum? Ac ne plures attexam, liceat memet vnum pro recenti exemplo vobis proferre: Hominem videlicet adolescentem è multitudine, ac planè numerum, caput gregarium, nullis opibus ingenij, nullis præsidijs literaturæ instructum; varijs quoque fortunæ periculis exercitum, Diuino tamen munere, & tuo (Præceptor Sapientissime) magisterio;

rio; & vestro (Sodales egregii) incitamento ad hanc quantam, quantam Sapientię notitiam perductum. Sed præstat discussis thesibus, quàm iactatis verbis id ipsum experiri; si vester item fauor, Humanissimi Auditores, adfuerit.

G R A T I Æ.

Vtrumne ego vix vnus è multitudinē; aliquid tamen Sapientię contra Tullij opinionem hauserim, vestrum est (Auditores Prudentissimi) iudicare. Meum interim est meditari, Vtrumne vobis referre gratias possim, qui ne agere quidem valeo humanitati in me vestrę pares.

PHILOSOPHIA VEL THEOLOGIA MORALIS.

Item Ius Civile.

Elegantiam ingenij sui Natura in animantibus; neque aquam in vnus hominis opificio, sed & brutorum sua cuiusque specie, structura, conditione planè admirabilem, sibi que sibi similem commonstrat. Habet vnumquodque animantium spectabilitatem suam dignam oculis philosophantium. Illa ipsa, quæ ad terrorem, exitiumque nata videntur, si contemplerur per partes; si membrorum dispositionem, proportionem, concentum obseruemus; nihil illis ad vitam perfectius, nihil formosius ad aspectum ne mente quidem concipi posse nanciscimur. In hac tamen pompa elegantię non desunt animata monstra, soli nata horrore, ac soli exitio; quorum torua deformitas, ac truculento aspectu, Naturę vtique subtrahuntur operibus. Vt enim illa ingenium habent parentem, sic ista peccatum: nata (credo) consilio Conditoris occulto, vt quando omnia ex nihilo consistere; ita in nihilum, quod est peccati germanum, recurrere suo pte pondere doceret. Id ipsum; quod in brutis, & in homine vsu venit, cuius ingenium æmulandę veribus Naturę, quàm imirandę natum est. Platonem vnum testem, immo reum citabo, Quale verò eius ingenium, Auditores? quàm illud acutum, quàm amœnum? quàm multiplex? Humano maius dixisse minus est, nisi Diuinum dicatis. Citra religionem hoc dictum, nam omnis vobiscum ætas consentit. Quæ igitur ingenij elegantia cum eo adæquanda? Natura maior Plato, quia Diuinus, nihil monstri, creditis, ex se se proferet? Monstrosius certè nihil, quàm quod modò per transeannam spectandum

dum subiiciam. Adeste vos non spectatores magis, quàm auditores; oculati, auriti testes, & monstri fœdritatem vna mecum horrete. Is normam iustitiæ daturus, cum eius vim animaduerteteret in æquitate consistere; quandoquidem omnes homines pari conditione nascuntur: *nihil, inquit, priuati ac proprij habeant, necesse est; sed ut pares esse possint, id quod iustitiæ ratio postulat, omnia in commune possideant.* O iniquissimum de iustitia præceptum. O viris iustis placitum ingratißimum: Quandiu enim de pecunia hoc intelligis, perquam elegans referre inuentum tuum potes. Sed vbi à pecunijs ad nuptias veneris, iam proferes obscenitatis monstrum iustissimum. *Matrimonia quoque, inquit, communia esse debent.* Hocce Plato? Plato enimuerò. Ecquis hic medijs fidijs non abhorreat? quis non stomachetur? Matrimonia ergo communia? Eandem vnã ad mulierem Viros multos tamquam salacißimos canes concurrere, illumque obtinere, qui viribus vicerit? aut si quo temperantiores sunt, vt Philosophi, expectare, & vicibus alternis lupanar velut obire? Ast ego indignatione posita, pugnae campum aperio in sola ratione, suisque met armis Platonem adior. Vbi tu verò, inquam, repones castimoniæ virtutem? vbi fidem coniugalem? Nescio, qualem tu mihi pinxeris idæam optimæ Reipublicæ si lineam facis prostitutionem mulieribus pudicitia. Nescio quo pacto ad Reipublicæ Regnum admoueas Philosophos, quum communicatis vxoribus compellis ad id Reges sapientissimos, quod ne furiosi quidem Tyranni præstiterunt. At, reclamatione Plato, *Cinitas concors erit, & mutui amoris constringetur vinculis, si omnes omnium fuerint & Mariti, & Patres, & Vxores, & Liberi.* Speciosus verò prætextus concordia: An non re vera scopulus discordiarum fœdißimus? Quid? Concordabunt annuente lege in vnã vxorem multi, si modò reclamante lege ne bellis quidem ob id grauissimis, & rerum omnium præsentis discrimine fœdus procorum, communionemque thalami patiuntur? Quem verò mulier (vt scitè hoc loco Lactantius) virum adamabit, nisi perpetuo cum domicilio deuota illi mens, & seruata inuicem fides indiuiduam fecerit charitatem? Hæc quidem virtus in ea promiscua voluptate locum non reperit. Quis adamabit Pater Filium, quando suum esse aut ignoret, aut dubitet? siquidem nihil non certum amari potest. Quis Patri honorem habebit Filius, qui, quo sit natus, ignoret? Vt non tantum alienum pro Patre reputet, quam pro alieno Patrem? Sed summo adoptante vsu omnia communia: Certè quod de vxoribus Plato-

Platonica lex probaret, prohiberet reclamans ipsa Natura; quæ non nisi ex vno concipi filium iussit, ut vnus in pectore certum efficeret illius educandi, formandi, fortunandique studium. Quæ etiam præcauere voluit hominibus matrimoniorum monstra, lege lata volucris, ut omnes penè facerent matrimonia, ut paria iungerent, ut nidos suos tamquam genitales toros concordie mente defenderent, ut fœtus suos; quia certi sunt, adamarent; utque si alieni obijciantur, abigerent. Quod ergo monstrum tetrius, quod inmanius, quàm quod Naturæ clamores explodit? quod titulo iustitiæ iustitiam ipsam petuerit? Caritatem abrogat, fidem tollit, pudicitiam euerit, charitatem impugnat, pietatem proscribit, concordiam abiurat? quod foeminas prostitutas facit, mares nepotes, vtrumque sexum libidinibus corruptum, humana officia peruersa, permixta, perdit? Et hoc Plato: Et id monstrum, ingenium Platonis. Homo Diuinus habitus rem istam detestandam. Verum hæc tunc monstrum Proferantur iam, Viri Sapientissimi, ex (*sacra Theologia, vel*) Philosophiæ gaza, quæ vestro digniora sint aspectu, quæque auditu gratiora, ut, dum per vos contra me disputantur, illustriora fiant bene formandis ingenijs documenta.

G R A T I Æ.

Monstrum edidit Plato, licentior fortè, ac profusior in disserendo. Ego, ne monstrum faciam profusus in gratijs erga beneficium vestrum, Auditores, grato eas silentio compensabo.

THEOLOGIA GENERATIM.

Cum formula laudationis pro Dedicatione Thesium:

Sacram Theologiam inter alia schemata, quibus Diuina eius præcellentia adumbrari posse videtur, non ineprè Olympi appellatione donauerim, Illustrissime Præsul, Ornatissimi Auditores. Hic ex omnibus Orbis terræ montibus longè editissimus ita insanè attollit iugum, ut & nubila transgrediatur, & fidereis plagis (audacius dicam, an felicitus?) vltro se se ingerens suum cum Cælo nomen ex poëtarum lepore communicet. Licet hic tutius & amœniss, quàm in cæruleo Pindi vertice, aut bijugi Parnassi virore diuersari. Hic sonantes molliss fontes per decliue præcipites audire. Hic subducere se longis ab omni rerum

V

huma-

humanarum intempestuo strepitu... Hic latius ac lætius discursare, haurire sensibus totis clementiores auras, & oculos quaquaversum in patentissimos Cæli campos circumferre. Quod autem spirantius Theologiæ nostræ simulacrum? quæ species viuidior? Proprium quippè est, ac nativum ingenium cuiusque disciplinæ, ut subuectum hominem ex humili naturæ animantis, per quam cum brutis sepiat, excitet in sublime quasi editi montis cacumen. Sed enim inter hos montes, nullus eminentior suspicitur Theologia. Ipsa Philosophiæ summum verticem, humiliter ceu planum dedignata consurgit audacior, neque antè desinit, quàm limites Naturæ tentans in Cælum usque pertingat. Anne aliud eius ipsum nomen præferat, quàm non dico Cælos, sed Cælorum Architectum, ac Molitorem maximum Deum? Itaque non modò procreationem Vniuersi citra vllam caliginis suspicionem nobis deuelat; sed, Stellas præterea, idest Angelos, ut vulgus nominat (quando vtriusque vocis Græcè concordat Ethymon) nobilioris naturæ luce conspicuos obiecit; & si qua adhuc arcanorum miracula in immortalī Deo, velut in Cælo radiantes astris imagines effulgent, humano proponit obtutui. Verum & iacentes deorsum Terras, rerum corporatarum species, & earum Principis Hominis conditionem, uti conditus fuit, uti labe corruptus, uti seruatus à Christo Deo, uti cælestibus præsidij Sacramentorum in Cælum excitatus, atque traductus, oculis pene subiicit concernendas. Quàm verò suavis inibi aura ebibitur? quàm iucundè animus pascitur? quàm feliciter mentis oculus recreatur? Hæc me felicitas hodierna luce prouocat, Auditores. Si tamen, ut olim penes antiquos, grauiora negotia non nisi auspiciato gerebantur; Sic ego ad Diuinarum meditationem tuum in primis auspicium, Illustrissime Præsul, demeruo. Eius autem auspicium, in quo cum sacra dignitate dignitas congreditur gentis, cum dignitate gentis priuata virtutis insignia gloriose certant. Ecquis istius Gentis claritatem ignorat, qui non ipsum ignorare Solem arguatur? Usque adeo historias occupauit hec nomen, ut nec illas euoluere liceat, quin passim egregium aliquod gentilium istorum occurrat facinus: nec istorum facinora colligere, quin totas exhaurire, atque emedullare historias necesse sit. Nam si Bellica exquiramus, quàm multi celeberrimi Duces, atque Imperatores è stipite isto proueniunt? Si Ciuilia, quàm multi Senatoria Purpura, Dictatorijs fascibus insignes? Si Sacra, quàm multi Insulati Sacerdotes? Purpurati quàm multi? Si denique Literaria, Vbi-

nam

nam crebrior laurea? Vbi sapientiora consilia? Vnde membra in publicam rem, in priuatam ampliora? Compendio argumentum absolnam (non enim hic esse debet laudationis illius campus, cui vix sufficiunt historiarum amplissima spacia) Olympus alter est familia tua; Vir Illustrissime, tanto nobilioribus cæteris floretior, quanto eminentior meritorum cumulo. Sed iam Olympi Theologici nos vrget ascensio. Vos, Viri sapientissimi, tanto Præsule auspice, vnâ mecum subite valenter iugum nec pigeat; Ducem itineris Disputationem attentione magis, quàm contentionē sectari.

G R A T I Æ.

Vereor, ne patientiam vestram non parùm fatigauerim (Illustrissime Præsul, Viri Auditores) per deuia vos, & aspera Olympi nostri deducens. Sed fortia & magnanima pectora, speciositate rerum beari, non frangi difficultate solent. Quod ergo non detrectastis ad nutus meos montem scandere, Mentem ego vobis, idest cumulum gratiarum exaggero.

A L I T E R.

Extulistis & vos Olympum vestrum, tam facilis audientiae accumulato merito (Illustrissime Præsul, Magnanimi Auditores). Sed si nubila mons iste fugit cacumine, & flatuum, tempestatumque regionem; iam sonitum mihi omnem, & strepitum præcluditis compositæ orationis ad gratias.

A L I T E R.

Olympum montem mea gratia subistis (N. N.) cuius tollitur vertex in Cælum; Vestrae id humanitatis experimentum, dignæ, quæ gratis, & laudibus per me tollatur in Cælum.

THEOLOGIA VEL PHILOSOPHIA GENERATIM.

Replicanti mihi veterum Philosophorum memoriam, quæque consignatas literis transmissere ad posteros sudatas commentationes, non satis succurrit, vtrumne sint admiratione, an risu potius prosequenda quorundam placita, qui eam ipsam, quàm profitentur rerum scientiam, suomet sensu, atque assertione confutant. Mirandum cum primis videtur somniasse tanta, capita nescio quàm Fortunæ Deitatem, eique non tam Optimæ, vt Numen decebat, quàm pessimæ titulum attribuisse; Tali scilicet Numini, quod varijs pertextis casibus, secundis, aduersis,

humanas res impotentissimè regere credebatur. Huc alluisse, constar Romanum Platonem, cum Ciceronem filium ex Philosophiæ præceptis instituere aggressus, *magnam, inquit, esse fortuna vim in utramque partem quis nescit? nam & cum prospero statu eius utimur, ad exitus peruenimus optatos: & cum reslaue-rit, affligimur.* Hæc tantus Vir ex vulgi simul, & Sapientum, sententia. Apud quos tam benè, quàm malè audire vtrum cade-re in Diuinitatem possit, ipsi expenderint præsci Philosophi: At eorum quidem mortalium, qui prospero Deo statu utebantur quam inuidenda cæteris conditio? quàm verò sibi prompta, & alacris in quodcunque discrimen procursio? Vnus fauor Fortu-næ iusta erat digladiandi causa, vnus instar omnium armorum. Ad grauiora quæque Martis pericula, ad feruidiora prælia, ad præcipitata consilia, contra truculentiorē hostem, contra intentas hastarum syluas inter missilium nimbos, densasque glandium tempestates satis tutè se protegi vnius fortunæ præsen-tia persuasum habebant. Iam si quis officio ductus amicum ad-uerfis casibus iactatum solari, inter ærumnas valetudinis, ego-statis, orbitatis iacentem erigere institueret, confugere protinus ad quærelas, ad diras contra Fortunam, ab his ordiri, ex his texere ductu perpetuo consolatorium sermonem, hanc vnam officij formulam nosse, hunc vnum eruendæ materiæ, quem pe-terent, communem locum habere. Quid plura? Illi ipsi sapien-tes, quibus propositum in animo erat, fortunam ire neglectum, Virtutem vnam habere pensi, nullam de Virtute disputationem inibant, in qua non maximè Fortunam vexantes, eius proscin-dendo nomini bonam partem disputationis impenderent. Hæc enimuero, Auditores, admirabilia esse quit neget? Illud autem ridendum, quod vanissima ista religione cum facilè imperitum, ac mobile vulgus imbuissent Philosophi, vt Fortunam Deam, colerent in muliebri forma; ipsi in re stulta atque inter homi-nes stultos, vt eminent sapientes, immutato sexu nequaquam Deam, sed Deum asseriebant. Quid, quod captum hunc Deum oculis voluerunt? Ridendum certè, si quod aliud deuori Libe-ro capitis deliramentum; vt quem Deum ex Græco Θεός, qua-si videntem sapientissimè dicebant veteres, eundem isti ocula-tum simul ac cæcum distiterent, prudentem, ac temerarium; prospicientem futurà; præsentia non cauentem. Quod sibi hoc volunt infani, si sanè loquantur, nisi vt noua præsentia religionis omnem funditus religionem expugnent, ac Deo proposito plus irrogent contumeliæ, quàm excogitare cultus possint? Quo enim

enim

enim tendunt voces Tullij in sua consolatione, & cum ijs concordes passim aliorum sibi similium Philosophorum ? Ibi pugnasse se semper contra fortunam, loquitur, eamque ab se esse superatam, cum fortiter inimicorum impetus retudisset : nec tum quidem se ab ea fractum, cum domo pulsus patriâ caruit : Tum autem cum amiserit carissimam filiam, vultum se à fortunâ (& quidem turpiter) confitetur : Cedo, inquit ; En manum tollô. Credo, negotium cum Numine habere se putabat tanquam cum homine aut cum bestia, ut circumuenire armis posset, ut congredi prælio, ut sternere facilius quàm sterni, imbecilliore hominibus, ac seigniore Deo. Hæc erat illis Maiestas Dei, hæc potentia. Sed quem suprâ iniquum fecerant, quid supererat, nisi ut impotentem quoque admitterent, & ipso minorem homine, sic Optimi Maximi titulo retractato ? Atque ut intelligatis, quàm bellè somniam tam ijs dixerim huiusmodi Deitatem, ecce breui dilapsa ea somnia, & ipsum Fortunæ non tam Numen abrogatum, quàm nomen : Ecce suam per ipsos egregia confessione non infirmatam solum, sed planè sublatam sententiam. Siquidem in hoc disputationis cardine multum diùque versati iidem Philosophi vnum denique, & eundem esse Deum Naturam statuebant, ac Fortunam ; propterea quòd (inquit Cicero) multa efficit Natura inopinata nobis propter obscuritatem, ignorationemque causarum. Præclara verò sapientia, erudita religio, quæ lucem Diuinitatis in obscuro causarum conspiciere valet : quæ docet ex humana ignoratione conflare Maiestatem Numinis : quæ Deos discit alterna persona quasi mimos in Mundi scenam proferre. Atque huc tandem euasistis Philosophi, Religione ut velaretis ignorantiam vestram. Huc tua, Tulli, cum Deo prælia, huc victoriæ sæpè relatæ, huc semel accepta clades. Superbissima verò nuncupatio, qua te tibi Deum statuis ; quàm nobilis tui met victor in casibus, quos tulisti, tam turpiter victus in vnius filia iactura. Videlicet inopinata hæc tibi fuit, acerba ideò, atque intoleranda. Tuam ergo imprudentiam, tuam incitiam, tui ingenij caliginem impete, non Fortunam, quæ tuis in rebus alia à te nulla est. Tecum ipse rem totam habes : ut, si virtute nitaris, viceris ; sin verò desidia, quid, nisi succubueris ? Perstrinximus satis hætenus Philosophos veteres : Nunc par est, Auditores, ut nostras quoque doctrinas etsi multò saniores, & cum verâ religione coniunctas, perstringendas tamen eruditionis meæ gratia ; & vestræ explicandæ sapientiæ in medium proferamus.

G R A T I A.

Fortunam Philosophi veteres cæcam, cæciores ipsi sibi finxere. Ego acturus, quas nequeo, gratias humanitati vestræ singulari; si mutus fingar, feliciter (credo) eloquens apparebo.

THEOLOGIA GENERATIM.

Princeps illa Urbium, cuius plena est mentio veneratione, appellatio maiestate; Urbs inquam ROMA, dictione inuersa AMOR, Græcè interpretata ROBYR, propterea quod admonita geminæ formæ dominandi, in Corda, in Capitula suo sibi de nomine fecerit auspiciū Sceptri in Orbem vniuersum protendendi, non est, cur tam miremur, Auditores, quàm quibus illa opibus atque artibus partum initio imperium in tantò deinceps ætatum decursu, inter tot bellorum casuumque turbines, per tot ludentis fortunæ vicissitudines firmum, inconcussum tenuerit, attentius obseruemus. Et quidem si rerum Romanarum seriem iam inde ab exordio ad nostra vsque tempora vnum sub aspectum collectam contemplabimur, aduertemus, ab hac nobilissima Gentium summum præsidium felicitas non alia in re, quàm in studio Religionis, & cultus sacrorum fuisse continenter positum: tametsi ritu antiquo cum temporibus deindè immutata, atque in falsi locum succedente vero, in supersticioso religioso, in Ethnici Christiano, idque siue præfagiens hostis teterimus nostri generis futuram aliquando eius Urbis sanctitudinem præuerrere studuerit per intrusam idololatriam, atque (si licuisset) præcludere: siue contra miseresceus Deus Oprimus Maximus humanam conditionem, illa potissimum in Vrbe primam sedem Religionis sacrosanctæ destinauerit, cuius populum cura in primis Diuinorum, etsi promiscua, teneri cernebat. Quàm scitè concinit nobiscum Valerius Maximus de hoc ipso populo; *Non mirum, inquit, si pro eo Imperio augendo, custodiendoque pertinax Decrum indulgentia semper excubuit, quòd tam scrupulosa cura paruula quoque momenta religionis examinare videtur, quia nunquam remotos ab exactissimo cultu ceremoniarum oculos habuisse nostra Ciuitas existimanda est.* Hunc igitur Romuli foetum in ciuilem lucem recens editum, atque inter fascias ipsas primæ institutionis iam tum vagientem ob asperius parentis ingenium, providente Senatu successor Numa Pompilius excepit sanioris disciplinæ lacte nutriendum, quàm sperari fas esset ex illo, qui ex lupa

lupa non nisi ferinos mores cum lacte suxisset. Quæ autem ; & quàm multa genio religionis ipse Numa etſi ludificante Tartari genio excogitauerit, inuexerit, sanxerit, tam puto superuacaneum vobis repetere, quàm mihi arduum ; vsque adeo totius antiquitatis impleuit memorias, vt nemo vnus ſit, qui neſciat ; Ita illius collegit admirationem, vt à recitando diſertiſſimum, quemque deterreat. Fuit autem Numæ conſilium illud (vt in Ethnicismo) prudentiæ propè Cæleſtis, quod per artes pacis traditurus ferociſſimæ genti rudimenta politiæ ſubiectionis id ſe moliri commodius non poſſe exiſtimauit, quàm religione induc-ta, quod & præſtitit inſtitutis Sacris, præſcriptis ceremonijs, Sacerdotijs ordinatis, Templis, Delubris, Fanis cum ſuo quoque cultu excitatis ; conſtitatis Pontificum, Augurum, Flaminum, Saliorum, Veſtaliū ordinibus ; inueſta Ancilium religione ; Palladij retentione ; ignis ſacri alimento perpetuo ; Faſtorum obſeruatiōe. Quæ verò exempla, imò quæ miracula pietatis, Auditores, niſi ſuppoſitijs illis Numinibus in monſtra impietatis teterrima degenerarent ? Hæc autem vt vt fuerit Numæ pietas, quàm facile Romanorum inſedit peſtoribus ? quàm altas, firmasque egit radices ? quàm bellè fundauit ad multa ſecula, ad articulos belli diſciliſſimos imperium exiguis opibus conſtitutum ? Non aliam vidit Orbis Rempubicam, Religionis tenaciorem Romana ; non aliam ideò feliciorem gerendis rebus maximis, ſiue decerneret Senatus, ſiue priuati viri fortes aggred-derentur : ſiquidem multò pluris, quàm vlla Ciuium legum, erat ijs ſanctitas Sacramenti, vt qui potentiam Deorum, quos putabant immortalium longè præ omni humana reformidabant. Date mihi hanc veniam, Auditores, vt rei vobis notiſſimæ, ſemper tamen admirandæ vnum aut alterum exemplum proferam : Subeat parumper cladis illius ad Cannas Romanis copijs illatz nunquam intermoritu a memoria, cuius miſerando euentu ter-ritos complures Ciuium, de deferenda Italia, deque arripienda fuga in Siciliam, Capita conferentes conuenit Scipio, & ſtriſto ferro minitabundus adegit, vt patria ſe ſe minimè abdicaturos iurarent. Subeat, & Lucij Manlij, Titi Manlij Patris, cui cognomentum Torquato. Is à Marco Pomponio Tribuno Plebis cum eſſet inſimulatus, antequàm iudicij adeſſet dies, adiuit Titus Marcus, ac necem intentans, ni criminationem tolleret Patri, id vt præſtaret, obtinuit iuramento. Ita Ciues illos, quos amor iæ Patriam, legumque metus haud detinuiſſent in Italia, detinuit iuramentum per vim extortum : Nec non etiam Tri-bunus

bunus odium in parentem illius conceptum deposuit, acceptam à filio iniuriam, iacturamque propriæ dignitatis præ iuramenti obseruantia nihili aestimauit; quæ quidem argumenta sunt præclarissima eius, quàm antiquitus Numa fundauerat, & speciosis ad politiæ stabilimen inuentis obfirmauerat, suppositæ religionis. Hæc mecum ipse reputans, Auditores, quàm altè erigor mente in eam sententiam, nequaquam fieri posse, ut vlla vi, vlla iniuria, vilo casu collabatur Romæ nostræ Imperium, cui non impostor aliquis Numa, sed Numen ipsum immortale, sed æternæ veritatis oraculum sinceræ studium Religionis, sacrosanctos ritus, maiestatem Sacerdotij luculentissimis testimoniis indidit, suggessit, stabiliiuit. Ac Romæ quidem Ethnicæ, si quando Ciues incesisset scrupulus neglecti alicuius sacrorum cultus, aut prætermiffæ ceremoniæ, illico per oracula libros, præsertim Sibyllinos consultum ibant, quorum diligenti inspectione modum integrandi quidquid violatum fuisset, doceri se se putabant: Quid verò recentis, quid Christianæ, ac veris de Cælo ordinatis ritibus Romæ? Nonne obortis de Fide Diuinæ, de sacrosanctis mysterijs, deque momentis Christianæ disciplinæ identidem controuersijs, quarum semper aliqua inter doctos (disponente Deo ad Ecclesiæ suæ formationem) feruet, oracula Theologiæ protinus adeuntur, Sacra Biblia, Sanctorum Patrum scripta consuluntur; quibus & quæ credenda sint homini Evangelico, & quæ gerenda, indubij quasi oraculi Sibyllini responsis commonentur. O Theologia veræ sacrarium religionis, O religio vera, certum pignus Imperij sempiterni. Theologiæ igitur quantoperè vacare; qua cura, quo studio deuouere illi capita nostra debeamus, quis nostrum non intelligit? Ergo Theses quasdam de illa disputare non piguerit, quas in medio huius sapientissimi confessus lubens propono.

G R A T I Æ.

Studio religionis debuit Roma vetus: Debet, debebitque Roma recens, neruos Imperij, ac firmamentum. Vestræ, Auditores, humanitati debeo ipse hodiernæ meæ disputationi sustinendæ quasquas vires, quodquod robur adhibui, debeboque æternum gratus.

THEOLOGIA GENERATIM.

QUæ sua agnoscit cunabula in sacris literis, ab illarum quoque exordio, suos repetat natales, necesse est, sacra Theologia: iam exordium illarum si quæritis, Auditores, subeat in mentem illud Mosis Scriptorum principis, atque adeo Dei ipsius immortalis per Moſen oraculum ita Genefin inchoantem. (Vos venerabundi accipite, & mecum vna exactè perpendite). *In Principio*, inquit, *creauit Deus Cælum, & Terram*. Hoc verò quàm preſſum numeris dictum, tam fortum myſterijs, ac planè miraculo plenum oraculum. Primum itaque referri Cælo Theologiam, Terra Hominem, ne quis me audiat interpretantem, niſi apertiora Cælo, ſolidiora Terra proferam in medium argumenta. Ecquod eſt (quæſo) propositum Theologis obiectum primarium, præterquàm Deus vnus, ac Trinus? Ac Cælo quidem, ſiue molem illam ſuperaorum Orbium vniuerſam, uſurpemus cum Moſe, ſiue præcipuos Cælorum Philoſophis cognitos; quiſ neget accidere tria illa maximè notanda, nempe motum in orbem flexum, à quo motus omnes inferiores cum ſint, imperium repræſentat ſummum, attributum Patri Deo: tum lucem nitidiſſimam, ſummæ ſymbolum ſapientiæ, Deo filio: tandem procedentem indè calorem, ſummi typum amoris, Sancto flammæ Deo, ex quibus Cæli qualitatibus mouentur, illuſtrantur, perficiuntur vniuerſa? Niſi quis malit arcanum Triadis auguſtum in principe planetarum cognoscere, qui & medium Cæli obtineret, & Solis nomen quaſi ſolius ſibi vendicat, excellentiæ titulum ſingularis. Sic enim philoſophatur, cui cognomen tum Diuini antiquitas tribuit, Plato in Republica: *Eſt*, inquit, *Deus clariffima lux, eſt veluti Sol quidam pamphaës, ut Græci loquuntur*. Interpretamini vos, *Vndique collucens, & omnia illuſtrans*. Nobis verò Latinis aptius erit hic Sol TRINVNVS, quippè qui tres vna in natura hypotheſes complectitur cum in modum, quo Planeta maximus, tria in ſe ipſo præfert, nam & eius lucem obſeruamus, & ex luce radios, & ex utriſque calorem. Hæc ferè in æterno Sole & Pamphaë Deo eſt intueri. Sed quid intueri dixerim, cuius eſt lux inacceſſibilis inquit Paſſilus Gentium Doctör? Cuius iſte Sol aſpectabilis vmbra eſt potius, quàm effigies, inquit Gregorius Nazianzenus? Cuius etiam Solis in gremio tabernaculum poſuit ſuum, inquit Rex Pſalter, quaſi vt inter illius vmbraſ ſuos lucidiuſ radios vibret. Cernite

autem quàm belle Sol iste æternus illucens nobis fabulosa illa lumina Ethnicorum veterum obscuravit, ac tenebris altis demersit: Tergeminam Hecatē, Tricipitem Cerberum, Tres Parcas, Tres Gorgones, Tridentem Neptuni, Trisulcum Iouis, Trinodem Alcidis? Nec verò desiderabimus in hoc Cælo Theologico agmina Stellarum, lumina Siderum, quæ contemlemur, illos dico Spiritus supernos, atque expertes molis, plenas lucis substantias, præsentia sempiterni Solis radiatas, quarum consideratio pone illam, quæ de Deo est, occupat locum. Ac ne effusius præfando, quàm par est, procurramus, absorpti species huiusce Cæli, defigamus licet in terram oculos, quàm scilicet suspensam, atque libratam in medio Cæli fuisse ab æterno opifice animaduertimus, ut eius ambientis undique instar amphitheatri millenis facibus astrorum illuminati, spectaculo admirabili fruere-
 tur. An hominem negemus concretum è terra, ac sicut nomen è terra sortitum, sic & illius typum expressum, ideò constitutum in terris fuisse, ut Cælum speculetur Theologiæ? ut in Conditoris, atque eius operum mirabilium intelligentiam erigatur? ut ceu librum enarrantem gloriam Dei studiosus perlegat? ut, vnde hausit immortalem spiritum, oculos mentis irrequietus intendat? ut exemplar contempletur, cuius ad similitudinem se se iactat effectum? denique ut Diuinorum arcanorum notitiæ multiplici, quasi astrorum benignis illapsibus ditatus, nanciscatur Cælum in terris, traducendus aliquando è terris in Cælum, atque inter sedes empyreas reuelata sibi Solis æterni face æternum beandus? Porro quod Cælum ac Terra ferantur conditæ in principio, quantoperè extollit laudes eius, qua de loquimur, disciplinæ? Neque enim historico sensu principium hic nobis volumus rerum ac temporum, quamquam in ortu ipso Mundi orta pariter arguatur Theologia, reuelatis nimirum Principi nostri generis Adamo vix tum creato mysterijs sacrosanctis per soporem illum sibi à Deo immisum, ut, si ex vetustate metienda est disciplinæ cuiusque dignitas, hæc nostra multò vetustissima, congenita quippè Mundo, reliquas omnes longè post se habere eulnecatur. Principium ergo interpretatur allegoricè Deum Verbum, hoc est Filium sempiternum; qui alloquens aliquando discipulos, Principium se se appellauit; & quo Cæli firmati esse canuntur à Psalte Rege; & per quod omnia esse facta prædicat Ioannes Euangelista, & cuius ex ore prodijisse gloriatur, quæ vna sibi iure ascribit Sapientiæ titulum, omnium primogenita creaturarum rerum. O Theologiæ cælestem præcellentiam: Ex

ore,

ore, inquit, *Altissimi prodigi*, ut nemo non intelligat, nihil huic in hac etiam parte commune esse cum reliquis scientijs, ac disciplinis. Ne quis enim putet, eam duxisse ortum à Romanis, cuius semina per sacras paginas toti iam Orbi terrarum demandata erant: Non à Græcis, siue ijs Philosophis, siue Theologis, siue Poëtis: non à Socrate Philosophantium Peripateticorum, atque Platoniorum fonte; non à septem Academicæ Græcæ luminibus: non ab Orpheo Theologici nominis violatore: non ab Homero poetarum Græcorum Choriphæo, qui elegantia & ætate scriptoribus Græcis vniuersis facem præmisit. Namque Mosen sacre pagine conditorem cœuum fuisse Cecropi Atheniensium Regi primo, quem excidio ipsi Troiano, ne dum Scriptori illius Homero longè præcedisse, præclaris monumentis Eusebius testatum reliquit. Ab vno itaque Deo, interprete Mose manauit Theologia, vnius Omnipotentis manibus hoc Cælum fabrefactum prodiiit. Cuius prospectu quia vos mirificè teneri animaduerto, placet nonnullas Theses, quasi stellas vobis detegere, breui disputatione obseruandas.

G R A T I Æ.

Spectauimus hætenus Theologicum Cælum, Auditores. Ego vero corona ista cinctus nobilissima instar orbium Cælestium, constitui in medio quasi Terra immobilis, & ad fulgores vestros attonita. Cæterum si quem fortè disputando protuli fructum doctrinæ, si quam amœnitatem eruditionis, debeo id totum vobis, debeo luminibus Sapientiæ vestræ propitijs, debeo illapsis in sinum humoribus benignitatis vestræ fecundissimis. Dixi.

THEOLOGIA MORALIS.

Itemque Philosophia.

Veterem Philosophiam cum mente repeto (Ornatissimi Viri) hæreo stupidus, meliorem eius partem deprauatam aduertens, sanio rem doctrinam in insaniam defluere, moralem denique mores ire corruptum. Siccinè (dico) Principis animalium disciplina peruertitur, ut arbitrio relictus à Natura, quæ inferioribus, atque subiectis illi animantibus congruentes, & statas viuendi leges attribuit, ipse infra illas abiectus ea de se monstra in vitæ cultu exhibeat, quibus nec monstrosior vlla

fera, nec ferius ullum monstrum Libycarum solitudinem spe-
læa protulerunt? Hoc idem aduertit Tullius, & vel inuitus
clamnavit, seuerus Iudex, cuius se se patronum iactauerat, Phi-
losophiæ. Nam quid monebat Ciceronem filium, cum infor-
mare moribus quàm optimis ad felicitatē studeret? Pudet me,
Auditores, gratia illius eloqui. At quid me pudeat alienæ liber-
tatis? Is igitur tam nobilis præco Philosophiæ, tam acer, ac iu-
ratus propugnator, nihilo tamen minùs veritati pudorem litans
grauiter admonet, *Præcepta quidem Philosophiæ noscenda, viuen-
dum autem esse ciuilitè*. Quæ in re similis visus est mihi Tullius
priscis Ægyptijs, cum Numine irato obsessi circumquaque tene-
bris nihil rerum concernerent; ipsam tamen cœcitatē tenebra-
rum densissimam palpantes dissimulare non possent. Sic ille
noster & cœcultabat cum cæteris, quibuscum philosophabatur;
& ipsam tamen cœcitatē palpatus, ut caueret, admoneri
coactus est, quem in oculis ferebat, vnicum filium. Igitur re-
fugiendam Philosophiam Philosophi ipsi docebunt? Vtinam
non etiam execrandam prædicarent. Nam quod super quæstio-
ne de summo bono non omnes conueniant, aliam alij in senten-
tiam abeuntes, permitti id potest ignorantix illorum temporum,
permitti lasciuix ingeniorum. Quòd verò nec ipsorum cum
placitis suis consentirent mores: sed quod docerent scriptis, de-
docerent turpiter exemplis, quis tandem patienti animo dissimu-
let? quis eitra bilem, citra stomachum ferat? Inquirite, obse-
cro, diligentius auctorum philosophiæ istiusmodi mores, inue-
stigate rationem vitæ. Dispeream, si quisquam vnus occurret
non iracundus, non cupidus, non libidinosus, non arrogans,
non proteruus, & sub obtentu sapientiæ suæ non eclans vitia,
suas corruptelas non fucans, eaque liberè agens domi, quæ in
scholis acriter arguisset. Habeo testem omni exceptione maio-
rem eundem Tullium in Tusculanis suis idipsum & fatentem
planè, & conuerentem. *Quotus quisque (inquit) Philosophorum
inuenitur, qui sit ita moratus, ita animo, & vitæ constitutus, ut ra-
tio postulat? Qui disciplinam suam non ostentationem scientiæ, sed
legem vitæ putet? Qui obtemperet ipse sibi, & decretis pareat suis?*
*Videre autem liceat alios tanta lenitate, & iactatione, ut his fue-
rit non didicisse melius: alios pecunia cupidos, alios gloria, mul-
tos libidinum seruos: ut cum eorum vitæ & vitijs mirabiliter pu-
gnet oratio.* Neque graue minùs est, ac vibrans Nepotis Corne-
lij testimonium apud eundem Tullium sic habentis. *Tantum ab-
est, ut ego magistratam esse putem vitæ Philosophiam, beataque vitæ*
perfe-

perfectricem, ut nullis magis existimem opus esse magistris viuendi, quam plerisque, qui in ea disputanda versantur. Video enim magnam partem eorum, qui in scholâ de pudore, & continentia præcipiant argutissimè, eosdem in omnium libidinum cupiditatibus viuere. Cum his concinit Seneca in Exhortationibus: Plerique (aiens) Philosophorum tales sunt, diserti in conuiuium suum, quos, si audias in anaritiâ, in libidinem, in ambitionem perorantes, in iudicium sui putes professos. Aded redundant ad ipsos maledicta in publicum missa; quos quidem non aliter fas est nobis intueri, quam Medicos, quorum tituli remedia habent, pixides autem venena. Quosdam verò nec pudor vitiorum tenet, nec verecundia probrosa vitæ quidquam afficit; sed patrocinia suæ fingunt turpitudini, ut etiam honestè peccare videantur. Cernite iam monstrum; Auditores. Idem ipse Seneca Philosophorum veterum censura quali semet censuræ subijciat, quali notæ. Faciet, inquit, Sapiens etiam quæ non probabit: ut etiam ad maiora transitum inueniat: nec relinquet bonos mores, sed tempori aptabit: ut quibus alij vtantur in gloriam, aut voluptatem, vtatur agenda rei causâ. Itanè verò? Faciet sapiens, quæ non probabit? Scelera quæ non probabit, maledicta, quæ habet exosa, execranda, faciet? Probabit factò, quod dictò improbat? Neque hoc tantum. Omnia (subdit ille) quæ luxuriosi faciunt, quæque imperiti; faciet & Sapiens, sed non eodem modo, eodemque proposito. Vnde igitur (arguam ipse). Vnde hominem castigabit Magistra morum Philosophia, quando ipsædem in corruptelis conuiuet, vitia eadem patitur, easdem ob-scænitates probat, imò præcipit, solo sibi proposito referuato tanquam arce tutissima Sapientiæ? Iam si sola mens fecernit à vulgo sapientem; quidni concepta solum de se opinione Sapientiæ amentis quoque, ac furioso licebit in cætum Sapientum se intrudere? Sapit meherculè Aristippum hoc loco Seneca, nancipium illud Veneris miserabile. Hic magisterio suo apud Cyrenaicos quæsiturus fidem, & auctoritatem inuiuit cum Laide nobili scorto commercium. Credo Mercurium lasciuæ Mobilem sistere se posse arbitratus ad omnem morum grauitatem; & pretium honestatis conferre petulanti suæ impudicitiae nescio quo lapidis philosophorum attactu. Quid? Nonnè (inquit ipse) interest multum inter me, & ceteros Laidis amatores: quòd Laidem ego habeo, ceteri habentur à Laide? O nouam Philosophiam brutis ipsis addiscendam. Adeste vos ingenui adolescentes: Adite tale lyceum. Assurgite vos, Ciues, tali Magistro, credite illi pignora spei vestræ, & politissimam omnium disciplinam

nam producto (si opus est) patrimonio, cœmitem carissimis natīs atque nepotibus. At quid opus est (suscipit ille) prodigere, quasi cum perditis Aristippus conveniat? *Illi bona sua perdunt: Ego gratis luxurio.* Bellissimè tu: Sed si philosophiam in hac arte collocas; nonnè acutè magis philosophatur ipsa Lais, cum habet gratis eum lenonem, qui auctoritate sua, & exemplo apud iuvenes discipulos tantum potest, ut ei cursus recursusque procacium nunquam desit? Quid te igitur eximet à vulgo perdito, si nemo hominum propositum animi tui latens; patentem verò corruptelam morum, vitamque inquinatissimam omnes vident? Non hic autem stetit libidine Aristippus, qui in præcipiti voluebatur. Cæpit vocaliter docere ipsas obscenitates, quas tacitè iam docebat: fecitque de schola lupanar. Voluptatem corporis sustinens mortalibus summum esse bonum. Itaque Philosophos instituturus, non iam amicos sapientiæ, sed amicos amicæ contaminatissimos effecit. Verùm hæc hæcenus. Parco non sine miseratione ætati illi corruptæ; & nostræ planè aureæ gratias ago, quæ me in hanc lucem tulit, ut gremio exceptus Christianæ Theologiæ (* *vel Philosophiæ*) puritatem morum, & vitæ candorem quasi concoctissimi lactis humorem exugerem. Sed iam me papillis abstractum par est solidiore cibo disputationis, vestro egregio magisterio (Viri Sapientissimi) enutrirī. Id quòd solet dum meditor, proferenda mox curo fercula discutiendarum assertionum.

G R A T I Æ.

D Efræcata per Theologos (* *vel per nostros*) Philosophia veterum, quæ de moribus est, me iubet, reiecto verborum apparatu, habendis sincerius, quàm agendis gratijs beneficentiam vestram hodierna disputatione mihi prælitam compensare,

T H E O L O G I A G E N E R A T I M.

Vel Philosophia.

A Ntiquitati ætas omnis, vel ipsamet Antiquitas (quo tamen, fato, nescio) venerationis tantum attribuit, ut inconditis quibusque rebus æstimandis sufficere sola videatur. Hinc veterum gestis quamquàm vulgaribus nobilitata quasi loca celebrantur per Historicos. Inuenta rerum prima, rudia iccirco, atque barbara observant Antiquarij. Dicta quædam parum falsa, quia
priscis

præcis prolata, pro diſſectis, pro oraculis coluntur. Diſtortis membris monſtroſa ſimulacra, picturæ nullius ſpiritus, nullius luminis, quia vetuſtæ, pretium inueniunt maius, quàm recentes graphice expreſſæ. Eoque tandem venit opinio apud quemque prudentiſſimum, vt antiquitate contracta fuligo in tabulis, omniclarior luce; membra in ſignis edacitate temporis deformia omni forma elegantiora habeantur: Deſoſa è ruinis veterum ædificiorum rudera, pro trophæis Ædes noſtratum magnatum exornent. Ad ſummam idem Mundus cùm ſtet hodie nobis, atque olim Antiquis; Sol idem cùm hodie aſſulgeat, idem Cælum cùm deuoluatur; eadem cùm oriantur, & occidant ſidera; quid eſt, quamobrem illis ſola originis feſtinatio, & caſu præmiſſa canities principatum rebus aſſignet? Ego verò vbi de oculo paſcendo agitur, parco libidini ſingulorum. *Non enim*, vt ait ille, *de guſtibus eſt diſputandum*. Illa tùm demum probantur, quæ placent; & quæ probantur, placent. Sed vbi diſciplina morum, & animi inſtitutio agitur, non libido legem, ſed ratio, & ex ſummo bono petita viuendi norma præſcribit. Extulit ſemper poſteritas illorum veterum ſententiam, qui ſummam ſapientiæ in pecuniæ contemptu collocarunt. Illos ſtylo, illos alloquio in vmbraculis, in academijs, & (quod miremur) in ſacris conuentibus, in panegyricis Diuorum ſumma cum veneratione memorat, laudibus miris perſequitur, exaggerat. Glorioſa verò fama virtutis contemptus pecuniæ, ſcilicet eius rei contemptus, cui nemo non inhiat, non anhelat mortalium. Sed exige tu, quid iſti tandem hoc ſenſu geſſerint, & quò iſte contemptus memorandus euaserit. Oblata ſibi hereditario iure patrimonia perampla vt neſas remittunt, vt ſcopulum cauent, atque abdicant. Quandiù ſuadet hoc metus tantum prolabendi in licentiam, in intemperantiam, in ſuperbiam, nempe diuitum Syrtis, & Charybæes; inertis proſecto eſt hominis, qui, quod clauum tenere neſcit, & proram in portum intendere, negat planè ſe pelago, quem tamen cogitur in hac mortalitate peruadere. Quare non ſolum ſortunas vt abdicet, ſed ſimul etiam cui leges, operæ pretium eſt cogitare; ne, vbi liberalitatis gloriam captas, conuiſtus demùm imprudentiæ abeat inglorius, inhonorus. Vtiſnè, Auditores, huius fabulæ Actorem aliquem prodire? Democritum aſpiciſſe. Hic cùm auitos agros derelinquens euadere paſcua publica paſſus eſſet, nonnè merito à prudentioribus perſtriſtus, non alio dignus plaufu eſt reputatus, quàm, quo res humanas continenter ipſe deridens proſequenda-

quebatur? Præclarum enimvero facinus, tam fama dignum, quam gratia, si muneris titulo cessisset Patriæ ad communem utilitatem: si ad egenos ciues, honestos præsertim, sustentandos, ad hospites publicè alendos, ad rei Sacræ, Ciuilib, Litterariæ splendorem, ad muniendam propugnaculis ciuitatem, fundandam ephebijs, illustrandam theatris. Desiderasset, credo, tanti ingenij Vir consilium de fortunis suis benè, sanctèque destinandis; sed eiusmodi curam refugiens in illud potius venit, quod, si omnes pedarios habeat, inutile cedit, ac malum. Vnde ergo huic factò materia gloriæ? Vnde illi pariter, qui patrimonium opulentum in aurum redactum profudit in mare? Quàm sunt frequentes hic Oratores, quàmque multi in ea referenda voce: *Abite in profundum male cupiditates: Ego vos mergam, ne ipse mergar à vobis?* Detrahite vos, quæso, Auditores huiusmodi factò vetustatem, & cum furo temporis nudatum conspexeritis, nonne statim succurret, vt ita hominem compelleretis. At enim si tantus tibi metus ex pecunijs, cur non in aliorum commodum disponeres? Non te equidem mergent, si per eas ex pelago miseriarum emergant egeni. Subduces, mihi crede, & te ipsum profundo, & illos tempestat. Seruabis vnà seruatus, subleuabis erectus, opesque abiectas facies perditorum multorum stipem, ita de hominum genere æternum meritis. Consultius ille egit etsi amens, & furijs actus, qui sua omnia diripienda sparsit in populum, oblitus sui; Suam certè egestatem in aliorum refundens opulentiam. Quò mihi cordatiorès è nostro sæculo ij videntur, qui situm vetustatis pertæsi ne videre, quidem æquis oculis possunt veterum scripta philosophorum, nisi vt in eos perstringant stylum, damnatisque erroribus compertam ingenij nostratium veritatem illustrent. Ego igitur huiusce genij cum sim, quamquàm non eius ingenij, vt cum illis congregiar, audebo in hac luce literatorum propositis Theologiæ (* vel Philosophiæ) placitis splendorem veritatis inter obiecta disputationis nubila explicare.

G R A T I Æ.

Pecunias in profundum ille merfit; ne mergeretur. Ego, ne pondere gratiarum mergar, quas habeo vobis, Humanissimi Auditores, in profundum silentij mergam æternum gratus,

THEO-

THEOLOGIA GENERATIM.

QUOD est in votis honestissimum apud eos, qui sacræ Theologiae arctissima se religione addictos profitentur; vt ad disciplinarum augustissimam inclinata Philosophica dignitas ancellatur: si rem ad trutinam diligentius vocemus, Auditores vereor, ne ex ingeniorum caligine extorta demum huic obsequia, suspecta nobis potius, quam accepta habeantur. Quid enim arrogantius ad superbiam, aut quid grandius ad supercilium Philosophia? Originarium nempe hoc illi peccatum est, & veluti à patribus in nepotes transfusa corruptela non patitur dissimulari vitium, aut pertracta ad posteriores lineamenta variare. Neque mirum profecto, si penitus causa inquiratur. Petit Philosophia (quis nescit?) suam ex demonstratione scientiam: Demonstratio ex principiis dependet naturali cognitione veris: luuatur sensibus corporis cognitio; nihil quippe est in intellectu, quod non in sensu prius fuerit. Denique sensus ipsi quàm sint fallaces, quàmque ludi faciles, facio iudices philosophos eosdem priscos, quorum non pauci Diuo Augustino recte credendum nunquam esse sensibus deprehendere. Porro ab istis quàm longè Theologus dissidet? quàm aduersis hæret vestigijs? Nihil is, quod oculis offerat; nihil, quod probet tactus; nihil, quod alius quis vel ex internis sensibus proponat, pensum habet. Mentem ipsam voluerem, acie natua superbiam quasi compede captiuam stringit; vt, non quod Natura, sed Naturæ Auctor suggerit: non cuius veritas liquet, sed veritatis probabilitas: denique non quod humana, conuincit ratio, sed quod Diuina auctoritas dicat, hoc sibi persuasum faciat, tantumdem certa assensu, quantum cæca obiectu. Iam videtis, quemadmodum citra demonstrationem demonstratur Diuinorum veritas; Vt mens sine perspicuitate sit perspicax, sine humana intellectione intelligens; Sine naturali lumine illustrata; gloriosior idcirco in ipsa humilitate obsequij, liberior in captiuitate; felicior in scientia. Quare vsurpent sibi, licet, & Aristoteles, & Plato, & alij quicunque sine, titulum Dæmonij, veluti quiddam supra humanam sortem eximium. Vsurpet amplius Homerus gradu superlacionis titulum Dæmoniotati. Nos verò Theologi Dæmonium illis vltro permittimus, Deum nobis adsciscimus. Melius nos triumphabimus in Dei seruitio, quàm illi in fastu Dæmonis: humiliores illi saturi in sublimitate, nos in humilitate sublimiores. Quod itaque vsurpa-

bat differens de Oratore Cicero, *Iudicium aurum esse superbissimum*, id ignorat omnino Theologus, cuius principia, quod auditu reuelantis Dei nituntur, iudicium aurum exigunt quam obsequentissimum; idem planè ut sit audire, atque credere, narrari idem, atque probari. Quid ergo est, quamobrem tantopere laboremus, ut humanam scientiam Diuinæ tributariam reddamus? Nam qui dogmata Theologica philosophicis placitis adamussim singula tueri, ac perpetua contentione communicare instituunt; qui Diuum Thomam cælestem inter homines Angelum Aristotelicis per totum præsidij firmum, & inconcussum aduersus philosophorum quorumlibet petulantiam ostenderet: qui denique ipsum hominem ex Ethnicis Aristotelem Christiane sensisse, docuisse, disputasse contendunt, quid isti tandem, nisi pessimè de Christiana Republica merentur? Nonne & suis (ut Euangelicè loquar) margaritas apponunt, & veritatem intemerandam cælestium mysteriorum in quæstionem adducunt? Reginæ, atque Augustæ dignitatem, existimationemque iudicio Ancillæ impuro subijciunt? Errorum, atque ineptiarum, si minus reum, suspectum quidem certè constituunt Auctorem veritatis, atque adeo ipsam nobis reuelatam æternam veritatem Deum? Valetè iam ergo, Philosophi: procul este ab umbraculo sacrosancto, profani sapientes; si modò sapientiæ cum superbia conuenire quidquam potest, si cum fastu comitati, si cum intemperantia sanctitudini. Vos, vos, Viri præclarissimi, sola cum sacrarum rerum peritia, instructi etiam atque etiam estis ad sapientiæ cum felicitate demetendos fructus, cum dignitate tuenda dogmata. Sed illud dum vobis æternum apprecor, hoc mecum instituta hodie disputatione à vobis enixè peto.

G R A T I Æ.

Quam impiè de Mose dixerat Plato, *multa illum narrare; nihil probare*: Tam ingenuè de me ipse fateor, multa me vobis pro beneficio hodierno debere, nihil posse.

THEOLOGIA GENERATIM.

Theologicæ disciplinæ Maiestas quanto philosophicas, ac Mathematicas transcendat spatio, illo Mosis oraculo non ambigè admonemur, Sapientissimi, Religiosissimique Viri; Vbi Mundo, & Sacris simul Biblijs daturus exordium, sic enunciat. *In principio creauit Deus Cælum, & Terram.* Quod verò Cælum

Cælum vsurpatum hic putatis? quam terram? Nec enim vnicam personam agebat Moses, qui regendis frequentissimis populis natus erat: Nec sono literarum contentus esse poterat, qui Mysteria sacrosancta Diuini Numinis peruestigare, & Maiestatis gloriam intueri proprijs ipse oculis, mortalium solus meruerat. Agebat itaque historicum simul, & Mysten: Et Philosophum, ergo, & Mathematicum, & Theologum. Omnis enim illiusmodi notitia munus est Numinis, & ab isto panditur Oriente lux omnis. Quisquis autem pictura sola characteris tenetur utique Cælum, & Terram à Deo facta perlegens nil mente concipiet, nisi primum superiorem Vniuersi istius regionem, sublimem, eam oram petendam nunc solis oculis, aliquando & gressibus: scænam illam adamantibus perspicuam, gemmis accensam, luminibus radiatam, sipario lucis obtentam, vbi fabulantes aurea in toga planetæ gloriam referunt summi Dei, diurnos actus distinguente Astorum choro. Dein Terram concipiet destinatum tanto spectaculo Amphitheatrum, nulla barbarie, nulla iniuria diruendum, dimouendumne; vt quæ sempiternis ponderibus librata ab Opifice fuit; digna idcirco, quàm Gymnosophistæ alternis pedibus ob arenæ apricantis feruores diebus totis premerent, spectaculo tenti circumuoluentium se se tam admiranda lege, atque harmonia Cælorum. Sed vos, quibus adyta penitiora Sapientiæ nunquam non patent, intelligitis (credo) parui Mundi duplicem portionem, Animum, Corpus; Illum Cæli particulam meritò dictum, hoc è Terræ particula concretum: Illum agilem, viuidum, purum, mobilem, irrequietum, qualem exigit proxima cum Cælo cognatio; Hoc pingue, immobile, iners, obscurum, suæ non absimile origini. Atque vt Terram Cælestes orbes totam ambiunt, illi inuigilant, illucent, in gyrum ducuntur, humores vertigine dispartiente defudant: Sic Animus regendo corpori rotus est. Theologia igitur quanto nobilior arguitur Philosophicis, ac Mathematicis disciplinis, cum Animum ea prouocet ad oras Cælitum anhelandas: Hæ verò domicilium corporis in terris adornent? At illud obfistere dicet quispiam: Philosophiæ Mathematicæque causam suscipiens, quod eadem ijs, ac Theologiæ sedes in animo assignetur, cuius & formæ censentur, & dotes immateriatæ atque æternæ substantiæ; non ideo relegandæ in terris, nec ergastulo corporis damnandæ. Demus nos, licet, vtrisque societatem domicilij, demus communionem familiæ. Interest tamen: ne vel dominari ancillas, vel ancillari Dominam patiamur. In ipso Ani-

mo damus vrisque receptum : In ipso Mundo partem vtramque ponimus, sed sua quamque disponimus regione ; Cælum par est supernè, infernè Terram . Quæ naturam spectat Philosophia, quæque in materiæ quantitate versatur Mathematicæ, cui melius, quàm Orbi Terrarum respondeat ? Quæ verò dilapsa è Cælo est, atque in Cælum substernit viam Theologia, quidni Cælestem notam nuncupatione ipsa præ se ferat ? O sublime Theologiæ Cælum, cui quidquid habent humanæ disciplinæ splendoris, quidquid dignitatis, quidquid firmamenti, referunt acceptum . Non enim vacat, quòd Cælum primum dicatur fecisse Deus, exindè Terram ; vt nisi illuxisset Orbi perduto Theologicus radius, quàm cecis adhuc iaceret in tenebris ? quàm perplexis raperetur erroribus tradita per veteres nostratibus Philosophia ? An vnquam pertigisset hæc ipsa ad summum Hominis bonum, ex quo vti centro trahimus vitæ nostræ omnes lineas ? Quis dedisset libellam Ethicæ ? quis normam moribus præscripsisset ? Habet igitur humana Scientia clientelam Diuinæ, nec tam Patronam agnoscit, quàm Dominam ; quippè cui ceu tributum erogat rationem cathgoricè disputandi, nihil vt amplius ista desideret ad Maiestatem vel explicandam, vel tuendam . Id quod melius experimento vestro, Auditores, quàm meo sermone testatum fiet .

G R A T I Æ .

Theologiæ Cælum, Philosophiæ Terram hodierno congressu retulimus . Nec incommodè . Sed vt in vobis Cælum solidum apparuit ; sic in me *Terra inanis & vacua* vt subdit Moses . Inanis enim ipse sum , & planè vacuus verbis , vt gratias humanitati vestræ promeritas agam .

THEOLOGIA GENERATIM.

Philosophiam (Viri Cordatissimi) ex adagio inopem , & pauperam, non fortunæ, credo, facit avaritia, quæ supinis alioquin ingenijs obsecundat : sed natiua ipsius, & per se miserrata satis conditio, solo splendore nominis, & sonantium pompæ syllabarum adorata . Eius quanta sit vanitas, quàmquam vera falsitas, licebit inde conijcere, quòd tota in primipilum suum Socratem effusa, dum studet innocentia idæam proferre, abortum profert . Seponite quæso vos studia, si qua in Socratem habetis : abducite paramper animum à vulgari opinione, & rem ipsam ex merito, non ex vultu pensitate . Celebratur ingenti
cura

cum veneratione quasi è tripode Apollinis acceptum id Socratis dictum: *Quod supra nos, nihil ad nos.* Horum ego alterutrum contendo, vel ignauia istud esse vertendum, vel impietati; vt, dum Socrati gloriam hanc referunt eius affectu, libellum re vera famosissimum publicare in ipsum arguantur. Quasi (dicam) non ea sit humanæ mentis felicitas, acumenque præcellens, nihil vt vsquam omnino existat illi imperuium, nihil inaccessum: Non illam concretæ materia, non immunes substantiæ rerum, fugere possint; Non latere abutissimæ, non occupare vastissimæ, vnius æterni Numinis Maiestate excepta, quæ & implere vastitatem eius potest, & explere cupidinem, & amorem beare. Annè igitur Cælorum, & siderum contemplationem, quod ea supra nos sint prohibebat hominibus Socrates? Speciosissimam disciplinarum Astrologiam, tamen laboriosissimam affecutione eliminauit iste à suo liceo, vt eam non tam negligere deberent homines, quàm nescire? Vt mentis conatus, atque illius mentis, quæ cælestis particula rectè dicitur, in ipsius Cæli meditatione minimè occuparent? Si ergo, quod supra nos, Cælum, nihil ad nos; frustra illos incusauerit sanctissimus inter sapientes Purpuratos, quod *oculos statuerunt declinare in terram.* Frustrà damnauerint sacræ literæ senes illos perditissimos, qui castissimam foeminarum Susannam depercentes *auerterunt sensum suum, & declinauerunt oculos suos, ne viderent Cælum.* Quid? si Cælum nihil ad nos, defigamus, licebit, quàm à Natura erectam accepimus altam ceruicem in terram; gradiamur more pecudum proni ad sensus corporis oblectandos, ad pascendam libidinem; litemus ventri, ac Veneri, scilicet infra nos positis; hæc Hermathenæ loco statuamus Numina tutelaria in nostris Academijs; & hoc esto generosæ mentis nostræ singulare negocium, terpscere totos in ocio, marcescere in delicijs vitam hominis beluinis in studijs habere sepultam. Præclaros meherclè Philosophos instituit Socrates, popinones, parasitos, aleatores, ganeones, mancipia libidinis, monstra luxuriæ. Hæc si de Socrate indigna putatis, quæ prædicentur, quis vestrum alia multo indigniora patiat? Ignauum vero illud dicere exhorret animus, impium ergo fateamur, necesse est, & leuius piaculum, piaculo grauiore propulsare iam cogimur. Equid supra nos, quæso, nisi Numen ipsum statueret Socrates? Nihilnè ergo Numen ad homines? Froh vestram fidem, Mortales. Nihilnè pietas, nihil sacrorum cultus, nihil ratio summi Conditoris ad rerum conditarum maximam pertinebit? Annè Auctori omnium Deo.

Deo. Conseruatori, Moderatori remittendus prudenter nunci-
 cius, ableganda reuerentia, conculcanda religio? Vide, vt Phi-
 losophos suos Socrates non tam exigit amatores Sapientiæ, quàm
 hostes Diuinitatis, & veriore nuncupatione atheos esse iubet.
 Hic mihi quisquam à Socrate suscipiet, neminem vnum è priscis
 Philosophis magis meritum de Religione extitisse, quippè qui
 publicas illas Ethnicorum religiones exosus, post carceris squa-
 lorem vltimo demum supplicio peremptus fuit? Res certè digna
 Sapiente, si fuit. Verùm tamen precanda magis Socrati, quàm
 credenda scriptori. Cuius Philosophi cum essent consulti mo-
 res, & ad exemplum compositi, sic exigente instituto: quid est,
 cur is per Deum, per canem, per anserem deierebat? Hocci-
 ne ipse iocose, an seriò? Vtrumuis tu dixeris, suspectum, at-
 que adeò reum fecisti. Si quidem iocose, cauillatorem Religio-
 nis: sin seriò, nefariæ superstitionis auctorem. Vtuncque vsur-
 paret Socrates, ambiguum certè posteris reliquit: vtrum vincu-
 la perpeffus, & necem (vt ferunt) pro religione singularis Dei,
 cultor veræ religionis excesserit: an, quod antè mortem, sanus
 quidem corpore, nec deturbatus mente familiares suos roga-
 uit, vt Æsculapio gallum, quem vouerat, pro se sacrarent, præ-
 tentus à Socraticis fuerit officij gratia in illius Manes titulus ne-
 ci quàm honestissimus: re tamen impietati ipse cesserit, vt ta-
 ctus religione prospicere sibi per amicos vellet, ne ad Inferos
 transgressus fieret apud Rhadamantum reus voti ab Æsculapio.
 Videlicet parcendum illis temporibus est, Auditores: culpan-
 da illius Philosophiæ vanitas, quæ in summa doctrinæ opulen-
 tia miserandam egestatem, ac nuditatem lachrymabilem præ se
 ferebat. Debebat ea planè esse Philosophia, vt magis Theolo-
 giæ Christianæ beneficium generi hominum diuinitus collatum,
 innotesceret. Huic luci præcedere oportuit illas tenebras, huic
 diei noctem illam, huic Veri illam Hyemem, aureo huic sæcu-
 lo illud plumbeum. Ac priscos illos mortalium sat fuit adamas-
 se Sapientiam, quàm nos deindè certis gradientes vestigijs af-
 fequeremur. Placet igitur hæc ipsa in aspectum omnium vesti-
 gia proponere, vt vestra eruditione quasi indice ad sapientiam
 rurus ipse quoque pertingam.

G R A T I Æ.

Quod supra nos, nihil ad nos, aiebat Socrates. Ego verò
 contra. Quod supra me, supraque meam facultatem est
 beneficium in me hodie à vobis collatum, multum istud ad me,
 meam-

meamque fortunam: sed nihil à me, meisque gratijs, videlicet exæquandum.

THEOLOGIA GENERATIM.

Item de Deo Vno.

Dissimulare si velim, non possum, quod simulant ex arte Oratores, ut initio statim dicendi prærento timore ex argumenti ferè suscepti magnitudine fauorem Auditorum, naturalem utique pro laborantibus, sequacem habeant, Nobilissimi quotquot adestis Viri Auditores. Non verfor ego quidem in palæstra nescio quorum philosophantium, ubi potius inflat, quàm implet mentem scientia; & ubi sine barba, & pallio vix vllum habetur pretium disciplinæ. Prodeò autem ex umbraculo Theologiæ sacrosancto iuste veritus, ne ad explicatam celestis doctrinæ lucem inaccessam stupens acies ingenioli mei luat temeritatis promeritas pœnas. Non est itaque, vnde mihi tentet animum tumor, ubi iam timor occupauit. Quis enim nisi infanè gloriosus inflatur illius opinione Scientiæ, in qua ne nomen quidem obiectæ materiæ comprehendit? Cæteras Scientias antequam teneas, quid illud sit, in quod contemplandum incumbunt, in ipso certè vestibulo sigillatim cognoscis, vel ipsiusmet vocis ethymo indice; Ut si Rhetoricen meditere, iam præsto habeas, orationem in ea tractari; Si Dialecticen, disputationem; Si Physicen, naturam, Si Geometriam, mensuram terrarum; Si Astronomiam, astrorum Cælique motitiam. Ità à voce ad essentiam indagandam perfacilis tibi supponitur gradus. Sciscitare nunc, obsecro, quid Theologia contemplandum offerat. Deum, inquires, monstrante vocis nomenclatura. Ipsum porro Deum, si vergeam ego, vnde definias, non eius dico essentiam se sola merendam, immensatissimæque suæ sibi vni consciam; sphæram illam nullius vsquam circumferentiæ, illud sine centro centrum, sine principio principium; Verùm quo nomine potissimum designes, ut ab reliquis rebus per propriam quasi notam secernas, nonnè ad id hærebis attonitus, perinde atque si Cymmerios errores incola subdialis intrares? Nam quòd potestatem nobis facit Philosophus Cordubensis quæcunque volemus nomina Deo propriè aptandi, inopes profecto in maxima copia videtur facere, ut omnibus quidem ad arbitrium, nullo verò ad scientiam utamur. Quare vocemus ex placito illius Naturam;

quod

quod is Diuina sit ratio toti Mundo, & partibus eius inserta. Vocemus Iouem Optimum Maximum, quo non alius iuuat magis vniuersa latè, ac singula. Vocemus Statorem, cuius beneficio flant omnia. Vocemus Fatum, scilicet in serie causarum implexa primam omnium. Vocemus Providentiam, quod eius consilio huic Mundo prouidetur, vt inconcussus eat, & suos explicet actus. Vocemus tot, si placet, nominibus, quot illius sunt munera, quot per illum collata in hominem beneficia. Quid tu porro effeceris, si vel vna voce compelles, cui tam multæ sunt propriæ? vel si comprehendere omnes simul putes, quæ nullo valent numero comprehendere? Itaque refugiamus ad antiquitatem necesse est, & cum nihil nouum tam multa post sæcula fecundissima summorum ingeniorum suggererint, admittere cogimur vetustum illud Tetragrammon, ne ipsis quidem factis perceptum Auctoribus. Hoc enim exponant alij idcirco dictum, propterea quod literis quatuor per omnes ferè linguas iam inde ab exordio nationum exprimi solitum sit Dei nomen ex quodam quasi legis præscripto insitæ omnibus de cultu Conditoris. Commententur alij, Hebraicè quatuor quidem constare literis, sed quibus tria illa Verbi Substantiui tempora, *Fuit, Est, Erit* componuntur, vt Augustæ Triadis innuatur æternitas. Transferant alij interpretantes vocem ipsam Tetragrammon, quasi *unum omnia*, quemadmodum & Pythagoras Deum appellat. *Vniuersalem*, & illum esse Apollinem qui Musarum choreas ad citharæ concentum ducit, res nimirum omnes gubernant, ab iisque prædicationem & laudem accipiens. Porro hæc atque alia amœna magis, quàm plana quid nisi ambages nostræ menti plures ac plures obijciunt, quibus Ariadnæ nullius filum sufficiat? Quomodo enim rectè dixerit *Vniuersalem* Pythagoras, quem simul *Ἀπὸλλων* quasi *ἀπλὸν* exponit, idest *simplicem* & *unum*; vel *ὅτι ἅλλων* ab *αἰσῖ*, nempe secretum, ac multitudinis nescium? Sic enim philosophando Trismegistus quia, inquit, Vniuersitas est Deus, proprium eius esse nomen nullum potest; quoniam aut omni nomine Deum, aut omnia Dei nomine nuncupari necessum foret. Sed neque satis video, quomodo sustineri possit Vniuersitas in Deo, qui vnus ac simplex dignoscitur, ergo, vt indiuisus in se se, ita ab alio quocunque diuisus. An quia omnia Deus in se complectitur citra compositionem quidem, complicata nempe vniuersa in simplicitate unitatis? Rectissime quidem: Sed quomodo vllum quadrabit nomen, cui ab reliquis rebus omnibus, quas in se continet, repugnat discretio?

cretio? Res quippè nominibus inter se discretæ vna in Deo copulantur essentia. Iure igitur, ac merito Hebræis ita sanctum, ita augustum semper fuit Tetragrammon, vt nec pronunciari ore illorum proprio fas esset, nec literis patrijs exarari; sed minimè vsuatis elementis in lamina incisum aurea gestabat ad frontem, summi Sacerdotij, quàm ad summi Numinis reuerentiam. Iam, videtis nostram sortem, Theologi; quantò vtique Philosophis meliorem? quàm inuidendam ab illis, quàm ab alijs adorandam? Nimirum solius est Sapientiæ habere intelligendi obiectum Deum: est gloriæ ipsum eius nomen ignotum habere: Est felicitatis præripi nobis ansam tumoris, subtrahi fomittem arrogantiae, negari materiam superbiæ. Est autem, est præcellentissimæ scientiæ pro adæquato obiecto nulla adæquandum creatura, mente obiectum sibi præfigere: vt studiosos suos efficiat ignorando sapientes, nocturna in caligine perspicaces, incomperito thesauro prædiuites. Hæc quidem ego hætenus vovi. Reliquum est, vt vos, acerrima ingenia, impugnando meas Theses huius me voti reum faciatis.

G R A T I Æ.

Nomine proprio referri Deum non posse, persuadetur hoc mihi magis, quod vel meus in vos gratus animus, Auditores, nempe humana res pari dictione referri non potest. Adeo & ille infinita Maiestate sua nomenclaturam omnem, & hic facultatem orationis magnitudine sua transcendit.

T H E O L O G I A.

Non habet paradoxi speciem, quod vulgi sententiam non oppugnat, sed vincit, Auditores lectissimi. Sacrosancfam Theologiam inter scientias iure optimo computamus, cuius tamen principia minurè scimus, at credimus: opinamur, at firmiter tenemus: obscura deprehendimus, non tamen incerta. Est enim omni scientia hæc fides certior, opinio ambiguitatis omnis expert, obscuritas incomprehensæ scaturigo lueis. An igitur illam e choro scientiarum amandabimus, quæ suo vincit concentu scientias? Exauctorabimus, quæ non tam militat in castris sapientum, quàm imperat? Mouebit philosophanti fastidium, cuius non parum inclinatur Maiestas, si philosophica non dedignetur obsequia? Et certè si arcana plurima offendimus in Natura, quæ quod aciem intelligentiæ nostræ fallunt, non con-

temnenda modò non veniunt, sed cum admiratione reuerentiam quandam, religionemque in nobis cient; adeò vt sæpenumerò votis peruersis Naturam opus Numinis, cœu numen ipsum colamus: quantò iustus dandum hoc erit illi disciplinæ, quæ non homine fata, sed Numine tantò obscurior suis in principijs redditur, quantò inaccessa illa: quàm inhabitat Numen; claritas hebetudinem fugit altius nostrorum luminum? Quid enim? Si claritudine tantum nitendum esse quis pugnet, diuortium cum plerisque mens nostra faciat, necesse est; opibus se plurimis dispoliet, ornamentis viduet, quæ sapienti vnica bona ad felicitatem æstimantur. Ac primum quidem subalternatas quas vocant disciplinas euerteremus vniuersas, quæ sua sibi minimè cognita principia in subalternantes referunt cognoscenda. Nec, licet ambæ in consummato sapiente exigui videantur; viræ tamen officia, casus, iniuriæ in angustias plerosque hominum coactos sinunt destinatum metam contingere, & ambitum disciplinarum inhibente suis legibus Natura peragere. Ergo si nequeat metam assequi, excluderet se penitus cursu? Desidebit spectator aliorum otiosus, non magis audebit æmulator, quantum sibi fas est, vt in partem gloriæ cum literatis veniat, gloriosior forte in paucis, quia cum Natura oblectatus vicit, quàm in omnibus, Natura sibi per omnia obsequente? Age verò in Theologica facultate, quid dicam? Luctatur ibi secum ipsa mens nostra, ea faciens indubitata, quæ incomperta offerri videt principia, eò sanè auso gloriosiore, quò periculosius negotium est semetipsum expugnare, quàm alios. Quid? Nihil mihi, quàm meusmet animus, obscurius, nihil ignotius, nihil peregrinarius: quem tamen dum autumo luminis Diuini particulam, tum ipsum cernere mihi non datur. Philosophis nihilominus amplior isto campus ad certandum nullus datur, nulla seges vberior disputandi. Quot capita, tot monstra deliriorum super animo humano, tot cryptæ Cymmeriæ, à me iccirco suppressenda omnia horrente animo. Sed & optime vos calletis, Auditores, cum in omni politiore disciplina, tum in seuerioribus priscorum Philosophorum scriptis versatissimi. Ita obscura cum sit notitia de Animo immortali; mirum tamen, quò quisque sapientissimus, atque adeò non pauci inexipientibus ijs veteribus beatitatem hominis suo in animo pernoscendo statucentes, aureis ad oraculum noris, mortales omnes ad id negotium inuitant, vrgent insistunt, tantumque abest, vt ignota Animi species quidquam minuat de ipsius vel existimatione, vel studio inuestigandi; quin & eadem rei obscuri.

fcuritas venerationem in primis conciliat, & difficultas illecebram . Quis igitur ita parum sibi constet, vt fastidioso palato reprobet à Scientijs Theologicam veritatem ; quòd ex ignotis ipsa procedat, quòd latente trahatur origine, quòd luminis Naturæ faciem reiiciat ? Explicatur (dicam) hinc potius eius dignitas studiosis, fomesque suggeritur auditiùs addiscendæ ; quæ non Naturæ arcana recludit, sed Gratiæ : non elementaria, sed cælestia : æterna, non temporaria . Quæ animis nostris callem verioris felicitatis indigitat . Quæ non Mundi harmonia, concentuque tenet suspensas mentes, sed rapit altius in Deum harmoniæ huius concinnatorem, felicitatis oceanum beandis mortalibus, absorbendisque patescensem . Verius itaque suadendi nobis fuerint ipsi mortales, Theologiæ vt operam suam impendant, vt vitam deuoucant . Indè enim cognitio Animi clarior, & quantus à Deo sit conditus, & quomodo vera felicitate donari ab eo possit, hauritur . Id quod commodius non fiet, quàm si discussis theorematibus per me mox edendis, vestræ disputationis acumen, Viri Sapientissimi, remotissimæ à sensibus disciplinæ deprehensam Maiestatem reuelabit .



G R A T I Æ .

Theologiam per transfennam inspeximus, obscuram disciplinam ; sed ex obscuritate magis augustam . Sic & Ægyptij arcana sacra Hieroglyphicis velabant : Et ego, quas habeo in vos conceptas pro audientia ista humanissima gratias, velò silentij gratior testatas faciam .

THEOLOGIA GENERATIM.

Quod ille crebrò vsurpabat, Tantùm præcellere hominem homini Sapientia, quantum homo ipse brutis Naturæ : id claro clariùs offertur, si hominem Theologum in cœtu plebeculæ numerofo statuamus . Demus religiosos sacrorum, demus natos ad pietatem, ad cultum Numinis animos . Quàm aliter à verò æstimat vulgus ? quàm procul à recto ? Hæret in minimis, pender stupidus nouitate, attonitus insolentia, eaque maxima suspicit, quæ nondum obuia ; imponit rebus ex vsu pretium, non ex pondere vetusta quæque, hoc ipso nomine habet neglecta . Planè ita, Auditores : Si ex omnibus, quæ inter mortales diuersans perpetravit Christus Iesus, admirandis Diuinitatis suæ argumentis, illud vnum seligamus, quòd Lazarum quatrinduo defunctum

functum ad viuos reuocauit, quantus illicò admirationis excessus in turbis? quàm subditus rumor? quàm exaggerata prædicatio? Quantus vndique curiosorum concursus? Nec locus multitudi-
ni, nec dies spectaculo, nec vox præconijs, nec mens stupori par est. Deum hoc vno prodigio confitentur, millenis alijs minimè creditum. Pudet iam fidem habere oculatus, qui negabant auriti. Ingeminant iccirco ad confessionem voces, ad voces spiritum, ad spiritum anhelos vultus. Substituunt impari exaggerationi silentium, castigant reticentià clamorem, obli-
gnant spectaculum extasi. Fac modò, adsit Theologus, rime-
tur factum, pensitet, sedeat Iudex in causa. Quid, obsecro, pronuntiaturum eum putas? Nequaquam, dicet, in maximis Christi operibus esse Lazarum rediuuium. Sic enim arbitror vo-
biscum, Auditores. In huius demortui suscitatione tria in pri-
mis perpendi oportere, Efficientem causam, rem effectam, & modum. Aio enimuero de singulis, miraculum haud maximum omnium id fuisse. Primò igitur occurrit. Efficiens Causa Chris-
tus. Hunc tu siue Deum consideres, profectò infinita cum-
agat virtute, cur inferes, maius hoc illo cõptum existere, Deo quippè prompta est pariter molitio Vniuersi Orbis, atque vnus musculæ? Siue hominem obserues: neges tu, per humanitatem ipsam vt instrumentum Diuini Verbi, cui innititur, patrari mi-
racula, ac proindè facilitate pari eleuari hocce instrumentum, ad hunc, ad illum gignendum effectum: suam enim virtutem ex superiore causa totam pendere? Iam si disputas de effectu, ne id quidem cuinces cum vulgo. Siquidem prodigiosa huius actionis effectus, cum ipse sit Lazarus rediuuius, citra mira-
bilitatem quidem est, seu ipsius animam, seu corpus, seu tan-
dem compositum spectes. Ac si quidem animam, quæ recepta iam fuerat in infernas Sanctorum Patrum sedes, non nisi Pij Manibus, Deoque gratiosis hospitales, quid vetuit reducem sic-
ri in nostras terras, atque ibi Diuina gratia confirmante infor-
tem reddi, conditione sui status adhuc integra? Quòd si dam-
natorum sedes infimas petiisset, aut definitiua sententia æterni Iudicis, aut etiam suspensiuà, mirandum profectò, indè illam euocari: definitiuà quidem, nec enim quemquam Deus aliquan-
do soluit hac lege: suspensiuà verò, quòd perrara extant exem-
pla, & ea fidei plerumque dubiæ. Certè quod est celeberrimum omnium de Traiani Cæsaris anima trecentos post annos Orato-
re Diuo Gregorio Magno è Tartaris erepta, in quæstionem adhuc vocatur à plerisque Theologorum, à plerisque refellitur.

Quid

Quid autem Corpus? Nondum putri vitiatum, nondum solum in verines: foetens id quidem, hoc est ad corruptionem iam vergens, non pertinens; facilius ergo reuiuiscere. Nihil minus de Composito. Nam satis animam inferi corpori. Maius longè de illo Cæco, cui negatos à Natura oculos invidit Christus, de integro condens organum. At verò Lazarum suscitaturus nil habuit condendum. Quare ne ex effectu quidem agentis Christi, miraculorum hoc maximum appellandum. Reliquum est, ut tanti facinoris modum expendamus. Quid autem? Orat Christus Dominus Patrem, amoueri iubet lapidem, vocem elatam adhibet, denique ut prodeat, inclamat Lazarum. His omnibus, si bene aduertitis, extenuatam rem potius, quàm amplificatam videtis. Primò itaque orare (quis neget?) inferioris est; oratur quippe Superior. Ergo demittere se potius, atque abicere videtur Christus fundens preces ad Patrem; Ut enim Agens morale, non homo spectari debet, sed Deus (Actiones namque suppositorum sunt) nihilo propterea Patre inferior maiestate, imperio, omnipotentia. Agè verò. Lapidem iubere tolli, nonnè palam miraculo detrahit? Expirat de Cruce Seruator optimus, atque ad vnum clamorem tam multos defunctorum Patrum ad vitam excitar. Quis tùm illis reclusit tumulos? quis reuulsis feratibus molibus patefecit? Nemo. Suos ipsi panderunt sinus, ipsi per se exeuissent recalescentia ad vitam cadauera. In Lazaro itaque eleuabitur cum lapide ipso miraculum. Sed iam vocem suam quid nī contineat Christus, aliena, si velit, contentus, putà Angeli? hac autem melius hominem hunc vnum demortuum, quàm olim genus hominum vniuersum ad extremum iudicium in voce Archangeli, in tuba Dei vocalissima suscitabit. Sed in voce sua, & ipsa elata, quàm discrepans ab opere Dei Conditoris primario, quo dixisse fertur, non exclamasse, quæ scilicet imperio facili, nec quasi enitens cum eiulatu puerpera, sed quasi consummatum artifex per ludum procreabat. Arctius, si placet, differamus. Integrum orationis membrum, *Lazare veni foras*, nonnè plus nimio redundat? Vnum verbum abunde fuerat, ut aiebat Centurio, *Dic tantum verbo*. Quid inquam verbum? Voluntatis actus simplex; siquidem in anima Christi beatissima, uti nobiliore hominis portione, atque omnium operationum intrinseco principio sita est ex Diuo Thoma tota ipsius potestas ad miracula. Denique appeller Lazarum, circumscribit utique, atque in angustias cogit imperium suum in mortuos infinitum: Quibus mortuis demus insonuisse vocem Christi ciente-

tis promiscuam, rediitui momento citius vniuersi præsto fuissent. Vnus ergo Lazarus inter innumeros defunctos accitus vix numerum videtur facere inter prodigia Christi Dei nullo numero comprehensa. Quæ cum ita sint, ne ex modo quidem probauerit Theologus communem vulgi sententiam. Admittert certe cum Diuo Petro Chrysologo, *signum signorum hoc esse*; nec iniuria, specie namque rerum externa capitur vulgus; & signis rerum, non rebus. Subscribet vltro Diuo Augustino, *Inter omnia miracula, quæ fecit Christus, Lazari resurrectionem maxime prædicari*. Et merito; quod enim mirantur, hoc maxime prædicant turbæ. Verum in quo potissimum admiratio sit collocanda, in quo impendenda ad prædicationem eloquentia, id certo docet Sacra Theologia. Hæc hominem reddit in Diuinis perscrutandis rebus sua maiorem conditione, tanto propinquior Deo, quanto reliquis hominibus superiorem, qui res Diuinæ humani tantum iudicii lance perpendunt. At satis Theologicæ excellentiæ prolesum. Vos, studiosissimi, periculum ex vestra virtute facite, excusis Thesis per me exhibendis.

G R A T I Æ.

SI quid ego scitè disputaui; miraculum vestrum fuit, Humanissimi Viri: Vestræ vocis, Impugnatores, qui me inscitæ sepultum in tumulo excitastis ad sapientiam: Vestræ attentionis, Auditores, qui silentio isto animastis ad disputandum. Sed ut vox vestra beneficium vitæ mihi contulit, ita silentium vocem negat, ne agam beneficio amborum pares gratias.

T. H E O L O G I A.

ADorat veterum famam posteritas, humanamque mentem, Diuinæ partem, inexpletam rerum notitia, & nouis in dies oblati formis consummandam suspendit voriam (heu) tabulam, & ipsam propè rasam, in Templo profanæ Philosophiæ donarium. Id quod posteritas eadem tacite damnat tot amœna, identidem producens ingenia, quibus Philosophiæ veteris firmitatem vel stabilivit adhuc certioribus placitis, vel verioribus infirmitatibus. Ac ne per ambages deducamur, Auditores, teneamus Primipilum philosophantium Aristotelem, cuius extat in Meteorologicorum secundo doctrina de situ Orbis habitabili, non modo suis temporibus religiosè acceperat, quod ab Aristotele tradita; sed etiam consequentibus multis in verba tanti Magistri iuratis trita,

trita, & inconcussa. Quod verò sæculum aureum (dicet hic aliquis) aut quis benignior astrorum concursus feliciorum Aristotele mentem effudit? Illud ipsum dico Cælum; quod Aristoteli producendo benignioribus ante id sæculum astris conspirauerat; Experientia nimirum omnium magistra rerum, tantique alumni parens, in quam ille artis omnis & scientiæ refundit principia. Anne aliquid noui afferat experientia, quod Aristotelem fugerit? Tantum id quidem noui, quantus est Orbis nouus à nostratibus exploratus, quanta ex Orbe etiam antiquo pars non minima. Committamus parumper cum huius philosophia experientiam. Nam quod geographos veteres deridet habitatam circulariter Terram describentes, deridendus ipse contrà se se offert recentibus, qui in illo veterum commento semen quoddam agnoscunt eius, quam vsu postmodum perceperunt, intelligentiæ. Hoc, inquit, ἀδωάτωρ ἐστὶν χῆρος τὰ φαινόμενα, καὶ χῆρος λόγος. Et secundum apparentia, & secundum rationem. Iam si rebus apparentibus nititur tanti Philosophi disciplina, frustra latentes inuestigabit essentias rerum, dabitque veniam Pythagoræ, quod in hominum opinione, ac rerum aspectu veritatem constituat, & scientiam. At, inquires, apparentia eadem facio cum experientia. Vsu quippè atque exercitatione hominibus Ars & Scientia comparatur. At quoniam sensu experientiam istam tenes? Visu enim verò, quia apparentia sunt: oculata igitur, & specie non fallente comprehensa. Sed cuiusnam? cedo, visu? cuius oculis? Non tuis certè, nam neque tuis emensus es Orbem gressibus. Alienis itaque oculis videris, necesse est, & Causam scientiæ tuæ, fidei commiseris alienæ. O præclaram philosophandi viam. Adeste eluscati, adeste cæci: presto sunt instituti oculi, quibus feliciore ingenio, quam Galileicis conspicillis remotissima locorum vel ad opposita vestigijs nostris distinctissimè concernatis. Sed ecce occupantes intelligo complures oculos, alios post alios, & rem mihi totam concordissimè subiicientes; vt, si apparentibus nitendum putat Philosophus, iam topographis multo pluribus apparentia, imò sensibus explorata omnibus fidem certam concilient. Quid autem? Profert ille navigationes, & itinera sui temporis. Errores ergo mortalium terra marique facit firmiter sui placiti. Siquidem errasse incertis cursibus homines eius sæculi, tam liquidum est, quam posteros inuisas antè illis oras, tractusque immensos terrarum patefecisse nostratibus. Et quidem nostrates ipsi quotidianis, & iam vulgaribus obiectis opinionem Stagyritæ obliterant; arguuntquè Primum, totam à colum-

columnis Herculis ad Indiam vsque longitudinem non modò non esse maiorem, quàm ab Æthiopia ad Mæotin, extremaque Scythiæ loca, vti quinque ad tria. Sed, si vltima compensetur Æthiopia, quàm is ignorauit, imò & quidquid Æquatorem excedit, ac Tropicum Capricornij ad vsque Bonæ spei promontorium Lusitanicis classibus lustratum, indeque ad vltimam Scythiam, ac Tartariam latitudo colligatur, vtique totam ab Herculeis columnis ad Indiam vsque longitudinem exæquandam fore: Deindè habitabilem terram ad polum Austrinum sitam, quæ etiam noui Orbis nomen obtinet, nequaquam ab Ortu in Occasum suam protendere amplitudinem, vt Aristoteli videtur, sed à polo ad polum, (secundùm latitudinem igitur, non autem longitudinem) non tam hodie videtur Orbi nostro, quàm videt idem Orbis, ad alterum ipsum commerciorum gratia continenter migrans. Videt autem coràm, non absens; non alienis, sed suis oculis, Zonam horridam, quæ inhabitabilis Philosopho apparebat, frequentissimam quidem habitatoribus, vberissimam pabulis, lætissimam aquis, temperatissimam Cælo supra omnes Orbis terrarum regiones. An verò vnus Stagyrites conductitijs paucorum erronum oculis Orbe toto præsentissimo atque oculatissimo perspicacius cerneret? Parcamus (dicet aliquis) homini, quà homo est, fallacijs alienis obnoxio. Hallucinari quippe sensu potest Philosophus, non ratione, cui firmiter hæret. Atque hic alter est Cardo Aristotelici placiti, quem quidem altero reuulso luxari consequens est. Vna enim veritas rei, in quàm ratio, experientiaque consentiunt. Sed quæ ista sit ratio, attendite philosophantem. Neceffe est, inquit, ab exusto loco flantem ventum esse Austrum; Ille autem locus propter Solis vicinitatem non habet aquas, nec pascua, quæ propter liquefactionem facient Etesias. Dolco, Andirores, tanti Sapientis dictum excipi apud nostrates expertos cachinnis, & sibilis: tamen si debita illi vice, qui cosmographos coæuos deridendos, ne dum, refellendos putauerit, *δίο καὶ γελῶντες*, inquit, *γράφουσιν αὐτῷ τὰς ἀπὸ τοῦ αὐτοῦ τῆς γῆς*. Verum enimuero cohibeant se illi tantisper, & seueritate philosophiæ leuitatem componant gestus: Ego autem sic differo; Vicinitate Solis absumi humorem, exuri solum, id quidem extra Tropicos, vt experimento apud nos euincit tempus æstiuum. Siquidem intra Tropicos omninò seculus esse, propterea quòd vis natua Solis ad exugendos vapores, qui mox stillantur in pluuias, quò propius incubuerit, hoc agit validius, ni desit humoris materia, quàm certè desiderare non potest

potest subiecta torridæ Zonæ regio . Eam quippè & circumfundit immensus Oceanus , & quamplurimæ , ac perpetuæ aquarum , scatebræ in amplissimos fluuios , & lacus confluentes , supra quam alijs vsquàm in terris cernatur , mirandum in modum aluunt . Itaque quod apud nos hyemem ab æstate distinguit , frequentia imbrium , & humoris copia , hoc illis æstatem facit ; hyemem contrà serenitas Cæli perpetua obtinet , ardore nimirum Solis ex ipsiusmet recessu castigato . Ac ne absurdum putes , præsentia Solis , calorisque copia generari illic imbres ; quòd hic absentia fieri solemne est , & caloris inopia : Nonnè & calidus ignis , & pariter frigidus ventus humentem vestem exiccant ? Solis radius tenuis nullas trahit ex fluuijs nebulas ; validus , si tractæ sint , dissoluit ? Cibi tenuitas extenuatum diu necat animal , redundantia similiter necat ? Vno verbo , nonnè eadem à contrarijs causis effecta , diuerso tamen modò proficiuntur ? Sic ex innumeris Naturæ atquè Artis experimentis inducere liberum est : Et hoc igitur ἀδύνατον (* Impossibile) dicet Philosophorum Antistes , quòd præsentia Solis nihilum propinqua sub Zona torrida non fecus , ac eiusdem sub alijs Zonis absentia copiosasciat pluuias liquatis vehementiore æstu , quos vastitas circum maris , & fluminum , stagnorumque passim frequentia copiosissimè subministrat , in largos imbres , præmaturosque nimbos humoribus ? Intelligat nunc licèt , vt extra Tropicos leuare quidem potest Sol vapores per hyemem recedens , absumere autem non potest ob remissum calorem ; vt ij proindè magna copia in aère coëdentes , frigoreque concreti paulatim in pluuias resoluantur : Idem autem Sol accedens tantum affert caloris , vt humores simul & attollat , & dissipet , & resoluat . Intra Tropicos verò planè aliter : vbi absentia Solis tanta , quanta in reliquis terris præsentia . Serena igitur fiat , & sitiât per hyemem . Torridæ patens ora , necesse est , per æstatemque liberaliter bibat . Verùm non est ea mens nobis , vt vellicemus meritissimum aliqui de hominum genere Philosophum , sed vt humanæ philosophiæ tumorem paulisper reprimamus , quòd religiosius insacram Theologiam agant nonnulli Aristotelici : Quibus , quòd ad libellam Aristotelis non ponitur à Theologis , quia nimirum sublimiore nituntur principio , nec lumine naturæ , sed fidei Diuinæ dictamine reguntur , futile iccirco videtur , tantumque ratum ac firmum , quantum ratio Philosophiæ suffragetur , quæ & firmitatem habet , & euidentiā . Iam quæ isthæc euidentiā Philosophiæ sit , satis vidistis , Auditores , in Philosophorum

principe cæcutiente. Quæ verò firmitas, satis indicat infirmatum experientia totius posteritatis insigne placitum. Conuertamus nos quæso ad firmiora: & Sacræ Theologiæ positiones, sin minus apparentes; certas tamen, & cælesti veritate immotas feliciore negotio agitemus.

G. R. A. T. I. Æ.

S Teriles terras aquis, carentesque pabulis ex propinquitatē Solis sub Torrida Zona autumabat Aristoteles. Sed perceptam. Nostris quidem in terris sub temperata Zona hoc ipsum fieri tum experientia rei commonstrat, tum simile exemplum ex me petiit firmat: Hodierna propinquitatē, ac præsentissimo favore vestro, Auditores, qui Solis lucem beneficentiæ æmulamini, omnem mihi gratiarum agendarum venam sterilesce.

T H E O L O G I A G E N E R A T I M.

P Verilis quidem fastus, & æquitantium in arundine triumphus Antiquariorum, quàm multos (heu tamen) oculos perfringit, ut Florentia sua ingenia fructibus nata Sapientiæ addicere malint arenti, ac putidæ vetustati demetendæ. Mancipia verò gloriæ indecora gratiam magnam inire se putant doctorum virorum, si ex veterum monumentis Græcorum, ac Latinorum abditi quippiam, & exotici de Coronis, de Numismatis, de vestibis, de Symposijs, de moribus institutisque Præcorum euulgare sibi primò succedat: Si qua in parte Colossus, si quæ Statuas, si quæ Columnas, si Pyramides, si Triumphales arcus, si vetustam inscriptionem, notas, characteres vendicare, in communemque aspectum educere. Urget enim (quis negat?) animos leues, & velut folles impressos attollit, quod eruditos sudata fronte certantes aduertunt in id genus scriptis perquirendis: quod vix primam in lucem edita, seu patefactas gazas sapientiæ incredibili studio ebibunt oculis, manibus sedulo versant, suspiciunt, exosculantur: horum Auctores inserunt Parnassi Numinibus, Apotheosi dignos renunciant. Verum enim verò detur virtuti hocce studium non illiberale: detur orium minimè turpe commendationi. Utinam hic sistat insulsum sæculum. At obsecro si tanto cum studio, si tanto cum impendio in profanas res, in caducas, & eas non oppido necessarias vitæ, nonnullas paulum utiles, plerasque inanes, & futes feruntur proni alioquin

alioquin ad sapientiam homines; quid illis foret agendum in sacras res, natu perennes, ad virtutem solidas, ad salutem opportunas, ad immortalitatem necessarias? Quid, inquam, agendum in sacrosanctæ antiquitatis inquisitionem, in peruestiganda Christianæ Rei primordia, stabilimina, incrementa? Quid in eas cælestes æternitatis gazas piorum Manibus adaper- tas; in Eucharisticæ mensæ delicias nostro mortalium palato ad æmulationem Immortalium, ad beatitatis cælestis arrham instru- ctas? Quid in laureas inuictissimorum Ecclesiæ Heroum contra Lernæa Ditis monstra pugnantium? Quid in Sanctorum Patrum monumenta sempiterna? Quid in virtutum Diuinarum sub hu- manis membris icones, & signa? Nonnè cum ijs ista collata, digna prorsum homine videbuntur, hoc est illo digna, cui & in animantes vniuersas imperium, & cum Indigetis commer- cium & cum Numine ipso æterno affinitas ac necessitudo iure conditionis obuenit. Grauis in sententiam nostram Doctor gen- tium Paulus hausit cœlis disciplinam docens Magnum alum- num Timotheum: *Stultas (inquit) & sine disciplina quæstiones deuota, sciens, quia generant lites. Videant hi, licet, videant, quid humanæ intelligentiæ commune cum stultitia sit, quid do- ctrinæ cum disciplinæ desiderio, quid denique contemplantis animæ tranquillitati cum dissidiorum æstu, cum fremitu litium.* Vix expedierit se multis Paulus paucis ex syllabis, vbi censorium illud epitheton ἀνιδότους, quo nobiliter satis notari auctores eiusmodi quæstionum putauit vulgatus Interpres, defectas ipsas disciplinā pronuncians, indoctas transfulerit melius Demosthe- nes, insolentes Budæus, vsuam hinc doctrinam multiplicem, vt grauitatem studiorum præclaræ iactent tumidi isti cultores ethnice vetustatis: Tu verò (cauet ille) hæc deuota. Minus dixit Interpres, *wagur*, auersare: Refuge, suscepit Herodia- nus: Excusa, veniam posce, Aristides; credo, festiuo more il- lius satyrici, qui quos antè sapientes habebat, post delirantes aduertens, commearum ab his salurabundus petebat. Philoso- phetur iam nobis Paulus veritate placiti sui demonstrata: sciens, inquit, quia generant lites. Quasi scientiam eius rei non opinio- nem rogatus Magister scientiæ callidissimus ab eo petat effectū, quem olim sapientissimus mortalium Salomon suggessit, cum in pœnam corrupti ingenij traditum à Deo Mundum disputationi hominum affirmavit. Quid enim vesanius, quàm ex Mundi structura admirabilitatis plena non sapientiæ, sed molestiæ; non consilij, sed dissidij; non voluptatis, sed curæ fructum quærere?

Tibi enim constat hæc moles, Homo, tibi concinit hæc Vniuersitas, tuum vt colas ingenium, non dissipes; vt pascas, non torqueas; vt bees, non crucies: Demum vt ex opere tanto in Auctoris lucem traductus, eius in amore felix conquiescas. Hæc nostræ summa salutis, hoc boni compendium. An verò non futilis est affectio antiquitatis, ni nos antiquis præditi moribus metam æternitatis assequamur? Quid autem præmij antiquitus, quid ornamenti, quid honorarij decerneretur publicè magnis viris: quibus exararentur notis pericula virtutum illustria, quibus monumentis consignari solita, trophæis extolli, signis dedicari, Ecquod est (obsecro) pretium operæ, vt ipsi noverimus, si cum pretio exacto ipsa tandem opera perditur? si de alijs solliciti, nostrummet ipsorum incuriosi reddimur? si denique gloriam nostram sempiternam pro temporaria, & ipsa (heu) aliena, & prorsum, extraria paciscimur? Quò sanius præceptum imberent capita ista curiosa, si cum ipsis pariter, & cum Timotheo ita colloquentem Paulum attenderent: *Tu verò permane in ijs, quæ didicisti, & credita sunt tibi, sciens, à quo dediceris, & quia ab infantia sacras literas nosti, quæ te possunt instruere ad salutem.* Proh dignam Paulo sapientiam. Hi sunt (Ingenue quisquis ades Adolefcens) hi sunt, quos ab infantia sitire te vnam cum lacte fontes oporteat, quos ad æternam vitam salientes latices irrequietus pertentes, Sacram dico literaturam, Cyclopædiam (si profanis placet ingenijs) eruditione ditiozem, amænitate iucundiozem multò quàm nescio quas Pandectas, Acroamatica Dipnosophistica, Epidiëtica. Vilescet (mihi crede) vbi Mosen explicaueris, fastus Platonis, Stagyritæ subtilitas, Isocratis decor. Desipiet Xenophon, vbi Salomonem gustaueris. Sordescunt Athenæ, vbi Diuini vates occurrerint. Silebunt Antiquariorum miracula, vbi oracula Christi Dei Seruatoris personuerint. Neque enim hæc lacere nos fiunt in terris, non inter sordes mortalitatis relegari, non temporis iugo subijci, aut cum caducitate sæculorum ad consimile fatum vrgeri, quin eorum, quæ iam mente imbibere, spe consecutionis erectos ad sedes æthereas solida cum felicitate obtinendas vocant. O beatam anhelantis animi quietem, O mortalis curriculi metam suspirandam. Quæ igitur ad salutem instruere possunt ex Paulo sacra Theologorum placita ea nè renuiste (Viri ornatissimi) ad disputationem inſruant vestra præ alijs maximè polita, & amæna ingenia.

G R A T I A.

Sultæ, ac sine disciplina quæstiones vitandæ, inquit Diuus Paulus, quia lites generant. Scitissimè verò. Sed & ego agendarum gratiarum affectationem quia nauseam ciet, apud vos sapientissimos æquè, & grauissimos viros cuitandam puto.

THEOLOGIA GENERATIM.

N Vllum dicere ausim maius testimonium, quàm ab ethnicis philosophis accepisse videtur nostra Christianorum Theologia: nullum, quàm ab illorum infirmitate, firmius; ab errore, certius; ab ignorantia, notius; à cæcitate clariùs sibi præsidium obuénisse. Vix enim dici potest, Auditores, quàm enixè persecuti sunt ij fugientem sua ingenia Sapientiam: quàm anxie peruestigare latitantem, quibus artibus, quibus machinamentis reluctantem pertentauiere, sed in cassum: vt qui consilio incerto, atque erratico reliqua vnde quaque omnia, præter ipsius centrum Sapientiæ Deum venabantur. Itaque cum diu, multumque philosophando fatigauerint ieiunum caput, haud mirum est, ipsos tum demum insanix conuictos, confutationem suorum met dogmatum, totum philosophandi pretium fecisse. Nam quid Platonem à se ipso longius abstraxit, quàm separata illa idæa, (hoc est exemplar omnium rerum) non ab ijs modò rebus seiuncta, sed ab opifice Deo, à quo secundum essentiam quidem haud quaquàm dependeat, ad Mundi verò constitutionem cum ipso simul, & cum materia conspiret? Quasi non vnum, ac singulare principium rerum omnium aperte monstrent consentientes in vnum, atque vnum quasi corpus constantes partes Vniuersi. Quid autem Pythagoræ famam studio temperantiæ, ac sanctitudine morum apud ethnicos celeberrimam retractauit, præterquam somniata illi nescioquæ Metempsicosis, ac Palingenesi animarum, ex qua moueri non leuis suspicio facile potuit, ne, qui doctissimè Philosophatus fuerat Pythagoras: vt se fuisse prius meminerat Euphorbum Græcis minacem; sic postea excedens mente simul & vita, cum hæc effutiret, in suam fortasse migrauerit, philosophantibus obscænum, tam à vera abhorrentem Sapientia, quàm Numini Mineruæ inuisum. Quid Annæo Senecæ dignam ingenio aplice eloquentiam, atque institutore Principum disciplinam fœdauit, nisi quæ is ipse post censuram morum egregiam scripto exemploque vulgatam, de Animis

Animis tandem, de Virtutibus, de Vitijs tamquàm materiatis
 ijs, & corporalibus differit infelici per Epistolam totam argu-
 mento? Siquidem Heraclium succidisse miserè in delirium vide-
 mus ex ea quæ visa sibi est ante oculos, irrequieta vertigine Vni-
 uersi, nemini vni Philosophorum siue ante ipsum, siue post ali-
 quando (quod miremur) obseruata. Sed Nicia contrà, & Ari-
 starchi miseranda stupiditas, autumantium immotos perenniter
 Orbes Cælorum, constantique quiete veluti stupidos: Quid Parme-
 nidem loquar? quid Melissum? duò illa monstra barbari in-
 genij tumultuarijs formis horrenda, quibus omnia vnum visum
 est; Sed (melius) ambo isti nihil visum alijs; tametsi multi mul-
 ta interpretantes mitis, excogitare studeant in monstro myste-
 rium. Et illi quidem mouerent stomachum, nisi ineptias suas
 lepore condirent, Leucippus, Democritus, Anaxagoras, Epi-
 curus, ponentes atomos infinitas, sectiles, planè solidas, atque
 omnium patibilium qualitatum expertes, quarum & ex concre-
 tione coaluisse Mundum & ex dissolutione dissoluendum tradunt,
 ad eum ferè modum, quo ex literis viginti quatuor variè con-
 gredientibus existit varietas omnis dictionum, & ex digredien-
 tibus desistit, Nec verò putet vel Panspermia sua Milesius, vel
 Omiomeria Clazomenius, quantumuis Græciam redolente ritu-
 lo, conciliare auribus philosophantium, quòd vix inter amiles
 fabulas locum repperit. Ridenda enim sunt ista fanis ingenijs.
 Sed illa cui bilem non cieant, quæ de Animo nonnulli decer-
 nunt, suimet ignari dicam, annè ficarij? Nam quid crudeliùs,
 quàm immortalem Animum sub iugum mortalitatis cogere?
 Quid vnà dementius, quàm aut immortalem ipsum in bestias re-
 uoluere, aut mortalem admittere corpori intereuntì superstitem,
 vel ad diuturnum, vel ad paululum tempus? Quosdam enim ue-
 rò Nosocomion manet, qui sensibus corporis credendum vel
 semper esse, vel nunquam desiniunt: in alterutro quippè egre-
 giè mentem laborare nisi mentis inops nemo non videt. Quid
 plura? Non eguit profectò Veritas externo præsidio, quo tam
 varias, tamque pingues ineptias reuelleret. Idem ipsi Aucto-
 res intestinis prælijs fracti iacuerunt. Eadem ipsæ Athenæ &
 Epicuræos complectebantur, & Stoicos: illos humanas res ad
 Deorum curam docentes minimè pertinere, hos contrà Dijs
 adiutoribus, atque tutoribus muniri. Eadem & Aristippum
 probauere, in voluptate corporis summum bonum statuentem,
 & ex vnà ipsa Socratis schola Antisthenem virtute animi potius
 hominem beatum fieri: Illum quoque, fugiendam esse sapien-
 ti: hunc

ti: hunc verò, esse administrandam Rempubicam. Eadem, simul in vnum, atque in innumeros Mundos consensere: Vnum illum & ortum esse, & ortum nescire; Interituum illum aliquando, & semper futurum; Illum denique mente Diuina; illum fortuito, & casibus agi. Quid? dissimularent, si possent, isthæc deliramenta, quæ palam per Urbem, in conspicua & notissima porticu, in gymnasijs, in hortis in sedibus publicis, in compitis penè dicam; ac triuijs cum calore, ac tumultu agitantur. Atque hæc monstra dogmatum (Viri Auditores) quibusnam præterquam suis Auctoribus non essent exosa? Quis per hæc turbida sæcula ita fureret suismet placitis obcæcatus, ut non alienam cæcitatem conspiceret, furoremque damnaret? Aristoteles, inquit Cicero, veteres philosophos accusans ait, eos aut stultissimos, aut gloriosissimos fuisse, qui existimassent philosophiam suis ingenijs esse perfectam (oculatus ille quidem ad alienam cæcitatem) sed se videre, quòd paucis annis magna accessio facta esset, breui tempore Philosophiam planè absolutam fore. Et ipse igitur cæcus in suo sensu. Quod enim, cedo, id tempus fuit absoluendæ Philosophiæ, aut per quos denique absoluta? Nam quòd stultissimos vocat veteres, & gloriosos; caueat ipse, ne gloriam incrementi philosophici sibi aperte arrogans, in stultitiæ continens vitium delabatur; Philosophiam volens à veteribus cœptam, à recentibus auctam, à posteris mox fore perfectam. Annè verò ordiri potuerint veteres sapientiam, qui errorum seriem turbulentissimam condendæ philosophiæ specie texuerunt? Annè augere recentes, nisi recentibus ineptijs, qui veterum similes, aut etiam retriores in ambages subibant? Annè denique posteris mox absoluere, quibus in æthnicismi nocte sepultis multas adhuc ætates suspiranda erat promissa Cælitus æternæ veritatis Aurora? Hac certè, hac albescente tùm demùm fugam cæpere impiæ religionis vaga sidera; hac explicante purpuram lucis, & è gremio iam Solem proferrante, quàm serena paruit, quàm perspicua rerum quoque cæterarum, præterquam quæ de Deo est, veritas? Quàm multa sublata menda è Philosophorum scriptis? Quàm multa de integro substituta placita? Quàm firmiter stabilita apud nationes omnes principia rerum ab ipsis Mundi incunabulis? Quàm magnificè expositum Dei conditoris opus, providentia, regimen? Quàm cautè admoniti morrales immortalium animorum ac destinatæ sibi in Cælis patriæ felicissimæ? Quàm scite accliuia virtutum, ac deuia vitiorum indicata? Quàm fixè propositum album voto-

rum nostrorum in vno Deo beatitatis fonte inexhausto ? Hæc, hæc Euangelij gloria, Auditores : hic bono fato videntium ingeniorum nostratum triumphus de priscis Ethnicis . Vtinam ea mihi eloquendi vis esset, qua liceret in huius rei testimonium texere pro dignitate encomium illius viri, cuius singulare ingenium, & per sacros Theologiæ riuos exultam, ac consummatam sapientiam peruagata multos iam tractus terrarum fama in Cælum tollit . Te hic appello, N. N., &c. * (*Inferetur hoc loco brevis laudatio, aut Doctoris, cui propugnator Thesium dedit operam, aut Viri, cuius nomini dicata prodeunt Theses*) . Verumtamen non est hic laudum tuarum campus, vbi operam meam præstolatur aliorum quoque ingeniorum gloria, à quibus vt & aliquid hauriam sapientiæ, impugnandas meas Theses mox offero .

G R A T I Æ.

Explicatæ per vos Christianæ sapientiæ, nihil est vltra, quod ad complementum desideretur . Nec vestræ, præstitæ in me beneficentiæ vltra est, quod gratijs agendis sufficiat .

THEOLOGIA GENERATIM.

Philautiam, Amorem sui immodicum, suo cuiusque infestandam odio, ostracismo sempiterno relegandam à publico, pro suffragio communi nigro Theta notandam, nisi verus in se se amor, & ex regula rationis composita mens suaderet, euinceret sanè perturbata semper improborum hominum pugnantibus inter se sententijs, & ciuium funestis diuortijs fœdissimè discripta Respublica . Parui est, Auditores, accendisse in mutua bella philosophos : quibus, vt erat commune propositum profiteri amorem Sapientiæ ; ita communia quoque studia esse oportebat, consentientes labores, vnanimes conatus : vti quod efflueret indignabunda singulorum ausum humanis sensibus altior Sapientia ; conspirans certè vniuersorum contentio teneret, inclinata ad nos homunculos Maiestate Naturæ, exorato fauore, deprehenfis miraculis . Hoc (dico) quamquàm magnum, parui est . In humanis nos tandem sistimus, nec nisi Naturæ prote-
rimus spatia . Quid, quod Diuinis quoque insultat hoc monstrum, & fontem nobis pellucidum æternæ beatitatis turbat ? Orat hic vocalissima Christianorum Respublica cælestibus olim fundata placitis, sancita theorematis citra problema stabilibus, & inconcussis, quam sæpè (heu) furiosorum capitum commen-
tis,

vis seu foetibus viperinis torta, in partesque dissecta? Ita enim habita res est, Auditores. Contaminatissima omnium culpârum: Hæresis Philautiam agnoscit parentem. Amore sui concepta libido est, cuius facès incendium prauorum dogmatum ad extinctionem Christiani nominis, si fieri posset, excitarent. Quid autem tam damnatos inter amplexus, nisi monstruosissimi foetus existeret? Quid è tam vitiosa radice, nisi germina læthifera pullularent? Cavit hoc quidem initio, cavit tempestive, sed frustra plena minarum parænesi Doctor gentium Paulus secunda ad Timotheum epistola: *Hoc (inquit) scito, quia in nouissimis diebus instabunt tempora periculosa, & erunt* (subdit) *ἑρπῆες, φιλαυτοί, homines se ipsos amantes*. O tedeas busto dignas magis, quàm thalamo. En subsecuta mox proles; *Cupidi, Elati, Superbi, Blasphemi*. Sic Paulus. Is enim malorum chiliadem percensurus, præmisit omnium causam: hydræ portentum produxit, ut caput fertilitatem tristissimam indicaret. Quorum, etsi loco postrema; princeps tamen est veneno blasphemia: nec ea, quælibet, sed quæ ex animi pertinacia, & obstinatione sententiæ in hæresim abit. Est planè, est (ut lyricus cecinit) *cæcus amor sui*; atque ita impotens oculis, ut sua sibi duntaxat placeant, suis sibi inuentis theatrum constituat, vnus ipse Roscius, verius vna fabula, nisi quod & scenæ quandoque submotus eandem fabulæ personam sustinet, nullis concionis susseribus commonefactus, nullis inclamationibus territus, nullis explosionibus reuocatus. Planius igitur. Proximus ad hæresim gradus, Amor sui. Quid Amor dico? Annè odium capitale nomine Amoris censendum? Quid enim humano generi perniciosius, quid exitiosius Amore sui singulari? Hic primi sceleris primus parens, idemque proles primogenita. Inter scelera educatur, inter errores adolefcit, inter noxas prouehitur. Pusio hic Amor est consilio, at vitiorum grandævus genitor. Prudentia nudus, sed mores indutus prauos: recta cæcus ad opera: sed exitio alieno oculatissimus. Aliger ad Tartarum, ad Empyreum claudus. Ratio illi incurua pro arcu, pro telis affectus effrænes: mirum tamen, ut Cælo potiùs inermis visitur. Oscula porrigit, & ipsa sunt vulnera: Illecebras adhibet, & ipsa venena: Ablanditur, & enecat: Amoris vsurpat vocem purus liuor. Dic tu violentum statum Amorem sui, qui tartareo eruptus antro ædes virtutum firmissimas demolitur. Dic pelagus æstuosum instuctiora virorum præstantium nauigia absorbens. Dic insidiosam Sirenem mentes quasque sapientissimas mellitis cantibus blandæ voluptatis illectas

illectas deuorantem . Dic horrendam voraginem , qua miserè demersa prudentia cernitur . Dic fœdam luem , optima quæque corrumpentem facinora . Dic pauendum regulum intuitu ipso molimina præclara venenantem . Dic Hydram tot in capita tortuosa surgentem , quot suscitât infanas libidines . Dic Tigridem truculentam , tot distinctam in cute maculis , quot in pectore ciet affectus . Dic refractarium Equum , cui rectæ rationis frænum auratum neglectui est . Ni fortè melius dixeris : Hic Amor Circæ inttar virgæ in bruta homines fœda metamorphosi conuertit . Hic in Caucasio veluti iugo adamantinus nexus religatum tenet Prometheum , exedente continenter Aquila cor . Hic blandula quasi Onfale fortissimo mortalium Herculi leoninis , exuijs simul ac dignitate spoliato in honorum fufum cum colo præ manibus constituit . Hic assentatrix altera Dalida suo in gremio prodigiosam Samsoni præcidit comam . Denique hic fons vitiorum est , dissidiorum seminarium , fomes libidinum , virtutum tumulus , omnium faber malorum , Satanæ vicarius , ritualis Dei , tyrannus mortalium , fecialis bellorum , vastitatum minister , magister scelerum , flagitiorum patronus , incendijque Tartarei pabulum sempiternum . Sed hætenus pro loco , & tempore in Philautiam inuectum . Restat , vt scatebras hæreseon detestati perquiramus orthodoxæ fidei latices , tantumdem in Amorem ipsi nostrum intensi , quantum Amore veritatis , in quo publica felicitas , & salus animorum nititur , inflammari . Id quod per commodè certè præstabitur , si expromptas per me Theologicas assertiones curiosa ingeniorum vestrorum indagine lustraueritis .

G R A T I Æ .

Philautiam proscripsimus : Philanthropiam substituo ; Amorem ego professus cum in omne mortalium genus , cuius saluti studere honorificum semper ducam : tum in vos , Humanissimi Auditores , tam præclare de me hœdjerna disputatione meritis ; vt memet oderim , nisi vos vnicè semper amem .

THEOLOGIA GENERATIM.

Philosophiam dictitant multi (nescio quàm scienter dictum) Sacræ Theologiæ indiuiduum administrant . Ego istis nec refragabor penitus , nec penitus suffragabor . Non enim ea est Philosophiæ disciplina , cuius fundamentis veritatem Sacræ subniti , aut stabiliri placitis dogmata , aut (quod est maximum) aperi-

aperiri ad eius consecutionem aditum liberè concedamus, Quale verò appellabimus fundamentum, cui subsistentia rei inest nulla? Theologia quidem (nemo negat) apicem tangit omnis sapientiæ: Nata hominibus facultas, sed Numine Doctore, interprete Angelo, Recepta terris, sed in Cælum surgit; petit sidera, ad sedes usque beatas immortalium Geniorum prouehitur. Vt, si verè affirmant Scholastici; *Intellectum intelligendo feri omnia*, nostra procul dubio mens, quæ lumine isto Cælitus collustrante, simul res Diuinas, & ipsum Deum intelligit, non Diuina illa solum, sed Deus ipse quodammodo effici dicenda sit. Atque ad hunc tantum Sapientiæ apicem, ad hoc tantum fastigium, quo non præcellius aliud, non Diuinius, Philosophia nè gradum præstabit? viam substernet? vestibulum pandet? Humana, dices, sapientia ad Diuinam necesse habet proludere, nè cæco eductos ignorantiae carcere aperta subito lux, radiisque densata præstrictos obruat. Perbelle tu quidem. Sed istuc, cedo, humanæ sapientiæ vbinam gentium venditatur? Vnde terrarum effoditur? Ex Philosophia, audio Philosophum, quàm propterea studium Sapientiæ rectè interpretantur Maiores nostri. Itanè est? Tuo tibi nomine occurrò, Philosophe; nec quidquam sapientiæ præter nomen, hoc est inanem vmbra, otiosum vestigium tibi concedo. Nam si sapientiæ huic studes, quandilū Philosophum agis: iam nondum tua confessione sapis, sed vt sapere quandoque possis, interim studes. Petas, licebit, ex cæteris artibus præiudicium: quibus si studio impenso imbutus tandem euaseris, iam non artificij studiosus, sed artifex quidem appellaris, rem nomine adæquante. Quid autem facis aliud ex tuo sensu Philosophiam, præterquàm sapientiæ comparandæ artificium? An vbi viam aliquò inueneris, iter hoc ipso confectisse te dices? Vbi ad opificium arma expedieris; ipsum opus absoluisse? Vbi musicum temperaueris organum; iam edidisse concentum? At *amorem* quidem sapientiæ in nosse incitiæ *bibere* facile potes, sed nuptias illius non ideo affecturus *ireris infelix Didon*. At enim (suscipis) verecundiæ gratia studiosos se tantummodo sapientiæ, non sapientes modestissimi illi mortalium profitebantur, optimè intelligentes, à sapientiæ tramite quàm longissimè illum errare, quæcunque sapientem se corat, tum palam iactat, sapiens videri, quàm esse malens: Imò verò Pythagoras, qui primus Philosophi nomen inuenit; cum non de se solum sciret hoc vnum (vt aiebat) quod nihil sciret; verum & de superioribus sapientibus, quod nihil saperent; mul-

lo quippè humano studio posse ad sapientiam peruenire, contentus ipse amore sapientiæ veriorē gloriā sinceriore professione quæsiuit. Quare scitantiſſimis amicis, quem se tandem anxio illo studio faceret; annē similem superiorum sophorum auram captaret? Philosophum se planē, non solum esse respondit: hoc est nihil, supra quæsitorem sapientiæ. Quæsitorem ergo cum faceret Sapientiæ Philosophum, iam non sapientem fecit, neque Philosophiam ipsam sapientiam. Quis enim non aliud esse, quod quærit, aliud verò, quod quæritur, affirmabit? Atque adeo ut intelligatis, Auditores, parī fuisse insipientiæ, quæsitorem se sapientiæ venditasse; atque arrogantiae venditasse sapientem: neque emendasse Pythagoram maiorum suorum peccatum, sed aliud subrogasse: Quorsum dabitur homini, aut cui seruiet ista facultas quærendæ sapientiæ, qua semper quæsitā ipsa nunquā acquiritur sapientiā? Nulla sanē facultas, nulla Ars ad id, quō tendit non aliquando saltem perducit cultorem suum: quin rectē adhibita proposito nunquā sine defraudat, nunquā studiosi operam ludit: sed præscriptas de se regulas obseruanti certō cursu contingendam offerret metam. Quid verò causæ est, cur tam multis temporibus, tam multis ingenijs in inquisitione sapientiæ contritis incomprehensa adhuc, imperceptaque ipsa sapientia vota mortalium durius fatigat? Nonnē sit liquidum, Philosophiam sapientiæ potius desiderium dici oportere, quā studiū? Desiderium dico, ubi, quandiu desit, desiderium eius, quō deest, semper est. Hoc ad Philosophos priscos dictum volo. Cæterum habent nostrates plurimam gratiam tempori, quōd in Euangelium inciderunt, vnde Theologiæ cælestis lumen Mundus accepit. Equis neget non mediocriter conducere ad tuendam, propugnandamque Diuinā Doctrinā, quas ex Logicis depromimus argumentationum formas? Erudiri ingenium Philosophicis virtutibus ad Theologicas? Expediri ex Metaphysicis aciem mentis ad arcana omnium maxima, abstrusissimaque Diuinarum relationum, hypostaticæ in Christo coniunctionis, prodigiosæ illius metamorphoseos Panis ac Vini, in ipsius nempe Christi substantiam transmutati? Alia infinita supprimō, ne vos edocere videar vellem, doctissimōq; viros, ac iuuenes homo ipse iuuenis indoctissimus: simul ut disputandi campum liberum faciam super edendis à me Theologicis positionibus, quō in campo vestra Duce Philosophia Sapientiam Diuinā tutus (non dubito) ipse quæquam, fortunatus inueniam.

GRATIÆ

G R A T I Æ.

Felix ego quidem Philosophus, qui Diuinam Sapientiam hodierno congressu theologizans inueni. Ter autem, & quater felix futurus, si detur, quàm simul comprehendi humanitatem in me vestram singulariẽm, non vulgari aliqua animi grati significatione celebrare.

T H E O L O G I A.

I Vbeo Platonem ad sacra Theoremata mea proindere, ut titulo Diuinitatis, quem siue arrogauerit, siue meruerit, congruentem agat hodierno cœtu personam (Viri in Re literaria proceres). Habuerit hic licet ex Ethnicis modò Magistros: perceperit à Babylonijs astronomiam, ab Ægyptijs geometriam, hauserit; perdidicerit veras, & sanas incantationes à Thracibus; eruditionem variam referat acceptam Attirij; nihil autem Hebræis debeat, tamen si debeat maxima tam quæ ad leges edidit, quàm quæ de Deo, singularia ea planè, & homine mortali maiora. Dissimulet interim & peregrinationem suam in Ægypto, & diurnam cum doctissimis Hebræorum consuetudinem, & Mosaicorum voluminum parabilem lectionem, & sacrorum denique mysteriorum non modò auscultatoriam disciplinam, sed præsentem quoque, atque oculatam obseruationem. Horum se omnium ignarum, omnino inscium velit. Nihil fortunæ superiori tribuat, nihil det opportunitati temporis, nihil excellentiæ sacrorum interpretum, nihil contubernaliũ religioni, nihil studio cœtuorum. Duo se iactet eruditum ingenio per id tempus, se ipso supra se cunctum pertigisse ad Deum ipsum, ex homine tandem Diuinum euasisse. Quid porro? Sed facit præiudiciũ luculentius nostræ Theologorum causæ aduersus profanos oppugnatores. Adimit homo ethnicus perduellibus orthodoxæ religionis ansam obrectandi. Obtundit purus Philosophus impiorum Atheorum præsentem audaciam. Infringit sapiens de grege veterum impetum hæreticorum Christianæ Reipublicæ. Ecquisnam Platone sublimius ad humanæ mentis intentum, aut sanctius ad Evangelica placita de Diuinis rebus differuit? Vultisne Dei ipsius vnitatem? Expressit satis in Parmenide; sed & rerum omnium idæas continentem ipsum, atque eminentissimè producentem edocuit. Vultis Vniuersi molitionem? Vaticinatus est in Timæo, boni gratia ab architecto Deo productam; primòque Cælum

Cælum creatum, ac Terram, interfito mox Aëre, cum Aqueo elemento: Atque hæc omnia cum habitura perseverantiæ modum, quem summi Conditoris præscriptum habuerit Sapientia. Vultis ipsius Vniuersi alluionem Noëmo patre? Recitauit per Critiam, obrutas Diuinitus Terras aquarum molibus ad extinctionem ferè rationalis naturæ, nec non cunctarum animantium, quum flaret iam in præcipiti omne vitium. Vultis Hominem Conditoris opus maximum? Ipsum in Timæo fecit charagma Dei, cui etiam terrena vniuersa subdantur. Ipsum cum Protagora, Menexeno, Critia ex terræ visceribus nutu Diuino agitante eruit perquam mirabili ratione. Ipsum peractæ Mundi ambitu etiamnum reuicturum ex ijs ipsis comprobauit. Ipsi in Philebo innuit, ex Dei assimilatione, atque fruitione plenam felicitatem obuenturam. Quid autem magnificentius de Deo immortalis, quam quod in libris legum tradit, Mensuram esse rerum omnium? Quid cum Euangelio conspirantius, quam illud ibidem, Si Deus quandoque hominem induat? Quid religiosius, quam obsequere Deum superbis, humilibus autem impartiti benignius gratiam? Vultis imperceptum Iudæis mysterium Patris, ac Filij? Ecce in Epistolis edidit. Ibi & arcana Diuinorum peruestigari, rationibus quidem neutiquam posse: posse autem mentis puritate, atque intima cum Deo conformatione; ex qua enim uerò incalescit animus, ac velut ignem concipiens, luminis quæque radio supra naturam illustratur. Vultis abdita Christianorum mysteria partim à philosophorum plerisque derisa, partim & impugnata à nostratibus hæreticis? An Resurrectionem carnis? Ecce Decimo de Republica libro, non dico adumbratam, sed expressam in Hero Pamphilo ad vitam reuocato. Ad vitam Sanctorum æternam? Ecce inibi in Elysijs delicijs peramane depictam. An purgatorios animarum ardores? Ecce adaperturn ibi expiatorium locum animas absorbentem, eatenus discrucandas, quatenus.

Concretam exemit labem, purumque reliquit

Æthereum sensum, atque auræ simplicis ignem.

Ibi nec suppressam quidem infernam plagam infantibus illotis ad sempiternum exilium destinatam. Vultis quasi vestibulum ad Euangelica consilia? Ecce per Socratem monet, non flocci pendendum tempus: Vna in immortalitate studium collocandum: Quæ parent Fortunæ, despiciatui ducere, dum confestimur perennia: Illatam iniuriam longè videri accepta tetricorem. Ecce (quo non melius Concionator Apostolicus) per Lachen

chen admonet, nisi esse spontanea peccatorum confessione, ac poenitentia præstabilis; ipsamque primo quoque tempore omni arripiendam pede; propterea quod diu concrera inolescere videmus miris modis. Quid plura? Docuit per Charmidem, ex intemperanti affectione animorum vniuersa, & quidem agminatim, mala erumpere; Cui per Critiam insigni dicto clausulam facit: Si temperantia, inquiens, denuo succreuerit, succrescere, & immortalitatis donum incomparabile; quo sanè dono invirenti, amænoque hortulo perfruebantur homines prius, quam à Diuinis ad fluxam dechnarent naturam. Annè hic expressius loquuturus Auditor Mosis? Iam video, Viri Auditores, incredibili mea cum voluptate, ad radios tanti Philosophi hebescere talpas peruiacacium ingeniorum, viuiscere studiosorum aquilas. Video ad hoc veluti erumpens crepusculum doctrinæ Platonice clarescere iam tenebricosis mentibus, veræ sapientiæ, hoc est Christianæ Theologiæ diurnum lumen. Ut ideo perdifficile mihi non fiat, meridianos fulgores doctrinæ scholasticæ, cuius gratia dies totos cum noctibus Theologici mei curriculi defudavi, non modò vestris oculis rectissimis, Auditores, proponere contuendos; sed iniquis etiam aliorum, si qui fortè interuenerent, obseruandos, ac toto supercilio contemplandos subijcere. Nec enim ex his, qui mox intra mecum altercatione corripient, quisquam reperiri potest, cui æquè candidum non sit, atque expoliturum ingenium; ut non obscurandæ gratia veritatis obtendere iudicaretur tenebras obiectionum, sed illam ipso parumper obiectu viuidiùs, atque clariùs explicare.

G R A T I Æ.

Opus habui initio, qui pro me dignè proluderet, Platone Philosophiæ Principe. Nuncautem, qui pro me vobis digne gratias agat, quo nisi Principe Eloquentiæ opus habeam?

THEOLOGIA GENERATIM.

Vel de Deo uno.

Non miror ego, nec sine plurium admiratione bonorum; quid sit, cur è Christianis Peripateticis non desint multi, quibus, quod euidentiā suis in principijs Theologia minime præ se ferat, expungenda iccirco è scientiarum censu videatur. Mirabor ipse potius, admiratores huiusmodi, quasi eos lateat, & mini-

minimum esse numerum rectè Philosophantium; &, quos non nisi leuiter scientiæ ipsæ tinxere, inscitæ insignis umbram comitem habere superbiam. Quasi verò ignoretur prudentibus viris, eà tantum exigi principiorum perspicuitatem, quâ certò firmiterque nostra postmodum mens adhærescat deductis indè argumentorum clausulis. Nutat enim illa semper, quandiu ubi nitatur, non assequitur præsens: semperque in caligine latitantes suspicatur decipulas vel ipsa Natura ludibunda sibi dispositas. Itaque ne suomet quidem oculo credit, quod tenet; sed quasi Argus plura lumina exposcit, quibus videre se videat, & quod scit, scire se reflexo ad cautionem intuitu sciat. Atque hoc quis nescit, in re Theologica locum penitus nullum reperire; tantumque abesse, vt hæc Disciplinarum maxima eudentiam principiorum patiat, quòd Maiestatis suæ fulgorem in obscuritate potitimum explicet, & se isto quasi religioso velo contectam, Diuinam probet? Nec enim ideo incerta, quia obscura principia; imò verò quia nata Deo, cuius Numen tam immensa lux est, quàm sincera; æquè est oculis mortalium inaccessum, ac mentibus hospitale. Tota igitur Theologiæ firmitas in sacrosancto Numinis fundatur testimonio: Nec si creatæ vilius mentis laxitas metiri illius immensitatem posset, erroris aut falsi suspicio aliqua in ipsum abesset. Quare indubitata sunt mortalibus, quæ tradit Deus, quia & ipse inaspectabilis eorum oculis; miraculo certè nouo, vt cæcutiendo quis cernat, & incomprehensum tenaciter sistat. Ausit hic nescio quis (irreligiosus, an insipiens?) obiectare nobis anilem superstitionem, quasi plus iusto tribuamus Religioni, quæ fidem erga Numen tuetur opinione contentam? Quid enim? si quæque opinio formidinem habet ad oppositum, nego contineri illa Diuinam fidem, quæ firmiorem ipso fidereo firmamento, quæ stabiliorem mole terrarum immota, quæ inuariatum cum aternitate Dei creat in animis nostris assensum: Cuius radius subobscurus licet, & penè nocturnus diurnam scientiæ humanæ claritudinem omnem superat. Nisi fortè plus detur sæculo superstitionibus corruptissimo quàm castigato Christianis placitis. Nam quid sibi volebant Pythagorici solemni illo esugio inter disputandum, cum ad obiecta passim attoniti molem se se putabant insanam obstruere, auctoritatem vnus Pythagoræ *Αὐτῷ ἐπεὶ*, usurpantes; *Ipse dixit*? Insanam profectò, quæ in homine, cuius testimonium fallacia nititur, basim veritatis collocat. Est inquit Lyricus coronatus, *Omnis homo mendax*; hoc est ipsa hominum confessione testimonium hominis

hominis infirmum, auctoritas suspecta, fides ambigua. Ergo quia Pythagoras dixerat, id ratum habebatur: quia Deus dixit, habebitur irritum? Philosophantur, i. recte, qui auctoritatem Doctoris magis, quam rationum momenta pensabant. Nos, qui omnium rerum causam supremam, æternamque producimus, non philosophari, sed ineptire putabimur? Denique scientiam illam proscribimus, quæ fide Numinis certissima, sed quia perspicua non est, fulcitur: legitimam illam probabimus, quam fallax simul, & obscura fides hominis miserum velut abortum facit? Scio nonnullos à Pythagora exponere meliorem in sensum lemma *αὐτῷ Θεῷ*; quod nequaquam de Pythagora usurparent Discipuli, sed Pythagoras ipse de Deo: quasi quæ ille proferret, non ab se commenta, sed à Deo dictata atque accepta ipse fideliter redderet. Figuram quippè istam *Ipse dixit* fuisset Diuinis vaticibus perquam familiarem, ac tritam *Ait Dominus; Hac dicit Dominus, Audite verbum Domini*, atque id genus aliàs formulas in Sacris voluminibus passim obuias: Nec dubitandum esse, quin vt reliqua sapientum scripta; sic & sacrorum vatum Pythagoras studiosissimè euoluerit, optimum quodque decerpens, quod doctrinæ sibi aliquid, & auctoritatis posset asferre. Ita ambitiosus famæ vendidaret quasi non Hominis sed Numinis dicta sua; subiecto per singula *Ipse dixit*. Vt, vt fuerit, Auditores, hoc certè fiebat, vt Pythagoricæ doctrinæ nihil non modò detraheretur fidei; verum etiam (inexplorato, quis Deus clam illi aspiraret: bonus nè an malus assisteret Dæmon, lateri; oraculanè forent illa vaticinaatis, an somnia delirantis) haberetur in tanta ambiguitatis caligine certa fides; probaretur citra euidentiæ vestigium vllum scientia, & solida Philosophia. O tempora, O mores inuersi. Quidni saltem momenti parifuerit apud homines hoc, quod nostrates allegant Theologi de Deo revelante, & quòd olim Pythagoras? Nostrates numero plures, testimonio concordēs, experimentis fidei veræ frequentibus ac mirandis probatissimi? Doleo hoc loco, Auditores, & iure conqueror, humanis rebus nihil non deferri, audientiam, fidem, venerationem, obsequia omnia promptæ esse. At vbi Diuina prodeunt, mouere protinus quibusdam fastidium, cieræ quæstiones, dissidia serere: Nihil hic tam certum, cui non suspicio falsi obrendatur; nihil tam pium, quòd non ludibrio exponatur; nihil tam religiosum, quòd non Atheorum dictæia, profanique vulgi censuram subeat: Cariosi id sæculi exemplo damnatissimo. Vos ergo, viri Auditores, qui scientiam de Deo ex-

Dei ipsius, non ex hominum fontibus hausistis, tam firmi ad assensum, quam ad obscuritatem venerabundi: excipite beneuolis animis quas profero in aspectum. Theses, ac mihi disputanti auge-
te repugnando firmitatem, obiectando certitudinem.

GRATIE.

Theologum vidimus scientem Diuina, nec tamen videntem. Illud facit Diuini firmitas oraculi, hoc Maiestas. Ego & gratum me vobis etiam atque etiam profiteor, & gratias tamen, nullas profero. Illud vestra in me facit singularis humanitas, hoc mea infirmitas.

THEOLOGIA GENERATIM.

Vel de Deo Vno.

Mirari solent omnes, ac dignam philosopho iudicant vocem illam Anaxagoræ: qui, cuius rei causa natus esset, sciscitanti, Solis ac Cæli spectandi, respondit. Ego verò bona cum venia retractabo hosce plausus, non quidem ut tantum alioqui Philosophum temeraria commentatione vellicerem, sed ut hoc eius dictum inscientis hominis simul, & prudentis fuisse probem. Videte, qua ego laude donem Anaxagoram. Insipientem facio, sed in ipsa tamen insipientia prudentem: Cæcum agnosco, sed cautum: Ingenio maneam, non iudicio. Quomodo enim de summo hominis bono definiat vnus, quod frustra cæteri omnes contenderunt? Aut quo iure in tam multiplici, ac obstinata causa summorum reipublicæ literariæ capitum sedeat ipse iudex dicturus sententiam? Ita planè fuit. Nequaquam licuit ei rem, assequi ingenio: Ergo, quid responderet, non habens promptum, effutiebat (credo) id ipsum pàssim, ne tacens, opinionem inficitæ, quæ maxime in hac parte laborabat, ingereret. Itaque speciosa ineptia occupandas mentes audientium putauit homo catus. Ineptiam enim uerò appellauit ipse responsum Philosophi, ac indignam philosopho vocem, quæ tribus numero verbis errata complura, & ea pinguia comprehendit. Nascimur, inquit, Solis ac Cæli contendi gratia. Quid autem? Tu ergo omne hominis officium in oculis collocas? Ad mentem tu nihil, ad corpus omnia refers? Quid si cæcus, aut nascatur, aut natus euaserit, officiumne hominis amittit, quod certè fieri sine animæ occasu non potest? Quid porro cæteræ corporis partes? an iu-
bebis

bebis suis privatas officijs ferari? Quid, quod plus est in auribus, quàm in oculis situm? Constat enim doctrinam & sapientiam percipi solis auribus posse, oculis solis non posse. Sed compellare te parumper libet, Anaxagora, ut responso responsum, aut firmes, aut diluas. Cæli, Solisque spectandi causa natus es? Quis te (cedo) in hocce spectaculum induxit? aut quid Cælo, ac rerum naturæ confert tua visio? Certè, ut immensum hoc, & admirandum opus testis oculatus laudares, non nisi conditor ipsius Deus huc induxit. Neque hic te consistere voluit, ut opus, non opificem magis laudares, admirareris: Imò verò amplius, ut eius virtutem, providentiam, potestatem tanto ex opere reputares animo: ut bonitatem deamares: ut Maiestatem coleres, & summum tuum bonum, unde & tu, & tam multa bona tecum prodissent, stupente animo simul, & anhelante intenderes. Hanc tantam censuram, Viri Auditores, hanc adeo iustam abiurgationem in Philosophi dictum celebratissimum quid nisi sacra Theologia faceret, quæ veterum errorum deterfa caligine purissimam lucem veritatis inuexit, vnumquemque mortalium edocens, eò nasci, ut Cæli Empyreï amœnitate aliquando potiatur, ut Solis increati fulgorem inaccessum beatus aspiciat, felicitatis tractu nullis sæculorum spatijs metiendo? O digniorem Hominis, quàm ex Anaxagoræ sensu, conditionem. O melius ex oraculo Theologico auspicatam nostro generi sortem? Eius ego dum profero Thefes (de Deo Theologiæ obiecto) agitandas, fauete vos, quâ voce, quâ silentio, ut soletis: arguendo, audiendo: gratissimo vtrinque, ac digno vobis officio.

G R A T I A.

PAUCIS in syllabis quàm multa peccarit Anaxagoras, ipsi audistis. Ego debitas vobis acturus gratias, in syllabis paucis nihil profecto peccauero; multò plures mente, quàm voce gratias in vos processus.

THEOLOGIA GENERATIM.

Item de Deo Vno, & Trino.

Sensus fuit ingenij in vtraque literatura non ignobilis (Nobilissimi Auditores) Mundum hunc nostris spectabilem oculis, traditum Diuinitus esse ex oraculo; disputationi mortalium, nequaquàm in ipsorum perniciem, aut in probrum corruptissimi

sensus; ut eo quali Dædaleo labyrintho conclusa humana de-
 mentia ferretur per errorum brutas ambages in Minotauri tarta-
 rei sarilemam: Verum ut hi potius ex Mundi obiectu prædiui-
 tem disputandi segetem ciente genio nanciscentes, ab operis
 sanctitudine sanctissimum venarentur opificem, venerarentur
 Numen. Ita illorum, qui cunabula Mundi in Casum, ac For-
 tem referunt, notauisse insipientiam, minimum id quidem pu-
 to: Insaniam, parum: Temeritatem, parum adhuc: Audaci-
 am intolerandam, nondum satis: Vix satis dicam furentem,
 impietatem, brutis ipsis, ac defectis sensu, motuque rebus dam-
 narissimam. Cito hic testes in re physica tyrunculos, cito popu-
 lares astrologos, cito Medius fidius Agyrtas, ac Circulatores ad
 istharc diluendam philosophiam. Estne foetus in Mundo paren-
 ti suo similior, quam casui monstrum? Profer tu mihi conqui-
 sita licet ex omnibus terris, collecta ex omnibus sæculis mon-
 strisiora, oculo ad nouitatem stupente? ad varietatem attonito.
 Melius loquar, fruente erudito oculo, atque animo se pascente
 ad spectaculum. Neges tu sanctum opificio, quod est forma,
 per numeros omnes pulcherrimum? Neges autem pulcherri-
 mum, quod est in primis, iucundissimum? Cuius igitur expeti-
 tur, pretio emitur a concurrentibus turbis aspectus? Quid? Tur-
 bas, credo, solum tenet id studium, pinguiorem, atque hebe-
 tiorem vulgum, nec Principes quoque viros, & Coronata non
 auro magis, quam lauro Capita. Etenim vix quemquam vnum
 è Dynastis repérias, cui non sint ista in delicijs, cœmpra insa-
 nis sumptibus; aut etiam in caulis enutrita brutorum aliqua mon-
 stra; vel seruata in gazis ad pompam abortiua Naturæ distorta
 in lignis, in lapidibus, in siliquis, in metallis: tanti habita apud
 ipsos, quanti nec rati ex Oriente vniones, nec cælata ære Co-
 rynthio vasa, nec Indicis gemmis onusti torques, nec aurea, cri-
 stallinaque signa, nec si quod aliud id notæ pretiosissimum ad
 Regalem magnificentiam luxumque ostentant. Ut enim de
 monstris vsurpauit non sine lepore Diuus Augustinus, ipsa ad
 pulchritudinem Vniuersi sua conferre deformitate: Ita & Re-
 gis Aulæ ex rebus genere obscuris, & ipsa infelici abortione de-
 formibus non parum sanè splendoris accedit. Erigite iam sur-
 sum lumina, conspecturi in Cælo; quod neque iucundam exhi-
 bet vllam speciem; rerum quippè omnium species submouet,
 neque nisi vitium Naturæ degeneris credi possit; creditur quip-
 pè Terris malum portendere: Defectionem intelligo præcipuo-
 rum luminum inter planetas, monstra cælestia quis dicet, nobis
 morta-

mortalibus execranda. Tu nè verò (argueris) hac saltem in parte sanctitudinem Vniuersi sustinebis, vbi quotannis semel atque iterum sic peccatur? Erit tibi Moles ista perfecta, quæ tam sæpè in præcipuis membris luxatur? Erit temperatissima ad contentum, quæ de facili discordat in motu? Erit numeris omnibus absoluta, quàm dissolui tam crebrò contingit? Erit Naturæ ad bonum comparata, quæ in perniciem animantium cum melioribus coniurat Planetis? Tetra enimuero Monstra sunt ista, fatalia prorsum, deprecanda tam pro incolumitate hominum nostra, quàm pro ipsius dignitate Naturæ. O Philosophantium inscitiam verè monstrosam. Quàm ego si confutari pretium putarem operæ, contentus meherclè forem aduocare in istorum conspectum, quem nuper offendi in triuio, homunculum circumforaneum, mucidum conciliatorem plebeculæ, venatorem, sordidum stipis. Sistat se se istis parumper, & repetat, quæ me audiente iactauit, solitus (puto) millies de pegmate alibi atque alibi venditare, ambitiosus recitatione rei astrologicæ, tumidus comprehensione vnius latinæ sententiæ, cui præmisit iteratò, proiectas quasi ampullas, appellationem Aphorismi. Quis porro Aphorismus? Optimus certè, & grauissimus, nisi per ora huiusmodi circumlatus putesceret. Cum (inquit) *ad vitam animalium conservandam temperato calore indigemus, & Saturnus inter stellas frigidus sit creatus: is verò solus tot calidis planetis nequeat resistere: Deum Eclypses ita molitum esse, ut certis temporum intervallis recurrentes Mundum totum refrigerarent. Omnes enim Eclypses refrigerant.* Sic per Agrytam istum Aphorismus. An verò melius aut dilui Aduersariorum insulsa sapientia potuit, aut sanctitudo Vniuersi defendi, quando, quæ maximè tetra reputantur ostenta, ea cum primis vitæ animalium conservandæ necessaria, ac Numinis consilio singulari decreta esse intelligimus? Pudeat nos igitur, quòd is malè audiat qui benè sanctæque Naturas omnium rerum architectatus est Deus. Nec enim ad insaniendum, sed ad sapiendum commissus est nobis Mundus: Vt si perspicua occurrunt plurima, occulta nonnulla, vneremur casto silentio, quæ laudatione aperta non licèt persequi. Quamquàm audendum est aliquid in disputando, vt addita in obscuro veritas, disputatione ipsa quasi venatorum strepitu exturbata, è latibulis in aspectum profiliat. Itaque è re nostra est, Studiosissimi Iuvenes, vt placita quædam Theologica (* vt placita, de Deo Vno, & Trino) consilio, ac iussu Moderatoris (* Institutoris) mei Viri sapientissimi è florentioribus Patrum

trum areolis decerpta, breui disputatione, intento scilicet parumper mentis oculo contemplemur,

G R A T I Æ,

Monstra nuper probauimus, quippè quibus Mundus ornatur. Non hic tamen probatum volo monstrum ingrati hominis, quod nemo hominum non execratur. Sed quia gratum esse velle sine gratijs, monstrum id quoque est, vestra cum venia tam cogor istud probare, quam vetor illas agere; meritò scilicet vestro pares, Humanissimi, Benignissimique Auscultatores.

THEOLOGIA GENERATIM.

Vel speciatim de Deo Homine.

In felicitatis ille meritò luit pœnas, qui se, vnde felix euadat, aut stolidus nescit, aut perditus nescire non curat, Viri Religione, ac literatura clarissimi. Quomodo se hominem sciat, qui sui exemplar esse Deum, sequæ Dei exemplum nesciat? Quare ad exemplar vt spiret, si ope tota nitatur, tùm demum propositæ sibi fruendæ felicitatis compos fiet. Iam prima felicitatis humanæ linea, atque adeo vena ditissima ipsius cognitio Numinis dicenda est, cum ad ignotum conformare se quisquam non possit, nec cuius faciem deuelatam atque apertam non contuetur, lineamenta penicillo transferre. Iactauerint se ergo beati prisce Philosophi, Hoc qualis, qualis cognitio Diuinitatis effecit, vt Paulo Apostolo teste inaspectabilia Dei per species creaturarum rerum conspicerent. Iactauerit se iustius Abramus: Cognitioni eiusdem Dei perfectæ (quàm haberi in terris fas est) id ipsum attribuit Philo. Iactauerit se Moses iustissime omnium mortalium: Hunc certè ad τὸ εἶναι non cognitionem modò, sed consuetudinem, imò & contubernium peruenisse testis est Magnus Basilius. Cæterum vnus Moses cum extiterit, nec alterum Mundus viderit (vna Virgine Deipara exempta) accommodatissimus profectò est humano captui, tenendus idcirco nauiter, modus iste immortalis Dei cognoscendi. Nam si Solem nemo acie luminum directà intueri valet: sed is aut vim eius, atque potentiam, aut effectum aliquem vtputa lumen, calorem uè in alijs corporibus cernit, vel sensu experitur: quò minus fas erit consequi sensibus æternum Solis ipsius opificem, Numen beatissimum, omnis fontem lucis, patrem luminum? Et quemadmo-

admodum suam ipsius mentem, ac spiritum peruidere nemo vnus nostrum valet; ita nec peruidere licuerit mentem illam immensam, spiritum illum inspirantem omnibus vitæ spiritum; quippè qui se ipso felix lucem inhabitat inaccessam. Quorsum verò tendebat ex Mose oraculum Dominicum: *Non me videbit homo & viuet?* Quorsum ex Ioanne: *Deum nemo vidit vnquam?* Quorsum iterum ex Mose: *Posteriora mea videbis?* Non est (sibi volebat) non est hominis ista fæce mortalitatis infecti purissimum cum fontem beatitatis luridis admotis labris haurire. Non est Naturæ virium attingere propius Auctoris Naturæ *εὐσέας* hoc est essentiam apprehendere maiestatem, detegere gloriam. Commisit hic rebus creatis id ministerium, vt Creatorem commendarent homini: vt eæ quasi tergum coniectandam offerrent Diuini oris speciem: vt posteriora cum sint, hoc est effecta, & ea maximè demiranda, Causæ primæ cognitionem suggererent. Constituit eas quasi gradus, per quos ad ipsum pernosendum scanderent: Instar speculi iussit esse, in quo reflexum vsurparet eius lumen, quod nefas erat vsurpare directum. Non me præterit quidem testimonium è sacris paginis, quod Deum viderint quidam, & hi sanè mortales. Sed hanc reuelationem extitisse, non sensuum comprehensionem: rei visendæ suppositum, non Diuinæ exhibitionem substantiæ satis elucidant communi sententia Mystagōgi. Mirificè id demum successit viso in terris, atque inter homines versante Christo Deo. O sæculum illud beatum, & citra fabulas aureum; quo *rediit & Virgo, redierunt Saturnia regna*. An debuit aliud efficere reuelatus ex Virgine Deus, elucens Numen humanis in moribus in verbis, in gestis trans humanæ consuetudinis fines, quàm vt discereto ex hominibus horrore scelerum, assertis bonis artibus, restituto vitæ candore stabiliret in terris sæculum sola cum æternitate cælestis beatitudinis commutandum? Nihil enim peperit minùs consuetudo Christi mortalis, quàm vt ipso cognito cognitus fieret in aperto Deus: ex Deo autem sic cognito suos componeret mores homo mortalis; in ipsa demum mortalitate immortalis felicitatis arrham haberet oblatam. Quod ita cum sit, Viri prudentissimi, è re nostra maximè fore video; si, quod in disciplinis honestis desudauimus, eius pretium à Theologicis (vbi potissimè de Deo humanitate recto disseritur) exigamus. Neque enim aut mihi propugnatori, aut vobis impugnatoribus ingeniorum conatus ad exitum felicius, ad votum iucundius intendi possent videbuntur.

G R A T I A E.

Felices effici homines ex cognitione Dei, nuper habuistis. Ego immortalī vestro beneficio (Humanissimi Auditores) ex gratiarum in vos si minus actione; cognitione certē videri gratus debucro.

THEOLOGIA GENERATIM.

Item de Deo vno, aut Trino, deque Actibus humanis.

DEum Optimum Maximum, vnum idemque summum hominis esse bonum, quod ille ut in album studia sua omnia, & vota collineat cuius in sinu suorum reperit amorum centrum, cuius inter amplexus absorptus delicijs felicissimē conquiescit; scite, religiosēque monet Theologia (Viri religione ac sapientia præstantissimi). Miror hic ego veterum Philosophorum lites tam rabidē Philosophiam ipsam discerpentium in varias, repugnantēque sententias super omnium grauissima quæstione. Siue enim audiat Epicurus in voluptate animi summum bonum reponens; siue probetur Aristippus, in corporis voluptate; siue præferatur Diodorus in doloris priuatione, siue Zeno præualeat, in vita ad Naturæ normam composita; siue quis alius euincat, in realia: Quid istuc ineptiæ est (dico) attribuisse homini proprium, quod cum mutis animantibus sit commune? In his autem, quæ memorata sunt ex Philosophis, nihil inter hominem & pecudem interfore nemo non videt. Homini verò animantium Principi summum id bonum adscribi oportere, in quod solus feratur, à conditione sua, & origine nihil dissonum; in Deum (inquam) feratur Religionis officio. Quam multis enim in rebus æmulari cernimus, quam multis etiam congregari cum homine bruta? Nam cum materno utero vix effusa papillas studiosē quærunt, avidē præhendunt, ac sugunt: Cum sinu matrum abstracta gemunt, restituta remittunt: nobiscum, certē infantibus omnino præludunt. Cum autem demulsis auribus, diductoque risu, & oculis lasciuientibus alludunt homini, nonnē ridere quodammodò illa dices? Nonnē & colloqui suo more, cum suas voces dignoscunt, & varios inter se discernunt sensus, quibus intimē afficiuntur? Quid, cum cibos quæque congruos sibi conquirunt, cum aggestos reponunt in tempore famis: Cum infesta deuitant, vitia sectantur, medicamenta morbis

morbis præsentia captant? consilij certè vestigium in ijs agnoscis. Sed & amorem mutuum & caritatem hominis egregiè imitantur, cum coniugibus suis & filiis necessaria in escam, ac tutelam prospiciunt; cum imbecillitatem officijs, teneritudinem blanditijs prosequendo educationem iuuant. Cum verò vel prædæ inhiant, vel ipsa se prædam verentur, præsidium quoddam intelligentiæ utique præferunt; adeò ingeniosè insidias siue struunt, siue declinant; Imò & rationem ostentare videntur nobis, cum nos ratione præditos, arte pollentes sæpè deludant. Siquidem arte ita valent brutorum aliqua, iure ut dubites, utrùm homo illa potius æmuletur, quàm illa hominem. Hominem certè plerasque artes edocuerit. Ex multis placet subijcere vnum Araneum. Quo quid vilius aspectu? Quid tamen opificio mirabilius? Stamina suo ipse ære comparat, suo ingenio componit. Æquè industrius insiliit prætexendæ in capturam telæ, ac promptus, & valens incidenti prædæ captandæ. Ad summam vno Aranei factò doceri hominem vides Textoriam simul, & venatoriam, Mœcenicum studium, & Equestre: lucrosam, & ludicrum. Si Prudentiæ Ciuilibus documenta exquiris, quàm in Philosophia potissimum niti monebat Plato, nescio, quo in lyceo tradatur luculentius, quàm in alueo mellario. Ibi Apis magistra exemplo docet suo sedes assignatas incolere, castra munire, domicilia condere, familiam alere, publicam rem curare, Regi inferuire, præmia ac supplicia inuiolato iure distribuere. Equis tantam in tantula volucre Philosophiam non stupeat? Certè quidem stupebit quisquis eam Religiosæ quoque Prudentiæ, ac Cœnobiticæ Oeconomix magistram cognouerit Philosophatus cum erudito æquè, ac pio Scriptore CHRISTOPHORO GIARDA Nouariense. Quem virum, nisi recens memoria sanctitudinis immortalẽ fecisset cum in Clericatu Regulari à Diuo Barnaba nuncupato, tùm in Episcopatu Castrensi, vbi tandem profuso fortiter sanguine obsequium ac reuerentiam Sanctæ Sedis Apostolicæ diu præstitam gloriosè obsignauit: celebraret per se satis eius APIS RELIGIOSA, quàm VRBANI VIII. Pontifex Maximi gentilitijs Apibus dedicauerat, tanti equidem Pontificis tutela, & tanti Scriptoris ingenio dignum volumen. Quorsum hæc Auditores? Nisi quia nullo non cernimus in officio associatum homini brutum, vna excepta Religione, & cultu Numinis Immortalis. Grauis est super hæc re Ciceronis auctoritas, hoc magis, quod Ethnici hominis. *Ex tot (inquit) generibus nullum est animal præter hominem, quod habeat notitiam ali-*

quam Dei ipsisque in hominibus nulla gens est neque tam immanis, neque tam fera, quæ non, etiamsi ignoret, qualem Deum haberi deceat, tamen habendum sciat. Ex quo efficitur, ut is agnoscat Deum, qui, vnde ortus sit quodammodo recordetur. Erit igitur summum hominis bonum, si recte arguendum sit, quod omnis, & solius est hominis nimirum quod brutorum præterit conditionem, supergreditur ordinem, cultus (inquam) Dei Optimi Maximi, cognitio Conditoris, reuerentia Numinis. Cur enim pronis in terram pecudibus ipse homo erectos in Cælum vultus accepit, nisi ut raptis oculis scena illa luminibus ac gemmis picturata præteruolaret sollicitus ad Empyreas vsque sedes animus, penetraret in adyta Deitatis secretiora, repeteret quasi citatus fluuius vnde primum effluxerat, vitæ omnis ac boni immensum oceanum. Sed hæc nos Philosophando satis. Theologizandum nunc restat; si tamen (quod spero) per vos, sapientissimi, iidemque Humanissimi Auditores, in grauissima omnium prouincia imbecillitas ingenij mei subleuabitur.

G R A T I Æ.

Hominis summum bonum, & solius & omnis esse, principio ex me accepistis, Auditores. Quod verò me disputantem tam patienter hodie pertulistis & solius id vestræ humanitatis, & omnis loco beneficii mihi fuit.

T H E O L O G I A S P E C I A T I M.

De Sacrosancta Eucharistia.

SI scdum auditu est, ne dum ausu, quod de Gigantibus fabulatur antiquitas, intentatum per illos bellum (in Cæli regnum, multò certè scdus habendum, quod multa post sæcula machinati dicuntur fuisse à Christiano lyceò perditissimi homines contra Sacrosanctæ Eucharistiæ Mysterium. Gigantes ij planè, hoc est ex græca interpretatione, filij terræ, Orci melius, qui ad cælestem lucem tartarea caligine cæcutientes, dogmatibus impijs corrumpere Catholicam veritatem pertentaere, & Sacramentorum augustissimum, panem illum de Cælo præstitum, qui fontem cælestis beatitudinis obsignatum continet, furiali dente discerpere. Quod quidem facinus multò indignius redditur, quod post annos ab ortu Christiano mille, & quadraginta vix reperit Authorem; quasi supra tot montes superbissimorum hæreti-

hæreticorum , qui per tot ante secula impugnauerant fidei Christianæ veritatem , aggestum ad apicis omnis consummationem , infanissimum iugum . Operæ verò pretium puto indicare hic breuiter factum , vt sit , quo magis detestemini Authorem . Berengarius is fuit Turonensis ciuis , Ecclesiæ Andegauensis Diaconus , ex eo autem gradu in Gigantis excelsitatem surrecturum , se se ratus : sed terram nihilominus redolens ; quippè quàm inops eruditionis , tam emendicator gloriæ , quàm reptantis ingenij , tam elati supercilij , ingemuit nullius esse existimationis apud homines , hominibus alijs eruditionis nomine posthaberi . Itaque venenaris consilijs tentare famam decreuit , & nouo cœpto expugnationem Cæli Eucharistici machinari , excogitauit ergo frigidas nonnullas ratiunculas , collegit paucos locos sacrorum Bibliorum perperam ab se perceptos , sed neque per se dcccptos ; vsus est quippè Scholasticis quibusdam egenis , quorum operam facillimè habuit pretium stipis ab se corrogatæ , & victus suppeditati ; quosque blandis antè sermonibus haud ægrè corruperat . Hos itaque per omnes Gallias sparfos adhibuit erroris sui , atque infidelitatis fidelissimos satores . Atque hoc erat huiusce miserrimi Doctores impiissimum placitum ; *Sacramentum Eucharistia non esse verè , ac secundum substantiam Christi corpus & sanguinem : sed voce dumtaxat ita efferri , cum figura tantum sit , & umbra , velut signo representans ipsum Christi corpus , & sanguinem .* Berengarius ergo primus omnium Cælo bellum indixit , Montem superbissimæ ignorantie primus admouit . Quàm multos contraxit ad coniurationem Gigantes , qui suos & ipsi Montes doctrinæ , seu potius deliramenti coegerunt , vt culmine aggeris superlato , impressionem (si possent) facerent , ac expugnarent ? Ecce post Berengarium insurgere sui similes , Zuuinglius , Oecolampadius , Caluinus cum reliqua illa Sacramentariorum sentina . Nimirum admirabilia , quæ Deus in hocce Sacramentorum , maximo supra humanum caput efficit , humanis rationibus dimetiri conatus , & tarditate ingenij sui nulli non inferioris assequi , temeritatis Icarie poenas luit . *Qui si vel tralatitiè versasset sacros codices , de facili offendisset territus consilium illud Sapientis , qui nos à Diuinis operibus excutiendis auocat : Altiora te , inquit , ne quæseris , & fortiora te ne scrutatus fueris : sed , quæ præcepit tibi Deus , illa cogita semper , & in pluribus operibus eius ne fueris curiosus : non enim est tibi necessarium ea , quæ abscondita sunt , videre oculis tuis . Et rursus : In pluribus operibus eius ne fueris curiosus : Plurima enim supra sensum hominum ostensa*

sunt tibi: Multos enim supplantavit suspitio illorum, & in vanitate desinuit sensus eorum. Atque utinam Berengarius curiosior solum fuisset in persequendo Diuinorum operum maximo, non & simul audax, non & temerarius, non & impius, atque gigantea infania sacrilegus: non latentem veritatem inuestigare, solum importunior, sed & furiosior impugnare. An verò huiusmodi monstra inulta, impunita abire patiatur Regnator Cælorum Deus? Minimè. Fulminibus utique impeter ad exitium, ad probrum sempiternum. Non iudicio solum ad pœnas inferorum, ubi tandilù iacebunt, quandilù stabit Cælum natura incorruptum, quandilù Altitonans dominationis in Cælo solum tenebit; Verum etiam confutatione acerrima eiusdem impietatis, fulminibus argumentorum validissimis simul & acutissimis è sacra Theologia exertis, tandilù stridentibus, quandilù Dei lumen innociduum in Ecclesia Catholica, quandilù fulgor veræ fidei ad metam vsque seculi ex præsentia Numinis indefinenter nobis promissa illucebit. Quòd me hodie vehementius inflammat ad imaginariam pugnam inter Capita Catholica incundam, ut veram cum nefarijs perduellibus Religionis aliquando expeditus suscipiam.

G R A T I Æ.

Quæntum solertia Gigantum infelix, in aggerandis aduersus Dominatorem Cæli Montibus; tantumdem felix mea, si daretur posse, in aggerandis gratijs vestræ debitis humanitati, pro adhibita mihi disputanti & patientissima attentione, & eruditissima opera.

THEOLOGIA GENERATIM.

Et Speciatim de Fide.

Quoties mecum ipse reputo nostram Christianorum inuidendam omninò sortem, quòd caligine Ethnicismi altè demersis, sempiterni luminis fulgor illuxerit: toties occurrit stupenti animo memorabile illud dictum Mercurij, etsi nec dum salutantis crepusculum Euangelij, de Deo tamen minimè caligantis; ubi Tatium filijum in suo Pimandro instituens, *Quùm* (inquit) *per Deum cuncta clarescant, per omnia rursus, atque in omnibus fulget:* Deindè ipsum adhortans: *Tu igitur ò fili mi* (subdit) *in primis pijs precibus, obsecra Dominum Patrem unicum, unum, & à quo unus, ut sis illius misericordia dignus. Sic tandem Deum*
tantùm

tantum percipere poteris, si vel unus dumtaxat illius radius intelligentia tua benignè reflexerit. Quo quidem Mercurij vel hinc Ter Maximi oraculo quid magnificentius, ac Diuinius ad sacræ Theologiæ Maiestatem & præcellentiam supra humanas omnes disciplinas explicandam? E Cælo illa, è folio ipso Dei circumfuso luce inaccessa deuocatur; vt minimè propterea miremur, quòd subtracta vulgi oculis rerum Diuinarum Sacramenta vel vnus è Cælo radius sit potens nostrarum mentium obtutibus, & ijs nequaquam nutantibus exhibere deuelata. Quare turbamur in suis ciere quidem potest Philosophia, atque in diuersas pertrahere partes ingenia studiosorum, alium alia iurantia in magistrum; quippè ignota cum sit Sapientia mortalibus, Naturæ lumine tantum adiutis, illam sibi quisque sponte amplectitur disciplinam, illique arète adhærescit, qua tutius ac facilius iter ad eius affecutionem patere sibi persuadet. Hinc illæ tam multæ ac diuersæ philosophantium sectæ, quas ætate sua Diuus Epiphanius ad octoginta perceret, quas Marcus Varro in octoginta tres supra ducentas ex dogmatum varietate distribuit. Hinc Hæresis appellatio Græcis, nostris Electio perbellè ijs attributa; propterea quòd meliorem habitam quisque opinionem vltro sectaretur. Ac ne quis nostram in nos posse conuerti orationem putet; quasi non minùs in Theologicam disciplinam quadrare videatur nomen hæreseos, quando plurimi hominum aliarum sectarum errores execrati hanc ipsam sibi deligunt, veriorē arbitrati. Ne quæso vos fugiat, quòd modò prælibauimus, longè plurimùm interesse humanum inter, & Diuinum lumen. Illud (quis neget?) ambiguum, obscurum, saltax; hoc autem certum, sincerum, perspicuum. Itaque in illo militantes lumine cogitationes, & sensus hominum, varias passim captiones incurrunt, vt erudiens olim Doctor Gentium Colossenses, *Videte, inquit, ne quis vos seducat per Philosophiam, & inane fallaciam.* Porro hæc fallacia seductrix quid nisi hæresis appellata? Multo fit fecius in lumine Diuino Theologiæ, in quo planè offendicula occurrunt nulla, nullæ ambiguitates. Esto quantumcumque humanis sensibus additum, & abstrusum, atque adeò repugnans dogma, per id lumen illico detegitur, hauritur, tenetur, multoque verius vsurpare fas est illud de reuelante Deo, quàm de philosophante olim Socrate. *Ipsè dixit* eam nos traditis per Ecclesiam assentimur, quæ reuelantem Deum intelligimus; Ecclesiæ ipsius Præsidem, Rectorem, Doctorem, quàm nec ille fallere potest, nec falli nos ab illa posse formidamus.

damus. Ergo sicut ab hæresis nuncupatione dicam, an nota, eximitur Theologia, quæ traditione nititur Dei, non hominis; Ita illam è contrario sibi per summam asciscunt infamiam, qui proprii Martis sententiam exposito per sacras literas, per Apostolicas definitiones, per Conciliaria scita, per Ecclesiæ commune, constansque suffragium, Diuino dictato peruiaces anteferunt, O vocem hæreseos, non ut olim in Philosophis promiscuam, ac dignam venia; sed improbam, sed execrandam, sed in Mundi fæce, in homunculis, præ Luciferiana arrogantia, tumore, præteruitate monstruosissimam. Quæ cum ita sint, adremus nos proni emicantem de Cælo lucem, Sacrosanctam, atque ad eius fulgores nonnulla placita de Principe Theologicarum virtutum FIDE per Theses mox proponendas disputando versemus.

G R A T I Æ.

Nihil in Mundo tam varium, quàm hominum opinatio. Quot capita, tot sententiæ. Date ergo mihi hanc veniam, Auditores, ut & ego variem à vobis: scilicet pro eo, quod ex humanitate contenditis deriuasse à me in vos meritum, reponi potius meritum in me vestrum patiamini.

THEOLOGIA GENERATIM.

Vel de Fide, Spe, & Charitate.

QUO se nobilius atque splendidius in oculis Sapientum Christiana explicat Theologia, quàm olim Ethnica, hoc reliquas omnes disciplinas atque scientias longiore post illa relinqui interuallo, nemo iure mirabitur, Auditores. Mirari certè plerique non desinent, quemadmodum in insanissima veterum superstitione ita antiquum esset commendare etiam atque etiam populis, ac persuasum facere studium religionis, & cultum Numinis (quodquod illud tandem pro Numine sibi statuerent). Quasi non prius admonendos rudes illorum hominum esse existimarent, se vitam viuere, quàm quo ritu, ipsius vitæ Authorem, Conseruatoremque demerentur. Quod ut arctius infingerent illorum animis, seruatiæ quidem religionis pretium faciebant tum priuata & domestica, tum publica, valetudinem, prolem, opes, gloriam, felicitatem denique & robur Imperij: Violatæ autem ipsius religionis, neglectæuè supplicium, Morbos, ærumnas, orbitates, Reique publicæ calamitates, & excidium. Hinc Tul-

4ius

lius Romanæ magnitudinis auspiciū indicans. *Romanos*, inquit, *non calliditate aut robore; sed pietate, ac religione omnes gentes, nationesque superasse*. Cui verò, nisi neglectæ religioni, & apud inclytum illum tot victorijs populū opinio communis teste Valerio attribuit. Cannensis prælii exitum infelicissimū? Quæ profectò opinio elicere potuit Patauino historico memorabile illud dictærium (Liu. lib. 5. Dec. 1.). *Omnia prospere venire sequentibus Deos, aduersa autem spernentibus*. Atque hunc veterum sensum quis neget inter caliginem ethnicam tenuissimū, quendam esse radium Cælestis illius luminis vultus Diuini, Quod, ut ait Rex Vates, signatum à Conditore fuit super hominē? Quid loquar, ubi post omni discussa caligine effudit se se purissima de Cælo lux? Quam altè putamus insedisse animis Christiano ritu consecratis, in exorsu præsertim Ecclesiæ, cultum veri ac immortalis Dei? Personat etiam nūm, personat fama Theodosij inclyti Cæsaris; nec enim conticescere finit longior millenario tractus annorum, quod in memoriæ æternitate consecratum est. Refert quippè, illum moriturum, nil aliud liberis suis Honorio atque Arcadio impensius commendauisse, quàm ut integram religionem conseruatam vellent, pollicitum indè quietem, & pacem, certosque illos reddentem, non præmia vnquam defutura, non victorias, non denique Cæleste patrociniū. Quantus autem in eo Principe (ut ab illo minimè discendumus) esset in Deum cultus religionis, consulite sacros Annales, relegite memorias Ambrosij Mediolanensis Antistitis, ac Doctoris eximij, tūm vix credetis fieri potuisse, quæ esset Cæsar obseruantia in Diuorum Basilicas, in Præsules Ecclesiæ, in sacrificulos, in ordinis Clericalis quodcunque genus ministros: cognoscetis patrata per tantum Monarcham in oculis omnium ea Christianæ humilitatis, atque demissionis exempla, quæ in priuatis de plebe hominibus desideretis. Iure id ac merito, Auditores. Tanta scilicet Maiestas est Numinis, ut quidquid ad eius cultum quoquo pertinet modò, venerationem à nobis deposcat quantam maximam. Quanta porro fuerit disciplinæ illius dignitas, quæ tanti Numinis deuelet gloriam? Quæ de ipso à nobis credenda, quæ propter ipsum gerenda, quæ speranda ab ipso, nobis discretè aperit, & omni procul erroris suspitione manifestat; De hac igitur dum capita quædam (vel dum capita illa de Fide, Spe, Charitate) discutienda, intelligentiæ gratia vobis propono, exhibete Vos disputaturi patientiam, audituri silentium, vniuersi fauorem.

G R A T I Æ.

Quemadmodum disciplinis quibuscunque præripit sua dignitate principatum Theologia: ita gratias quascunque vobis agendi præripit mihi spem incomparanda ista, qua disputanti fauistis, humanitas.

THEOLOGIA MORALIS.

Vet. Philosophia.

Pythagoræ multum debet Antiquitas, quod castigata Sapientum suorum arrogantia, Philosophi nomen, id est Sapientiæ studiosi, sapientiore consilio primus inuenit. Quamquam id non tam modestæ genio fecisse, quam conscientia motum, prudens quisque facile iudicet, cum illorum præcepta, melius anilia deliramenta, & impudentiæ nobilis stultissima placita, puderet aduertere. Socrates ille sapientissimus mortalium publicatus oraculo, qui Naturalem Philosophiam primus ad Moralem traduxit, quam malè de suamet Ethice meruerit, satis probauit eo dicto: *Quæ supra nos, nihil ad vos.* Quo sanè dicto contemplationem Numinis, atque eius cultum sacrosanctum, vnde omnis humanæ vitæ ratio, vnde morum castimonia, vnde norma virtutis primum petitur, ablegandum ab hominum genere existimauit. Et, quod habet monstri speciem, aucupans ipse obliquo tràmire, quo insipientiam profitetur, singularis famam sapientiæ, hoc unum dictitabat, *se scire, quòd nihil sciret.* Satiùs (credo) dicturus, se nihil scire, quòd vnum id, à quo nostra pendent omnia, nesciret. Quare vt Scientissimus haberetur, scientiam omnem è Mundo callidus submouit; ignatum se rerum omnium venditans, vt ignaros præ se reliquos omnes ostenderet Socrati Epicurus antithetos, intolerandæ nimirum, Stultiæ dicam, an calliditatis? Calliditatis, stultissimæ dicam, vt qui omnium planè ingenuorum: & venditat se consultissimum, & præcepta moribus singulorum adulantia contrahendæ ad se multitudini præclare concinnat. Hebescit alicui ingenium? feriato (iubet Epicurus) à literario studio. Cruciat hunc fames auri? Ieiunato (inquit) à populari largitione. Alium ignauia deprimit? Procul esto à Republica. Iardat alium pigritia? & hic procul ab exercitio. Timiditas tenet? A militia procul. Est, qui religionem auerfetur? Scito, nil Deos curare.

curare . *Qui* suis innumerus deseruiat commodis ? Nil tribuat cuiquam : Sapientem quippè omnia facere sua causa . Cui turba iniussa sit ? solitudinem rectè petito . Cui vxor ? habet cælibatus innumera comoda . Cui mali liberi ? Nihil scito orbitate tranquillius . Cui parentes impij ? At naturæ nullum est vinculum . Tu quoque si claritatem , & potentiam curas , præciperis Regem colere . Si molestiam non sustines , Regiam fuge . Si delicatum & impatiens corpus habes , næ omnium malorum est dolor , maximus . Si fortem animum : etiam in tormentis beatus est Sapiens . Si gula irritaris : habes vtique in voluptate beatitatem . Si parsimoniam victus probas , quidni aqua & polenta vitam toleres ? Ita homo insanè astutus Epicurus efficitur Protheus , vt omnibus assumptis formis omnes decipiat homunculos , obtentu Sapientiæ singulis gratæ . Cuius porro Sapientiæ , Deus Immortalis ? quæ metam votorum nostrorum constituit Voluptatem honestate neglecta : quæ in explenda libidine felicitatem instar brutorum collocat : quæ pronos in scelera sollicitat , labentes vrget , ruentes præcipitat . Atque istos tu Sapientes credas ? Hos vitæ magistros ? hos ciuitatum moderatores ? oracula humani generis ? miracula ingenij ? arcanorum interpretes ? arbitros Mundi ? Sat multum , inquit Pythagoras , si studiosum modò , si cupidum , si cultorem atque obseruatorem religiosum tanti nominis præ me feram . Contentus appellari Philosophus , suspitioni subtrahar arrogantiae : moderationis titulo effugiam ambitionis notam , inscientiam compensabo ipso sapientiæ studio . Quò nos iustius , Auditores , inaugurat vindicta ab ineptijs , & artibus priscorum Philosophia ? Vt exprobrari iam nequeat nobis , quemadmodum ijs , quòd nostrum , non Sapientiæ studium sit , sed stadium insanæ ; quòd Philosophia nostra dictio theatralis , & scænica , quòd decipula speciosa inperatorum , quòd eruditionis mendax pompa , inflatæ buccæ sonitus , phaleratæ ambitionis vox , amentium crepitaculum . Hanc verò gratiam , Auditores , habemus Sacræ Theologiæ : Quàm , vt ego aliqua in parte probatam faciam , exposito palam libello prodibo alacer in arenam , vires quantascunque ingenij mei pro illius dignitate libenter pacturus .

G R A T I Æ .

Quòd solo Sapientiæ prætento studio satis se probari Sapientes putarent prisci Philosophi ; persuadet : me quoque in vos , Humanissimi Auditores , satis gratum fore videndum ; si

E s

quas

quas agere pares gratias non possum, agere me tamen exoptare affirmem.

THEOLOGIA GENERATIM.

Vel de Virtutibus ex 2. 2. Sancti Thomæ.

PVdet Religiosum hominem ad profanos Iudices prouocare. Sed ea est, non dico temporum corruptela, vt quæritantur plerique, sed Religionis nostræ sanctitudo, vt lucem ex tenebris hauriat, atque ethnicæ superstitionis oppositu. velut umbrarum, sui lumina candoris. exprimat viuidius synceris oculis. Vultis, expingam vno tractu. momentum. veræ Religionis in Republica? Consulite Samnites: ethnicos; tum ipsi respondebunt exemplo, quanti esse debeant Christianis hominibus, quem ipsi verò Numine doctore profitentur, rerum sacrarum cultum. Plures à Romanis illatas clades habuerant Samnites. Ad extremum fusæ in Tuscia, deletæque eorum copiæ cum Ducibus ipsis atque Tribunis. Ad hæc socijs deuictis Tuscis, Gallis, Vmbriis (dicam ex Historico) *nec suis, nec externis viribus iam stare poterant; tamen bello non abstinebant, adeò nec infelicitè quidem defensæ libertatis tædebat, & vinci, quàm non tentare victoriam malebant.* Mens igitur fuit extremum. periculum facere. Sed quando non latebat, obstinato militi desponsam fore victoriam; id verò non aliter melius, quàm per Religionem præstari; quid illi? Reperere sacrificium vetus. constituunt per Ouium Paccium Sacerdotem, ita ferè: Vt peractò solemniter Sacro, atque inter cæsas. victimas, incensasque Aras præfectis armorum vniuersis. ad sacramentum coactis, nequaquàm se prælio. abdicaturos. Tum milites singulos vocarent, iisque inter Aras plurimo. Centurione stipatis iusiurandum primò districtis ensibus extorquerent, nihil se, quòd vidissent, audissentuè, cuiquam mortalium relatuross. Hinc diris, & formidolosis carminibus altero in Deos iurciurando adstringerent, ad iussa Imperatorum præsto se fore; nunquam deserturos pugnam, fugitium quemque ne- caturus: Earum rerum si quàm violassent, in suum ipsorum caput, in familiæ, in stirpis versum iri. Si Religione quis ter- ritus sacramentum respueret, illicò Centurionum ferro multaretur. Ita fracti qui post succedebant, ferocitate spectaculi admi- fere omnes sacramentum. Atque hanc sibi aciem quò magnifi- centius instruerent (fuere quippè millia virorum quadraginta) indu-

inducere ad dimidium candidis sagis, cristatisque superbe galeis. Sic itaque instructi ad Aquiloniam confedere. Sed mouens ex aduerso Papirius inter adhortandum milites; *Non enim, ait, cristas vulnera facere, & pissa aurataque scuta transire Romanum pilum.* Vtque conceptam suis opinionem de hoste eleuaret propter iusiurandum admissum, *hoc, inquit, ad formidinem istorum esse, non ad virtutem,* quod vno ijs tempore & Ciues, & Deos, & Hostem metuendum simul esset. Congressis itaque cessere Samnites, annuente virtuti Romanæ fortuna, ne vana illorum religio fidem emeret. Tamen si, dicam ego, quod conuicti superioribus cladibus Samnites, perorante pro Romanis Victoria constantissimo successu consilium Religionis in extremum armorum perugium ineunt, quasi fatalem hostibus machinam opposcentes, vt Dijs ipsis oppugnationibus frustra se colluctari intelligant: quis non planè, & apertè concedet, & qualis fuisset futurus exitus synceræ religionis, si mentibus obsecatis assulisset: & quantum ad animos mortalium vrgendos valeat illius studium, quod populis frequenti attritione consternatis restituere valuerit animos, atque ferocissimam triumphis gentem inuadendam armare? Quod ergo negatur ciuilibus legibus, hoc facili conceditur. Quod iura propriæ libertatis non obtinent, hoc Diuinorum metus extorquet. Deploratæ bello res hoc vno in spem eriguntur: Et quos discrimen capitis inter amicos intento mucrone coegerat vilia timoris mancipia, egit Sacramentum spontaneos, vt pectus, vt caput inter hostiles acies hostiæ liberales deuotarent. Habetis ergo præsidium Reipublicæ in Religione, quantum potest esse maximum vel ex eorum sensu, quibus vt sacra humanis, non vt humana sacris inseruiant, cura præcipua est. Nam quod scrupulus est hominibus profanis Religio, hoc ipso acerbiori præmunt sensu, & quam calce prote-runt impiè fastidiosi, sæuiorem pectore tortorem probant. Quid reliquum est, Auditores, nisi vt sacram Theologiam veræ Religionis vindicem, ac tutelam, Samnitum præiudicatam exemplo (à minori ad maius dicam, an à falso ad verum?) discussis positionibus, quæ mox per me producentur, omni conatu ingenij, omnibus intelligentiæ acris tamquam præcipuum felicitatis publicæ fundamentum propugnemus?

G R A T I Æ.

Pro Religione dimicaui, Theologiam propugnans. Sed inlar Samnitum recedo victus, non hostili, sed amica virtute; humanita-

manitate dico vestra (Ornatissimi Viri) à qua iuvat me vinci, dum vestra mihi victoria gloriofiorē adornat triumphum.

E C C L E S I A S T I C A :

*Ante solemnem pedum abluionem in Cœna Domini,
dicta à Discipulo Mediolani.*

Persuasum Christiano cuique homini placitum, sed insuauis: perceptum satis, sed minus acceptum: intellectum, sed neglectum reuocat in mentem nobis hodierna luce recurrens Apostolicorum pedum ablutio. Illam innuo ego virtutem, cui Abiectio, atque Humilitas nomen est: re tamen ipsa Elatio probatur, ac Dignitas. De cuius singulari præcellentia tametsi absurdum videatur, quod ego inter homines pusio, inter disertos infantulus dicere ingrediar; ansam nihilominus dicendi præbet hæc ipsa ingenioli mei consentiens partim cum argumenti significatione humilitas. Ita verò se res habet, Religiosissima Concio. Totum Dominicæ vitæ in terris curriculum stadium fuit, in quo superbientem hominem laceffuit Deus ad humilitatis generosæ congressum. In, quo non Olympicum puluerem, sed terrenum studiosæ moderationis colligere nos decuit: In quo cælestis Alcides exegit nos Antheos ex voluntario in terram casu altius resiliētes. Quid namque sibi voluit sublimis cælestis Maiestas è Cæli foliis ad hæc ima terrarum se se demittens? Quid increata Sapientia infantilibus in membris balbutiens? Emphyrei gloriæ terrenis sæculenta miserijs? Felicitas immortalium Cælitum ærumnis absorpta mortalium? Omnipotentis dextera nostram sciens infirmitatem? Superiorum beatitas obiecta iniurijs temporis? Angelicarum mentium saturitas inedia languores experta? Vno verbo: Quid Mundus in homine Deum intuens agnouit; nisi summam cum summa celsitudine conspirantem humilitatem ad nostræ probrum elationis, ad arrogantiae compressionem, ad deiectionem superbiæ? Et miremur nouum velut exemplum. Orbi exhibitum hodierna luce, eandem ipsam Maiestatem Christi Dei ad plantas Discipulorum abiectam, obsequium ijs, ac ministerium abluionis impendere? Miremur inclinari illam ad animos hominum terrenis sordibus perpurgandos, quæ in semetipsa humanitatis nostræ sordes suscepit? Miremur lauacrum ex vndis ad munditiem prospexisse, quibus sanguinea balnea ad salutem suo de corpore meditabatur? Miranda nihilo-

nihilominus hæc esse quis neget, atque omni æstimatione maiora? Verumtamen in hac ipsa humilitate multò profundius quiddam dispicimus, quòd miremur, dignum illud Deo, hoc est intelligentiæ humanæ sensum excedens, ne dum sermonis facultatem. Quid verò? Video hic arrectas in me aures vestrum omnium, attentos animos. An quòd in stuporem egit Discipulorum Principem Petrum, quùm cælestem Magistrum genibus ante se flexis prouolurum cernens; Tu, inquit, Tu mihi lauas pedes? Vtinam res hic steterisset, Auditores: Vtinam simili Petri discipulo inrentum id officium fuisset. Etiamnè Iudæ Iscariotæ intenditur? O rem expauendam, exhorrendamque. Te nè (IESV bone) abluerè Iscariotæ pedes voluissè? Te nè Deum homunculo, sanctum impio, innocentem nocenti, integrum corrupto, pientissimum parentem degeneri filio, Magistrum optimum discipulo perfido, Amicum beneuolentissimum sceleratissimo proditori, beneficentissimum sodalem ingratisimo, Angelorum delictum cacodæmoni, sanctimoniam florem sæci teteritæ humani generis? Te, dico, amicum suauissimum, & supra vota munificum ad pedes nefarij inimici procumbentem, amore odia laceffere, ingratum gratia prouocare? O nos quàm longè hinc aberramus, Auditores: quàm longè ab isto resiliimus exemplo! Nam vbi nos vtpotè doctrinæ à Christo traditæ obseruatores, maleficia beneficijs rependere oporteret, atque ijs hominibus nosmet religiosè submittere, à quibus negligi, ac pessum premi videamus, quàm diuersam, heu, viam ingredimur? Maleficijs maleficia, iniurijs iniurias, probris probra compensanda per nos esse putamus: atque protrito fasto inimicorum, calcatis ceruicibus, tùm demum sustolli in præaltum dignitatis gradum arbitramur. Non ita Christi asseclæ, non ita edocemur à Christo; qui parum duxit, quòd Petro submitteretur homini integro, scilicet amico syncerissimo, studiosissimoque, Quin Iudæ perditò, atque vel tetrìori illo (si res poposcisset) dignam siderea coronà ceruicem subigere non reuult, architectas Orbis manus obsequiosas porrigere, osculabunda labia admouere, & ea labia, vndè hauriunt perennem felices Animæ succum beatitatis, sempiterni mella delicti. Quapropter exesto hinc procul, Religiosissimi Auditores, exesto omnis sensus tumoris: Detergite, cum isto ablutionis ritu sacrosancto omnes ex animo sordes superbie, adornamini Christiani humilitate, qua tantumdem similes Christo demùm reddamini, quantum corrupto Mundi dissimiles. Dixi,

ECCLESIASTICA ALTERA:

Ante solemnem pedum ablutionem in Cæna Domini;

REformidarem (religiosissimi Auditores) notam temeritatis insignem, ingressus hodierna celebritate publicè proloquendi prouinciam; nisi è tanto mysterio oblata sponte materies tametsi humana facultate superior, & quoduis epidiæticum dicendi genus eludens, animos mihi ac spiritus, quos conscientia negaret, ex meamet conditione suggereret. Alibi magnitudo argumenti, sæpenumero (vt ex historijs accepimus) deterruit valentissimos Oratores, omni spe deiectos exæquandi dictione, quod pertractandum susceperant, eam ob legem apud Artis magistros receptam, Vt selectis verbis, vt bonis sententijs, vt styli genere pretium rei, si minùs exaggeres; sustententes certè, non deprimas. Hic autem longè aliter intelligo mihi esse præceptum, vbi & argumento nihil sublimius datur, & omnis tamen sublimitas orationis, quia de Maiestatis supremæ voluntaria humilitate agitur, ne ab re proposita discordet Orator, voluntariè foret negligenda, quando id necessitas iudicertissimi per se hominis non iuberet. Verumtamen in sacrosancto huius festi mysterio est operæ Auditores, intelligere, quæ tanta fuerit causa, cur Diuina celsitudo Christi IESV Seruatoris ad suorum pedes discipulorum, hominum certè rudium, atque ex ignobiliore numero se se abiecerit, & sacrosanctas illas manus Cæli, ac siderum architectas limosis, ac lutulentis eorum plantis abluendis fatigauerit. Quid, nisi vt animos ipsorum impolitos, ac sæculentos ad futuri mysterij religionem decentius compararet? Iam cognoscitis (credo) quid sibi mea velit oratio, quò tendat, quid commendatum iubeat hodierno cœtu. Meditabatur Christus IESVS beneficium omnium multò maximum, & incomparandum erga Humanum genus. Moliebatur experimentum charitatis incompertum adhuc Mundo, ac inauditum, Cælestibus ipsis Intelligentijs interceptum; Augustissimam dico Eucharistiam tot quidem vaticinijs, tot symbolis, tot prænuntijs adumbratam, sua verò in mente ab æternitate tota, penicillo sapientiæ, lineis omnipotentis, coloribus pietatis expressam, cursu tandem sæculorum peracto, ac suspiratissima meta iam tacta, in lucem proferre ad Mundi consecrationem parabat. An decuit tantum æpulum ignaris mortalibus tanquam brutis apponi? Minimè verò.

verò : Excitandi igitur fuerant promisso, erudiendi præcepto, expiandi lauacro, & quanti id beneficium esset, instituta per largitorem ipsum. Deum ablutionis cæremonia, præmonendi. Quid enim res. Diuinas tractantem decet aliud, quàm mundities? Moles hæc rerum admirabilis, ac speciem primum Diuinæ pulchritudinis sese diffundentis, non reperit, quo appellaretur congruentius Mundi nomine. In hac ipsa sedem sibi superiorem delegit perfusam luce, radiatam planetis, distinctam sideribus, procul à fæce corruptibilis Mundi, à cæno telluris, à sordibus sublunaribus: Et merito. Non Mundum quis dixerit, ac primum Deum: sed munditiam ipsam, sed fontem puritatis, cuius in oculis mundissima quæque parent immunda, purissima impura; cuius vel in Angelis. (ait Diuinus Iobus): hoc est in spiritibus labes nescientibus corporales, aut situm carnis, reperitur nihilominus prauitas, extant maculæ. Quid porro in nobis mortalibus? quid in homunculis origine atque usu terrenis? Quid in hoc luto versantibus, ac se se volutantibus, non magis corpore, quàm sensibus animi? Fuit ergo, fuit quàm maxime necessaria: Discipulis Christi huiusmodi expiatio, quò Diuinum munus, præsentiam dico Dei gloriofam hospitio pectoris mundiore receperent. O nostros animos beatissimos. Auditores, in hisce inquam ipsis miserijs mortalitatis, & vitæ præsentis ærumnis, beatissimos, si labibus criminum per lauacrum Pœnitentiæ sacrosanctum perpurgati, ad augustissimum hoc Sacramentum accedamus. Videlicet Regem Cæli nostro pectore, animato quasi Cælo excipimus, fruituri in Terris Cælesti Beatorum Ciuium nectare, Cælesti ambrosia: Si tamen, quo par est, nitimur studio, æmuli Apostolorum, vt Diuina operante manu, quæ nunquàm non adest religioso cuius mortalium, pedes animi, nempe partes vel extremas conscientie, leuioreque labes, & maculas, post expiata læthalia, crimina, & grauiore deterfas fœditates, nequid ad munditiam erga tantum mysterium consummatam nobis desit, abluamus. Dixi.

ECCLESIASTICA.

In sacro sodalizio ad instaurandos Magistratus, Calendis Ianuarij.

Primùm in humanis votis non solum ad rectè administrandam Rempubicam, sed etiam ad priuatam cuiusque vitam cum

ECCLESIASTICA ALTERA:

Ante solemnem pedum abluionem in Cæna Domini;

REformidarem (religiosissimi Auditores) notam temeritatis insignem, ingressus hodierna celebritate publicè proloquendi prouinciam; nisi è tanto mysterio oblata sponte materies tamen si humana facultate superior, & quoduis epidiæticum dicendi genus eludens, animos mihi ac spiritus, quos conscientia negaret, ex meamet conditione suggereret. Alibi magnitudo argumenti, sæpenumero (vt ex historijs accepimus) deterruit valentissimos Oratorum, omni spc deiectos exæquandi dictione, quod pertractandum susceperant, eam ob legem apud Artis magistros receptam, Vt selectis verbis, vt bonis sententijs, vt styli genere pretium rei, si minùs exaggeres; sustentes certè, non deprimas. Hic autem longè aliter intelligo mihi esse præceptum, vbi & argumento nihil sublimius datur, & omnis tamen sublimitas orationis, quia de Maiestatis supremæ voluntaria humilitate agitur, ne ab re proposita discordet Orator, voluntariè foret negligenda, quando id necessitas indifertissimi per se hominis non iuberet. Verumtamen in sacrosancto huius festi mysterio est operæ Auditores, intelligere, quæ tanta fuerit causa, cur Diuina celsitudo Christi IESV Seruatoris ad suorum pedes discipulorum, hominum certè rudium, atque ex ignobiliore numero sese abiecerit, & sacrosanctas illas manus Cæli, ac siderum architectas limosis, ac lutulentis eorum plantis abluendis fatigauerit. Quid, nisi vt animos ipsorum impolitos, ac sæculentos ad futurum mysterij religionem decentius compararet? Iam cognoscitis (credo) quid sibi mea velit oratio, quò tendat, quid commendatum iubeat (hodierno cœtu. Meditabatur Christus IESVS beneficium omnium multò maximum, & incomparandum erga Humanum genus. Moliebatur experimentum charitatis incomptum adhuc Mundo, ac inauditum, Cælestibus ipsis Intelligentijs imperceptum; Augustissimam dico Eucharistiam tot quidem vaticinijs, tot symbolis, tot prænuntijs adumbratam, sua verò in mente ab æternitate tota, penicillo sapientiæ, lineis omnipotentis, coloribus pietatis expressam, cursu tandem sæculorum peracto, ac suspiratissima meta iam tacta, in lucem proferre ad Mundi consecrationem parabat. An decuit tantum æpulum ignaris mortalibus tanquam ibritis apponi? Minimè verò.

verò : Excitandi igitur fuerant promisso, erudiendi præcepto, expiandi lauacro, & quanti id beneficium esset, instituta per largitorem ipsum. Deum ablutionis cæremonia, præmonendi. Quid enim res. Diuinas tractantem decet aliud, quam mundities? Moles hæc rerum admirabilis, ac speciem primum Diuinæ pulchritudinis sese diffundentis non reperit, quo appellaretur congruentius Mundi nomine. In hac ipsa sedem sibi superiorem delegit perfusam luce, radiatam planetis, distinctam sideribus, procul à fæce corruptibilis Mundi, à cæno telluris, à sordibus sublunaribus: Et merito. Non Mundum quis dixerit, ac primum Deum: sed munditiem ipsam, sed fontem puritatis, cuius in oculis mundissima quæque parent immunda, purissima impura; cuius vel in Angelis. (ait Diuinus Iobus): hoc est in spiritibus labes nescientibus corporales, aut situm carnis, reperitur nihilominus prauitas, extant maculæ. Quid porro in nobis mortalibus? quid in homunculis origine atque usu terrenis? Quid in hoc luto versantibus, ac se se volutantibus, non magis corpore, quam sensibus animi? Fuit ergo, fuit quàm maximè necessaria Discipulis Christi huiusmodi expiatio, quò Diuinum munus, præsentiam dico Dei gloriosam hospitio pectoris mundiore receperant. O nostros animos beatissimos, Auditores; in hisce inquam ipsis miseris mortalitatis, & vitæ præsentis ærumnis, beatissimos, si labibus criminum per lauacrum Pœnitentiæ sacrosanctum perpurgati, ad augustissimum hoc Sacramentum accedamus. Videlicet Regem Cæli nostro pectore, animato quasi Cælo excipimus, fruituri in Terris Cælesti Beatorum Ciuium nectare, Cælesti ambrosia: Si tamen, quo par est, nitimur studio, æmuli Apostolorum, vt Diuina operante manu, quæ nunquàm non adest religioso cuius mortalium, pedes animi, nempe partes vel extremas conscientie, leuioreque labes, & maculas, post expiata læthalia crimina, & grauiores deterfas fœditates, nequid ad munditiem erga tantum mysterium consummatam nobis desit, abluamus. Dixi.

ECCLESIASTICA.

In sacro sodalitis ad infraurandos Magistratus, Calendis Ianuarij.

Primum in humanis votis non solum ad rectè administrandam Rempubicam, sed etiam ad priuatam cuiusque vitam cum

cum laude traducendam, primus hic & Anni, & Mensis dies profecto nobis insinuat, Illustrissimimagistratus, Ornatissimi Auditores. Hodierna enim luce, quæ Seruatoris nostri Circumcisi simul, & IESV nomine augustissimo insigniti memoriam renouat; moderatio animi nostri, ac sensuum quantum habeat momenti, quantumque in ea præsidij felicitas nostra repositum sentiat, haud obscurè admonemur. Siquidem nemo dixerit, concurrere perperam hodie, sanguinem sacrosanctum è vulnere Diuini infantis Circumcisi defluentem, cum ipsiusmet nomine, auspice salutis felicissimo. Itaque culter ille lapideus ex ritu Mosaico præciciens carnis præputium, vtiq; nobis præcidentia esse docet immodica cupiditatum: Sed & consonans subinde salus in appellatione noui nominis, haud obscurè indicat, nostræ originem salutis ex ipsamet virtutis disciplina consecrariam fore. Sic enim se res habet, Auditores. Condiderat Cælestis architectus ex tot animantium generibus vnum Diuinitatis capacem Hominem, animum inspirans immortalem, immortalisque illas facultates Mentem, ac Voluntatem sola immensitate complendas. Ipsum etsi Principem Terrarum constituerit, subiectis eius imperio cum Animantibus cæteris, tum rebus omnibus, quas Orbis terrarum suo sinu complectitur, ultra fines illius nihilominus protendit iura pomærij sui, intra Cælum admittit dominantem, eiusdemmet secum competitorem, & quasi ex affe hæredem beatitatis. Delicijs ergo sempiternis natus homo, quid mirum, si semper fluxas istas consecratur? Immensis natus, facilè in breuibus istis incontinens erit: Cælestibus natus, nequaquam in terrenis conquiescit. Itaque promptum habet diffuere in oblatas à casu, ab arte sensibus corporis voluptates; atque lutosis in riuiulis pronum mergi, ac volutari, quousque purissimum fontem, quem à natura sitit, assequatur. Hoc etiam ampliùs, Auditores, quando Nos Adami Principis nostri intemperantia propaginem vitiatam ex felicissimo in infelicissimum solum translatum effecit. O damnatam memoriam, atque ad vltimum vsque Mundi seculum execrandam. Degebat ille (an ne egebat?) delicijs vndecunque cinctus, melius dicam, stipatus, obsessus; vt nihil iam oculus concupisceret, quòd non teneret; nihil quæreret manus, quòd non apprehenderet; nihil auris optaret, quòd non perciperet; nihil palatum appeteret, quòd non hauriret; nihil mens, nihil sensus, nihil animus inhiaret, quòd non illico obuium haberet, & multò paratissimum. Vndique oblectamenti seges, vndique voluptatis mate-

ries, vndique messis vberima felicitatis . Neque hæc omnia tantum , sed & sponsio certa accesserat longè melioris vitæ , & cum Cælesti ipsa Terrenæ gloriæ proximè commutandæ . His tot , tantisque conferto , ac circumuallato bonis , sicut facillimum videri poterat ab vno sibi temperare , & eo fluxo , atque brevissimo pomi oblectamento ; ita pernecessarium iudicare debuerat , ne ab illo gradu deiectus miseram bonorum omnium , atque iuris ad Cæleste Regnum iacturam experiretur . Vtinam non in vno puncto omnia lussisset : Vtinam cum in tanto honore esset positus , intellexisset ; neque comparatus iumentis insipientibus , ac similis illis esset factus , sed quod est rationis proprium , habenas sensuum contraxisset , frænum cupiditati brutæ atque libidini validum inieciisset ; non eam certè Nos misera miserrimi Parentis prosapia tyrannidem pateremur effrænæ libidinis , cuius causa dies vitæ nostræ nigris calculis omnes penè numeramus , hoc est vnam vix dieculam transigimus fortunatam , ac dignam homine . Quis enim est , qui , si mentis aciem in hanc rem parumper intenderit , non facile aduertat , sua quemque mortaliū intemperantia miserum reddi ? Quàm latus hic mihi campus dicendi patefcit ? quàm locuples vena orationis ? Nam cum historiarum omniū memoria nihil , nisi res hominum prosperas felicesque comprehendat ; facinora cum virtute , cum vitio patrata recitans ; cum omnium Philosophorum monumenta plura sint de optima morum disciplina ; cum Poëtarum lusus vtilitatem bonæ institutionis cum dulci fabulosæ commentationis permisceant ; cum sacri ipsi Vatum codices nunc integerrimam quorundam virorum vitam ad imitandum , nunc perditam aliorum ad execrandum proponant , atque illis quæ præmia reposita sint , quæque istis supplicia ab æquissimo vindice Deo reseruata ; Ecquis iam dubitabit , totam salutis nostræ summam in studio temperantiæ , qua pullulantes immodicè , luxuriantesque cupiditates ipsi compefcimus , & sensum rationi , rationem Deo subdi iubemus , contineri ? Hoc enim uerò docere quis neget Christum Deum hodierna sui corpusculi circumcisione , quàm & nomine salutis pleno obfignauit vti maximum , & præcipuum monitum . Hoc præcepto non verbali , sed actiuo confusatum esse voluit , quod exemplo suo tradiderat initio Parens nostri generis , ad scopulum intemperantiæ turpissimè naufragatus . Decuit autem omnino , vt Adami huius prioris amentiam damnaret Adamus posterior , vt luctum illius pœnitentis suo hic non modò luctu , sed etiam sanguine vindicaret . O Christe Præceptorum optime ,

O Doctor pijsſime humani generis. Siccine eruditionem noſtram lacrymis tibi ac ſanguine conſtitiffe? En Auditores, vti puer infans amentiam noſtram ſapientiſſimè arguit: vti noſtras cupiditates ſuis pœnis, noſtras libidines ſuis ſupplicijs, noſtram ſalutem ſua iactura puellus bellulus, blandulus, formoſulus per ſummam in ſe ipſum ſeueritatem, in nos facilitatem ſtudet compeſcere. Erudiamur aliquando, Auditores tanto, ac tali magiſtro correpti: Diſcamusque non alia nos via ad felicitatem, quàm temperantia; non alia ad interitum, quàm intemperantia deducendos. Dixi.

ECCLESIASTICA.

Ante ſolemnnem pompam Imaginis Chriſti Domini Crucifixi in nocte Paraſcenes.

PRÆFATIO PRIOR.

ME tam funeſtæ, tam impiæ, tam crudelis, tam execrandæ noctis attonitum ſpectaculis, obſtupefactum impietates, perturbatum ſævitiæ vix mentis compotem à vobis video intenta oculorum acie obſervari. Video in me veſtra omnium admirantium tacita ora, & vix nutantes oculos eſſe converſos. Video nec ſine admiratione mea admirari vos, quòd tanto dolore præmar, tantaque teneat perturbatione, vt fruſtra reſpreſſa crumpant flumina vndantium lacrymarum, fruſtra ſimulatus pal-leſcat vultus, fruſtra exſiccati geminis fontibus oculi ſcateant, ac redundant. Verùm id vobis immeritò mirum atque intempeſtium videri debet (Religioſiſſimi Auditores). Verſor quipè in hac trifti, ac tenebriſa nocte, in qua quo me cunque convertam, nil præter denſam tenebrarum calignem, nil præter immanes cruciatus, nil præter rerum omnium perturbationem ſpectare poſſim. Hæc eſt illa nox, Auditores, cui non turbida Urbis Troiæ, fatalis, atque infauſta nox, proditiõne, ac latrocinio infamis, quamvis in ea tantum Imperium, atque orbis caput Ilium dirutum, ac penitus ſit deaſtatam; quamvis Rex, Regum Maximus Priamus, terrarum orbi formidoloſus, inuiſta illa quinquaginta filiorum caterua ſpoliatus infanda morte contrucidatus occubuerit; quamvis univerſæ illius gentis potentiſſimæ non vires modò conuſæ, & reſractæ, ſed extincta etiam gloria fortunæ ludibrio conciderit, nec luſtu, nec dolore, nec acerbi-

acerbitate potest comparari. Hæc est illa nox, cui non consue-
 rus albensis Lunæ fulgor, non stellarum micantium ignes, non
 serena Cæli facies, non proprii fulgores illuxerint, sed quàm
 atræ nubes, ac tempestates, ventorum fragor, rerum omnium
 perturbatio inter cæteras omnes maximè funestarint. Hæc est
 illa nox tam horribilis, tam tetra, tam immanis, ut cum ea
 prisca illa, & prima omnium (sic enim appellare iuuat rerum
 omnium chaos) minimè æquanda videatur; in qua neque Sol
 fulgore incomparabili Cælum Terramque illustrabat; neque
 quiescentis fratris vice Luna tenebris præerat; nec aër terræ cir-
 cumfusus; nec terra aqua circumsepta confidebat. Sed permix-
 tus grauissimæ Terræ tenuissimus aër, atque in eo ipso loco ubi
 aër erat, & terra, & ignis, & aqua ipsa consistebat, ut, quæ mo-
 dò grauissima est terra, mobilis esset, &, quæ mobilis aqua,
 immota federet: non calore, frigore, humore, siccitate tempe-
 rata corpora; sed natura iners, & infœcunda inutile pondus ac
 immensum iacebat. Sed quid aio, hæc ut illi nox par esse
 possit, ut æquè sit admiranda, ut æquè terribilis, ut æquè for-
 midabilis? In hac, truci atque immani spectaculo summa imis,
 ima summis, media utrisque permixta raptim, & confusa fue-
 runt: In illa verò non tenuissima elementa, crassioribus per-
 mixta, ac indigno contactu vitata; non lux à tenebris, tene-
 bræ à luce oppressæ, non denique procreata omnia, auerso, &
 præpostero ordine sunt iactura; sed rerum omnium procreator,
 Orbis terrarum, ac Cæli conditor, Naturæ principium, Solis
 Lunæ ac Stellarum circumactor, ventorum, tempestatumque
 arbiter, cuius ad nomen terribile vniuersa quæ in rerum natura
 sunt, contremiscunt, quem Inferorum agmina reformidant, Cæ-
 lestium chori venerantur, cuius nutui Fatum ac Natura obtem-
 perant: hic ipse rebus ab se procreatis, hic humano generi, hic
 vilissimis homunculis se subiiciens, immanibus tormentorum
 generibus crudeliter, & barbarè dilaniatur. Felices sanè Cæli,
 felicia siderum & inuiolata lumina, quibus datum fuit tantæ rei
 indignitate, tanti sceleris aspectu non temerari. Felices sanè
 Orbes, qui nubium fascia densissimarum redimiti oculos tam
 luctuosæ noctis lugubrem faciem non tolerastis. Felicia Scorpio-
 num, Vrsarum, Serpentum, Canum, Centaurorum monstra,
 quibus datum fuit in hac infelici nocte intra consuetos Cælestium
 sylvarum limites contineri, neque fulgores vestros in tanta Na-
 turæ perturbatione perturbari. Sed quid ego? Cur non potius
 vos miros, cur non inertes, cur non terra ipsa humiliores appel-

lein, qui vestrum illud lumen, qui vestrum decus, qui vestrum motorem, qui conditorem in terris humano corpore morantem pro terrarum orbe exquisitissimis supplicijs affectum, ad ludices pertractum, infami satellitum turba circumseptum, extrema omnia tolerantem, pro Animatorum libertate concertantem, vel non potuistis spectare, vel certè recusastis. Illum vidit terra, vel densissimis oppressa tenebris, vehementissimis contumelijs à latronibus, à satellitibus vexatum, illum, tantum Numen tantamque Maiestatem purpurea ad ludibrium veste indutum huc, illuc trahi, mundi Mundi conditoribus brachijs ad terga nodo arctissimo religatis; illum minacibus verbis, illum impurissimarum manuum ac pedum ictibus, illum, illum foedissimis sputis indignè dehonestatum; Vos eius Patria, vos eius domicilium, vos eius opera nobiliora non spectastis. Sed quis obsecro nubes illas excitavit? quis densissima cæcitate Cælestes siderum oculos velavit? Annè Cælum, ne tam tetram atque infamem noctem illustraret, suos ipsius oculos terræ denegavit? aut ne tam atroci spectaculo læderetur, oculos sibi ipsum nubium velaminibus obcæcavit? At quis libentius Conditorem suum pugnantem, quis triumphantem spectauisset? Annè igitur aëris ipsius elementum, timens, ne immanibus ludæorum blasphemijs totum corrumperetur? At, quantum aëren infana verba perturbabant, tantum Christi præsentia mitigabat. Quid igitur nubium velamine Cælum obduxit? Certe insignis Dei obduxit providentia. Quo enim pacto tam horrendo spectaculo, tanta perturbatione commotum Cælum, quo pacto sidera, quo pacto superna omnia à ruina, à casu, à præpostero cursu desistere potuissent? Sed quis illud non credat potius, Cælum ipsum cernens captum, ac reuinctum Christum conditorem, ne acerbiora multo intueretur, luctu ac mœrore deuictum, siderum oculos clausisse: At fortasse Cælum ipsum obliuiscitis à Christo ipsius oculis obstupefactum, atque attonitum; aut quòd Christum nusquam videret, cum iam tot deformatum ictibus non agnosceret, ingenti angore fuisse consternatum. O turbidam, O horrendam, O tristem, O insidiosam, O infamem noctem: Et ita turbidam, atque horrendam, vt huic comparata, Chaos illius confusio ac perturbatio levis omnino, & nusquam æquanda esse videatur: Vt nequiverit Cælum intueri; Vt noluerit ipse Christus à Cælo spectari; Vt quasi indignam, sideribus vniuersis spolianerit: Tam luctuosam, Auditores, vt à nobis non nigro lapillo, quem admodum veteres solebant infelices dies; sed nostro omnium luctu,

luctu, mœrore, lacrymis sit notanda: Tam infamem ut à nobis execrationibus, ac diris imprecationibus sit prosequenda: In qua nimirum innocens homo, Rex Regum, Dei Optimi Maximi vnigenitus, Christianorum parens, totius Orbis Regnator, Vniuersitatis Conditor ab infamibus proditoribus, ab ignobilibus homuncionibus, à perfidis Iudicibus, à perdito, ingrato, atque æternis supplicijs destinato flagitiosissimorum hominum, grege vinculis, verberibus, sputis in latronis morem sit immanissimè excruciat. Iam quid cunctamini, Viri Religiosi? Quid hæretis? Producite, Heu, Producite in publicum aspectum cruentos artus, extincta lumina, laniatum corpus innocentissimi, ac beneficentissimi Seruatoris. Circumducite per vias, per fora, per compita in testimonium mortalibus tantæ rei clamorū, in execrationem tanti flagitij sempiternam.

ECCLESIASTICA.

*Ante solemnem supplicationem cum Imagine Christi
Crucifixi in nocte Parasceues.*

PRÆFATIO ALTERA.

SI quid in nobis Christianæ pietatis inest, quæ certè inesse debet plurima: aut si quid in recta vitæ ratione laboramus, ut meritò laboramus plurimum: aut si quid in pijs, atque illustribus operibus perpetrandis nitimur, ut quidem summo perè niti par est, id profectò non nostræ virtuti, atque prudentiæ referre acceptum debemus; sed Christi potius cruciatibus, quorum memoriam luctuosissimam, ac longè acerbissimam pari lacrymarum nube ac luctu penè inconsolabili repetamus. Cum enim, durissima illa, quibus Christus Dominus est affectus tormenta, cum immanes cruciatus, cum turpissimum, atque indignum supplicium, quæ latroni potius immanissimo, quàm innocentissimo Viro deberentur, cum denique ignominiosam mortem mente complectimur, ita statim perturbamur, ita præ nimio dolore obstupescimus, ita contabescimus, nihil ut in tanta perturbatione, luctu, lacrymis, mœrore solari nos possit. Sed ut in tanto dolore lucus aliqua solarij saltem affulgeat, aio, neque despero me demonstratorum, gloriosissimam atque clarissimam turpissimæ, ignominiosissimæque mortis tolerantiam extitisse. Nam quemadmodum genitor in pugna obruncato superstitēs filij

tantam

tantam calamitatem, ac tam altè infixum vulnus, sola parentis fortiter in bello occumbentis gloria, sola gloriæ commemoratone temperare possunt; ita, si Christi mortem gloriosam fuisse ipsi nobis proponamus, si acerbiteratem, ac turpitudinem gloriæ compensemus, fluentes Christi desiderio lacrymas, & rorantes oculos à fletu, & gemitu iubebimus aliquandilū cessare. Quamuis enim nos parentis Christi nece ad lacrymas profundendas excitemur; tamen si parentis gloriā, si victoriā pereuntis animo complectamur; si ipsum in vniuersi Orbis theatro, atque in totius Mundi agone pro nobis potissimum concertantem, extrema omnia tolerasse, suæque morte atque interitu superbissimum illum triumphatorem, ac victoriā exclamantem hostem, delevisse penitus ac profligasse contemblemur; tantæ equidem gloriæ, ac tantæ victoriæ solatio videbimur à pertinaci dolore paululum reuelari. Quòd si tanto argumento, ac tantæ rei benignas aures præbueritis, Auditores, sentietis profecto non defecisse modò luctum vestrum ac lacrymas, sed illas etiam in gaudium, ac lætitiā demigrasse. At enim quid loquor? Vt publico consilio capi; vt spectante Iudæa vniuersa, ad Regum, Iudicumque tribunalia quasi scelestissimum mortalium raptari; vt infamibus manuum ac pedum ictibus violari; vt sputis foedari; vt ab impuris satellitibus derideri in Regum aulis; vt virgis ad necem cædi; vt ad ignominiam spinea corona grauari; vt calami sceptro donari, sit gloriosum; Vt illa ad gloriā tendant, Ad infame supplicium agminibus satellitum stipatum, indigno Cruci pondere oppressum trahi; innumeris à comitante milite verberibus ad terram trudi; demum inter latrones quasi latronum principem; inter flagitiosos quasi flagitiosorum hominum ducem in montis vertice, vnde vniuerso populo conspicuus foret, acerbissima Crucis, atque immanissima mortis multari? Quid enim illi ad summam contumeliā, atque ignominiam defuit? An liëtorum genus? An ludicum modestia? An Regum iudicia? At ipse ab infimo ac sæuissimo hominum genere, ab impio proditore, ab integra cohorte, vt nimirum seditiosissimum hominum capi intelligeres, manibus ad terga religatis, magnis clamoribus est pertractus. At ipse coram ludicibus insultantium militum contumelijs, sputis frequentissimis, & grauissimis ictibus est percussus. At ipse à Regibus derisus, & quasi demens alba indutus veste; tūc verò nocte tota flagellis ad immanem sæuitiā penè confectus, atque ad extremam ignominiam, non auro, sed spinis coronatus, & levis calami sceptro,

sceptro, sordentique purpura multitudini ingruenti ad summum dedecus ostentatus. An mortis genus? At ipse eo mortis genere, quo scelestissimus quisquam multari consueveret, altissima trahi clavis suffixus, ac barbara duritie iam extinctus, istu lanceæ confossus. Num hæc videntur illustria? Num magnifica? Num gloriosa nuncupanda? Illustria enimuero, & magnifica: Gloriosa omnino fuisse Christo vincula; gloriosa inflata palmis, & virgis assiduis vulnera; gloriosa aspera illa dumorum coronatio, & furentis populi aspectus; gloriosum ad mortem iter; ipsa verò mors, Crux ipsa, adstantis populi theatrum, latronum comitatus longè gloriosissima extiterunt. Ac quemadmodum egregia atque adeò beata dicitur sapientia, quod eos omnes, qui ipsam possident, illustres ac plane beatos possit efficere; sic ea gloriosa dicuntur, quæ perpetua gloria apud exterarum gentes, atque apud Orbem terrarum vniuersum, quæ æterno incorruptæ laudis monumento illustrare homines possint. An igitur gloriosa Christo supplicia, ac terribilissimam mortem esse non dicemus, quæ tantam illi laudem, famam, gloriam apud omnes comparauit? Quanto enim in honore vbique gentium habetur Crux illa, quæ morientis membra sustentauit? quanta in veneratione spinea illa, & aspera æquè, ac contumeliosa corona, quæ ipsius Cælestis caput ad iridentis populi spectaculum coronauit? Quæ porro spectacula in Theatris, quæ gladiatorum concertationes, quæ Olympica certamina, quinam horum ludorum victores, qui pugiles egregij, qui domitores equorum tantis laudibus, ac tanta gloria sunt condecorati, quot laudum præconijs horrenda Christi proditi, & vniuerso populo ostentati spectacula per omnes ætates, & sunt diffusissimè celebrata, & in posterum celebrabuntur? Quæ vnquam iudicia Reorum, aut Iudicum potentia, quæ inquam vel apud Populum Romanum Reo Deiotaro, ac Cicerone tutante, vel apud Atheniensem Rempublicam in Philippum Macedonem Demosthene actore præclara, tam insignia & decantata tantorum virorum præsentia fuisse, quam aperta illa & illustria, quibus Christus Seruator infimorum hominum sputis infamibus dehonestatus, alapis cæsus, vniuersis ludibrio, & contemptui habitus, noctem illam amaram agitauit? Num hæc omnia non gloriosa dicemus, quæ tot admiranda naturæ portenta ad perpetuum monumentum Orbi terrarum indicarint? Qui vnquam terræmotus, quæ concussionem, qui hiatus tam vasti, tam immanes, ac memorabiles extiterunt, quàm hi, qui hunc gloriosum Christi interitum comitari sunt, quorum

quorum etiamnum apertissima vestigia, & ingentia apparent argumenta. Nam ut in terris vniuersis id intelligas euenisse, Caictæ Mons, qui isthmum efficit, totus ex durissimo, ac ferro saxo (vt incolæ regionis traditione maiorum testantur) Christo moriente à summo ad imum medius crepuit, & in tanta ruina forte cadens rotundum saxum, vt posteris rei memoriam illustraret, hiantes Montis maxilla, & frustra reluctantes, ne iterum coalescant, vtrinque pressus prohibet, ac repugnat. Qui cursus cœlestium siderum tam nouus ante illum diem, tam inauditus, tam incredibilis, quàm is, qui præpostero ordine Cælos rapicens Terram vniuersam perturbauit; vt profecto non ab re celeberrimus ille amplissimi Senatus Atheniensium Princeps Dionysius dixerit, Aut totius Molis Creatorem, & Numen Maximum Numen pati, aut Mundo extremum fatum vel instare iam planè, vel certè appropinquare. Quæ quidem & alia innumera quis ab vlla vnquam Annalium memoria tanta ac tam incredibilia fuisse reminiscatur? Cecinerunt hæc tam Cælestes illi tibicines, & futurum terræmotum ingentem prænuntiauerunt, cum in Monte Deus Legislatoris munere fungeretur. Cecinit ipse horrendo tonitru, ac terræmotu longè formidolosissimo, cum vniuerso populo Hebræo leges statueret. Hic verò eadem planè ratio fuit; longè maximus rerum omnium motus, longè maxima perturbatio. Leges Deus in Sinai Monte, leges in Caluario dedit. Non reus (mihi credite) Crucem, sed Iudex tribunal ascendit: vniuersum Orbem terrarum ad iudicium ingenti tuba Terræmotus, Lunæ, Stellarum, Solis, Mortuorum excitauit, Deum se se ipsis hostibus, tremendum in modum demonstrauit; Maiestatem suam, potentiam, Diuinitatem tunc maximè explicauit, cum non modò Terram, sed Montes; non modò lacus, sed Maria horrendo motu concussit, ac penitus tremefecit, cum non modò fluminum cursus præposteros, sed Cælorum moles, ac sidera vniuersa Principem vitæ ac mortis hominum Solem, firmamentum denique, ac Mundum totum luxatum, nutantemque, ruptis polis, perturbatis axibus, cursu intercepto iam ruentem exhibens, genus mortalium tantis casibus coëgit perhorrescere. Quonam pacto melius se ludicem, se Principem, se Deum tota Natura inspectante, & formidante demonstrauisset? Quonam tempore tanta se maiestate Deum, & Iudicem ostendit vel maximè iratus, ac iniuriarum ultor, humanoque generi terrorem, & exitium incussurus? An cum imensis imbris Adami stirpem extinxit, atque ad internecionem

nem deuastauit? At tunc relicto gentium propagatore Nemo iracundiam mitigauit suam: Hic uero nullus in hac Mundi mole relictus est locus, qui eius in morte concussus non fuerit. Anne has tenebras cum illis conferemus, quæ Ægypto vniuersæ incubuere? At uero in illis vnicum miraculum emicuit, cum Soli tenebræ sint offusæ: hic autem cum inaudito portento vniuersi Cælestium orbium, & siderum cursus perturbati à solito itinere deflexerint, triplici miraculo Luna retrò cucurrit, superioris Cæli impetum eludens; Sol ipse radijs destitutus nullo certo motu incitatus à consueta eclyptica semita, atque adeo à vetusta Zodiaci fascia est deturbatus. Verum quod est magis admirandum, utorque post tot insuetos labores ad propria loca, & sedes est reuocatus. Quid quod illi Crucis tribunal (nec enim patibulum decet appellare) tam gloriosum fuit, ut obstupescita tanta gloriæ maiestate mortuorum corpora quasi classico à sopore expergescenda resurrexerint: quæ quidem cum in ipsius morte vitam assumpserint, atque ab æterno somno ad lucem sint excitata, illud fateamur, oportet, non utique ut morienti occurrisset, sed potius ut sedenti ludici, ac triumphanti Imperatori, gloriæ ac triumphi comites adstitisset. Deuicit igitur Christus, triumphauit gloriosissime, atque in excelsa Crucis curru longè maiore cum gloria, quàm quisquàm mortalium laurea coronatus est redimitus. Sed cum triumphi, ac coronationis pompa ex belli magnitudine, ac victoriæ claritate sit petenda, Videte, quàm insignem triumphum duxerit, quantum bellum confecerit, quanta cum laude, fama, gloria dimicauerit. Bellum gessit ante hanc diem inauditum, incredibili celeritate, ac sua virtute protritit hostibus captiuum genus humanum arctissima oppressum seruitute, ex ferreis vinculis & compedibus liberauit. Soluit laboranti iam, & labefactato Orbi terrarum immanissimam obsidionem, qua semper durissima, & acerbissima fuerat circumseptus. Atque hac tanta victoria tam latè hostes deuastauit, tanto periculo mortalium genus extinctum fere ac deletum vindicauit, ut hostes ex illa pugna non modò non aggredierentur rursus bellum, & corroborarentur, sed debellarentur penitus, atque reuincti in triumphum ducerentur. Gloriosam profectò victoriam, Gloriosissimum partum sua morte triumphum, longè gloriosissimam mortem triumphantem. Nec mihi quisquàm rem aliam insignem à Deo factam, vel admiratione, vel gloria, vel magnitudine audeat comparare. Quod si à nemine non suspicitur opus illud omnium primum; cum Deus Diuinitatis suæ si-

gnum primum ac monimentum statuens vniuersos hosce Cælos, alterum ab altero circumseptum, suo peculiari ac certò cursu vagantem fabricauit; eorum alios nullo igne, alios vno tantum, alios verò pluribus exornauit: Cum Terram rerum omnium, umbilicum ab omnibus elementis oppugnatam sua in sede locauit immobilem, atque homine condito cum tot animantium generibus locupletauit: Quanti denique esse debet cum hominis ipsius asserta salute, Orbis vniuersi reparatio? Egregia fateor, ac Dei propria illa fuere, cum post cætera omnia hominem ipsum rebus cæteris longè admirabiliorem, Diuinæque similiorem naturæ condidit, in eum pulchra omnia, & præclara ingessit, illi vni cætera cuncta fabricauit, illi in res omnes imperium tradidit: Gloriosa hæc fateor, & à nobis, quorum est causa communis, innumeris laudibus celebranda. At verò ipsum hominem è faucibus Tartari ereptum seruare; hostes suos ipsdem, vinculis, quibus ille tenebatur, religare; ex captiuo liberum; ex homine Dei filium facere; æternis destinatum supplicijs ad æternam beatitatem extollere, quanta hæc tandem esse, quàm magnifica, quàm gloriosa, quàm Diuina existimanda sunt? quantis hæc laudum, lætitiæ, festiuitatis vocibus sunt nobis prosequenda? Nam tantò nobis iucundior illius diei memoria esse debet, quo conseruamur, quàm quo nascimur; quanto iucundius nobis est ab immenso ærumnarum labyrintho liberari, quàm dubio vitæ cursu edi in lucem, & procreari. Cum enim conseruamur, certò salutis acquiritæ perfruimur gaudio, & ob adeptam libertatem non dubia lætitia gestimus: cum verò ad hunc vitæ spiritum hauriendum à Natura generamur, incerta vitæ conditione, incertòque cursu iactamur. Quàm insigne igitur Christo Deo, quàm gloriosum fuit ex tantis nos miseriarum voraginibus vindicare! Quàm igitur honorificum ex hoste fremente tulit triumphum! Quantò maiores idcirco habendæ illi gratiæ, quòd nos liberarit, quàm quòd condiderit? Quantò maius à liberante, quàm à procreante Deo beneficium acceptum referendum? Quantò maiorem in nos beneuolentiam, charitatem, pietatem perspectam fecit, cum ab intolerabili seruitute redimeret, quàm cum crearet? Quàm sanè charitatem cum mihi ante oculos mentis propono, tantam eam esse, tam incomparabilem, tam incredibilem constituo, vt tantam Deus ipse nusquam nobis demonstrarit. Non cum per immensa terrarum spatia, per inuias solitudines Hebræorum gentem toto quadraginta annorum decursu paupit è Cælo, ac sustentauit. Non cum inuictas robore, armis,

multi-

multitudine gentes, atque innumeras copiarum congeries Israë-
litarum populo vndique ingruenti infestissimas, aut obfistentes
Urbes munitissimas, ac Gigantum gentem longè formidolosissi-
simam nullo illorum incommodo, paucisque illorum copijs de-
leuit, ac trucidauit. Non cum furentem Ægyptium Regem,
Hebræis extrema omnia minitantem, vniuersoque cum exerci-
tu insectantem varijs afflixit cladibus, atque ad extremum aper-
tum Iudaicæ genti Rubrum pelagus intrantem, aquarum rui-
na repente oppressit. Charitatem igitur verè incredibilem,
Charitatem incomparabilem. Quapropter quis non lætitia potius
effletur? quis non gestiat, cum tot cruciatus, ac tormenta,
cuni mortem ipsam Seruatori nostro gloriosam extitisse animad-
uertat? cum ea omnia, quibus ille fuit acerbissimè tortus, sum-
mo sint in honore apud Orbem terrarum, summa in veneratio-
ne? cum ea insigni classico non modò vniuersi Vates ante ip-
sum, sed saxa ipsa, & moles montium cecinerint, ac mirandum
in modum decantarint? cum ipsi mortui tanquàm ad præpoten-
tem Iudicem se contulerint rediuiui, vt de Mortalium impietate
conquererentur? Quis verò non demiretur tantam pugnam,
tantumque triumphum? Quis non obstupescat, atque vnus in-
genij Diuini fateatur inuentum, quòd hac potissimum via cen-
suerit Æternus Opifex Humani generis instaurationem esse pe-
ragendam? Quis non huic actioni comparatam paruipendat ip-
sius creationem Hominis, ac totius Mundi portentosam collo-
cationem? Quis dignè memoret charitatem illam Seruatoris qua
sibi mortales sempiterno obstrinxit beneficio, cum, vt ipsos ser-
uaret, se ipsum seruare recusauit? O gloriosam Christo, quam-
uis ignominiosam mortem. O acerbam gloriam, O glorio-
sam acerbiteratem. Atque vt nos in morte Christi victoris vi-
uere, ac triumphare publica significatione testemur, cetera-
mus vnanimis in morem triumphi sacrosanctam illius in Cru-
cis curru imaginem: deducamus quòd possumus pompa maxi-
ma; prosequamur quibus possumus, pijsimis acclamationibus;
Illudque etiam atque etiam curemus, vt tantum dilectionis,
beneficentiæ, pietatis exemplum ante oculos nostros proposi-
tum studio imitationis pro virili nostra parte prosequamur.
Dixi.

ECCLESIASTICA.

*Ad Beatissimum P. Alexandrum VII. Pont. Max. In catu
Præfulum deliberantium super Consecratione (vulgo
Canonizatione) B. Francisci de Sales
suffragium affirmatiuum.*

Post ostensum Orbi Christiano illud Hispanicum * B. Thomam à Villa noua; æquum erat ostendi & Gallicum, B. Franciscum de Sales, Vnum & alterum quidem per Sanctitatem Tuam, Beatissime Pater. Ego verò Herois huiusce Galli vix audiui nomen proferri, cum recurrit in mentem oraculum admirabundi lobi: *Quis dedit Gallo intelligentiam?* Scilicet auem domesticam (quæ ex Patrum sententia Præconem designat Diuini Verbi) Author Naturæ non modò fecit vigilem, omnibus de nocte somno deditis; sed etiam vocalem, atque adeò stridulam, vt obdormientes per certa exciter interualla. Iam quis non miretur opus Diuini Numinis? Cum in nocteram multarum hæresum superiore seculo toti offusa Galliæ prospexit Beatum Franciscum Salesium, natione Gallum, & facultate, præ cæteris heroicis virtutibus Episcopo dignis, ita vigilem inuisendo singulas ditionis suæ domos, & familias; ita concionibus Evangelicis intentum, atque irrequietum, vt non domestici tantum, hoc est ex Gebenensi sua Diocesi homines, sed exteri quoque, propinqui atque remoti ex vniuersis Gallijs, eius voce audita, excitati, experrecti, commoti, somnum hæresum excusserint, noctem impietatis fugauerint, lucem veritatis catholicæ aspexerint, adorauerint, & ij quidem (Proh mirum successum) ad milia hominum septuaginta duo: Quis inquam hæc intelligens non obstupefactus sciscitetur cum Iobo Sanctissimo: *Quis dedit huic Gallo intelligentiam tantam?* Deus vtrique prouidentissimus dedit. Tu, Beatissime Pater, Dei ipsius Vicarius, par est, declares: ac tantoperè de Christiana Re meritum Antifistitem, iam Te. ris creptum, ac Cælo receptum, honores Diuorum meruisse, ritè pronunties. Ita sentio N. N.

* N O T A .

D*Vos è numero Beatorum Virorum ritu solemnè retulit inter Sanctos Alexander VII. Pontifex Maximi Priore loco B. Thomam à Villanova, posteriore B. Franciscum de Sales.*

ECCLE-

ECCLESIASTICA.

Pro nocturnis vigilijs ante feriam VI. in Parasceue. In sacra pompa triplicis ferculi, tres Actus pie Christi tragædia representantis.

I. **I**N Primo Ferculo Christus Dominus in horto Gethsemani sudore diffuens: Expergiscimini, heus, quotquot adessis, Pij spectatores: Colligite dissipatos animi sensus. En Magistrum cœlestem nostra causa vigilem: Quid ego? Imò verò procumbentem, singultantem, semianimem. Et quidem vulgò ipsa mortis expectatio mors est, vel potius morte peior. At herclè qui frigidis detinentur sudoribus, ex medicorum decreto morti proximi sunt. Christus igitur cùm in mortis contemplatione sudore diffuat, iam in media morte versatur, iam æstimat animo grauissimos cruciatus; &, quos sigillatim dolores laturus est, altissima cogitatione omnes colligit. Natura sanguinem expellit, quem profusura est, & non minus vehementer animus mortis cogitatione peccat mortuus, corpus vulnerat, quàm si ipsa versetur morte. Cùm externus timor ingruit, pallent membra, sanguis vitæ sedem, idest cor ipsum petit; Nunc verò vulneratur anima, transfigitur ipsum vitæ domicilium; quare fugiat indè sanguis; necesse est, atque in exteriora impetum faciat. Vibices sanguinem ad cutem deducunt, vulnera etiam extrahunt: Quæ vulnera igitur sanctissimum Virum & Deum transfixere, quæ toto ex corpore sanguinem extraxerunt? aut quæ pars vacauit à vehementissima plaga, si totum corpus sanguine maduit? Alexander cùm sudore maderet, se se in frigidissimum amnem coniecit; indè pene spiritu destitutus à satellitibus extractus, vix saluti redditus est. Christus Seruator dum manantem sudorem retinere conatur, sanguine destituitur: Quæ verò Animæ lucta? qui labor corporis? Nescias, utrùm morbus grauior, an medicina.

II. *In altero Ferculo Christus Dominus per prodicionem comprehensus. Heu vices infandas. Intuemini Vos, execramini: Quid enim acerbius, quàm malè collocare beneficium? Quid porro grauius, quàm perdere? Sed quid magis intolerandum, quàm perdi ab eo, cui benè feceris? Capitur Christus IESVS, non à Prætoria cohorte, sed ab eo, quem ipse in sinu aluerat. Quàm ille scelestus, à conuiuio ad carnificinam, à cœlestibus epulis*

epulis ad latrocinium: Sed quis dubitet hoc Redemptori optimo ipsa morte grauius extitisse? Moriebatur ipse immortalis vitro, vti animas mortalium à morte liberaret; nunc pergit ad mortem, videns frustra esse consilium suum, & mortem suam irritam esse; nam amicissimos suorum, vt se interimerent, æterna morte tumulari conspicit: Paulò antè se ipsum Sacramento suis rotum tradiderat, nunc se tradit hostibus à dulcissimis amplexibus ad arctissima vincula transitu factò. Non emisit Cæsar voces, dum Caschæ, & Cassij scelesta in ipsum arma stringerent: Quid enim formidaret mortem, quàm per tot arma & cædes quæsitum ierat? Sed vbi Brutum vidit, tunc qui mortem contempserat, cruciatum morte acerbiorum animo hausit, sustulit vocem, non pertulit tantum dolorem. Sic IESVS ad omnia constans, vbi amicum vidit, in ipsum perfidiæ, ac prodicionis tela stringentem, non tenuit vocem *Amice ad quid venisti?* quia dolor mortis ad mortem properanti non erat grauis: hoc scelus, hoc spectaculum si vocem excussit, quàm in morte tenuerat, quanto violentius credendum est animum concussisse?

III. In Tertio Ferculo Christus IESVS flagellis casus. Pax, quid hic cernimus! hocceine verò siccis oculis? hocceine torpenti animo? Perpendite rem mecum pij homines. Nuditas siue ad honorem vergat, siue ad ignominiam, nunquàm non mediocritatem excedit. Nudi descendebant in campum: decorum hoc erat. Sic Alexander nataturus, se coram exercitu nudauit: hoc luctæ signum est. Luctaturus igitur cum morte Christus, se ipse nudauit. Sed quid magis miserum nuditate paupertatis filia, alumna ignominia? Quid augustius virgis? Illæ Consulum maiestatem armabant, signa potentia, argumenta imperij: Sed quid iisdem acerbius? Mortem præcedebant supplicia, & quasi feralis quædam vox illarum fragor æstimabatur. Ergo vtrumque passus est Christus, nuditatem ignominia, virgas sæuitia plenas, vt plures carnaifices vnus mortis artifices essent, & multarum mortium instar vna mors censeretur. Qui natus non habuit, quo involueretur, voluit pari nuditate moriens testari, se eundem illum esse, qui natus fuerat, natus inter bestias, moriens inter feras. Veritatem nudam prisci pingebant: Atqui Veritas Deus est: debuit igitur nudare se Deus, vt se & Deum, & Veritatem esse fateretur. Priscis temporibus cum Græcia scalpendis marmoribus æternitatem ingenij commendaret, Chori cum Praxitele de Veneris simulachro conuenere; duas

duas ille sculperat, alteram velatam, specie alteram nudam. Illi inepti sanè iudices velatam accepere; illam verò nudam reputatam emere Nidij immensa differentia famæ: nam propter eam Nidos visebatur. Sic immensa differentia est inter Christum velatum & nudum. Nicomedes Rex, si Venus nuda sibi traderetur, æs alienum Ciuitatis dissoluturum se promisit; Christus nudus, æs alienum Orbis terrarum, & generis humani omnes dissoluit.

I V S C A N O N I C V M.

S ACROS Canonas, nuncupationis apprimè venerabilis in Orbe, Christiano, Regulam esse, qua vitæ humanæ ad felicitatis centrum lineæ diriguntur: lydium lapidem esse, quo sanctitas veræ religionis, & sincerus rerum sacrarum cultus exploratò probatur: Achatem esse, in huius curriculo vitæ mille casibus obnoxia perquam fidissimum: Vallum esse, quo mentibus, ac moribus obuersantia purgamenta incernuntur: Filum esse, cuius ductu labyrinthos humanitatis flexus, erroresque inextricabiles euadit suo quisque statu incolumis: Pixidem esse nauicatoriam in hoc mortalitatis æstu iactatis, cuius diligenti obseruatione declinantur criminum Scyllæ, illecebrarum Syrtes, libidinum charybdes: Denique lucem esse, ac ducem, qua illi caligantem rationem nostram cæcos inter horrores cupiditatum collustrant, qua callem ad Cælum indicatis offendiculis, quæsitis compendijs expeditum, tutumque præbent calcandum; vna vos mecum sic asserturos esse non dubito, Viri sapientissimi. Ex quo quidem affirmare fas erit nobis, desertores sacrorum Canonum, eosdem simul esse desertores Christi, vsurpatores idcirco petulantissimos eius, quod inaniter iactitant, nominis Christiani. Hic video arenam pandi ad illam quæstionem, quàm, licet olim Theologantium quorundam graui censura direptam, non inutile tamen fuerit (credo) aduersus hæreticorum, siue insulsi-tatem, siue impudentiam hoc loco suscitari. Ea vero in deliberatione est posita; Aduersus quosnam sacrum bellum potius mouendum, Turcas, an Hæreticos? Cuius quidem disputationis cardo in eo nititur, Vtri istorum peregrini magis habendi sint nobis, seu (remoto illo modestiæ titulo, siue magis leniamento significatus de vsu veterum latinorum) Vter hostis infensior, vter perduellis atrocior Reipublicæ Christianæ censendus, Hæreticus, an Turca? Hunc cinè mihi quisquàm indigitet? Quidni potius

potius illum? Adimite Vos arma Turcis, tradite Hæreticis: Concedite quidem certè pares vtrisque vires: Cedo, vtri hostes perniciosiores istorum Catholico nomini? vtri formidolosiores? E plane, nec immeritò, qui magis infensi, atque odio acerbiorè in Romanam Apostolicam Sedem accensi. Nam quòd ita latè amplificatum hodiè, atque firmatum videmus Imperium, Othomanicum, Naturæ id quidem tribuendam ducò insulsiſſimæ superstitionis, quàm miraculis factitijs, quàm imposturis, maximèque viuendi licentia impius Mahometes inuexit. Quòd verò non ita serpsèrint vires hæreticorum, quòd certis definitæ regionibus, prouidentia omnino dandum cælestis Numinis. Quis enim Populus, quæ gens in Orbe terrarum, ita sanctè Christianis placitis instituta, ita dogmatibus orthodoxis salubriter imbuta, atque obfirmata, quàm non de facili, atque adeò præsentissimè inficiat, atque enecet tartareum virus hærescos? Est quippè minus multò metuendus apertus hostis, quàm occultus. Ac Turca quidem hostis, cum palam feratur Christiani nominis, haud ægrè per nos collectis viribus præuertitur expeditionem meditans, ac propulsatur; nomenque ipsum, si modò insonet, ad machinas illico, non solum præsidia nos ciet. Quid hæreticus? Christianum hic vsurpans nomen, Christiana explicans suis in castris vexilla quàm belle his artibus incautos è Catholicis circumuenit? Quamobrem armis dolos adiungens, quas (bone Deus!) ediderit strages, quæ funera sparserit in nostrates? Diuino itaque consilio cautum dicamus, oportet, vt conceptum exitiale odium inter sese, discissi in sectas varias hæretici exerceant, quo minus ijs suppetat, vnde Catholicos intestinis distracti contentionibus diuexent. Atque quò planior adhuc nostra fiat oratio, quid quæso, obiectant Scythis hæretici? Quòd Christum nesciunt, Mahumetem colunt? Athi contrà iactent se scire Christum; certè Mahumete deterius monstrum, hoc est sui ipsorum ingenij chymæras colunt; peruersum sensum Diuinarum rerum, Numinis habent loco, abiurata Ecclesiæ veteris disciplina, conculcatisque Canonibus sacrosanctis. Scire autem Christum, Christi sponsam negantes Ecclesiam? Christi Vicarium in terris conculcantes? Christi præcepta violantes, consilia euertentes, ritus proſcribentes, Sacramenta pessundantes? Proh Deum immortalem: hequa alia in terris tetrior pestis? Ecqua Hydra truculentior? Ecqua detestabilior, atque hominum memoriæ horribilior appellatio? Huic tanto, ac tam exitiali malo obiectos habemus miseratione Numinis singulari sacros

Canonas,

Canonas, quorum obseruantia religiosum hominem, despicientia profanum prodit. Verum procul hinc esse profani, adeste modo religiosi, atque hodierno confesso materiem hanc dignam Christianis auribus, per exponenda mox capita mecum vnà discutite.

G R A T I Æ.

Disceptauius super sacris Canonibus, non tamen disceptantes: altercati sumus, sed consentientes. Vt enim hæreticis nota fœdissima, in suo sensu contra rectum, contra verum, pertinaces hære; ita decus eximium Sapientis, Veritati sacræ facere, sensu proprio ablegato. Ego tamen in hoc, nec citra laudem hærebo pertinax, vt humanitati vestræ gratias pro adhibita præsentia pares per me agi nullas posse contendam. Dixi.

I V S C A N O N I C V M.

RVis initio rerum humanus Mundus; & vt Regia testæ cūm ruerint, ita ex collisione fœdantur vniuersa, vt ex ruderibus vix membrum aliquod incolume, aut certè insignis particula ædificij ab exitio seruata postmodum eruat. Haud secus vsurpare nobis fas est, Virtuatissimi, de lapsu illo nunquam non mortalibus complorando Principis hominum Adami, quæ in lapsu tamen cum reliquis inæstimabilis prætij ornamentis, quæ splendide in eum ad filios posterosque transmittenda congefferat Cælestis Conditor, ipsa quoque notitia Diuinarum rerum perierit; tamen inter errata Philosophiæ veteris quasi rudera consulptæ sapientiæ extant, fortè fortuna, placita de Deo nonnulla, veluti fragmenta, tanti illa ponderis, atque æstimationis, vt & admirationem nobis ipsis Doctore Deo è Cælis lapsæ eruditæ ingerant maximam, & auctoritatis plurimum irreligiosis quibusque, & in impietatis caligine demersis afferre debeant. Ita quemadmodum inter tot veneranda lipsana Romæ veteris vix pauca quædam è ruinis effossa cernuntur integra membris, atque intacta, cuiusmodi visitur in Capitolio signum, Herculis superstes Templi ipsius excidio: Plura è contrario membris discerptis effracta, quæ studio, atque opificio nostratum concinnata, & restituta videmus, quo de genere sunt obelisci duo eximie speciei, ac proceritatis è Circo Maximo defossi superiore seculo per Sixtum V. animo planè Regio, ac prisca Cæsaribus æquando; alter in Celio Monte, alter ad

H H

Portam

Portam Flaminiam erecti. Tandem nonnulla ita contracta, & comminuta, vt quæ olim signa hominum forent spirantissima, post ad probrum artis, & contumeliam antiquitatis, vel casu miserando, vel iniuria barbarorum impudentissima nudos truncos humanorum corporum verilus dixeris, quàm signa hominum imminuta. Eius sanè conditionis celeberrimum illud ostentat Roma recens ad hortos Vaticanos in Villa vulgò Belvedere, vulgari idcirco appellatione Truncum Beluederis, tanti apud artis magistros habitum, vt in eo vno contuendo, obseruandoque Michaël Angelus Bonarota, ille antiquitatis æmulator, ac posteritatis miraculum, studium se suum potissimum, siue picturæ artis, siue sculpturæ ad humanas exprimendas imagines insumpsisse dictitaret. Cui quidem trunco admirabilitate operis proximè accedit signum alterum ad Ædes Orsinas expositum, quàm lasciuia vulgi petulantissima nomine diffamatum Pasquini, tam peritissimi cuiusque iudicio vindice maius habitum omni æmulatione. Similia quædam, Auditores, antiquis philosophantium ferè conueniunt; quorum placita de Deo, sana quidem nonnulla perspicietis, & sanæ consona Theologorum doctrinæ; illa verò oppidò pauca, veluti cum Deum causam causarum aliqui appellant; cum Deum beatum, ac felicem asserit Stagirites, non propter aliquod aduentitium adiumentum, sed per se ipsum, & quod natura sit bonus; cum prædicat Plato, charitatem Dei, causam fuisse factionis Mundi, & originis omnium rerum; Cum Tatium Trismegistus docet, Deum latere simul & patere; id est sensibus humani corporis latere, patere autem oculis mentis, & per singulas Mundi particulas vbique splendere, resque omnes, quæ se nobis obijciunt, eius esse imagines. Quædam porrò manca, atque corrupta quemadmodum idem Trismegistus scitè in partes docet Æsculapium, In solo Deo bonum esse, alibi verò nequaquam: & hanc quidem disruptam sententiam faciliè est concinnari, & quod hic deesse membrum videmus; è proximo quasi inter ruinas inuentum, seruatumque restitui. Quoniam ex ijs, quæ Tatio ille tradiderat, promptum est fragmentum illud, vbi Deum alloquens, ait, *Es quidem intelligens Pater, fabricans Deus, efficiens bonum, bonâ faciens omnia*: Hæc ibi Trismegistus consentiens vtique, cum Sacrosancto Mosis oraculo, vbi de Mundi fabrica sic habet: *Et vidit Deus cuncta, quæ fecerat, & erant valde bona*. Ita demum exabit instar resectæ statuæ mirandi opificij placitum Theologicum, Quod in solo Deo bonum est

est per essentiam, in creatis verò bonum dumtaxat per participationem. Denique mutila quædam, & monströse trunca apud veteres illos insulsè sapientes occurrunt; in quibus tamen nescio quid elucet mirificum ad nostram Christianorum eruditionem. Tale quiddam videtur mihi, quòd docet Seneca, Deos immortales nec obesse velle, nec posse; naturam enim illis mitem, & placidam esse, tam longè remotam ab aliena iniuria, quàm à sua. Quo quidem ubi Deorum pluralitas confingitur ab eo, qui Vnitatem alibi statuerat, quid monstrosius? quid autem diuinius ad referendam nobis inuictæ Dei erga nos patientiæ, ac benignitatis notitiam? Quamobrem si, Roma quanta fuerit, ipsa eius ruina nos docet; quæque in dies extrahunt fossore in lucem viuientium ad spectaculum, & admirationem, satis deprædicant Urbis antiquæ faciem magnificentissimam, ac detestandam partim esse tantam iniuriam, partim quoque æmulis operibus, ac molibus pro virili reparandam. Eundem ferè in modum, Auditores, in casu luctuoso humani generis agere nos oportet; Vt, quando cognitionem Diuinorum tenebris obrutam ignorantia animaduertimus, exquiramus lucem in rerum ortu nobis exortam, exquiramus ex philosophia Christiana faces (abundè enim ibi suppetent) quæ cæcas mentes nostras fulgore suo illustrent, infirmas roborent, vacillantes confirment. Verumtamen post lustrata è Catholicis placitis sublimia de Deo mysteria, quibus tandem gressibus ad ipsum Deum, beatitatis suspirandum fontem assequendum accedamus, quibus summum illud bonum nostram in potestatem detur redigere (id quòd planè beatos nos fecerit) non hæc quidem sunt partes philosophiæ, sed sacrorum Canonum, quibus ratio Christianæ disciplinæ perstringitur, mores perficiuntur, vita Cælum versus instituitur: Siquidem ex Paulo Doctore gentium, non auditores legis iusti sunt apud Deum, sed factores; neque linguæ consentienti cæleste pollicetur præmium iustissimus iudex; sed vitæ simul per omnia concordanti. Ergo super materie sacrorum Canonum præ cæteris multò grauissima, ne sit vobis, Auditores, ingratum, pauca quædam capita in medium proferri, ad pleniorum ipsorum intelligentiam disquirenda.

G R A T I Æ.

Detestati initio sumus (si meministis, Auditores) ignorantiam de Deo humanam ex lapsu Principis hominum nobis obortam. Ego quantum debeam vobis, non ignoro equi-

dem : sed quibus exprimam verbis , quia planè ignoro , non hoc , quæso , tam ignorantiaë tribuatis meæ , quàm vestrorum magnitudinai meritorum .

IVS CANONICVM.

E Voluenti mihi pridem Ecclesiæ priscos Annales , & labores sanctissimorum illorum Pontificum pro Re Christiana sudatos curiosius repetenti occurrit , casu herclè non cæco , memoria celeberrima Diui Leonis Primi , quæ multiplices inter quæstiones in sacros Canones versanti , argumentum proludendi hodiernæ disputationi quàm grauisimum indicauit . Ecquis vestrum (Eruditissimi Viri) non meminit eius sæculi , quod etsi abhinc iam decimum numeretur ; in hac tamen supra millenariorum fugiente antiquitate habet , quàm suspiciat præsentissimam non tam virtutem Diuinam eiuscæ Pontificis , quàm temporum illorum miserandam conditionem . Duæ res in primis feruntur id sæculum insignisse , inuasio Athilæ in Italiam , & eruptio Nestorianæ hæresis in Ecclesia . Vtra verò calamitas perniciosior fuerit Reipublicæ , conijciatis licet ex ipsa morbi natura , cui curando opus fuit non nisi Leonis nostra opera , digna omninò , vndè is cognomentum Magni apud posteros inueniret . Magnum enimuero ausum (vt hinc ordiamur) occurrere Leonem Athilæ in medio cursu conuolantis victoriæ ; obijcere se incremem armato , religiosum barbaro , Pontificem Tyranno , quæ maximè tempore hic non tam subiugatis retrò populis , ac potentissimis Principibus insolens , quàm cunctatione insperata Aquileiensis expugnationis immaniter irritatus , cum mole infinita barbararum copiarum , in ipso Padi traiectu spirans minarum , ac funerum ad Urbem Orbis dominam , cui potissimum inhiabat , vastabundus raperetur . Quæ autem vis in humanis , aut quæ armata potentia pugnantem illum susteret , ferocientem reprimeret , currentem reuocaret ? Sed stitit Leo noster , stitit , repressit , reuocauit ; vi certè superna , potentia munitus Numinis , Diuina inquam eloquentia , atque oris Cælesti maiestate , excusso quasi imbre densissimo , tantum illico extinxit incendium . Atque hunc fortè quis dixerit apicem gloriæ , supra quem non liceat Leoni Magno conscendere . Sed hic tamen conscendere se altius posse intellexit , cum sibi obiectum vidit monstrum tetrius , ac truculentius , Nestorianæ nimirum vesaniæ , inuicta sua virtute opprimendum .

An

An quisquā sanæ mentis commiserit belli incommoda cum hæresum peste? Hanc enim nuncupationem hæreticis passim attribui comperimus . In Cathedra pestilentiae (vt è Psalmo primo) sedere hæreticos affirmat Diuus Remigius : Arianos cæterasque huiusmodi pestes detestatur palam Innocentius Papa : Marcion , & Basilides , ac cæteræ hæreticorum pestes audiunt à Diuo Hieronymo . Cuius equidem mali scitiam generi mortalium delendo naram nemo negauerit ; tanroque id atrocius , atque funestius Martiali qualibet calamitate , ac ruina ; vt scitissimè Philibertus Marchinus è Clericis à Diuo Barnaba nuncupatis , doctissimum opus suum de morbo Epidimiae , Belli Diuini titulo inscriptum voluerit ; Quasi non melius exponi ratus posse naturam pestis , quàm si per eam non viribus horum imbecillis , sed Numinis ipsius omnipotentia gerid bellum ad humanæ interneccionem stirpis diceretur . Porro armatur vterque (quis neger?) in hominum perniciem , Tyrannus , atque Hæreticus ; sed alijs armis , & arte alia . Ille siquidem , ferro munitus incedit , hic calamo : Ille instructus telis , hic falsis dogmatibus : detonat ille , hic susurrat : Ille campo aperto , hic clandestinis congressibus : Ille machinis , hic cuniculis rem gerit . Sed ille agris humanum cruorem , hic animis tartarei erroris venenum affundit . Et ille quidem corpora impetens , fortunis inhians , munitiones expugnans execrabilem se minùs reddit , quàm hic feriendis animis , corrumpeendis moribus , prædandis virtutibus , principique virtutum Fide extinguenda , atque indè Christi Dei cultu funditus euertendo . O monstrum Hærescos teterrimum . O pestis excita Erebo , quid non diruis in Ecclesia Christiana ? quid sanctum non infectum , non pollutum , non violatum relinquis ? Vsque eò funestior , quàm bellum , est hæresis , Auditores , vt non dubitet Diuus Augustinus luculento sermone in Psalmum xxxix . Tyrannis Idololatri in Christianos apertè scruientibus , atque horrenda quæque suppliciorum genera Cacodæmone auctore exercentibus , perniciem hæreticorum , immanitatem , truculentiam anteferre . Quid ? Affectus hoc fuit astu tartareo Iulianus Augustus defector Christiani cultus , idemque hostium Christi insensissimus . Hic post exercitam omne genus crudelitatem in nostros , post innumeros cruciatibus inauditis Martyres Christo transmissos , post deletas cum familijs totis Ciuitates frequentissimas , perditam demùm aduertens operam suam , mutato protinus consilio , à vi ad dolos , à supplicijs ad hæreses tanquàm ad validiores conuer-

conuersus machinas, atque Donatistarum effectus fautor, quas illis Basilicas Constantinus Magnus in Christianos, nomine iam dato abstulerat, ipse ab ijs deficiens restituit: effecitque (inquit Dinus Augustinus) vt cum adaperitis Hæreticæ factioni Basilicis, suis etiam Dæmones Templis adaperitis exultarent; Ea scilicet ratione persuadens sibi impiissimus defector, Christianum nomen sibi tantoperè exosum posse perire, ac tolli de terris, si vnitati Ecclesiæ, de qua lapsus fuerat, aduersatus, sacrilegas diffensiones liberas esse permetteret. Huius igitur tantæ laboris obiecti per Nestorianos Leoni nostro quis non exhorrescat aspectu? quem verò non recreet illius animus, interritus quidem, non tamen inconsultus; quippè difficultatem rei conspicatus, non suis tantum fretus opibus, nec via singularis congressus, vt olim aduersus Athilam; at contrahendas vndique esse vires putauit, atque aduersus formidandum maxime perduellem Nestorium esse cogendum Concilium in Vrbe Chalcedonia ex flore totius Orbis Christiani, quo in Concilio sexcentorum, & triginta Antistitum conspirantibus suffragijs Catholica veritas, proscriptis Nestorij erroribus triumphauit. Sacri itaque Canones extremis Ecclesiæ malis, extrema extitere remedia, quos, etsi Pontifex Maximus, qua pollet à Cælo auctoritate, condere ipse per se possit, Numine sibi certò præsentè, nec falli vnquam, siue vbi de vera fide agitur, siue vbi de morum disciplina: Consuli tamen par est Ecclesiam vniuersam, quæ sponsum amantissimum Christum IESVM à se nunquam recessurum non dubitat. Saecrorum verò Canonum intelligentia, quàm sit hominibus Ecclesiæ addictis proficua, atque adeò necessaria, cum ex ijs, quæ hætenus sum præfatus, tum plurimum ex disputandis mox vobiscum, si tamen non dedignabimini cognoscetur.

G R A T I Æ.

DVplici tele (vt audistis) expugnauit perduelles Ecclesiæ Leo Magnus, oratione, & Concilio; Voce, & scripto. En uincti hinc Athila, indè Nestorius in triumpho; Ego hinc documentum peto aduersus hostem immanissimum, Animi ingrati vitium: Et quando, vt gratus prober erga humanitatem vestram, Auditores, nulla mihi suppetit oratio, aut digna vox, beneficium cerrè hodiernum in animi mei sacrario sempiternis notis scriptum fore polliceor.

I V S

I V S C A N O N I C V M.

E Am esse intelligo (Viri Auditores) creaturarum rerum conditionem, ut, quando ex placito philosophorum. Vnumquodque resoluitur in sua principia, & ex oraculo cælesti luculentius, *Ad locum, unde exeunt flumina, reuertuntur*; mirandum idcirco sit nemini; cur, sicut ex nihilo omnia processerunt, in nihilum quoque ea tendere obseruemus, si minus reuerti. Ac quemadmodum vnus est sempiternus ac immortalis Deus, omnium origo rerum, & auctor in tempore; cui, quod à se ipso est, bonum esse, inexhaustum, infinitum, immensum; ita à bonitate indeclinabile, incommutabile, imperturbabile: consequens illud est profectò, ut emanantia quæquæ ex ipso, & in modulo dumtaxat bonitatem participantia, velut quidam è fonte diducti riuuli processu, ac tractu decrescant, sensimque absorbeantur, ni nouus continenter ex primo ipso capite succurrat humor, ac nouæ quasi scatebræ bonitatis deriuentur. Non absimili ratione intelligimus vsuuenire in re literaria, in artibus, in scientijs, quæ quidem opes sunt animi, & à quibus multò solidius, multoque felicius, quàm auro, gemmis, caducisue è cænofo isto elemento prouentibus homo dâtescit, id est bonus efficitur, atque utilis Reipublicæ. Quàm sæpè verò fieri videmus, ut tantis opibus comparatis peruerso studio quis abutens, deterior in bono reddatur, & inopia ipsas inter opes miseranda deiectus iaceat, Nisi è fonte illo bonitatis inexhausto Deo subsidium petat? Non temere itaque, imò præclare ad nostrum exemplum Ethnici quondam Scriptores, qui de scientijs, & disciplinis præceperunt, bonitatem vitæ, ac morum cum studio, & cultu disciplinarum committi ita seuerè iusserunt, ut potior rem à natura, non parcm, aut comitem bonitatem ipsam constituerent: *Non eo tamen (ait instituens oratorem Quintilianus) quòd si vis illa dicendi malitiam instruxerit, nihil sit publicis, priuatisque rebus perniciosius eloquentia; sed nos quoque ipsi, qui pro virili parte conferre aliquid ad facultatem dicendi conati sumus, pessimè mereamur de rebus humanis, si latroni comparemus hæc arma, non militi. Quid de nobis loquar? (subsequitur) rerum ipsa Natura in eo, quòd præcipuè indulgisse homini videtur, quoque nos à cæteris animalibus separasse, non parens, sed nonerca fuerit, si facultatem dicendi sociam scelerum, aduersam innocentie, hostem veritatis inuenit. Multos enim nasci, & egere omni ratione satius fuisset,*

fuisset, quàm providentiæ munera in mutuat perniciem conuertere. Hæc hæc Fabius, & id genus præceptum tradiderint de alijs alijs disciplinis Magistri, peruersum earundem vsum execrantes. Respiciat autem superius sæculum, Auditores, (vt remotiora, taceamus) repetite Christianæ Rei calamitates nullo sæculo auditas, quæ Gallias Belgium, Angliam, Germaniam, Italiam sub Tridentinæ Synodi celebrationem miserè diuexarunt. Heu sæculum ferale, non ferreum, & tantæ stragis Animarum damnata memoria memorandum. Vndenàm, creditis, tanta illa dissidia in Ecclesia, tam diras altercationes, tam fœda rebellia, esse parta? nonnè ex eruditibus quibusdam, sed maiè sanis capitibus? quorum quidem literatura quoniam in ingenijs malis prauisque confedit, & ipsos perdidit nouatores impiorum dogmatum, & portionem Christiani gregis maximam ac nobilissimam, propè deleuit ad nihilumque perduxit. I nunc, & fide opibus ingenij, fide scientiarum præsidij, vitæ integritatè neglecta. Quare cum à Deo perenni fonte petenda sit bonitas, Vbi caput eiusce sit fontis, quâ sit deducendus riuus, quo aggere muniendus, vt pleno decurrat alueo, vt nunquàm deficiat, indicat hæc omnia lex Canonica, cuius celestis disciplina ita mentem imbuunt, vt simul affectum cieat; nec vt pleræque humanarum disciplinarum, quod pascit ingenium, non eo pectus ieiunum relinquit. Hoc si experiri vos mecum discupitis, Auditores, expeditè parumper ingenia vestra ad legis Catholicæ capita nonnulla discutienda, quæ per me proferuntur.

G R A T I A.

SI, vt sumus præfati, Ad locum, vadè exeunt, flumina reuertuntur: A vestra processit humanitate disputationis meæ fluuius (Viri ornatissimi). Ad ipsam igitur peractò cursu reuertitur, gratijs per me quàm maximis collectis alueo redundante.

I V S C A N O N I C V M.

PRæmaturum illorum studium, imò verò præposterum videri cuiquàm potest (N. N.) qui Platonicum illud à Cicero cum primis obseruatum oraculum; Quod tota philosophorum vita commentatio sit mortis, intelligendum esse putet omni semoto Oedipode; atque vt obuiò sensu verborum, sic futili & absurdo. Hic homo scilicet contentus non erit cauere cum Seneca, & ipso perperam exposito, Antè ad mortem nos, quàm
ad vi-

ad vitam præparari oportere: Verum quasi talpas in Solem, projectos esse mortales volet, perpetuæ nocti mancipatos. Proh miserum (ex istius sensu) Philosophiæ negocium. Qualem enim (putatis) hominem exigit, & qualia ei subiicit ad virtutem calcaria? Ecce quemadmodum assignat illi claustrum sepulchri pro theatro rerum agendarum. Iubet vnâ cum vitæ spiritu tabernaculum haurire. Sollicitat præproprio busto tristissimos Manes. Tumular ante diem funestis meditationibus Genium. Igniculos illos gloriæ à Natura tenello adhuc è pectore fulgurantes, præfocat infausto cinere. Ecquid atrata meta propòsita nisi segnem vitæ cursum præfiniet? Heu facinus. Nonne quòd excelsum in nobis spirituum est, corrumpit? quòd generosum, deprauat? quòd magnificum, perdit? Denique immitior, quàm ipsamet Parcæ, vnâ ex Præfèctis mercedem famæ pro rebus gestis immortalibus pollicetur. Videte, quæso, male sanum interpretem oraculorum; quemadmodum humana omnia peruertens officia cogit consenescere, qui nondum pubem attingit, & natum ad vitæ dignitatem iacere præcipit in situ voluntario mortis inhonorem, viuentem in horrore tumuli, spirantem in cadauere. Verum si quis paululum intento oculo velit Platonicum scitum rimari, atque adeò ex Platone per Platonem percipere; is profectò, & quæ istiusmodi sit mors, inoffensus intelliget; & quo illa genere commentationis per Philosophos, vt ritè partes suas obeant, assequenda. Nam cum is in Phædronè scriptum reliquit, debere philosophum mortem expetere, quisnam sapiens ausit de dissolutione animi à corpore dictum interpretari; quàm dissolutionem alibi ipse Plato nefarium esse prædicat ante expetere, quàm præstitutum à Deo tempus aduenerit? Illud ergo volebat monitum, non à corpore animum, sed à corporis affectu, dissolutò quodammodò fœdere cum sensibus, abducendum. Sic idemmet sibi constans, & veluti Glossarius, teste Augustino de vera Religione, docere solitus erat Auditores suos, & grauibz monitis pulsare, A Venereis voluptatibus, vt sibi temperarent: persuasissimum, vt haberent, Veritatem non corporeis certè oculis, aut sensu aliquo, sed sola mentis puritate cerni, ad quàm perspicendam nihil magis impedimento esse, quàm vitam libidinibus deditam, falsasque imagines rerum sensibilium, quæ nobis per corpus imprimuntur. Itaque sanandum in primis esse animum, ad perspicendam incommutabilem rerum formam, atque eodem modò se habentem, omnique ex parte sibi similem pulchritudi-

tudinem . Egregiam verò Philosophiam , Auditores , dignam planè , vnde homo mortalis , cognomentum Diuini , omnium consensione mortalium reportaret . Meritò apud cultissimas nationum sanctum , & augustum semper est habitum nomen Philosophi , apud nonnullas etiam additamento Regni , ac Sacerdotij dignum adiudicatum . Nihil quippè Diuinius , quàm quòd spirantem Dei imaginem animum nostrum ab omni vindicat corporis inquinamento . Nihil sanctius , quàm quòd corruptelis euulsis integritatem conferit vitæ : Nihil Regalius , quàm in seruitio sensum , in imperio rationem tenere . Denique nihil sacrificulo congruentius , quàm mentem terrenis expiatam fordibus , Victimam Virtuti voluntariam immolare . O verò sortem meam , Viri Auditores , etsi ex mea miserandam tenuitate , ex honestate tamen rei maximè inuidendam : Cum LEX CANONICA mihi etiam num Tyroni , ac nondum discipuli numeros absoluenti , ex hac ornatissima sede , in tanta Collegarum gloria , in hoc flore Audientium lectissimo , propositis Thesibus defendenda præscribitur . Nam si philosophiæ cultores tantam , vt audistis , fortunam iactare possunt , quid mihi tandem dicere fas erit Legis Canonice professori ? Quanto hæc interuallo illam post se habet ? quanto vincit sanctitudine ? supergreditur maiestate ? Enimuero vbi legem exaudimus , quid nisi Magisterium honestæ vitæ , atque optimæ disciplinæ nobis offertur ? Vbi verò obseruamus additamentum Canonice , maius quiddam ad vitæ cultum , felicitatemque animo concipiamus , necesse est . Siquidem Græcis Canon , Latinis Regula est : quasi non qualiscumque generis Lex dici ista debeat , persimilis cæteris ; scilicet vel experimento manca , vel vittolatoris obliqua , vel ingenio humano intra fines Ciuitatis contenta . Hæc autem nos non modo philosophari docet , sed verè sapere . Hæc homines non appellatione sola Diuinos reddit , sed magis similitudine Numinis , atque vsu . Hæc non solum ad vitam prius , quàm ad mortem præparat , defœcatis animi affectibus , verum etiam post mortem ad vitam aliam beatam informat . Itaque cum æternitatis ratio tota pendeat ex genere mortis , atque conditione , iure ad mortem nos antè præparat Lex Canonica , quàm ad vitam : Iure totam hanc vitam præcipit esse mortis commentationem , Vt & bonæ vitæ clausulam bona mors faciat , & bonæ mortis pretium beata vita . Hic mihi audire videor aliquem ex barbaris philosophis superci-

supercilio grandi obijcientem, esse suum quasi patrimonium vitæ beatæ studium: nec enim alio tendere tam multas illas de moribus formandis præceptiones, quibus olim Croto, quibus Metapontum, quibus Magna Græcia personabat: quibus postmodum Orbis totus per consequentes ætates summis partim florentes ingenijs completus fuit: vsque adeo ut Diuo Augustino teste non defuerint Philosophi de virtutibus, & vitijs subtilia multa tractantes, diuidentes, definientes, ratiocinationes acutissimas concludentes, libros implentes, suam doctrinam buccis concrepantibus ventilantes: qui etiam dicere auderent hominibus. Nos sequimini: sectam nostram tenete, si vultis beate viuere. Hæc quidem Augustinus. Quo planius distaue-
rat Plato pollicitus beatitudinem Rebus publicis, ubi Reges ipsi philosopharentur. Quamquam, Viri Auditores, deprecandam potius esse, quam precandam huiusmodi philosophiam, satis edocuit complurium Rerumpublicarum status infelix, crudelitate sanguinaria regnantium Philosophorum, seu melius debacchantium tyrannorum conflatu: satis damnat memoria præscorum temporum in Aristone Epicureorum alumno, in Critia, suisque in Lyceo sodalibus, in Pythagora, in Athenione, in Lyfia Tarsensi, in Alcio, in Philisco, philosophis singulis magni nominis; denique in ipsis septem oraculis humani generis, quos sapientes nomine communi, tamquam proprio ex admirabilis sapientiæ opinione consecrauit antiquitas, sed execrata ipsorum ætas est. Verum vnde id factum putemus, nisi quia ad hominem beandum, mirum, quantum sterilefcit vulgaris philosophia; & si quod præsidium eo confert, ne illud quidem ultra metas mortalitatis transferre valet. O Legis Canonicæ sanctitudinem, Auditores: O diuitias hominis immortales. Nam quò tendunt Sacri Canones? quò spectant, cum à malefactis mortales auocant, ad benefacta conuertunt, quam ut præreptos Tartaro ad sempiternam illam in Cælis potiundam felicitatem per tutum iustitiæ callem traducant? Huc scilicet Apostolicæ Constitutiones, huc Oecumenicorum Conciliorum scita, huc placita Sanctorum Patrum, huc Sacrorum Bibliorum oracula, huc Ecclesiasticæ consuetudines, & si quid aliud iuri Pontificio fontem aperit, Diuino vtrique iuri consonum, referuntur. Neque verò fallacijs patet Lex Canonica, quæ non ut Philosophia suum ducit ortum ab homine, qui per Diuinum Vatem, quisquis ille est, mendax diuenditur: sed ab Numine ipso immortali originem repetit, atque ex illius

Mente agnoscitur emanasse, quæ tam Lex vera est, quam lux vera illuminans omnem hominem venientem in huius Mundi caliginem, eundemque per ambages dirigens, ut arduum iter mortalitatis inoffensus peragat, indeque suspiratum immortalitatis limen obtineat. Quare quanta sit hodierna, quam subeo provincia, & qualibus nata humeris, cum ego intelligo, Viri Auditores, tum maximè sentio argumentum mihi timoris non modici; vobis commiserationis potius, quam invidiæ subministrari; ne vel in ipso limine obrutus succumbam turpem in modum tanto oneri. Subite vos ergo moli, Alcidiæ ipsi meliores, quam ego Athlas: atque per obiecta rationum, digna vestris ingenijs sustinete, quam ego hætenus dicendo non valui, Legis Canoniciæ dignitatem.

G R A T I Æ.

Gratias me vobis de more acturum prohibet cum meamer imbecillitas, tum vestræ magnitudo gratiæ, quæ meam erga vos vicissim prouocat. Quas enim agam gratias, si ex regula iuris nostri, *Gratia, quæ non gratis datur, vel accipitur, Gratia non est?*

I V S C A N O N I C V M.

TAm propriè Deo competit lucis appellatio, quam propè accedit ad Deum, qui rectè de sua sentit fide; quam recedens inuoluitur tenebris, qui prauè de ipsa fide dogmatizat. Merito qui Diuina arcana acutiùs penetrauit, qui Dei lucem inaccessam intentius est contemplatus Ioannes Apostolus, Aquilæ sibi symbolum asciuit. Quos verò contrà nisi talpas appellem, quorum ingenium terrenis implicitum curis, nil cogitat de cælesti felicitate, nil de ijs, quæ pernosci, quæ præstari debent, ut ad illius consecutionem pertingat, sibi esse curandum putat? At verò deploranda conditio illorum est, quos tolerabilius foret Diuinis in rebus talpescere, & per supinam inertiam neglectum æternæ salutis habere negotium, nisi etiam studio prauo exoculati lucem refugerent veritatis, caliginem errorum, horrorem hæresum, quo se penitus demergerent, quæritarent. Horum enim uerò tartarea conditio est, & cacodæmonum sequax, qui lucem oderunt, tenebras amant, nati ad ludibrium naturæ, ad ultionis cælestis ostentum. Videte paululum (Auditores) dignam Orco improbitatem nostratum Hæreticorum.

rum . Dogmata sacra nequaquam vti noua , aut proprio illorum hominum Marte excogitata venditari sibi pateretur quiscquam , vel infanus è vulgo : Ergo vti accepta , & per manus tradita Ecclesiæ . Hæc autem ita esse , qui sciam , nisi fontem ipsum petiero Sacrorum Bibliorum , nisi deriuatos indè à Sanctis Patribus obseruauero purissimos latices ? Iam intelligatis , licebit , vtrum hi homines sincerum afferant oculum ad hunc fontem , ad hosce riuos hauriendæ studio veritatis , quam sitire tantum debet mens nostra , quantum se noscit illius haustu beari : an potius Camelorum in morem turbare per summam malitiam instituant , antequam perspicuam veritatem , vt lurida indè dogmata , & crassis lutulenta mendacijs propinent incautæ plebeculæ . Nam vt de Sacris Biblijs primo loco dicamus , quis non ofores lucis , tenebrionesque vaferrimos agnoscat hæreticos ? mitto nunc antiquos , nouissimos mihi volo , qui cum particulas penè innumeras è sacris codicibus expungere , tum octo ipsos libros de veteri Testamento , Epistolas sex de nouo præcidere non sunt veriti , vbi iam indè à Diui Augustini temporibus , idest vndecim ante sæcula eundem omnino Canonem sacrorum librorum Apostolico oraculo declaratum obseruabat Ecclesiæ , quem hodie hæretici recentiores excindunt , Catholici sartum testumque conseruant . Itanè ? Quod olim Sedes Apostolica præsentī assilata Deo , quod Occumenica Concilia è flore summorum Præsulum collecta , quod Doctores Ecclesiæ sanctissimi iuxta , & sapientissimi , quod Respublica Christianorum vniuersa , quod denique totius Orbis Christiani consensus , per centena , perque millena annorum constantissimus illibatum semper inuiolatumque tenuit , hoc ausit infringere , hoc temerare temporibus nostris nescio quis tertius Cato è Cælo accersitus , ex Orco melius , nescio quis magisterculus genio nouitatis , ductu perfidiæ , ausu tartareo ? Scilicet quia mendaciorum suorum caliginem dissipandam cauent in meridie sacrorum codicum , miramini hosce lucifugas in ipsos armari codices , illos corrumpere , proscribere , perdere , ex quibus veritatis Catholicæ fulgor supernus explicatur ? quia Epistolam Diui Iacobi Apostoli repugnantem omnino videbat Lutherus nouo suo placito , per quod in sola fide iustitiam constituebat , abesto (inquit) hæc Epistola à Canone bibliorum . Quia libris Tobix , Ecclesiastici , Machabæorum mirum , quàm disertè statuitur Patrocinium Angelorum , libertas arbitrij , preces , & sacrificia pro Defunctis , Diuorum hominum intercessio ; Dispungantur è censu sacrorum hi codices,

dices, edicit Lutheranorum factio. His iidem vestigijs hærentes postmodum Calviniani delumbarunt vetus Testamentum, iidem post Geneuenses, præcidentes librum Estheris, mutilantes tribus penè capitibus Daniele. Ne miremini; ars ista peruetus Hæreticorum est: Acceperant olim ab Ebionijs, qui omnes Diui Pauli Epistolas abiurarunt, vt reuocata per eos circumcisio staret, per Paulum antiquata: Acceperant à Manichæis Euangelium Matthæi, Actaque Apostolica proscribentibus, quòd illud conuinceret, Christum prognatum ex Virgine; hoc verò Spiritum Sanctum Christianis multò antè, è Cælis illapsum, quàm Paracletus ipsorum, Persa nequissimus erupisset. Hoc igitur nè miremini Auditores: Miramini potius mecum, imò verò stomachamini, quòd secundo loco proposueram, caliditatem hæreticorum fraudulentissimam in tractandis scriptis Sanctorum Patrum. Non enim nesciunt, quantum pondus auctoritatis habeant Patres in Ecclesia, quantum illorum sensus ad arcana bibliorum detegenda, ad Fidei stabilienda capita, ad euellenda Nouatorum consilia, & machinas euertendas. Itaque non mediocris huic negotio sudata horum industria est. Stomachamini, inquam, mecum, quoties obseruare contingit, uti homines isti nequissimi auctoritatem Sanctorum Patrum in suarum hæresum præsidium prætendentes, non suis illos verbis, sed alienis loquentes proferunt; & si qua sint verba illorum, ita loco motis, ac nonnunquàm etiam expunctis, vt sententiam efficiant ab Auctorum mentibus alienam; atque ita obtorto collo reclamantes ad suos errores confirmandos sacrilegè pertrahunt: mutilant sententias, præcidunt præcedentia, rescant quæ sequuntur, vnde Mens auctoris deprehendi possit; verbum aliquod interdum eradunt, vnde sententie tota pendet: quæ cohærere debuissent, disiungunt, perperam distinguunt, studiose Græca, & Hæbraica malè vertunt, aut etiam corrumpunt. Tales autem impostores (si Deo placet) tam mala, imò nulla fide, se fidem nobis instaurare iactitant, quàm veritas mendaciorum ope indigeret. O genus hominum procul ab hominum finibus amandandum; O pestem, o virus religionis in infimam Tartari oram relegandum. O caliginem, O tenebras plusquàm Cimmerias, & vno dignas Doctore Cacodæmone. Eas vt euitemus cautiùs, Auditores, ne pigeat in lucem Sacrorum Canonum intendere parumper oculos, dum aliquas de ijs Theses disputandas vobis propono.

GRATIÆ

G R A T I Æ.

IN hoc umbraculo Sapientum (quis credat?) luce sumus fructi Sacrorum Canonum: & mirati, hæreticos in meridie ipso Catholicæ veritatis cæcultare. Credite hinc Auditores humanissimi, in medio ipso silentio excipere vos posse præconium gratiarum, quas in vos habere profiteor, vocalissimum.

I V S C A N O N I C V M.

Quam sit grauis secundum Diuinos Codices, quam stabilis, & inconcussa Oecumenicorum Conciliorum auctoritas fundandis Ecclesiæ Sacrosanctis placitis, illo satis luculento, nondum satis celebrato dicto Gregorij, vel indè Magni Doctoris, Magnique Pontificis, testatum habemus (N.N.). Cum is Concilijs quatuor, Nicæno, Constantinopolitano, Ephesino, Chalcedonensi nihil se minus fidei, nihil minus venerationis deferre proficetur, quàm sacris Euangelij quatuor voluminibus. Quo equidem tanto, tantique sapientis oraculo Auctores quoque, Hæreseon quantiscumque artibus, & armis instructi aduersus Catholica dogmata (quis neget?) fatali hoc quasi telo confossi, turbine reuulsi, fulmine istî sternuntur? Ita planè, Auditores, Euangelij cognata Concilia sunt, alterum altera concorditer referunt, vni, & eidem æternæ veritati reuelandæ ambo conspiciunt. Est tamen (dabitur veniam) est caput vnum, quod proferamus in medium, non quasi ad censuram; sed ad intelligentiam altius acuendam, dignum propterea hoc loco, dignum corona ista eruditorum. Quid sit, cur è quatuor memoratis Concilijs, Nicænum & tempore, & celebritate princeps, de Filio Dei aduersus insaniam furialem Arrij, caput fidei mature discussum proponens, Gentium ipsum esse, non factum decernat: Ioannes autem Baptista, altero Ioanne teste in Euangelio, index ipsius Filij Dei in Humanis visi, & præco æternæ veritatis, factum illum affirmet perspicuis verbis: Qui post me, aïens, venturus est, ante me factus est: Neque multo post ijs repetitis, Ipse est, qui post me venturus est, qui ante me factus est. Tunè ergo discordare, atque adeò repugnare dixeris Euangelio Concilium in grauissimo Diuinorum dogmatum, quo nutante, omnis illico Trinitatis augustæ maiestas, omnis Christi Seruatoris gloria, omnis Ecclesiæ suæ nitor, & firmitas ruit? Neque te putes quæstionem diremisisse, temporariam.

ab æterna Christi Domini dispescendo natiuitatem: quasi hunc uti hominem factum velis ante Ioannem, quandoquidem Ioannes ipse sexto, antequam Christus, mense conceptus esse fertur testimonio cælestis internuntij Gabrielis: Ecce (inquit ad Virginem nondum Deo fœtam). Ecce Elisabeth cognata tua: & ipsa concepit Filium in senectute sua, & hic mensis sextus est illi. Æternam hic igitur subaudire natiuitatem cogere, ut Christum, quæ Deus est, esse factum admitteres, applaudente ita Arrio, ingemiscente Concilio. Ac mihi quidem implicatissimo huic nodo soluendo intelligo opus esse glossa, non gladio, lingua dico Historici alterius Euangelici. Est enim permirum, reliquos tres ab Ioanne Euangelistas illam interpretari sententiam vna omnes, & eadem locutionis formula, quæ ortum Christi æternum facillè suggerat. Ait enim ex Diuo Matthæo Ioannes Baptista, *Qui autem post me venturus est, fortior me est*; Ex Diuo autem Marco, *Venit fortior me post me*. Tandem ex Diuo Luca, *Veniet autem fortior me*. Iam committite si placet cum primopostrema oracula: Neque enim fortiorem Christum prædicaret Ioannes, si illum admitteret factum non secus, ac ipse, cum reliquo gregè mortalium factus dicitur à conditore omnium rerum: Ut, ubi opus habuit Ioannes fieri, imbecillus ipse per se, & in se nihil, tametsi Diuinis post virtutibus decoratus supra natos mulierum vniuersos, Christus illo fortior infinitis partibus, atque immenso potentior minimè indiguerit fieri, per quem maximè facta sunt vniuersa. Atque ut scrupulum iniectum tollatis ex illa voce Euangelica, consulite Ioannis sermonem ex originario codice, nimirum Græco, ubi non magis factum legitis, quàm natum, siue genitum: sic enim habetis *ἐμπεσθὲν μου γένοντι, ὅτι πρῶτός μου ἦν*. Audistisne τὸ γένοντι à themate anomalo γένεσθαι, præterito medio tantquam à γένεω, particulari quidem significato Latinis *Fio, sum*, communi autem *Nascor, Orior*? Et certè res omnes præter Deum conditorem quis neget fieri hoc ipso, quòd ex nascuntur, quòd esse incipiunt? *πρῶτα διὰ τὸ ἐ' γένετο* inquit Ioannes Euangelista. *Omnia per ipsum* (Verbum scilicet Diuinum) *facta sunt*: ipsum autem contrà Verbum quia minimè potuit fieri, quid nisi nasci debuit? Natum propterea, atque genitum, non factum perhiberi. Quæ cum ita sint, deprehendatis licebit Nicæni Concilij, cum Euangelio Ioannis Diuinum, mirandumque concentum. *Γένοντι* de filio Dei æterno vsurpat Euangelium;

lium; *γεννηθέντα* reperit Concilium, voce eodem ex themate anomalo inclinata: Nequis autem præter communem significatum interpretetur *το γένεσιν*, cauet Concilium, adiecta quasi glossa *ἐκ ποικίλων*, quæ postera vox sensu communi factum, conditum, creatum esse Dei Filium, vti res cæteras, inficiatur. Reperit in Symbolo, quod in Concilio tulerat suffragium Divus Athanasius, vtiq; Græcè scriptum *ὁ υἱὸς τοῦ πατρὸς μὲν ὄντιν, ἐκ ποικίλων, ἐκτιστός, ἀλλὰ γεννῆτός*. Quid? ergone errati arceffetur vulgata Lectio Bibliorum, quæ Latinam vocem per Nicænos Patres proscriptam retinet? Quidni Hieronymus sacrorum repurgator Librorum illam nati adulterinam expungeret, germanam reponeret? Apagite hinc, Scioli; adeste scrutatores curiosi rerum sacrarum; non est sistendum in limine; introspicendum est prorsus, si auctis thesauros deprehendere cælestis veritatis. Euoluite, quæso, curiosius locum eundem Evangelij, decurrite subtextum indè sermonem Baptistæ. Ait enim eodem primo capite, numero 30. indigitans confluentibus ad baptismum turbis Deum servatorem in humanis ibi præsentem: *Hic est* (inquiens) *de quo dixi* (en interpres ipse sui) *post me venit Vir, qui ante me factus est* (quia prior me erat; & ego nesciebam eum) Græcè ita adinussim, *ὁ πιστὸς μου ἔρχεται αὐτὸς, ὃς ἐμπροσθὶν μου γέγονεν*. (ὅτι πρὸ ὅς μου ἦν, καὶ γὰρ οὐκ ᾔδειν αὐτὸν,) Virum cum exprimat, Christum, vt hominem non indubiè hic vsurpat; minime vt Deum, (en indè omnis de concordia Concilij cum Evangelio restinèta lis) Virum, inquam, Ioanne superiorem ætate, sin minus natu; neque enim Ioannes nisi præsentia Christi vtero conclusi Virgineo, in vtero ipse vetulæ sterilis Elisabethæ sextum post mensem, & expiatus originali labe, & vsum humanæ rationis adeptus, appellationem Viri promeruit; Christus autem homo iam indè à sui conceptus articulo, ad Diuinæ personæ coniunctionem omnibus cum naturæ tum gratiæ donis consequente honorario cumulatus, prior vtiq; Ioanne Vir antè ipsum factus, indè fortior, hoc est quous simplici viro virilior iure, ac meritò audiuit, & ita fortior, vt vel cæca huiusce præsentia gemino intercepta claustro materno expedire illum vno momento quiverit peccati nexibus, & in valentem athletam cælesti gratia superfusa inungere. Quamobrem nihil cum sonent contrarium Concilia Evangelio, & ipsi sibi diuersis in locis Evangelium perbellè concinat, Cognoscite, Auditores, quantus è Lectione diligentiore Sacrorum Canonum fructus ad

præsidium Christianæ Rei suis à studiosis demetatur : Id clarior quoque elucebit , ne pigeat Nos de capitibus nonnullis , quæ iam in conspectum profert , disputare .

G R A T I Æ .

Concordare intellexistis , Auditores , cum Divino Evangelio Sacrosancta Concilia . Utinam & concordare mea possit oratio cum animo in vos meo ob exhibitam mihi disputanti humanissimam attentionem æternis nexibus mancipato .

I V S C I V I L E .

Adese ingenia laureata , & mihi lauræ candidato dissterium pro Astræ exquirenti intendite benignum obtutum . Enimvero , inquam , aut Amor auctor est Legis , aut Lex Amoris . Miramini conceptionem mentis ? Adeste mox probaturo . Nemo , inquam : vestrum illud improbet apud eruditos tritissimum , *Amor musicam docet* . Platonis id placitum est Philosophorum , sine controversia Principis , Stagyritarum magistri , sapientiæ oraculi , Divini inter homines hominis . Platonis recepto . Dixi satis . Ergo si Musices doctor est Amor , auctor consequenter idem est Legis , iuris conditor . Quid enim per fidem vestram Musicæ magis competit , quàm diuersis ex tono vocibus temperamentum cuique suum indere , sono cuique suos distribuere numeros , concentum in ipsa cantuum oppositione facere , dissonantiam fidium consenam , discordiam concordem certa modorum præscriptione continere ? Huic (quis nesciat ?) concinit natura Legis , colludit lus . Nam quòd capita multa ortu , ingenio , studio non modò diuersa , sed pugnantia quoque , vnam tamen in ciuitatem consentiant : & , quæ singulorum res est , communis existat : Quòd nobilem elationem contumacia plebis admittat : Quòd idiotas patiantur literati : Quòd huius ferocia illius humilitatem minime obruat , huius opulentia inopiam illius suffulciat , potentia imbecillitatem , consilium amentiam : Denique quòd non ita se quisque suum agnoscat , quàm alienum : vni sic subsint omnes , vt vnus omnibus , vitam singuli propriam pro vita omnium communi paciscantur : Hoc ipsum , cedo , quid est aliud nisi musicum quoddam temperamentum ex oppositis , & contrarijs consecutum ; vnus autem iuris administratione perfectum ? Atque hanc symbolicam Musicen cui alii , quàm Amori referamus acceptam , cuius proprium est , ex multis

tis

eis vnum indiuiduo nexu constituere? reluctantes genios, aduersaria studia mirabili quodam fœdere conciliare? Auct̃or igitur Legis idem, qui Musices, Amor: Addo, & Lex Amoris. Nam quæ concordiam studet discordiam proscribit, certè non tam pabula Amoris ministrat, quàm semina. Amat Ioannem Baptistam Mancinium, Cortonensem patricium, propter eximiam Iuris vtriusque peritiā FERDINANDVS II. Hetruriæ Magnus Dux, quem vnum è multis summis viris esse voluit suum in Romana Curia Agentem. Amat Franciscum Mangelium nobilem Foroliuiensem eadem facultate cultissimum RAINVCIVS Parmæ Dux, atque eius virtuti, ac dexteritati res suas eadem in Curia agendas commisit. Amat FRANCISCVS Mutinæ Dux Franciscum Gualengum patricium Ferrariensem, & Comitem, cuius polirissimos mores, & Iuris summam prudentiam eadem Curia in dies magis observat. Amant alij alios consultissimos legum sui Principes, à quibus non tam virtutis referunt testimonium, quàm arrham amplitudinis. Amābitis ipsi me quoque (non dubito) Viri sapientissimi, si quarum legum intelligentiam egregiè profitemini, Theoremata per me acriter propugnari, hoc est sustineri Legum ipsarum dignitatem, videbitis. Amabo ego vos contrā, si mihi in tanta relaboranti humanitate vestra adfueritis. Sic erit & Amor Auct̃or Legis, & Lex Amoris.

G R A T I Æ.

A Morem Antiquitas cæcum expinxit. Ego & mutum expressim. Quippè Amori in vos meo propter adhibitam dispu-tanti humanissimam audientiam nullis exæquandam gratijs, non nisi silentio par est responderi.

I V S C I V I L E.

Rеспублика bonarum legum præsidio, atque optima iuris administratione quemadmodum fortunetur, infortunatus illarum declarat casus, quæ Numine irato Principum tyrannorum libidini patuerunt. Insigne, si quòd aliud, mihi fortè oblatum exemplum est (Viri Eruditissimi) cùm nuper Patauina, Tarvisianaque euoluens monumenta, subsecuias horas genio permitterem. Scilicet Ecce linum, & Albericum offendi, damnata illa capita impotentissimi dominatus, non tam vnus parentis geminos foetus, quàm effœtæ immanitatis geminata monstra, horro-ri malorum, execrationi bonorum nata. Ille Patauium, Hic

Tarvisium, Vrbes Italiæ percelebres tam barbara præssere tyrannide, vt & vita ibi gentium diuturnæ mortis acerbum genus existeret, & fugæ tentatio maturatum funus. Innocentiam illic prætere, culpæ vertebatur; aliena complorare damna, sceleri; suas lugere iacturas, facinori puniundo. Cerneret constringi funibus nondum fascijs exsolutos infantes atque adeo primos inter æphelitus, qua vix tunc fruebantur, auræ vitali violenter eripi, vt neque vitæ conscij, neque pauentes mortis prius addiscerent mori, quàm viuere. Ruere confossam ferro matrem super lacerum, expirantemque filium: patris interitum nequaquàm fletu, sed excidio totius familiæ comitari. Coniunctio quippè sanguinis quædam veluti contagio ab vno in alium odia transfundebat; odia verò ipsa ineluctabilem consciscabant mortem, vnicum tantorum malorum remedium. Horum carceres, instar penè tartari, vbi caligo sempiterna, vbi sine solatio quærelæ, sine pabulo fames, sine tumulto cadauera olentia, sine salute spirantes, horrendoque spectaculo permixti mortuis (sepulti melius) quibus halitus erat vitæ, iacebant: Vique eò frequentes occurrebant, confertique miseris hominibus, vt & deserta spectasses in vrbibus, & in carceribus vrbes miserorum. Euerti post hæc augustiores Ædes, magnificentioraque tecta dirui: celsiores æquari solo turres: denique decorem omnem florentissimæ Ciuitatis, ac speciem Vrbis omnem deplorandum in modum deperire. O Republicarum miserrimam, cui scilicet suggerit libido iura, vefania condit, furor ministrat, tyrannis exercet. Asserte vos illam, Viri Sapientissimi, atque astros dominantes vincite tristitiam fati, retractate minas, componite ad felicitatem Horoscopum; & mihi iuris apices disputatione tractanti adeste auribus, fauete humanitate.

G R A T I Æ.

PRo Iure disputans, Iustitiam defendi publicæ felicitatis præsidium. Ipsa nunc exigit à me Iustitia, vt debitas agam humanitati vestræ gratias, Iustitia eadem cliens, & Iudex. Sed ego nullius æris homo, nullius facundiæ Orator prouoco à Iustitia ad humanitatem ipsam vestram, quæ meam dum excusat inopiam, simul vestra merita nullis æquanda gratijs pronunciat.

I V S C I V I L E .

Sanctissimæ illæ semper, si quæ aliæ, in benè constitutis ciuitatibus habitæ leges fuerunt (Florentissima Sapientum corona) quibus consulto caueatur, sua cuique ciuium vt prompta sint, vnde & pro benefactis afficiantur, præmia; & pro maleficijs; supplicia. Equestri disciplinæ non ineptè quis conferat politiam, vt adminiculo duplici vtendum esse dicat, nunc quidem calcaribus, quibus vrgeantur in iter virtutis resides, nunc autem fræno, quo procliues retrahantur à vitio. Ingens est prorsum Reipublicæ moles, huiusce æmula Vniuersi; nec vllò architectanda Archimede, nisi duplici fundata polo clementiæ, ac seueritatis. Annè verò paria fuerint officia in impares? aut idem supercilium Principis in probos, ac nocentes? Si quidem Virtutis, ac Vitij alia est, atque alia ratio, quis non videt tantumdem delinquî, si sua benemeritus mercede fraudetur, ac malemeritus sua? Hoc adeò religiosum est, Auditores, vt nec præmia compensari supplicijs oporteat, nec supplicia præmijs. Recito testem è Romana Republica Horatium, nobile illud compendium non tam belli Albani, quàm tergeminiæ virtutis germanorum. Cui enim tutius committeret Patria fatum suum, quàm qui germanis duobus commilitonibus destitutus aduersus tergeminos Curiatios, eosque integros, & spe instantis victoriæ ferocius vrcentes nequaquàm corrumpit dolo virtutem, sed fulsit; vt in tam periculoso congressu, in tanta Martis inuidia vnus, ac solus euinceret in tres fuga simulata distractos, quòd duobus stipato, atque coniuncto euincere sibi fortuna negauerat. Meritis istis nulla profectò par merces præter æternitatem. Verùntamen parum fuisse dixerim, vt legitimo cum triumpho repeteret Urbem Horatius, nisi indignum vitæ reddidisset funestans triumphî gloriam casus sororis. Quàm cum viduam ex nece vnus Curiatij, fletibusque parentantem viro offendisset, victor barbarè inolescens in leuiri cineres, cruorem pro lachrymis à sorore exegit. Indignum oppidò facinus, & cum ipso auctore damnandum. Quid autem? suscipiet aliquis. Damnandum tu dices iuuenem strenuum inter paucos, qui suam, fratrumque vitam pro patria libertate spontè pactus nunc quidem victor non tam triumphat de sua victoria, quàm suggerit triumphî fegetem vberissimam patriæ? Damnandum, qui mox ciuibz damna omnia cum seruitute suomet propulsauit discrimi-

ne?

ne ? Damnandum , qui sororem licet suam , vxorem tamen hostis , hoc est scintillas fatalis incendij metuendas continuata victoria restinguit ? Damnandum , qui germanæ suæ eiulatus iubilo præsentis ciuium ratus iniurios , eadem , qua leuiri hostis audaciam sistendos dextera , eodem expiandos ferro putauit ? Damnandum dico illum , qui ob cumulum meritorum in Rempublicam ex tam nouo victoriæ genere , nullum par præmium , nullum , quo memoria certè transmittatur , dignum satis trophæum excogitari videtur posse ? Damnandum enimuerò iudicat , neque id temerè , Populus Romanus tantumdem indignans posteritis facinus , quantum superius plaudens : leuiri necem virtuti , sororis , furori vertens : adorans vltorem hostis , inimicæ vindicem discreto auso detestans . Vos , Viri Auditores , rectæ lance rem pendite , & iudicium totius populi à sensu populari sequestrum ponite . Nam cum damnatum antè Horatium à populo , sententiâ post mutata absolutum videbitis , damnabitis hercle ipsi populum præposteri consilij , stupebitisque rem nouam , quemadmodum extempore prudenter censuerit , consulto autem temerè . Nam nullam videre est benè conditam Rempublicam , quæ in eam consentiat legem , Meritis ciuium vt aboleantur culpæ : quin sua benefactis mercede , sua pœna criminibus præscripta , si quem honesti ausi authorem ornauit , in eundem post reum sceleris animaduertit , nulla superiorum meritorum habita ratione . Hoc si teneat inconcussum , perdurabit ad multum ciuitas libera , sin secus , ex facili collabetur . Date obsecro Ciuem , præclare de Republica meritum , beneficentiæ insignis exemplo commendatum . Huic (quis neget ?) ad illam celebritatem nominis , ad illam auram applaudentis , assentantisque gloriæ quiddam faciliè in animum subrepat arrogantia , vt citra culpam , aut certè tantum supplicij aliquid etiam patrare iniquius se posse integra dignitate confidat . Superbiet is , mihi credite , efferatur insolenter , omnem braui ciuilitatem tollet , exturbabit ; ni tumidæ erumpenti ceruici ferrum , & faces suppliciorum seuerus admoueris . Necessum est quidem , si velis ab nocentibus pœnas metui , vt innocentibus , vt beneficis in promptu sint præmia . Sit quantulacunque Respublica , sit tenuis , arcta , gracilis , vix tantulum in ære habeat , quod effundat in munus . Ab hoc tantulo ne abstineat effundendo . Amplissimum ducet , quisquis in rerum vel magnificè gestarum mercedem referet . Cumulari se putabit , vbi nihil intelliget suppetere patriæ , quod non sibi detulerit . Nullum adesse genus ornamenti-

namenti, nullum existimationis publicum testimonium, quod non ipsa meritis eius lubens, ac prompta decreuerit. Faciat fidem orationi nostræ ex Romanorum Republica vetere: Horatius Cocles. Faciat Mutius Scœvola, duo illa tam lumina Patriæ, quàm fulmina hostilibus copiis, quæ verò merita tantorum capitum? quantus cumulus? Sed iugera terræ duo in singulos distributa nomine publico exæquasse visa sunt cumulum meritorum, quod Reipublicæ eo temporis tenuissimæ fortunam exæquabant. Bellissimum in rem nostram est Manlij Capitolini exemplum. Huic nobilitate generis claro inter Romanos, arce Capitolina aduersus Gallorum oppugnationem strenuè seruata modicum farinæ attribuit Senatus remunerationis loco. Quàm sanè gratiam dignam omnino ille adiudicauit, & ex fortuna rerum præsentem peramplam, certè quidem perhonorificam. Sed, vt gratiam expertus erat patriam; sic tantundem, post seueram, nec prioribus meritis in posteriore delicto exorabilem. Siquidem in affectati Regni suspicionem veniens, ex ea ipsa, quàm seruauerat, Arce præcipitatus, triumphum seueritatis funestissimum in Capitolio ipso legitime meruit, grauissimo Senatus, Populique Romani iudicio. Quare quanta sit sanctitas legum, videris, vt probos aliqui ciues perdere, ne illæ perdantur, ratio ipsa Iuris quandoque exigat. Nec enim personæ penduntur, sed merita, fuisset quidem sigillatim momentis. Vt illa demùm perfecta, & omnibus absoluta numeris Respublica probetur, vbi re ipsa præstatur, quod vulgari adagio circumferitur, *Fiat ius, & pereat Mundus*. Erit igitur pretium operæ, Studiosissimi Iuuenes, si decerptis ex Iure positionibus hodiernum umbraculum instituta disputatione occupauerimus.

G R A T I Æ .

ME tam rapiunt constituta per Leges homini grato præmia, quàm terrent ingrato pœnæ. Præstate obsecro ipsi vos hodiè vel prædes, vel vades. Cum primum mihi sidera largientur, parem hodierno merito vestro facultatem, tum memet erga vos nequaquam ingratum fore.

I V S C I V I L E .

Persuasum habent plerique, & eam altius fixere sententiam animo, nihil cum altero tam ægrè conuenire, nihil tam acriter pugnare, atque cum Ciuii vita Militarem. Hinc sepe
numero

numero fieri videmus, si quis mereri stipendia decernit, ut is protinus non modo vestitum immutet, sed moribus quoque, consuetudine, voce, præsentia Ciuilem quemque usum veluti poscente officio deponat. Neque enim Ciuilem se habitum induere posse putat, qui ad omnem vim expeditus, promptusque comparatur: neque sibi esse posse ciuiles mores, & studia, qui & mores illos examinatos existimat, & minimè secundum suis ausis illa studia: neque videri congruum, ut communem præsentiam sermonemque teneat, qui ore toruo, qui Scythicis mystacibus, qui diris conuiciisque terriculo parat esse cæteris hominum. Quæ quidem sententia speciem veri habet hac tempestate simillimam. Verumtamen si prisca instituta euoluantur, nullæ magis coniunctæ res, nullæ magis concordēs extabunt, quæque ita bellè necessitatis lege concurrant. Etenim quacunque in arte, quæ ad politiam communis vtilitatis gratia refertur, irrita fierent scita omnia ad viuendam cum Dei religione, legumque metu vitam spectantia, ni forent in promptu illorum præsidia, quæ, si bene ordinentur, non bene etiam ordinatæ tuerentur populos. Sic & vicissim bonæ leges militari defectæ præsidio ruunt, non secus atque in Regali domicilio fulgentes auro ac gemmis parietes, ubi dio expositi, vnde ab imbris protegantur, munimentum desiderant. Quod si reliquis in ordinibus ciuitatum atque Regnorum in id summo opere studebatur antiquitus, ut fideles homines, ut pacifici, ut Religione pleni conseruarentur, id certè Militiæ ingeminabatur. Nam quo ab homine plus fidei exigat Patria, quam ab eo, qui mortem ipsius gratia pacisci debet? quis studio pacis vehementiore teneatur, quam qui vnus belli iniurijs lædi potest? Quis religiosius Deum colat, quam cui discrimina vitæ in dies maiora subeunti opus est magis illius præsentis Numine? Hac benè perspecta necessitate is, qui siue leges ferebant ciuitatibus, siue militaribus studijs præficebantur, habebat militum vita, qui se & laudibus summis ornaret, & acri prosequeretur æmulatione. Hoc verò ætatis inuersæ cum institutum probatissimum penitus iaceat, discordetque longè ab antiquorum præscriptis hodiernum; quid est, cur miremur obortas fuisse istas sententias, quæ inuisam cum suis affectis militiam reddunt? Cedant igitur necesse est Arma Togæ; Cedat triumphalis laurea auctrici Legum linguæ; quando hæc tam bello, quam pace imperium latè obtinet: armata legibus bellum vrget, in Toga Sagum induit; sine lauro distribuit laureas; pacata militat; imbellis triumphat;

Vid etc,

Videte, Legum studiosi, quantus pateſcat vobis campus ad gloriam. Hæc purpura, hoc ſceptrum, vnde Reges, & Principes digniore pompa præſunt cum imperio populis, quàm imbuti murice, quàm auro fulgentes. Fuerit igitur magnanimitatis veſtræ expoſita per me theoremata Iuris, veſtri acumine ingenij tentare, iudicij pondere penſitare.

G R A T I Æ.

Civilibus legibus conciliari ſtudia pacis & belli, quis credidiſſet è vulgo? Creditis ipſi optimè, Sapientiſſimi Viri. Nunc verò quis credat, conciliari cum iactura victoriam? Voſmet efficitis, Humaniſſimi; quàm me humanitate veſtra victum, abire victorem iubetis.

I V S C I V I L E.

Quantum ſugillat poſteritas quorundam capitum memoriam, quæ indicto Naturæ bello perdendis cum abolitione legum Imperijs nata, ceu monſtra teterrima belluinæ feritatis in hanc prodiſſe lucem videntur: tantumdem obſervat in faſtis, & adorat illorum nomina, qui humanæ propaginis non filij magis, quàm parentes dignum diademate caput, dignamque Cælo mentem fundandis, conſtabiliendiſque Rebus publicis ad felicitatem mortalium, æternique Conditoris gloriam devouerunt. Et quamquàm nemo vnus aut ita ſit deturbatus mente, vel conſtans; aut ita vita corruptus, vel integer, cui, ſi duplex hæc omnium conditio proponatur, non illos laudibus efferendos, quibus laudes debentur; quibuſque probra, probis virgines eſſe putet: Tamen nescio quo poſtmodum deliramento iudicij, falſæ plerique gloriæ, falſique boni ſpecie hallucinantes in eorum ſe proripi gradum, ſeu ſponte, ſeu per inſcitiam patiuntur, qui regnandi inſtituto, & artibus vituperationem potiùs, quàm prædicationem aliquam demerentur. Quid enim turpius ad notam, aut furialius ad infaniam, quàm ubi Rempublicam, Regnumve ſancire quis poſſet immortalis cum fama nominis, cum ſecuritate animi, cum facti celebritate; ad tyrannidem ſua conferre malit conſilia ſempiterno cum dedecore, cum capitis diſcrimine, cum facinoris conſcientia? Nego enim uerò aliquos fore ex his, qui priuatam in Republica vitam viuunt, quibus ſi vel meritò, vel fortè fortuna Principatus deferatur, ſi euoluant hiftorias, & veterum monumenta perpendant, non

ij malint priuati degere; Scipiones, quàm Cæsares: quique iam tenent Principatam; Agelilai, Timoleones, Diones, quàm Nabides, Phalarides, Dionysij. Hos enim contumelijs summis affectos cernerent, illos encomijs. Cernerent quemadmodum Timoleoni, ac cæteris nihil minus auctoritatis fuerit, quàm Dionysio, atque Phalaridi; securitatis tamen plus multò fuerit. Nec verò quisquàm sit, qui gloriam Cæsaris hallucinetur, audiens maxime per Scriptores celebratum. Nam laudatores habet fortuna illius corruptos, diuturnitas verò Imperij territos, cuius utique Imperij regimen ab eius pendens supercilio facile vetuit, quò minus libere de eo pronunciarent Scriptores. Attendat hic, licet, res de Catilina conscriptas, tum demùm quomodo scriptores liberi habituri Cæsarem essent, intelliget. Est autem detestabilior iste, quò peius meruit qui perfecit, quàm qui solum meditatus est nefas. Attendat simul quibus laudibus honestent Brutum. Ita vituperare cum nequeant illum præpotentia, celebrandum eiusdem aduersarium arbitrantur. Vnà id attendat quisquis obtinuit clauum in Republica, quàm commendatos habuerit Mundus, ex quo Roma potita rerum est, Cæsares illos, qui in summa potentia continentissimi, legibus promiscue paruerunt, optimorum Principum appellatione inclityti, præ his, qui vestigijs aduersis insilitere, monstra seruitutis in Imperio damnata. Viderit profectò, ut Neruis, Tius, Traianis, Antoninis, Marcis necessaria minimè fuit Prætoriana cohors, nec legionum catrua ad sui præsidium; quippè qui suos ipsorum mores, populorum fauorem, Senatus beneuolentiam munitissimi cuiusque præsidij loco habebant. Viderit simul, ut Caligulis, Neronibus, Vitellijs, alijs tam multis confeceratis Cæsaribus Orientales vnà & Occidentales copiarum impares erant aduersus inimicos tuendis, quos sui sibi corrupti mores, quos vita perditæ, artesque infandæ collegerant. Quòd si accuratius expendatur illorum historia, monebitur satis quisque Principum, quæ sibi ad gloriam, ad vituperationem; quæ ad securitatem, ad formidinem pateat via. Quandoquidem, ex Cæsaribus sex & viginti à Iulio ad Maximum, cæsi fuere sexdecim, sublato fato communi, decem. Nec legem vitii, quòd vel vnus Galba inter tot scelestos probus memoretur occisus, vel vnus Seuerus inter probos scelestus communi morte sublatus: Cum & illum corruptela militiæ per antecessorem relicta perdiderit, & huic summa quædam fortuna cum bellica virtute conspirans singulari apud mortales exemplo afflauerit.

rit. Viderit præterea, quo pacto institui Regnum bonum possit, ubi disciplinæ sinceritas alio ex fonte, quam ex vera religione petitur; cum illorum, qui sceptrum Romanum hæreditario iure capefferunt, nemo non improbus præter vnum Titum, cui ferit; qui verò adoptione, nemo ferè non probus, velut iniquaque à Nerua ad Marcum. At enim cum ad hæres Imperium maiorum non etiam disciplina cecidit; in suam reuolutum est cladem: Iam sibi Princeps proponat à Nerua ad Marcum tempora. Conferat cum ijs, quæ præcesserant, quæque mox successere: Tum quibus natus esse, aut quibus præferri cum imperio malit, sibi deligat. Nam quibus dominati sunt probi, cernet securum inter securos ciues Principem, iustitia, & pacem orbem florentem. Cernet sua cum auctoritate Senatum, cum honoribus Magistratus; cum fortunis ciues, cum dignitate nobiles, cum pretio virtutem, cum felicitate vitam singillatim omnium: omnem ex aduerso liuorem, licentiam omnem, corruptelam, libidinem, ambitionem extinctam. Aurea cernet tempora, quibus tueri cuique suum liceat. Quid quæris? Triumphantem cernet Orbem terrarum, plenum maiestatis, & gloriæ Principem; charitatis, tranquillitatisque populos. Coniciat post, licebit, obtutum in tempora reliquorum Cæsarum, Næ illa offendet inimicitijs atrocia, seditionibus discerpta, pace belloque immania, tam multos ferro sublato Principes, tot ciuilia, tot externa bella: vexatam Italiam, ac nouis æstuantem infortunijs, diruras in ea, depopulatasque ciuitates, exustam urbem urbium Romam, per suosmet ciues, euersum Capitolium, vetusta Tempia solo æquata, corruptas caeremonias, plena adulterijs oppida, exilijs maria, sanguine scopulos. Cernet innumerabilia Romæ exempla crudelitatis: ingenuitatem, verò, diuitias, honores, virtutem in primis capitali versam facinori. Cernet præmijs affectos accusatores infantium: Cernet præuaricantes in Dominum seruos, in Herum liberos, & quibus defuissent inimici, ab amicis ipsis oppressos. Atque hinc intelliget, quid & quantum debeat Roma Cæsari Inlio, quid Italia, quid Orbis vniuersus: absterrebiturque penitus, si sensus humanitatis fuerit, ab affectandis malis temporibus; simul & flagrabit consecrandi bonorum cupiditate. Enimvero anhelantij Principi humanam gloriam optandum foret, vt corruptam adiret Ciuitatem, quam non vt Cæsar perderet, sed vt Romulus stabilirot; nec putem ego ansam gloriæ maiorem aut fidera largiri posse, aut homines peropare: Quod si Ciuitati con-

ſtituendæ neceſſum eſſet abdicari Principatu, excuſandus ille forte, qui, ne gradu caderet, in ea conſtituenda remiſſior eſſet (quamquàm deſcenſu præueniat caſum, oportet, qui & officiũ inuiolatum, & ſuum ipſius decus apud prudentes viros ſarum rectum habere ſtudet.) Sed his conſpirantibus quiſnam excuſationi ſupererit locus? Igitur quicumque Cælo arridente, occasione in iſtam offenditis, in biuiio ſiſtitis; ut iſtac ſtectentes, ſecuritatem viui, gloriã defuncti nanciſcamini: Illac verò diſtracta, diuturnos angores, infamia poſt fatum continuatidos ſempiterna.

G R A T I Æ.

DViximus præfando lineamenta ex Principe optimo feliciſſimo Imperij. Sed deſuit manus operi. Vos præſtando addidiſtis; & humanitate ſingulari in me diſputantem exhibita, illud monuiſtis, optimi eſſe Principis, ea in ſubditos beneficia, engerere, quæ gratias ipſorum non habendas modo ſuperent, ſed etiam agendas.

I V S C I V I L E.

Cuiuſiſum legum quanta haberi debeat ſanctitudo commendavit luculentiffimo Elogio Tullius, *Nihil (habens) tam ad ius, conditionemque natura, quàm Lex: ſine quâ nec domus vlla, nec ciuitas, nec gens, nec hominum vniuerſum genus ſtare, nec rerum natura omnis, nec ipſe Mundus poteſt.* Verumtamen (ſubiſcit ego) cum nulla quandoque domus, nulla ciuitas, nulla gens deleta hæcenus habeatur, quæ non legum ſuarum præſidio niteretur, iam videtur hic eſſe cardo noſtræ cauſæ, ut leges non quælibet ferantur; ſed quæ uſu probentur optimæ, & quæ maximè cum natura concordent. Hæc mihi fixius cogitanti, & varios in tabulis annalium circumſpectanti Rerum publicarum, celebrium caſus, perquam accommodatè ſuccurrit Demetrii Phaleræi ſciendiſſimum placitum; *Vtere, nimirum, legibus antiquis, obſonjs verò recentibus.* Sic enim mecum ipſe diſſeruerim. Ciuitatibus initio liberis, quæ ceu Reſpublicæ, aut Principatus arbitrio ſe ſuo moderabantur, quemadmodum primordia, ſic iura diuerſa obuenere. Sunt enim quibus ipſo ſtatim principio, aut non multo poſt conſcripſit unus quis leges vniuerſas, quo ex numero memorabilem habuerunt Spartiæ Lycurgum. Alijs caſus ipſe dedit leges, & eas non niſi ſuccidiſſis temporibus, ac pro re nata: cuiuſmodi factum Romanis reſtes ſunt

sunt historici. Hinc illa perbeata Respublica dicenda est, cui fortè fortuna tantæ prudentiæ vir præsto fuerit, ut leges numeris absolutas omnibus, nec vlla per posteros, censura temerandas, quibus tutò regatur, acceperit. Spartiatæ ipsi hanc habent pœnes antiquos inuidiam: qui acceptas iam tum initio leges septingentos per annos totos incorruptas eas, & quouis immunes tumultu ciuium iusto seruasse memorantur. Illa contrà steterit inauspicatò ciuitas, quæ institutorem minùs prudentem nacta, ipsa se se restituere cogitur. Infelicius multò fatum illius, quæ longius ab institutione distet. Illa adhuc distabit longius, cuius instituti ratio ad vitæ ciuilis perfectionem minimè tendit. Nam quæ sic habentur ciuitates, vix vlla spes est, ex euentis deinceps ut quicquàm reparentur. At quæ ordine celsè ædificata perfectò constantes; principium tamen sanum perficiendique capax sortiuntur, fieri vtique potest, ut perficiantur, successibus ipsis rerum edoctæ. Illud enimuero non fiet, ut eæ citra discrimen sanciantur, propterea quòd hominum plerique in iura noua nunquàm consentiunt sanctionem in ciuitate nouam spectantia, ni simul de huius consilij necessitate moneantur. Quæ quidem necessitas cum sine discrimine vix vnquàm occurrat, consequens est, ut antè Respublicæ collabantur, quàm propositum sibi metam perfectæ institutionis attingant. Sed nos operæ pretium faciemus, si quæ genera dominandi distinguuntur à prudentibus, in mentem reuocabimus. Nam tria illa fermè enumerant, Monarchiam, Aristocratiam, Democratiam. Est autem vna Principis singularis, altera & tertia pluriū: sed illa optimatum, hæc populi. Quamquàm genera sex quibusdam videantur in duplici ordine sic distributa, ut vnius dominationis honestæ genera singula singulis alterius, in quæ degenerant, aduersentur. Sunt quippè humanæ res ita pronæ, ut persæpè corrumpatur Principatus Tyrannide; ut Optimates ad paucos ardeant; ut Populares in licentiam insolenter abeant. Ex tribus igitur his formis imperandi quisquis legislatorum sanxerit vnā in ciuitate, ad modicum eam sanxerit: Nec enim prohibuerit vlla arte, quin ea in oppositam defluat præ virtutis affinitate cum vitio. Tulit omninò Casus vicissitudines istas Imperij, & quum in Mundi exorsu incolis terrarum raris vixere aliquandiu dispersi sedibus more belluarum mortales. Post propagato genere conuenire in vna moria; & quò se tuerentur facilius, robustiorem, fortiorem quem in costu deligere, quem sibi Principem statuerent, cui gererent morem.

morem. Hinc honesti, bonique notitia; discretio simul turpitudinis & incommodi: quippè tum obseruatum, si quis beneficium læsisset, odium inde commiserationemque pullulare inter homines, qui propterea ingratos vellicarent, & quos gratos experti essent, in honore haberent. Illud quoque reputantes ipsam iniurijs affici se posse, ad condendas leges, ut id malum cauerent, accedere, præscriptis contra violatores supplicijs. Exinde hausta iuris doctrina. Ergo lecturis Principem, non iam roboris, aut proceritatis, sed prudentiæ atque iustitiæ pensum erat. Cum verò non delectu, sed successione creari ille institutus est, degenerauere mox à maioribus hæredes, abdicatoque studio egregiarum rerum, nihilo sibi fore superandos populos, quàm luxu, libidine, delicijs putauerunt. Ita colligente inuidiam Principe, & ex inuidia metum, atque hinc ad offensiones progressio in tyrannidem ex facili itum fuit. Reperit ea res initio clades, tumultus, coniurationes aduersus Principes, nequaquam per illos instructas, qui animo pusillo essent & molli, sed qui cæteris strenuitate, promptitudine, opibus, nobilitate generis anteirent, nec ferre pacati possent supinam, & ingloriam Principis vitam. Auctoritati istorum procerum incumbens armabitur multitudo in Principem, quo extincto tanquàm vindicique ijs parebat. Verum hi nomen vnius capitis exosi statuere ex se ipsis Magistratum: Principio quidem non inmemores nuperrimæ tyrannidis gubernare iuribus ab se conditis, priuata publicis commoda posthabentes. Ita summo studio, ac pari æquitate res omnis priuata, publica geri. Demùm deuoluta administratione ad filios, quos adhuc latebat alternantis fortunæ varietas, inexpertos quippè malis, impatientesque ciuilis æqualitatis facile ex illo seueritatis gradu in ambitionem, auaritiam, libidinem, mulierositatem prolapsi cogere in paucos Magistratum illum Optimatum, Ciuitate omni neglecta: ut ipsis mox quiddam simile, quòd paulò antè Tyranno, succederet. Siquidem istorum dominatum pertæsa multitudo, quisquis contra eos machinaretur, vltro se ipsa auxiliarem præbebat. Sic desideratus diu non est, qui opitulante multitudine illa capita tolleret. Verumtamen memoria Principis recente simul cum acceptis iniurijs cum & paucorum abolitus esset, & singularis inuisus dominatus, in popularem deliberatur, ea quidem moderatione, ut neque potentes pauci, neque vnus Princeps auctoritatis quicquàm obtineat. Principio habet Imperium quodque reuerentiam. Itaque Populare hoc aliquan-

aliquandiu viguit, sed paulum, defunctis præsertim cum ætate illa auctoribus. Mox enim consecuta licentia: Nullus priuatis, nullus publicis spectatæ virtutis hominibus honor habitus, vt pro suo quibusque arbitrio agentibus nullus elaberetur vacuus iniurijs dies. Hæc ita cum essent, rursus vel necessitate persuadente, vel bonorum consilio, vel declinandæ causæ, licentiæ reparatus vnus capitis Principatus. Indè gradatim, rursus ad licentiam non ablimili ratione, consimilibus de causis: atque in hunc quasi gyrum itque, reditque conuersa Politicæ fortuna. Tametsi rarò in gradum eundem recurritur, quòd nulla vsque eo viuut Respublica, vt has sæpius obire possit vices, atque subsistere. Vsu equidem venit, vt conflata ipsa cladi- bus simul & viribus & consilio destituta trahatur sub alterius finitimæ ditionem, vbi sanctius iura seruentur. Hoc si minus datur, nata tùm certè fuerit Respublica per huiusmodi vicissitudines in immensum circumferri. Quid ergo? Damnandæ omnes istæ formæ Imperij, quia nimium fluxæ? Hominum potius damnanda conditio, quibus optima quæquæ corrumpuntur. Optandum profectò, si minus sperandum, vt quando alios Monarchia seruauit, Aristocratia alios continuit, alijs feliciter Democratia aspirauit: etiam cœuos nostros perducant ea, quàm premunt, via incolumes ad beatitudinis metam, Imò verò enitendum neruis omnibus, vt euitatis scopulis indice naufragio alieno securius ad cursum annorum quàm diutissimum deferantur. Non hic improbauerim ipse quorundam votum potius, quàm consilium: & idæam ferè Platonicam (siquidem expingi sermone melius potest, quàm usu perfici) vt ex tribus illis conflata vna perfectaque dominandi forma fanciatur. Sic (aiunt) vna alteram tuebitur, stabitque immota perenniter illa Ciuitas, & clauo sistet fortunæ rotam, si conspirent simul in Imperio Principatus; Optimates, & Populus. Proferunt isti Lycurgum ad normam fortunæ (dicam ego) prudentiæ: propterea quòd in tempora offendit; quando animos ciuium quàm rudes periculis, tam ingenuos & candidos, non impotens affectatis per nefas honoribus corrumpebat ambitio, non auro congerendo inexplebilis conficiebat sitis, non petulans irritandis procacibus libido adurebat, non agitabat per vesaniam in Martios tumultus impatiens libertatis effrænæ cupiditas: Vt nequaquàm mirandum sit, fundatam ad eum viro tribus istis in ordinibus Politiam ad tam multa annorum centena constanti felicitatis tenore perdurasse. Sic Lycurgo *ῥατρίοι* Solonem proferunt:

qui,

qui, quod Populari magistratui rem Atheniensem totam commisit, adeo breui definivit curriculo, ut non ante diem ipse extremum clauderet, quam subnatam Pisistrati Tyrannidem videret. Et quamquam quadragesimum post annum electis hæredibus reducem postliminio exciperent libertatem Athenæ: popularia quippe iura resumpserant parentes Solonis sanctionibus; non licuit tamen vitra centesimum annum retinere, etsi legibus multis editis conniterentur, quibus & potentium insolentia, & licentia vniuersorum, quod Solon minimè cauerat, retunderetur. Sed eas populares leges, quia cum potentia Optimatum, atque Principatus permixtas minime habebant, fuit iccirco Atheniensi Reipublicæ ad Spartanam, veluti pusionis ætas ad senilem. Fortunatam dixi nuper Lygurgi prudentiam: Dicam nunc fortunata Romanorum infortunia, & bonis auibus adductas clades. Quandoquidem ex turbulentissimis illis dissidijs inter Plebem, & Patres, concordia tandem effluxit in novas leges, quibus aduersum infortunia & clades constabileretur ad perennitatem Respublica. Itaque si minus fortunam primam, alteram quidem certè sortita Roma est: & quod non dederat olim fundator dedit postmodum casus, ut principia illa rudia Imperij, sed recta nouo ex euentis additamento facto consummarentur. Decreuerat & multa & bona Romulus, quique subrogati sunt Reges, vel ad libertatem ciuilibus vitæ. Verumtamen cum eo spectarent, ut Regnum, non Rempublicam stablilirent, desiderata sunt plura tuendæ ipsi libertati necessaria, Regibus autem fundatoribus prætermissa. Igitur submotis ijs Regno superstiti creati sunt Consules bini, vicem Regum ut gererent. Ita Regum nomen, non Regiam potestatem excludere. Quare Consulibus, Patribusque dominantibus bimembris, & manca Respublica fuit, duabus nimirum ex formis tribus conflata, Principatu, atque Optimatibus. Vna supererat inferenda popularis administratio. Fecit autem tumultus pretium rei. Defluxere, uti disertum est in insolentiam nobiles. Irritata plebs est. Itaque rem omnem ne perderent, coacti sunt ius suum populo permittere, ut & suum tamen Senatus, & suum Consules gradum in republica retinerent. Hinc Tribunorum plebis creatio, & firmior deinceps Respublica, in qua tria Imperij genera fœderata conuenirent. Dedit igitur Casus Romanis, quod prudentia non dederat primi Legislatoris: Et qui ad euersionem oriuntur tumultus, firmauere eam gentem, quousque documenta obserua-

uit

uit fortunatissimæ sortis. Nos verò, quoniam cælitus habetur fortuna, niti illa minimè debemus, nec temerè administrare publicam rem, cui fanciuntur non sine cælesti Numine leges, instituuntur iura, destinantur consilia. Non enim remittere nos debet fiducia ex vno euentu Romanorum, vbi miriades aliarum gentium prædicant florere ex prudentia ciuitates, ex imprudentia ruere. Quæ cum ita se habeant, faciliè intelligitis, Auditores, quàm sanctè & vobis & mihi de Iure disputandum offeratur hodierno conuentu; Cuius Theoremata, ne vos amplius morer, profero in lucem sapientiæ vestræ disquirenda.

G R A T I A.

AB æquo, & bono prudentia Iuris non abhorret. Ergo si multus ipse non sum in gratijs agendis vbi tam multi ipsi fuistis in audienda de iure disceptatione, Vos, Viri prudentissimi, æqui bonique penditote.

I V S. C I V I L E.

QUOD humano corpori Animus, hoc homini legem esse, nemo vel mediocriter compos animi refragabitur. Prudentissimi Auditores. Cogatur, si placet, siue ex indigenis, siue ex conuenis Ciuitas opibus quantiscumque, neruisque collatis. Tantum in alterutro momentum Lex habet, vt, eam si negligas, in arena prorsum exædificari ipse probet successus. Fuerint homines principio dispersi sedibus, angusti terris, numero, situ, viribus pertenuis; vt neque inuadentium impetum sustinere singuli, neque tempestiuè glomerari manus ad repugnandum valerent, ni vacuas interea loci domos prædam hosti præsentem relinquerent. His itaque moti incommodis, vel propria cuiusque perorante necessitate, vel hominis inter ipsos grauissimi consilio in locum vnum maturè delectum conuenerint opportuniorē vitæ, securiorē præsidio. Sic Theseo auctore steterunt Athenæ, sic genio concordante Venetiæ: Illæ dispersis è rupibus Achaicæ oræ, hæ Insulis Adriatici sinus: Illæ alendis ad splendorem artibus natæ, hæ fundandæ iuribus æternis Italicæ libertati. Surgat nunc & ex conuenis altera Ciuitas, vel liberis ijs, vel subiectis, decernente coloniam, Republica, vel Principe, id siue exonerandis habitatore terris suis, siue tutius, ac citra dispendium tenendis illis, quarum sit recens potitus, siue demùm illustrando apud posteros Prin-

M m

cipi,

cipi, à quo Ciuitas ipsa ortum nomenque sit nacta; qualis Alexandrum sua iactat Alexandria. Quis nunc, cedo, contineat tam multa capita? quis pugnautes vtrique in multitudine genios conciliet? quis plurimum mentem vnâ constituat, vt in tanta diuersitate Cæli, sanguinis, ætatis, sexus; sit tamen vnus, idemque tenor ciuilis vitæ, vnum idem studium? Hoc officium Legis fuerit: hoc illius, qui politiam fundat, negocium, vt aduersus insurgentes ciuium motus, iurium quasi moles obijciat, vt acriora ingenia temperet metu supplicij, segniora præmij spe sollicitet. Ita.

Et premere, & laxas discat dare iussus habenas.

Adeo consilij locum occupant Leges in Republica, vt, quanto feracior, & amœnior terra legitur, tantò studium seuerius illæ poseant. Sanè si sterili solo, si angusto situ confidere Ciuibus fortuna dederit, adiget eos non magis Lex per Principem lata, quàm loci ipsius natura, vt per honestos labores impigri sibi rem quærant: & pari negotio, qui neutiquam valent intra suos fines diutius hostiles copias alere, fortius ad eas fugandas adnigrantur, vt pertinaci obsidione tentatos, quos tela non mouent, fames ne frangat. Sed demus nos ciuitati fortunatiora auspicia; demus, regionem vndeque florentem, & agri bonitate luxuriantem. Ibi, aio, potissimum opus sunt Leges, quibus compensetur loci natura, prouiso Ciuibus, ne ocio præfente, deliciisque soluantur. Sapienter ergo prisce Legæ lata iubebantur inter gymnasticos labores certis præceptis per stata tempora exerceri: quibus exantlatis mirum, quàm periti rei militaris, quàm procincti ad bella, difficillima quaque expeditione oblata, profilirent. Testor suppressis quàm multis recentibus, atque antiquis Sulthanicum Regnum, ordinemque Mammalucarum, & eorum per id tempus militiæ, antequàm per Selymum Turcarum Imperatorem memorabili victoria deleteretur. Cernere ibidem erat alias militum, alque alias exercitationes, & quantoperè ij abhorrerent ab otio, quòd profecto persuasisset genuina mollitia regionis, si legibus seuerissimis obstitissent. Lex igitur ciuitatem animat, vitam constituit, præmunit, moderatur adeò, vt exlegem eandem, & extinctam vsurpare nuncupatione reciproca possimus. Agite nunc. Ecquod negotium grauius agitare fas est mortalibus, quàm vbi communis vita nititur? Cui melius operum locare, tempus impendere, frontem rorantem addicere? Pro quo vtilius ad felicitatem, honestius ad gloriam pacisci vitæ nostræ anhelos labores? suspiratam

merce-

mercedem? Hæc me Iuris propugnatores, quantum dat vires, constituunt hodierna luce, hoc in cœtu gravissimo Sapientissimorum virorum, ut propozitis thesibus vestra oppugnatione velut obliquæ viæ compendio ipsi mecum suffragemini.

G R A T I A.

Sanctior nulla Lex est, quam ut accepta gratia referatur: Lex tamen æquior nulla, quam ut impotens gratiæ absolvaatur iagratî crimine. Ego, Humanissimi Auditores, tantumdem me vestro ære obstrictum, quantum beneficio rependendo imparem agnoscens; si minus relatis gratijs, actus ceret (ut in præsens etiam atque etiam ago) omnem perfecisse Legem putabo.

I V S C I V I L E.

Vel Rhetorica.

Seuere trutina perpendens Plato, moderatores Reipublicæ quantos existere oporteat, ut detur potiri populis quæ felicitate mortalibus licet; Philosophos illos omnino deposcit. Grande quidem placitum, & humana spe maius votum; tamen si antiquis atque recentibus miracula huiusmodi nonnulla ostententur. Mitis ego agens, quod Principum pars maior album attingat propilus, nec nisi perpauci supersint ostentui posterorum: non philosophos ipsos optarem, sed modò literatos, & exemplis antiquorum formatos; ut quod hi nec proprijs, nec prudentum assidentium periculis addiscere possunt, addiscant periculis veterum, felicesque in hac parte evadant ex Platonis voto Respublicæ, quarum Reges aliena faciant cautos pericula. Cogant itaque, oportet, in consilium suum antiquorum casus, habeant consilioforum loco Scriptores, quorum codices lenti percurrant, attentî deuorent. Siquis enim præsentis simul, atque præteritis res tanquam è specula contemplatus erit, intelliget faciliè in quaque ciuitate, in quoque populo eadem semper esse optata, ingenia eadem, ipsaque illa nullo non tempore extitisse. Ut laboriosum idcirco nequaquam fiat præterita pensanti, etiam futura prospicere in quaque Republica, ac ea promere, quæ & priscis prompta fuere, remedia: aut, si vîitata nulla extent, recentia moliri pro rerum accidentium similitudine, & quasi cognatione. Quoniam verò ea monita

M N 2

negle-

neglecta fuit, vel certè impercepta lectoribus: aut si percepta; his tamen, qui cum imperio sedent, minime fortasse cognita; consequens inde est, ut eadem semper offensiones, eadem clades, incommoda eadem nullo nunquam tempore occurrant. Oculatam citò testem Italiam semel, & iterum: recentem primò, deindè veterem, ut eundem, ac sibi perpetuò similem Solis cursum; recursumque cognoscamus. Primò igitur Florentina Respublica Etrusci Imperij domina occupatis Pisīs cum alijs oppidis non mediocriter imminuta indixit vsurpatoribus bellum. Hi, quoniam armis, virisque pollebant, duram effecere, ac multò dispendiosam oppugnationem. Itaque Florentinorum Dux vestigalia imponere, populi quærelis incessere, tumultum minari. Præerat huic bello Decemvirum Magistratus. Hunc ciuitas pertædere, inuidiam facere, quippè quem crederet & belli auctorem, & dispendij quoquè sublato magistratu ipsum simul bellum iri sublatum. Ergo Decemuiratus instaurandi legitimum aderat tempus; quum iure ipso abdicatis antiquis, nec subrogatis recentibus extitit ipse per se abolitus Magistratus, totumque ius Optimatibus deuolutum. Fuit vsque eò perniciosum Republicæ id consilium, ut bellum non modò non extinxerit; sed sublatis tantis capitibus, quorum admirabili prudentia administrabatur, in tantam cladem adducta res sit, quantam dehinc probauit inopinantibus plerisque irritatum acerbius bellum, & ad Pisanaam Aretiana quoque defectio, ac finitimorum locorum momenti non parui. Resipiscens verò populus, & morbi originem tum demum animaduertens febrim esse, non medicum, restituit Decemuiros. Atque hic ipse tumultus (ut ad Italiam veterem transgrediamur) hic, inquam, ipse tumultus adamussim Romæ dudum increbuerat aduersus Consulum appellationem. Nam vnum ex alio bellum suboriri cum cerneret Populus Romanus, nec vllum dari quietis interstitium; id quòd vertere finitimis populis ambitioni debuerat, vnde sibi clades extrema parabatur, refudit in nobiles suos quasi hi tribunitia tutela prohibiti à subdenda intra Urbem plebe, subditam ipsam imperio Consulari legarent extra Urbem omni destitutam præsidio, ad certum exitum, ac internecionem abiectam. Hinc itaque aut Consules omninò tollendos putabant, aut quidem sic moderanda iura, nihil ut illis domi, nihil foris auctoritatis in populum esset. Tentauit primus hanc legem Terentillus Tribunus. Is suasis Quinqueuiros creandos, qui Consulum cognoscerent potentiam, ac definirent. Quæ res,

mirum,

mirum, quantum concitavit nobiles iniquissime passos, ita pessum ferri Maiestatem Imperij, nec sibi gradum ullum honoris in Republica superstitem fore. Usque adeo tamen obstinatissimi persistere in sententia Tribuni, ut Consulare nomen extinctum venerit: consensereque demum post alia quædam scita, in id quoque: Potestate Consulari ut crearentur Tribuni potius quam Consules: tam erat illorum inuisum nomen, ne dum auctoritas. Ita in multos annorum deducta res est, dum errore cognito, ut Florentini Decemuiros, sic isti Consules quasi postliminio recepere. Poteratne luculentius pro nostra sententia Italia ipsa perorare? At hic literaturæ fructus est, Viri Sapientissimi, quam quidam, & ij non pauci, nihil amplius, quam quoddam parergon esse voluerunt ad Iuris prudentiam. Ego verò nerum statuo: neque solum præcurrere oportere legibus addiscendis; verum & comitari ipsarum studium, & condendis perpetuo assidere, quemadmodum satis pro me res ipsa eloquenter perucit. Hæc ergo prima quasi fercula vobis Dignosiphistis apposui, subministraturus mox secunda, & tertia, doctissimis colloctionibus vestris, ac disputationibus condenda. (* Si ad Rhetoricam disputationem trahetur Præfatio, hæc ferè clausula fieri poterit).

Planities hæc à me dicta sunt, quam vestra fortè exigebat ad numeros omnes grandescens Eloquentia. Verumtamen satius duxi hinc sepositis flosculis aculeos rationis nudos prætere; ut quando legum intelligentiam vestrorum studiorum metam video ferè esse propositam, res ipsa præsens urgeat vobis validis animos, quam ullus elaboratæ orationis impetus, ad hæc ipsa, in quibus alioqui feliciter versamini, politiorum literarum spatia percurrenda.

G R A T I Æ .

Legumlatores literatos ego tantum admisi, nouo fortasse placito. Atqui nouam vos quoque Legem fertis; cum pro collato nunc beneficio gratias suppressere magnitudine ipsa, & nouitate me iubetis.

I V S C I V I L E .

IN grauiissima Iuris tractatione (Viri prudentissimi) placet imitari sanctissimum Auctorem rerum, qui serium negotium suum ludo exprimendum putauit. *Ludens, inquit, in orbe rerarum.*

rarum. Ego itaque non multo aliter. Persequar autem iocō gravitatem legum, prudentiæque vestræ subijciam seriō inspe-ctandam Bisquæsitō. Lex lux, dux: Exlex nox, nex. Sic paucis multa concludens validius impetam, vrgeboque pectora mortalium ad sacrosanctam legum retinendam observantiam, ad impium neglectum proculcandum. Ac primum quis deneget Legi, lucis titulum? nisi quis de luce disputet, cæcus utique. Naturæ (si recolitis) cunabula lux composuit. Primum, quippè diem Auctor producta peperit luce, iubens ante auroram discescere, ante Solem illucescere. Cœva igitur Naturæ lux, sed & cognata lex; *Nihil est tam ad Ius, conditionemque nature, quàm lex*, ait Tullius. Sed & vicaria; Ratio naturalis sufficit pro lege; Tritum est iurifconsultis. Sed æmula; *Lex est veritatis imitatio*, Platone teste. Sed fœderata; *Vniuersa hominum vita* (ex Demosthene) *sive magnam urbem incolant, sive parvam, Naturâ, & legibus constat*. Sed parallela. Etenim colorentur omnia luce: *Lege & earum observantiâ*, inquit Demosthenes, *exornantur omnia*. Sit lux pulchritudinî, omnis fons, & formæ officina; *Nihil omnino neque pulchrum, neque decorum reperiri potest, quodd non cum lege aliquid communicet*, subiicit Græcus Orator. Exhilarcet omnia lux, & viuificet, velut obruunt mœrore tenebræ, ac tabefaciunt; *Salus Ciuitatis*, prædicat Aristoteles, *in legibus est*. Sit lucis singulare præconium, quod de ipsa prædicetur in restō Deus; *Quoniam Deus lux est*, ait Ioannes Apostolus. Id ipsum de lege vsurpat Plato: *Qui legibus seruit*, inquit, *Dij seruit*. Denique dic lucem æquè hominibus metuendam, ac optabilem, nempe censuram acerrimam maleficiorum, ac turpitudinem. Nonnè vides, vt noctem intempestam captant erronei? vt cæca latibula scortatores exquirunt? Scilicet oderunt amasij tenebrarum lucem, non tam indicem obscœnitatum, quàm vindicem. Quandoque ergo inuisa lux, per quàm visuntur omnia, & ipsa fœda cum dedecore. Quàm inuisa pariter sit lex, aduertit Bias apud Plutarchum: *Optima ciuitas est, dicens, in quâ omnes legem non minùs, quàm Tyrannum timent*. Iam lex lux apparet vel cæcis. Et Dux igitur in tot huiusce vitæ anfractibus, ne errent mortales; per tot decliua humanarum cupiditatum, ne ruant. Nam quid aliud est, quod vulgò lumen rationis appellant, nisi lex quædam ab cœlesti Opifice vnicuique hominum indita, qua ducet & certum ad felicitatem iter tenere, & offendicula cupiditatum; abruptaque criminum declinare tutò possint? Sensit hanc legem,

legem, qui sanctiorem aliam non meruit Latinus Orator, cum docuit, *peccare est tamquam transire lineas*. Ecquas, dico, lineas, nisi regulas viæ, & margines, quibus tuum contineas gressum, ne huc, illucque deflectat? Lineas, quibus alludens lyricus Vates heroicè, id est seriò cecinit.

Est motus in rebus, sunt certi denique fines,

Quos ultra citraque nequit consistere rectum.

Quid? adhucne quæritis orationi meæ firmamentum? Bisquæsitum propositi altera pars alteram plus satis firmat. Exlex, nox, nex. Tolle è medio legem, lucem tollis, inuehis noctem. Tolle è Ciuitate præsidium legum, vitam Ciuium tollis, necem inducis, & feralem omnium bonorum euerfionem. Loquantur hic extinctæ Respublicæ, si modò post cineres vsuram loquelæ retinent (quamquàm & luctus earum locutio vocalis est, & næniæ quæstus, & funus præeo, & bustum subnascentis perenniter famæ infelicit cunabulum, & ipse denique casus monumentum tristissimi fari, ad eruditionem posterorum sempiternam). Sed tamen loquantur pro ijs Annales ab exordio rerum, per quos nihil frequentius, nihil familiarius occurrit, legendumne dicam, an lugendum? Nam lusus ille Agidis senis de inuersione Spartanz Reipublicæ ad senioremem quendam deplorantem persimilis certè fuit Sardoniorum ritui prosequentium risu funera parentum. *Res igitur, ait ille, rectò ordine procedunt. Siquidem ego puerè Patre audiri iam tum illis temporibus, quòd res inuertentur. Ita si rursum nunc inuertantur, redierunt in locum pristinum.* Hic, inquam, lusus quis neget testimonium extitisse Patriæ deploratæ, cuius bonis legibus, institutisque abrogatis deteriora semper succedentia extremum labanti Reipublicæ fatum consciscabant? Eequa igitur exlegi Ciuitati horrendior nox? ecqua infandior nex? Habetis itaque probatum Bisquæsitum. Sed iam acuamus ad apices subtiliores ingenia, & luris nonnullas Theses in medio mox ponendas agitemus.

GRATIÆ.

A Gere pro acceptis beneficijs gratias humana iubet lex, Naturæ dictat lux, Ratio demonstrat Dux. Egonè indifferus patiar in beneficentiam vestram hodiernam videri Exlex? Præfertim cum nulla mihi claritatem meriti vestri obscurare possit ignorantia Nox, nec vlla magnitudinem deterere obliuionis Nex. Gratus igitur contendam esse, etsi parum gratus. Sie si miles Præfationi gratias Bisquæsitum perfecerit,

I V S C I V I L E .

*In Exordio annuæ interpretationis Legum Civilium
in Pisana Sapientia .*

E Mergo è Cymmerijs antris in Solem (N. N. N.) & quamquam mihi ad serenitatem istam purissimæ lucis beetur animus, acies tamen oculorum perpetuis assueta tenebris anxie perstringitur, & mentis delicias infelici perturbat successu. Nam quid ausit ingeniolum meum vel inter infimæ notæ obscurissimum prodere se se in Cælum Pisana Sapientiæ, tot tantisque luminibus ingeniorum fulgentissimum? Verum tamen, & qui meis me natiuis euocat ex umbris Moderator summus huiusce Cæli Serenissimus Magnus Dux, & qui nutu suo proximè excitat, impresso quasi motu Intelligentia cælestis, Illustrissimus Zatus; iubent nunc refugientem gressum sistere, atque in oblata benignitate lucis, quales quales mentis meæ oculos continere. Quæ verò ista lux est, nisi lex, & ipsa quidem Civilis, ad quam opera mea, etsi plùs multò imbecillis, intenditur? Salve, Orientis Solis filja, fugatrix umbrarum, formarum obstetrix, boni, pulchrique parens. Quis enim te diris impetet, nisi consimilis pelle animi, & nostis germanus, Æthiops? Nos ergo te salutabundi excipimus, qui communem generis nostri salutem acceptam tibi ferimus. Ita porro est, Auditores. Non melius Diuinitatem suam perspectam mortalibus facit Lex, quam si paululum per nos immutata voce Lux appelletur. Non patitur ferinam conditionem homo, domandis feris, ac subigendis natus. Illæ, ut videtis, exacto mox officio proles educandæ, ut sibi natæ sunt, ita soliuagæ noctem amant, horrorem umbrarum expetunt, spelæa cæca hospitalia sibi faciunt; suæ inimicitij alunt fœdera; pacem perpetuis in armis, in insidijs, in congressibus habent positam; nihil denique illis ordinatum capit, nihil tranquillum; ignaris quippè omais concordie, incapacibus felicitatis. Neque mirum. Eam illæ sortiuntur animam, quæ occidente vita corporis sempiternas in tenebras abit corruptionis. Quid homo? Cæli particula à quibusdam putatus, non nisi lucem appetit, & eam sua quasi cunabula in amoribus habet? Elucidabo meum dictum. Amator lucis homo, societatis proinde studiosus nascitur; in fœdere, in concordia, felicitatem vitæ nanciscitur. Itaque summa rei nostræ in stabilenda

lienda Ciuitate, muniendaque republica sita esse conuincitur. Præclare verò hominem Genus Dei prædicauit Aratus, Semen Diuinum Ouidius, aliud alij, à quibus superfedeo, sed omnibus præclarius Moses, ad Dei Imaginem, ad similitudinem factum, nisi Deo ipso distante tradidisset, exaggeratiue poetice videri posset. Ego, vt in Diuinis fiat æterno vnus naturæ scedere inter personas firmatum beatitatis regnum; Ita in humanis quando hinc genus nostrum ipsi trahimus, quando tali ex semine procreamur, quando ex eo prototypo imaginem ducimus, consimilescque facti cognoscimur, non aliunde profectò fas est beatitatem vitæ petere; quàm ex multorum in vnum vitæ statum consensu, certa quadam & firma ratione stabilitò. Atque hanc esse, quæ Ciuitas dicitur, quis non videt? Ciuitas dico, quasi Ciuium vnitas, & ad vnum finem, hominum multorum conspiratio. Hanc verò vnitatem, hanc conspirationem ad vnum, quid nisi nexus quidam æctus perficiet; vnde & refractarij in officium cogantur, & sequaces fructum felicitatis percipiant? Hic porro nexus nisi præterquam Lex Ciuilis habetur, quæ duplici cardine iustitiæ nixa, dum præmia bonis, supplicia malis præscribit Ciuibus; Cives in officio præclare continet, virtutes alit, scelera proscribit, meram felicitatis celeri gressu tangendam proponit. Da mihi Mundum, cui Lux affulgeat, omnia tibi protinus, quæ exhorreas deformia; omnia, quæ sectere pulchra, indicabo. Da mihi Ciuitatem, da Republicam, in qua Leges vigeant, nonne ita ordinata omnia conspicias ad vitæ splendorem, inscium feritatis, dignum homines? nonne & suam virtutibus æstimationem, & vitis dedecus; artibus item bonis, ac disciplinis cultum, ocio, ac libidini terrorem; maioribus reuerentiam, æqualibus fidem, subditis æquitatem, diuitibus modestiam, Magistratibus obsequium, Numini Conditori pietatem, religionemque conseruatam videbis? Itaque sicut sublata Mundo luce, rebus omnibus nitor, & pulchritudo subtrahitur; ita, si generi hominum sustuleris Leges, omnem illico decorem, omnem dignitatem sublatam miraberis; immanitatem humanitati barbariem cultui, horrorem splendori substitutum, deslebis. In hac luce quæ sit felicitas Medici Imperij, ubi nimirum Astræa dominatur, cernere fas est, & quæ contra nationum barbararum infelicitas, quibus loco legis libido est. In hac luce patent, quæ digna sint omnium oculis facinoræ, quæque visu fœda, & auditu. In hac luce constituto circumferre licet oculos, & plerosque

mortalium exLeges intuenti promptum est in illud Ouidianum crumpere.

*Proh Superi, quantum mortalia pectora cæca
Noctis habent?*

Sed vos apagite noctem, quæ alias nationum obtinet Etruscæ nostræ antipodas. Nobiscum interim quàm faustè agitur? quàm fortunatè? qui diem nullis temerandum tenebris in tanto cultu Legum Ciuium habemus perpetuum. Nec enim occidere Lux ista potest, quæ tam claris luminibus sapientiæ innutritur. Quæ verò ista lumina (dicet quispiam)? An (dicam ego) de Sole disputabit, vtrum fulgeat; aut in eius meridiano fulgore lucem exquiret, vt ille accensa lucerna hominem in foro per meridiem? Nam quis non Pisanae Sapientiæ lucem toto orbe conspicuam in Serenissimum Magnum Ducem, atque eius Serenissimum germanum Leopoldum tanquàm orientem suum referat, quibus auctoribus, ac patronis non ego solum vix Noctilucæ comparatus, sed vos quoque Collegæ, clarissima sidera, Luciferi quàm simillima splendorem, ac dignitatem doctoralis cathedræ ostentatis. Quis autem nisi planè cæcus fulgorem tuum dissimulet, Illustrissime Zate, quem & ab optima primum in omnibus liberalibus disciplinis institutione, & postmodum à grauissima prouincia pro Serenissimo Magno Duce in Principe Orbis Republica Veneta multos per annos egregiè citra exemplum administrata, tam multis radiantem meritis ad horum omnium Sapientum coronam, ad gloriam, ad decus immortale suspicimus? Verum, quia non valet hic amplius imbecillis acies oculorum meorum tantæ Lucis radios sustinere. Dixi.

I V S C I V I L E.

Cum cathedram Iuris primum subiret N. N.

SI quando placitum illud eruditorum, de tuenda fabularum dignitate, ac sanctitudine contra imperitorum calumnias, ac sciorum petulantiam, fide omnè, ac veneratione dignum putau; cum maximè pronus adorau; cum in ea, quæ de Apolline comminiscuntur lepide prisca homines, nescio, quo bono meo fato nuper incurri (Illustrissime Præsul, Amplissimi Patres, Ornatissimi Iuuenes). Neque enim rugoso è cortice pretium rerum esse petendum, neque rudes gemmas, scabrasque conchas

conchas oblata extrinsecus specie nisi infantes, aut infani mente dijudicant; sed sub inuolucris quidem fabellarum studiosè introspicimus, quæ belle latitat, vulgi negata oculis; ad benè instituendam vitam comparata sapientia: Quàm vt religiosus morum genus coleret, sub consistat narrationis velaminibus, quasi sacram rem, diuinitus acceptam, omniumque votis dignissimam veteres illi morum magistri condiderunt. An verò opportunius aliud argumentum ad hanc recentem prouinciam inuendam suppeditare mihi sidera poterant? Nunc cuiuero oculatam à me fidem exiget Princeps Philosophorum naturalium Plinius, qui semina rerum, quæ passim progignuntur in hac infima parte terrarum, è sublimi illa regione, atque ex Astris, Cælestes nempe particulas, demitti ad nos decreuit, nihil vt vnquam hic prouenire contingat siue elementorum concursu perfectum, seu ad speciem conseruandam vegetum, seu ad vsum sensuum, ac vitæ rationem animatum, quod non allic, vt in seminario vberrimo viuudum legatur. Nam cui homini inopinanti, eidemque immerenti Cæli clementia honestissimam hanc Cathedram destinabat, simul eius animo maturè refricauit fabulosum poëtis Apollinem; & vehementiore quadam illecebra totam in ea cegitatione mentem absorbit, vt iam dissimulare nequaquam potuerim, læua nunc demùm in me sidera, & solito benigniora, magnum aliquod mihi fortunando modiri. Est namque (quis nesciat?) est satis Apollo vnus numeris sapientiæ omnibus Mundo tradendis: Vnus ipse Philosophantium paginas omnes exhaurit, vnus præcepta omnia ad beatam in terris vitam agendam perstringit. Non is quidem considerandus hodierna concione offertur mihi, quæ fertur, Macrobio teste, Auctor carminis: habent hanc partem in hoc lyceo celeberrimo, nec sine dignitate sustinent, qui amœniores tractant intra Musarum sacra literas: Neque quæ Præses habetur vaticinij; Diuinarum Literarum interpretibus id committitur, quorum hic non tam dogmata, quàm oracula quotidie audiuntur: Neque minùs quæ præcelluit sagittandi peritia; Dialecticorum, quippè est ea meditatio, vt argumenta sua (quod sanè felicius voto hic præstant) quasi tela in album veritatis certò tactu contorqueant. Non denique, quæ Medicinæ Artis Deus habitus: Cui non desunt sui flamines in hoc ipso sapientiæ Templo, sacris Hecatombis religiosè intenti: Verùm hoc magis, quæ lyram tractat, & chordas vocales ad harmoniam mellissimè pulsat; hoc est, quæ Legibus Orbem temperat, & rebus omnibus

iura præscribit. Iam videtis, Viri sapientes, præiudicium illi causæ esse, quæ Medicinæ inter, & Iuris professores olim feruebat; Vera illarum præcelleret dignitate. O factum bene: Mirum enim in modum conciliatæ sunt partes; sed composita lis ad pacem consensionemque sempiternam; Quandoquidem Deus idem vtriusque partis decernitur Auctor: Apollo idem Medicinæ, ac Legum Præses edicitur. Quare cum vno ab Numine pendeant ambæ, iam dignitate aut neutra vincitur, aut certè utraque vincit. Quamquàm quid ego? quid laudes Legumlatoris tam breuib. terminis circumscripsero? Quasi, quæ Apollinem lineamenta conflagunt, non omnia ad legum earundem redundant gloriam. Vna inquam Legum administrandarum ratio decora vniuersa complectitur, & ex reliquorum studiorum ornamentis pulcherrimum sibi adornat triumphum. Nam quòd ductat Musarum choreas Apollo, & modos singulis præscribit carminum, fundari, ac foueri religionem, & cultum sacrorum vbi illa solemniter immiscentur per sacros ipsos Canones, qui Legum Principatum tenent, tam est omnibus exploratum, quàm quòd exploratissimum. Vaticanis autem præesse quis potest dignius, quàm legum oracula dispensans in populos suos Princeps, è quibus religiose obseruatis vaticinari sibi Ciuitas non dubio successu, aut fallaci oraculo felicitatem potest. Cui verò iustus sagittas, ac tela attribuimus, quàm armandæ Legislatoris dexteræ in impios iustitiæ desertores? Ut ne propterea putetis, instructum sagittis Apollinem apud inferos temerè locatum à priscis fuisse: Scilicet vbi sedes torquentorum fontium inter cæcos horrores sempiternæ noctis ex verò disciplinæ Christianæ placito decreta fuit. At vna (dicit aliquis) ratio Medicinæ quoniam pacto cum Legibus conspiret, non video: quid enim cum animi conditione tam pugnat, quàm Corpus. Quid membris concretis commune cum puro spiritu? Atqui Legislatoris opera cultum intendit animorum; Medicorum autem cura circa corpora distinetur. Itane? Bellè tu quidem. Sed quòd ex tam diuersis, atque adeò aduersis, atque pugnantibus rebus vnum tamen in Natura, ac totum conflat, quem hominem dicimus; non ineptè propterea idem vnus existet Corporis formatur, & Animi, Auctor Legum; Medicinæ simul laurea, & Iuris insignis; denique, Apollo vnà fidicen, & Medicus. Quid? Consulite (si lubet) Sacros vates, & postis parumper Ethnicorum fabulis quærite oracula sacrosancta, quibus nec vlla subesse fallacia potest, nec sententiæ distortæ cadere

cadere interpretatio. An non ille requisitus, vti Princeps esset, Non sum ego (respondit) Medicus? ita quod se impotentem Medicinæ cognosceret, Principale sceptrum, & iustitiæ administrandæ prouinciam recusandam putauit. Meliorem, enimuero Medicum Mundus non sentit, quàm qui animi morbis, grauissimis licet, medetur, hinc præmijs propositis, illinc supplicijs, quibus, & contumaciam Ciuium facile frangat, & excutiat segnitiam; illos à scelere frænet, hos ad benefactorum extimulet gloriam, utrosque præsentis ope seruet, ac sospitet. Est planè, est arcus inter vtramque portionem nostram nexus, vsque adeo, vt vice alterna neque curare mentem insanam valeas, ni corpori propines pharmaca; neu corpori laboranti morbum detegere, ni animum castiges, adhibitis Legum remedijs. Rapiat me tamen (fateor) illius lyræ concentus, quæ vt alia decora, hominis mortalis conditionem fortasse non dedignantur; sic illud planè Deum arguit, & Numinis immortales præsentiam testatam facit. Cernite (quæso) quàm amœnis figmentis veteres contegant veritatem; quàm sanctè opera Diuinitatis obtrudant, vel obessis ingenijs capienda. Tenet Apollo noster Cæli medium, & lyram pulsât: Vt ex concordia illa diuersarum fidium intelligas (aiunt Mystæ) harmoniam cælestium orbium ex illius Numinis nutu existere. Quid autem hoc dicto volebant sibi, nisi vt gloriam Dei præ cæteris maximam ex huius Vniuersi opere prædicarent, condendo dicam, an conseruando? Est certè vtrumque paris virtutis, ac Deo propriæ: denique conseruatio ipsa Mundi quid nisi continuata molitio est? Condat igitur hunc Orbem Deus, conseruet conditum, quàm non modò immensa vis, sed etiam mira modulatio? Tot contrarijs compactum partibus vnum corpus, membris ita diuersis coalescens tanta moles, motibus omnino aduersis concinnatus vniuersæ naturæ cursus, Cælis, Elementis; leuibus, grauib; rectis, obliquis; sublimibus, imis; velocibus, tardis; liquidis, concretis, & quæ sunt aliæ myriades pugnantium inter se rerum, in huius Apollinæ Lyræ harmonia, in fidium discordantium concordia mira continentur. O vestram, Legumlatores, gloriam Deo dignam. Non iam quod ego partes materiæ huius Molis temperandæ vobis arrogem, quod æquè ineptum foret ac impium; sed quod laudem quodammodo æmulam Diuinitatis vindicare ipsi videamini, In Mundi alterius, id est hominis regimine, adeoque in multitudine hominum consertissima vnam in Ciuitatem confluente Legum vestra-

vestrarum præsidio moderanda ad concentum quendam mirabilem Vniuersi perfimilem. Et quemadmodum vt Mundi ipsius mundiciem clarius intuemdam demus mortaliū oculis, quibus ex vsu admirabilitas rerum Diuinarum obsolescit, illius rudimenta, quæ initio rerum fuisse describuntur, solemus ob oculos ponere, quo demum indigesta illius massæ tetra facies, & horrens chaos, digestæ postmodum magisterio Dei, & in hanc rerum pulcherrimarum quasi panegyrici compositiæ elegantiam, ac nitorem magis commendet. (Ouid. i. metamorph.)

*Ante mare, & terras, & quod tegit omnia Cælum,
Vnus erat toto Natura vultus in Orbe*

Quem dixere chaos, rudis indigestaque moles:

Nec quicquam nisi pondus iners, congestaque eodem

Non bene iunctarum discordia semina rerum:

Nullus adhuc Mundo præbebat lumina Titan,

Nec nona crescendo reparabat cornua Phæbe,

Nec circumfuso pendebat in aëre tellus

Ponderibus librata suis, nec brachia longo

Margine terrarum porrexerat Amphitrite.

Quæque erat & Tellus, illic & Pontus, & Aër

Sic erat instabilis tellus, innabilis unda,

Lucis egens aër; nulli sua forma manebat,

Obstabatque alijs aliud, quia corpore in vno

Frigida pugnabant calidis, humentia siccis,

Mollia cum duris, sine pondere habentia pondus.

Hanc Deus, & melior licet Natura diremit.

Id ipsum planè in rem nostram Auditores. Cernite primum chaos; si species Mundi quanta post enituit, conspiciari cupitis: Cernite (inquam) mentis acie destitutam iuribus, ac institutis urbem populorum, & quam exhorrendum præferat chaos, & salum potius frementium bestiarum, si auctis ordinatæ postmodum Ciuitatis, & Legum Diuinarum humanarumque præsidij communitz concordiam felicitatemque æstimare. Næ mihi hinc rursus à capite ordiendi oratio foret, tam latus patefecit campus in Legum sanctitudinem, ac momentum ampliificandum. Sed vetat dicentis conditio, ne videar eruditissimos ab omni notitia historiarum viros, admonere de tot Regnorum, ac Ciuitatum fortuna ex Legum, siue studio siue neglectu promiscuè memoranda: Neque verò est, cur studium tam validi in Republica præsidij cuiquam vestrum, Auditores, inculcem, quos

quos partim in eo emeritos, atque adeo grauissimos Iuris præsides agnosco, & veneror, partim adolēcentes eius iam sacris initiatos, impensèque deditos dum dispicio, simul gratulor, & meam hanc quantulamcumque operam, ne meo muneri potius deesse videar, quàm ut ea indigere vos putem, promptissimam, paratissimamque exhibeo. Reliquum est, quod & primum apud me fuit, & semper antiquum erit, ut tibi, Illustrissime Præsul, & qui me cumque vestrum commendatione, sua apud Serenissimum Magnum Ducem ad hunc meritum meis oppidò superiorem gradum prouexere, gratias pares, quas negat agere impar facultas, & infanti simillima oratio; habere se certè animus profuseatur, nullo annorum curriculo, nullo senio temporum exoleturas. Dixi.

IUS CIVILE.

Pro cathedra Doctorali.

Vereor, ne sæculum illud vetus repræsentem vobis (N. N.) quod sanè sæculum tristi quadam impressione dominantis superne Mercurij, tulit ingenij monstrum turbidi planè, ac refractarij, Philolaum illum Pythagoricum, à quo primum excogitata esse fertur, & euulgata sententia, de Terræ elemento in Orbem se se mouentis, deque siderum quiete perpetua. Scilicet fœxiari ille voluit à motu irrequietos à Natura Orbes Cælorum; offitari ab orio, ac somno peruigiles eas, quas Peripatheticus vocat, Intelligentias, quæ supernos Orbes sin minus ad vitam informant, ad motum certè, harmoniamque Vniuersi constituendam cient. Contrà verò inanissimi terræ globo, & bruto ponderi, ad inertiam, ad otium nato. Et mentem, & morum, & negotium inuerso rerum ordine, perturbatis Naturæ Legibus tribuere non veretur. Haud secus iudicauerit facilè, quisquis me hodierna luce in hanc Doctoris sedem euectum viderit; Quisquis abiectos ad torporem non paucos æquales annis meos, meritis superiores iuuenes egregios: me verò ad hoc negotium honestissimum, & singulari munificentia Principis, & miræ consensione Collegarum assumptum plausus vestros hodiè excipientem non sine inuidia aduerterit. Atque illi quidem intelligentia, conspicui, mente vegeti, naturæ dotibus copiosi, Cælo nimirum quàm simillimi, quidni iuberentur in hac sapientiæ vniuersitate ad harmoniam concurrere, nec tam oculis, studio-

forum

forum audissimis spectaculum iucundum facere, quam auribus concitum? Ego verò instar pigerrimi elementorum cogor tamen; etsi non ingratis, vrgere memet ad motum istiusmodi gloriosum, quemadmodum supra naturam ingenioli mei, sic supra meritum: iure mihi exprobrari possit, quòd Iustiniano quondam Cæsari, qui literatorum patrocinium affectans, adeò literarum expertus ipse erat, ut vulgò cognomentum Analphabeti colligeret. Ac Philolaus quidem licet è priscis Philosophis nonnullos, nec è recentibus paucos auxiliares habeat, primipilumque suum agnoscat Copernicum, Astronomicæ palmæ affectatissimum, vel vno tamen aduersario Aristotele triumphatur tantumdem à Physicis exhibitus, quantum ab astronomis communi plausu comitatus. Usque adeò, ut transfugas non paucos numerare possit Copernicus à sua fide, non ex vecordia, quidem, sed ex conscientia veritatis ad Aristotelicas partes tractatus. Stat igitur librata in Mundi Centro Terra, quiescit placidè in gremio Vniuersi, dum suo continenti motu Orbes Cælestes, dum labore perenni, dum studio infatigato depluentes vndique suis muneribus quietem ipsi Terræ, opulentiamque conseruant. Sic etiam se res habet in Mundo politico. Srat vulgus, elementum velut ignobilius, & obscurius. Mouentur circum Primates, & Principes, portio Reipublicæ nobilior, & Illustrior. Quàm verò collucent hi astris virtutum? quas præferunt faces clarissimorum nominum? Sed si hosce Cælos tam conspicuos, tam lucentes iusseris cum Copernico requiescere, nonnè harmoniam omnem è Ciuitate sustuleris? Si vulgum moueri atque adeò admoueri clauo publicæ gubernationis volueris, exhibilaberis tu velut amens, sed istius proxinus amentia luet pœnas perturbata, & suis euulsa cardinibus Respublica. Itaque steterit vulgus, necesse est, Principi subiectum, atque eius quodammodo in amplexu regiminis otiosum. Vigilabit interim instar siderei Cæli Princeps, voluit continenter in sua mente consilia, quibus leges optimas influat in hanc terram, eamque pacatè excipientem fouebit ad omnem tranquillitatem, fecundabit ad omnium gloriam virtutum, ad omnes delicias. Hoc uti claris nobis fiat, Viri Auditores, intendamus (si placeat) mentem in illam defectionem maximorum planetarum, quàm Græci Eclypsim vocant. Enimuerò si Solis, aut Lunæ radij tantisper subtrahantur terræ, quanta huic illico damna, quanta pernicies? Lethale vulnus inflatum dixeritis, adeò illa morula subtrahæti cum radijs beneficij viduatam reddit, ac omni sua

sua felicitate destitutam terram. Heu miseram Ciuitatem, quàm malorum artibus quasi thedis furiarum ardentibus agitata excutit à ceruice iugum per Legislatores impositum! Ius abdicat Sacrosanctum, patrum patriæ consulta negligit, sanctiones Principum proculcat, Legum denique præsidium quasi pestem, ac perniciem procul habet. Ecquid enim effecerit, se ipso vulgus indomitus, & fræni nescius? quomodo cursum multitudinis certum per iter felicitatis direxerit? Pudet hoc loco recitare ex antiquis, vbi suggeritur per sæculum nostrum edolulentior, quò tristior successus. Intuemini Neapolitanorum tumultum recentissimum. O te cæteroqui florentissimam, sed spectaculo tragico funestatam maximè, atque omnis posteritatis dignissimam commiseratione Parthenopem. Heu facinus. Tædebatne te Hispanici Imperij, vti luctuosa tyrannide te redimeres? fastidiebas Monarcham Austriacum in te dominari, vt fœcem vulgi, nescio quem siuenculum, sola dementia infanda celebrem substitueres Regnatorem? Putebat tibi pax aurea, qua diutius iam fruebare, cum intestinis tumultibus per turbulentissimum bellum quæritares pacem ferream, in qua non nisi Ciuium tuorum internecione requiesceres? Thomas illè Agnellius, verius dicam Leoninus? Proh turpe, atque obsecrum caput, nonnè corpus totum deuouit ferro, ac fato, quia motum cælestem dominationis appetijt, quia quietem suam terrenam, imò lutulentam violauit? Annè minore flagitio Terra vniuersa in Cælum coniurabit, motum illius sibi vendicans, quàm filij terræ gigantes in Cælum quondam arma tulerint? Deprimetur paucorum superbia tonantis desuper Numinis intorto fulmine. Generis autem vniuersitas impunè furere permittetur? Ecce ad exemplum posterorum vno ipso tempore è domino captius mortis effectus Thomas Agnellius: Vno gradu è folio ad supplicium migrat: acclamatur à plebe Rex, à Regijs glande appetitur; Torquem in Laqueum, in manicas ferreas aureos annulos; gemmas in plagas, vt insignia vsurpatæ per nefas dominationis debito singulis supplicio compenser, instar scæne versatilis repente commutauit, quò clausulam institutæ fabulæ breuissimo quidem actu mox referret. At, inquit, reclamans hic cum suis Copernicus. In motu terræ, saluæ sunt omnes omnino apparentiæ cælestes. Quidni ergo se ipse vulgus rexerit: subtrahæ Legibus optimatum, & Principum? Digna meherculè vulgo sententia, qui suum in rebus momentum minimè pendit, solam æstimat (vt ipse vocat) ap-

O o

paren-

parentiam; ut vnde illicij politici fastus capitur sensus plebeculæ, ibi statuit prudentiæ cardines, imperijque stabilimen sibi confingit. Speciem certè prudentiæ, non prudentiam ipsam teneat; consequens fuerit: factum affectauerit, non astum politicum: pfecturam inanem; simulacrum mutum, larvam inanimem, finium ridiculum Regis exhibuerit, non Regem optimum: neque quomodo gentes contineat, reputauerit, sed se se quomodo iactet: intemperantiæ seruierit suæ, non uti subditos temperet, studuerit: denique non publicam salutem artes eius intenderint, sed priuatam gloriam. O inique tracta Principis lineamenta. O spectrum humanis oculis execrandum. Mitto perquam breuissimum cursum fore istiusmodi principatus, qui vulgi insaniam amat possidenda sapientia optimatum. Non itaque habitura est Ciuitas Regem, sed spectatura in breui actu fabulæ sub Regia persona hominem sordidum, deposita mox purpura conductitia, redditoque locatoribus sceptro, ac diademate, suis tandem sordibus pristinis, hoc est sibi ipsi, restitutum. Qualem porro exitum habebit tam malis ausibus capessita Respublica, nisi cum Republica ipsa, impij quoque Capitis extremam perniciem: nisi illum ipsum, quem habuit Thomas Agnellus, quemque habitura fuerat malè auspicata Parthenope, ni consilio Hispanorum armata stitisset valenter præcipitantis sese fortunæ rotam, ne tantum incendium æternis Europam vniuersam flammis latius deuastaret. Quare Legum impia violatio concussit florentissimum Regnum, peneque compulsi ad ruinam: Legumque restitutio in gradum pristinum reparauit. Armis munita, non Legibus Plebs consciuit cladem Reipublicæ: munitis armorum præsidio Legibus Rex ab casu, ab iniuria Rempublicam vindicauit. Quàm ergo beata Ciuitas, quàm florens, quandiu Leges ex Legitimo Principe acceptas tuebitur? quandiu Legum Interpretes, ac Doctores, quò certius, & sanctius tueatur, coluerit? Non ego tamen quidquam mihi hac oratione arrogo, Viri Auditoris, quòd in hanc sedem tantula in ætate, ac penè impuber assumptus fuerim. Neque enim id meritò meo, sed aliena beneficentia contingit. Non quòd præclarum aliquòd specimen ingenij, ac literaturæ præbuerim; qui, ut potius promererer, oblatam fuisse mihi hoc anno materiem, satis intelligo. Ergo si quid à me non indignum tanto honore manauerit, id totum merito illorum, quibus honorem ipsum acceptum fero, palam à me tribuetur. Si audientiam vestram (lucces egregi) consequar,

sequar, vestræ illam humanitatis, beneficentiæ, virtutis per me æternum celebrandæ argumentum putabo. Dixi.

I V S C I V I L E.

Habita. Pifis. autè disputationem.

Solemnam illam proloquendi consuetudinem ad ea quæ vel tractanda postmodum offeruntur ex cathedra Annali, vel in conuentu studioforum argumentis obiectis sustinenda; video superuacaneam censi merito posse in hac ipsa per me suscepta prouincia (N. N.). Nam cum hoc dicendi genus non exponendo solum argumento, sed conciliandæ quoque auctoritati, dignitate proposita, sit institutum; quid est, quamobrem ego in eo negotio quidquam laborem, cum & studium meum Legibus antehac impensum, & Legum earumdem Diuinam præcellentiam perfectissimè cognoscatis? Quis enim non dico vestri similia, qui in tanta luce versantes dissimulare fulgorem non valeatis, sed hominum cuiuscumque conditionis, qui tamen humanitatem redoleant, celebre illud ignoret à Demosthene quondam pronunciatum, Legem esse inuentum, ac donum Dei? Non hic Diuinam interpretor Legem, cuius in tabulis lapideis exaratæ lator quidem extitit Deus, promulgator verò Moyse, si modò scriptam loquimur: sin autem naturalem, Deus idem lator, Dei verò vicaria Natura promulgatrix per singulorum mentes mortalium. Verum humanam mihi volo Legem, atque aded Cæsaream, quæ summorum capitum consilio, ac sapientia singulari instituta cum sit ad exemplum Diuinæ, complementumque Naturalis; cur non pleno ore inuentum, donumque Dei nuncupetur? Placet nè exemplum istud cum prototypo collatum aspicere? Quati verò aut indice Sol opus habeat, aut meridiana lucerna Philosophi Cælum, aut conductitia face hæc Orbis moles. Cernitis vel inter caliginem noctis, Cælorum orbes amplissimos, quemadmodum Intelligentiis præsidibus certa Lege atque stabili Conditor moderetur motu perpetuo, celerrimoque circumactos, auram salutarem, ac vitam inferioribus corporibus infatigata opera intilantes. Cernitis nullo interregno micantia sidera. nullo momento feriantem Solem à cursu prosequendo, à diffundendis in obiecta radijs, à dispensandis in orbem tempestatibus, à sublunarium constanti vicissitudine ministranda. Cernitis infra

Lunam mutabilitatem immutabili Lege perpetuam: Elemen-
tum mutuatam pugnam repugnantia concorde stabilitam. Deni-
que (ne multus sum in re peruulgatissima). Cernitis in fabulis
veterum scitè depictum Apollinem cum Lyra, vt harmoniam
indicent, qua quidem Mundum vniuersum sanctissima temperat
Lege Apollo verus, & immortalis. An verò abſimilis est ratio
Reipublicæ, quàm Princeps Legitimus vulgatis Legibus, pla-
citiſque præſcriptis per ſummam iuſtitiam in ſumma tranquil-
litate adminiſtrant? Nonne harmonica iſta inprimis eſt, qua
modò fruimur, Hetruſci Imperij felicitas; ſcilicet ex Apollinis
Medicæi Diuina propè prudentia, & planè cæleſti conſilio?
Verum non eſt huiuſce loci tanta materies. Ego depromptas ex
Iure poſitiones exhibeo vobis, Sapientiſſimi Auditores, ad ſtu-
diorum meorum coronidem diſputandas.

ORATIO GRATIÆ.

SI Leges donum Dei ſunt, vt ipſe proluſeram, donum
certè ſuit veſtrum, Auditores, idque propè Diuinum, quod
Leges ipſas non infeliciter apud vos propugnaui.

I V S C I V I L E.

Ante lauream in Collegio Doctorum.

Sapientiam, noſtræ animam animæ, in notitia, atque ob-
ſeruantia Legum ſitam eſſe Diuino addiſcimus oraculo Deu-
teronomij. Ex quo memet hominem nunc demùm eſſe putem,
qui Legum curriculum, bono quodam fato initum, proſperè
(vt credo) confeceſſim. Quanquàm beneficij veſtri fuerit, Pa-
tres ſapientiſſimi, me mihi talem collatis ſuffragijs comproba-
re, Ne deſipere contingat mihi, vbi cœpiſſe aliquid ſaperè,
ſudati per quinquennium ipſum labores pollicebantur. Certè
Ego, & vitam hominis per vos iactare iam poterò, & nuncupa-
tionem nominis quod ſacro de fonte reportauì, pro dignitate
ſuſtinere. Eequid aliud auribus meis ſonat nomen THOMAS
(ſi doctis viris credimus) præterquàm abyſſum? Planè abyſſus
peritia Legum eſt, ex qua pleno erumpunt alueo inexhauſta
fluenta ſapientiæ. Neque abſonat dictum Dauidicum in Pſal-
mis, *Ponens (inquit) in theſauris abyſſos*; vt propterea iactantiæ,
aut arrogantia fomittem miniſtrari mihi nullum ſentiam, quo-
ties Thomas appellor, id eſt abyſſus; quandoquidem hæc in
theſau-

thesauris posita dicitur, nimirum, ut Patres interpretantur, in sinu terræ, crassissimi omnium elementi; quale quidem ipse me fateor, inter æquales meos vix numerandus, quæ est crassities ingenij mei, & nobiliores cuiusvis literaturæ inopia. Si quod ergo specimen sapientiæ hodierna Luce ex me prodibit, acceptum vobis referam, oportebit, qui vestro auspicio, ac favore sin minus abyssum plenam, ac redundantem, fonticulum, certè, ac stillicidium aliquod in thesauro mentis meæ perangusto reposeritis.

G R A T I Æ.

A Byssi interpretationem meo in nomine sum præfatus, Patres Amplissimi. Nunc insignibus Doctoralibus, hoc est sapientiæ summis honoribus per vos donatus, tantam profectò gratiam erga vos conceptam habeo, ut nominis mei prius, quam beneficij vestri memoria sit apud me peritura. Dixi.

I V S C I V I L E.

Ante lauream in Collegio Doctorum, Neapoli.

N Evivam, si mentior (Patres Amplissimi) facie ista Civitatis distinctum luminibus Cælum referrî. Neve hallucinantis mei ad insolitam lucem existimeris hoc dictum; Relegite (si placet) per vestigia antiquitatis sæculum illud, vota mortaliū fugiens, suspiria ciens; illud inquam sæculum ab redundantia officiorum AVREVM appellatum, cuius delapsu corruptelis sexcentis illapsis Astræa mirum quantum offensa fertur Cælum repetiuisse, Terras caligine cæca obsitas reliquisset. Iam hic philosophari quis obset nobis; Leges, quibus hominum mores, ac vita regitur, quædam esse quasi sidera, à quibus suum accipit lumen Politia, suam Principatus gloriam, Respublica felicitatem. An non ergo Cælum æmulari dicetur hæc vestra, in qua Leges ipsæ, quia scitè per vos enucleatæ, sanctè vulgo coluntur, fortunatissima Civitas? Idque eò magis, quod si, ut ferunt, à Sirene ad hanc Urbem extincta & sepulta, Parthenopes appellationem ea promeruit: cur non & ab Legum Astris, non hic quidem extinctis ex prauitate Civium, sed ex innocentia indefinenter fulgentibus, sedes Astrææ, Cælum videlicet nuncupetur? Ergonè Urbis vestræ celebritas referetur Sireni, quæ suis cantilenis exitium struebat generi hominum, nec potius

tius Astrææ, ex qua vitæ lumen, felicitatis flumen in lares nostros deriuatur? Sed iam excipite, quæ iubeor de Legum materie hodierna mea inauguratione differere.

G R A T I Æ.

AD lauream Legalem cum per Vos (Patres Amplissimi) admisum me video, atque in Cælo ad Astrææ consortium inter tot Collegarum lumina collocatum: pro tanto utique beneficio in Cælum tollendi essetis gratijs meis: nisi meriti vestri fulgor immensus perexiguam facultatis meæ, atque ingenioli lumen extingueret.

I V S C I V I L E.

*Ad sententiam in questione de inuento Thesauro in agro
Emphyteotico cuius sit? Domini uti-
lis, an directi?*

QUOD meam hodierno cœtu sententiam rogatis, Sodales; non tam gaudendum mihi esse intelligo, propterea quod adolescens ego numerarius in numerum vestrum disceptantium, hoc est summorum ingeniorum coopter; quàm non mediocriter formidandum, præfagiente conscientia mea exitum expectationi vestræ nullatenus respondentem. Ita ubi de inuento thesauro in fundo Emphyteotico, quid ipse sentiam, iubeor in medium asferre; ubi vestros in me conuersos oculos, intentas aures, pendentes nescio quo studio animos aduerto, est merito, cur pertimescam; ne, postquàm meam exceperitis orationem, coniiciatis in me, loco plausus, & acclamationis vetus illud Adagium à Luciano vsurpatum in Philopseude, videlicet: Tu nobis, qui Thesaurus credebaris, carbones extitisti. Siquidem (vt scitis) carbones in terra defossi terminos agrorum antiquitus indicabant. Et mea quidem opinio in hocce agro cultissimo Academicorum quid nisi desinat in Carbones obscuri, & ineptientis ingenij, ubi iam vestræ mentes thesauri sunt eruditionis omnigenæ? Vtunque fuerit, parendum est imperio vestro, & vos tantummodò præmonendi, ne memet ipso maius aliquid expectetis, quàm quod huiusce ingenioli tenuitas pollicetur. Ergo quod proposuistis de thesauro, &c. Ita ego censuerim, &c.

I V S C I V I L E.

QUOD Pſaltes Regius pronuntiauit, ſignatum eſſe ſuper nos Mortales lumen Diuini vultus, prorsum ſibi voluiſſe quis dubitet, Imaginem Dei in nobis, nullis alijs expreſſam fuiſſe lineamentis, quàm Lege naturali noſtris in animis ad æternæ normam Legis, quæ Deus eſt, quæque res omnes ad præſcriptum finem ordinat, opificio Conditoris inſcripta? Atque hoc vnum inſtar multarum laudum eſt quæ congeri in ſtudium Legale poſſint. Sed quantum illius dignitas hinc extollitur, tantumdem mihi hodierno congreſſu timorem acuit, eiſce diſciplinæ Theoremata deſenſuro. Quantus enim ipſe ſim, quauè nota ingenij ad tantam ineundam prouinciã, cum mea me conſcientia acriter monet, tum vos, Lectiſſimi ſodales aſſiduo iam vſu cognouiſtis: Sed & vos, Sapienſiſſimi Auditores, in ipſo limine diſceptationis meæ facile perſpicietis; Cum ab emeritis nouitium impeti, à ſummis ingenijs rudem tyrunculum tentari aduertetis. Hoc autem vnum valuit reſuſcitantem animum meum cogere, quòd vos, quos propter omnigenam ſapientiam quaſi oracula Legum ferendarum hæc ætas veneratur, humanitatem, quàm erga me exerceatis, pro Lege habere glorioſum putatis.

G R A T I Æ.

QUOD VI ex periculo inſcitæ meæ euadere hinc pudibundus formidabam, abire gloriabundum ne miremini, Auditores. Quippè accepi ſignatum ſuper me lumen vultus veſtri humaniſſimi, imaginemque tam Diuinæ facilitatis nullo tempore, nullo caſu vitiandam geſtio præ me ferre.

M E D I C I N A.

AENIGMATI ſimile eſt, nec niſi trifti dictatum à Genio id quòd exul Vates effudit ſecundò de Triftibus, inquit.

Eripit interdum, modò dat Medicina ſalutem.

Quid enim? dicet quis. An eadem Ars ſaluti mortalium nata, ſaluti ipſi tendiculas ponat? Si quidem oraculo Peripateticorum credimus Metaphyſ. 2. docenti: *Medendi ars ratio ſanitatis eſt.* Quippè, ſubijciat hic Plutarchus, *Medicina inter artes liberales elegantia, ornatus, iucunditatis nulla minùs compleſſitur; magnam verò contemplationem de ſanitate, ſuis ſtudioſis exhibet.* Et

câ (suscipiam ego) sectatur has parses, quâ ægritudinem animi, morborum semper corporis fomitem, sæpè fontem hilaritatis Medici, lepore, facietis alleuans mirum in modum prouehit curationem ægroti. Alioqui subderet non sine sale Homerus Iliad. 2. *Medicus garrulus ægrotanti secundus morbus est*. Quid; inquam ego, si appareat homo è schola magis Zenonis, quàm Hippocratis, superciliosus, hispidus, macilentus, ore Cymmerijs ex antris aduecto, spirante brumam, & Boream vultu nihil minus, quàm salutem annuncians: Cæterum in limine ipso visitationis exprobrare luxum popinæ; obiurgare intempestuam ganeam; aliticiam indicere; indulgentiam omnem cibo, in potu, in medicaminibus excludere. Heu quàm malè tunc habitus à suis Hippocrates! Ita planè. Nulla in Medicinam iniuria maior, quàm à Medicis; quorum si frequentas opem, tibi vr- ges exitium. Audin', vt factum execratur Homerus? *Multorum, inquit, Medicorum visitatio me perdidit*. Videlicet iubet hic, ille inhihet. Alter autumat atram bilem dominari, flauam alter: Est, qui sanguinem mittendum asserat; qui neget: Alius retundendos morbi primos impetus, alius lentè obseruandos progressus. Pol! vno super morbo, vna ex arte quàm multa diffidia? quàm pugnaces ad stomachum sententiæ? Vtrique pugnant in gradu, & specie subsidij miseram homini languenti, cuius de vita contendunt, non secus ac interceptæ bello Vrbis ruinam vtrinque consciscunt. Tamen vnum denique probamus perorante casu Medicum optimum, nostraque illi fata committimus. Atque vt in Martiali acie pugnando; ita in Hippocratico puluere quisquis inter Medicos loquendo maximè pollet, illicò Imperator nostræ vitæ, cædisque fit. Cædis nostræ dico. Quis enim vsu breui non perspicit, quòd graui dicto prædicauit Plinius senior lib. 29. *Discunt, ait, periculis nostris, & experimenta per mortes agunt; Medicoque tantum hominem occidisse impunita est*. Et mirantur tantum odij quondam esse conceptum in Medicos, vt tanquàm hostes humani generis exulare patrijs tectis cogerentur? Miremur potius tantum Vatem, quantum nouimus extitisse Ouidium, iacturam salutis non minus, quàm adeptionem in eandem ipsam refundere Medicinam. Verumtamen vindicanda est nobis dignitas artis sanctissimæ, quàm profiteamur, vt non artem ipsam, sed Artis (Professores dicam, an potius temeratores?) arguere voluisse poetam dicamus: simulque coercenda in nobis ambitio, ne, qui vix limen Templi tetigimus, iam Magisterium sacrorum affectemus.

eternus. Utinam is esset nostratibus, qui & antiquis olim, sensus modestiæ: Ut, quemadmodum sophi alioquin homines, non se tamen sophos, sed ad summum philosophos, hoc est nequam sapientes, sed sapientiæ duntaxat amatores profirebantur; ita nos Medicinæ aphorismis conspersos, non Medicos, sed Philomedicos veriore appellatione iactaremus. Video sententiæ meæ vos tacitos acclamare: & reos voti exposcere à me de more positiones aliquot Medicinæ, ex quarum disquisitione possumus eam, quam deperimus, præcellentissimam facultatem copiosius, firmitusque tenere.

G R A T I Æ.

IN contemplatione rei medicæ, quam in actione errauisse, ut leuior est culpa, ita faciliior venia. Præcipue cum illic periculum intercedat Ægroti, hic vero Medici. Quamquam illic periculum lethale est, hic potius utile. Non enim vitæ suæ Medicus, aut dignitati metuit, sed metit ex ipsis erratis, atque ineptiis fructum intelligentiæ, cognitionisque non modicum. Vobis igitur, humanissimi Auditores, quod me discipulantem iuistis attentione, ineptientem tolerastis humanitate, & gratias ago quam maximas, & maiores multò in dies, atque maiores habebō.

M E D I C I N A.

AEmulam Naturæ Artem lepidè vsurpant plerique, pauci congruenter, si benè rem pendimus, Viri Auditores. Vnius flosculi elegantiam scitè ad verum quis exprimat, vel penicillo in tabula, vel acu in serico, vel tessellis, segmentisue in pario, aut lydio: eum protinus affectum esse artificio ingenium Naturæ dicitur vulgus. Vnius cantilenam auiculæ simulet aliquis, seu affectante hominis ipsius voce, seu inflata ad numeros fistula, seu folle animata tibia ad pulsus digitorum certum, seu (quod est ætatis nostræ in primis miraculum) lasciuiente intra nilos fonticulo, atque inde ad exemplum hydraulici spiritum in fabrefactis auium organis ciente, hunc hominem indixisse Naturæ certamen prædicant non sine admiratione; quasi nihil ingeniosi excogitare illa valuerit, quod non consequi æmulata numeros omnes Ars possit. Hoc, inquam, à vulgo elegantius, quam verius. Nisi quis fortè totum Naturæ opificium in externo reponat apparatus, ut sit hæc vniuersitas rerum

rum nil nisi scena quædam inanis nostrorum modo corporum, sensibus tenendis obiecta, non simul admirabilium rerum facultatibus, atque opibus plenissimum theatrum, inentium nostrarum obtutibus non tam beandis, quam præstringendis diuinitus adaptum. Iam verò germana nuncupatione æmulam, nos Naturæ quàm, nisi Medicam artem dicemus? Pace reliquarum artium dictum volo, quarum dignitati nihil propterea detrahi puto, quòd factæ ac testæ habentur, si ancillari Naturæ statuerimus, vel etiam comitari pulcherrimis in operibus consummandis. Enimuerò producat Natura; educet productum, Medicina. Gignat illa: hæc genitum seruabit. Det illa & sese homini, & hominem sibi: hæc & illam intra suos limites, & hunc intra illius cohibebit. Denique immittat illa vndis ratem humanæ vitæ constructam: hæc ingruentes ratì tempestates abiget, fugabit coniurata nubila, secundosque puppi aspirabit Nothos. Ac ne puteris ex meo sensu depromptam hanc esse orationem, atque ex ingenij mei officina prolatam; nonne veterum sapientum id fuit placitum graphicè expressum, cum Solem eundem & Apollinem statuisent, illum gignendis animantibus tanquàm naturalium causarum Principem; hunc vero medendis tanquàm Medicæ artis auctorem primum, ac Numen? Scilicet vno in Theatro Athletas duos committebant Naturam, atque Artem, certamini æmulationis pulcherrimo curiosis ingenijs mortalium exponendo. Sed me quoque etiam imbellem penitus, atque inermem, vrgent nihilominus palmæ vestræ, Studiosissimi Sodales, vt super re Medica (quando athletica est, & certaminibus nata) congrediar ipse vobiscum in arena, trophæum aliquod mihi, sin minus eruditionis, at certè studij erga principem Artium quæsiturus.

G R A T I Æ.

Quam ex fodalibus æmulis palmam affectabam, vestra mihi dedit humanitas, Viri Sapientissimi: Cum dimicanti citra puluerem, adhuc tamen fauistis tam patienti attentione, vt hanc ipsam ratus longè nobilissimam palmam, cum sempiterno gratæ in vos memoriæ triumpho arenam deferam.

M E D I C I N A.

Pungit plerosque scrupulus, & indignabunda quædam miratio, quid sit, cur gemina illa, quæ solet esse permagni in
Acade-

Academijs, peritia Iuris, & Medicinæ, sic habeatur, ut hæc illi primatum ubique concedere, sæpè etiam ignobilitatem contrahere, nonnumquàm & exilium subire compellatur, necessaria æquè humano generi, atque neglecta disciplina. Quasi verò honestius sit (inquiunt) ingenium addicere humanis institutis, quàm legibus Naturæ: Quid mortalium insana sæpè dominatio præscribat, intendere; quàm quid Auctoris rerum distamen sanctissimum. Quasi leuioris sit ponderis iam stabilitas conseruare curatione corporum Ciuitates, quàm stabilire primum ad sortem iuribus latis. Quid, quod perperam iura ipsa, consulent animis, nisi horum contumacia in leges è corporum ægritudine sæpè fruticans prudenti Medicinæ manu prædicatur? Quid si vnus summi capitis vita fatiscens extremum & legibus ipsis, & publicæ Rei casum minetur? Nonne totum in arte Medica perfugium est, quæ in salute vnus reparata salutis omnium compendium facit? Illa ego de causâ crediderim, Auditores, iacere Medicinam; videlicet non tam iudicio hominum prauo, quàm sua ipsius sponte, ut, quæ Diuinitati proxima in aliorum commune bonum tota transfunditur, tota occupatur, non Maxima ipsa, sed Optima curans videri, cedens prærogatiua dignitatis, vilitatis contenta. Quid mihi cum terreno fastu (diceret ipsa) quid cum fœculentæ ambitione gloriolæ? Succurrat, obsecro, vobis è sacris codicibus memoria Raphaelis, vnus è septem summis proceribus Aulæ cælestis, è proximis stipatoribus Diuini throni, Genij immortalis, inuicti, beati, Deo pleni. Nonne is humanam assumens speciem, uti Tobiae iuniori opem ferret, Medici tandem munus ita decorum duxit celsitudini suæ, ut ad id nomen ipsum Raphaelis, hoc est Medicinæ Dei suo sibi ingenio componeret? Et quidquàm hæc disciplina curabit inter hominum greges honorifice haberi, quæ accipit ab Indigetis honoris uestigial? Vestra iam (sic fatur ipsa) vestra stet vobis, Iurisperiti, prærogatiua. Vestri vobis stent fasces, stet sedes in orchestra. Me verò abiectam iuuat colligere sollicitos gradus ad puluinaria languentium, in marcidis situ cubiculis, in sordentibus cœnaculis, inter halitus retros spirantium cadauerum. Imperatore vos totis gentibus, terris vniuersis. At Imperatoribus ipsis vna medicina imperat, inquit Plinius senior. Sat ergo mihi ad triumphum de triumphatoribus triumphare. Et verò (sapientissimi viri) nostra Medicorum dignitas ex abiectiōe spontanea magis eminet, honorumque neglectus metit segetem honoris copiosorem. Sed quid

ego plura? Indignum est in re futili syllabas nostras infumere, quas altior nunc prouocat meditatio ad placita quædam Medicæ, mox in medium proferenda.

G R A T I A .

EXcepistis peramante disputationem meam, Viri ornatissimi. Qui ut profitemini disciplinam ab omni fastu abhorrentem: ita perosi facum omnem agendarum solemniter gratiarum, grato contenti estis animo, quem ego æternum in vos conseruaturus esse polliceor.

M E D I C I N A .

NVlla est liberalium disciplinarum ita proprijs Ornamentis locuples: ita diues fulgoribus laudum natiuis, quæ non identidem conductitium præconem, aut laudatorem præcarium sibi conquirat. Testis est inuestus lyceis ille mos, & ab immemorabili Academiæ florentium consensione probatus, ut nemo quisquàm adoriatur publicè de aliqua disciplina vel præcipere Sapientum dogmata, vel in Sapientum confesso disputationem, gratia præsertim studiosæ iuuentutis, instituere, ni præuiam dictionem adhibeat, qua & disciplinæ perstringat laudes, & discipulorum animos honesti commodique propositione ad obeundos alacrius literarios labores, ad addendum in curriculo gradum inflammet. Verum enim verò Medicinam vnâ suo se iure eximere cæteris fateatur, necesse est, quisquis notam contemptæ religionis, aut certè pinguioris inscitæ reformidat. Quis enim vel ignoret, vel neget oraculum è sacris codicibus paratissimum sic habens: *Altissimus creauit de terrâ Medicinam: Vir prudens non abhorrebit illam.* Scilicet non eget efferrî humanis vocibus Medicina, quæ testimonio subuehitur Altissimi: nec emendicat inter mortales encomia, quæ Deum ipsum immortalem buccinatorem fortita est. O maiorem omni inuidia sortem, Auditores. Altissimum illum, eundemque Deum Optimum maximum, ad quem alia omnis cellitudo deprimitur, dignitas abijcitur omnis, desidit omnis Maiestas, sapientia insanit, languet potentia, sordescunt diuitiæ, putet honor, species marcescit; Deum, inquam, non dedignari Medicinæ se primum auctorem nuncupare, eius genus vendicare sibi, natales asserere? Nec licet creauisse referatur de terrâ Medicinam, quicquàm tamen adimit ipsius dignitati, quemadmodum

modum nec homini terrena moles (verius ad sacram historiam, limosa corporis moles). Vniuersi principatum iccirco eripit. Quare vna videtur mihi fuisse summo Opifici Deo cura condendi simul e terra hominis, & parandæ Medicinæ; vt illinc esset, vnde is vitam hauriret, hinc, vnde seruaret: Ibi gratiam haberet Naturæ, hic Arti: ambas tamen vni Deo immortaliter referret acceptas. Quo quid diuinius ad prædicationem? quid magnificentius ad pompam? Cæterarum artium ab hominibus aliæ originem repetunt, aliæ à brutis. Sic à Iubale Musica, à Pallade Architectonica, ab Atlante Astrologia, ab Euclide Mathematica, à Chorace ac Tysia Rhetorica, à Marte Militia, quorum sane auctorum cur nonnullis arrogauit Diuinitatem antiquitas, nisi in gratiam inuentarum artium? Insulsè id prorsus, ac ridiculè. Siquidem inferendæ Dijs forent & Apes, quod politicam docuerunt; & Araneæ, quod Textoriam; &, quod Oeconomica, Formicæ. Verumtamen finibus hominum contineant se Artes, licebit, quando germanas non pudet recensere sibi brutorum cunabula. Nostræ verò, Nostræ fuerit Medicinæ Diuinitas in origine, non adfectata illa, sed nata, non quaesita, sed acquisita; non commenta, sed inuenta. Neque enim hominem auctorem facit Deum; sed Deum ipsum iactat auctorem, qui solus vero nomine Diuinitatis censetur. Hæc ita cum sint, quid erit consequens, nisi vt oraculo inhærentes non denegent mortales tantæ arti iustum pretium: nosque potissimum eius cultores frequenti congressu nostra litemus ingenia, deuocamus industriam, spiritus consecremus. Sic enim habet, vt meministis, Oraculum: *Altissimus creauit de terra Medicinam. Quid inde? Vir prudens non abhorrebit illam.* Id quod propositis modò meis thesibus perbellè factum videbitis.

G R A T I Æ.

E St Viri prudentis, ex Diuino oraculo, non abhorreere Medicinam, quàm Altissimus adinuenit. Vos, Viri Auditores, & Prudentissimi medicæ disputationi interesse, & Humanissimi attendere disputantem ineptè de illa nequaquàm abhorruistis. Ergo quòd ingratum me vestris auribus gratis audistis, grato ipse æternum in vos animo, nec sine gratijs in præsens recedo.

M E I C I N A .

Medicæ Artis dignitas quanta apud hominum genus semper extiterit, testatur luculentissimè, ut nusquam aliàs, erudita priscorum memoria, quæ illius cunabula, per celebres Græcorum sapientes Diuina referebat. Hinc si causanda sit vlla in parte Ethnicorum superstitio, in hoc faciliè, quòd facultatis Diuinæ reueriti Maiestatem, Auctorem Apollinem, illum futurorum Indicem, & Arcanorum Numen statuerunt. Sed & Æsculapium Medicinæ vindicem Apolline ipso iactabant genitum, & Æsculapij filio Hippocrati, artis patriæ illustratori eximio, non nisi Diuinitate delata gratiam tantis meritis parem referre se posse putauerunt: Et verò (arguerit Ethnicus) si auctor Naturæ Deus, cur non eiusdem quoque reparator? Debet homo exordium sui Naturæ, debet Medicinæ progressum. Ab illa vitam, spiritum, sensum haurit: ab hac, vnde labens vita, ipsa erigitur, vnde expressus propè spiritus reuocatur, vnde sensus iam fessus, deficientque reficitur. Ac veluti in amplo, ac magnifico ædificio, quòd edacis temporis longas contumelias neglexerit; siquando demùm succedat vel operis compages laxari, vel luxari lapides, vel rimas fatiscere, vel prorum minari ruinas angulum; ni tempestiuè occurrens architectus, & præmuniat murum, & tigna suffulciat, & cæmenta substituat, breui tota cedens temporì corruet moles: quæque modò exæquabat Improbo iugo montes, vix humi ruderatos tumulos excitabit. Non minùs Reipublicæ opportuna consulit Medicina. Quàm sæpè audiuius, & vidimus florentes populis, & opibus ciuitates, sapientissimorum Principum communitas legibus, optimorum ciuium institutas exemplis, & vsu trito plurimum sæculorum ad æternitatem herclè firmatas, inuadente lue, ac debacchante latè, longèque, penè fato cessisse, nisi per consultissimos viros subsidium Diuinæ artis præstò habuissent, vnde præcepta interitui corpora in longam spem secuturæ felicitatis corroborarentur? * Quò iustius Deorum sedibus inferenda videtur Medicina, hoc est vltra Naturæ terminos collocanda; nimirum quæ sola potest rapidas remorari præteruolantis temporis rotas? quæ nouit repetentem interdum sua iura Naturam eludere, quæ nos nobis, Reique publicæ, Rem quoque publicam, sibi, nobisque seruare. Sed non hic tantæ artis laudandæ locus. Longè alium ipsa deposcit campum, alium declamatorem, alia

alia latera, vocem aliam. Tamenſi uſu perpetuo, & mirandis in dies periculis humana ſe dedignari encomia omni vocalibus oratione proſitetur. Exponi itaque mauult per ſuas aſſertiones in omnium oculis, ſe ipſa, vt nata eſt, nuda, ſoloque originario cultu ad omnem pompam contenta.

G R A T I Æ.

A Vdiſtis ſuperiorem natura Medicinam. Quid reliquum eſt, niſi vt naturali meæ hebetudini, quæ diſputationem hanc grauem reddidit vobis, humanitatis officio, & lenitatis medeamini?

* *Aſterifco ſuperiore notatur locus exemplo petendo ex hiſtoriis alienius celebriſ Medici, cuius virtuti adſcribatur Cinitas aliqua tempore epidemiæ potiſſimum ſeruata.*

M E D I C I N A.

A Rdua diſputatione proludo (Viri Clariffimi) & quæ Imbrijs potius, Lemniſque congruat, quàm Megabyſis. Platonem quippè ad cenſuram cogo; & qui vulgò perfertur oraculum, ne dum arbiter humanorum actuum, nunc dicti reum ante ora veſtra conſtituo, vt ſitis tam in illum ſeueri ludices, quàm in me faciles. Agitur enim noſtra Medicorum communis cauſa. Agitur (ne irritem Platonicos) ipſiuſmet Platonis exiſtimatio: Vt, ſi dictum eius de Medicis Lydio philoſophico probari non poteſt aureum, quemadmodum cætera eiufdem omnia; ſuſtineatur quidem certè Pythagoricum, hoc eſt Platoniciſ numeris, ac veſtra, Patres, acutiſſima interpretatione non indignum. Sic & Platonis ſimul, & Medicorum famæ conſultum fiet. Hic igitur tertio de Rep. libro ſic (vt memineritis) habet *Mendacium concedendum eſſe Medicis: alijs verò minimè. Medici quippè, vt agrotantium animos conſolentur, promittunt ſæpè ſanitatē etiam in ipſo mortis agone, ne animum deſpondeant. Sicille. Cui verò mortalium non inſolens placitum videatur, vt probetur nonnunquàm mendacium Philoſopho, cuius inſtituto non minis eſt propoſita Veritas, quàm illius germana Sapientiā? Et quidem nonnè hic ille eſt, qui talem exigebat alumnū ſuum, vt non ſolū ſcholæ diſceret, ſed vitæ: vt virtuti, ac pietati plus daret, quàm ſcientiæ: vt illud demū ceu inſigne domeſticum præferret odium mendacij, ſtudiū veritatis? Ni forte diſtractos velimus hoc loco Philoſophum, atque*
Medi-

Medicum, quos equidem collastraneos, atque adeo consanguineos fateri cogimur; ac diuersis eos quidem, non tamen aduersis studijs innutritos vnâ felicitatem, humani generis intendere. Nimirum ille animi curat morbos: hic verò corporis. Mores ille, hic humores temperat. Ille virtutes excluso inducit vitio, hic valetudinem ægritudine suppressa confirmat. Quid ergo? Amicus Plato (dicit quisque optimus) sed magis amica veritas. Ego verò quomodo veritatem tueri mentiendò quis possit, ac pro mendacio mysterium in Platonis dicto subrogare, non inutiliter, spero, quamquam indiseretè, patefaciam. Primum igitur recolenda illa est nobis probata eruditis diuisio Propositionis in speculatiuam, & Practicam; vt aliter nos enunciare intelligamus, cum rem ipsammet existentem; aliter cum per nos, & quidem ex ipsa nostra existentem enunciatione proferimus. Ibi namque obiectum aliunde iam promptum habemus; hic nobis promendum. Ibi contemplamur; hic molimur. Ibi cognitione sola nitimur; hic simul opere. Denique otiosa quodammodo est illa mentis intentio; hæc verò actiuosa. Iam percipitis, Auditores, Platonicum schema; quemadmodum is assumpta vnus è vulgo persona luserit vsurpatione mendacij, insinuatoris præceptum Medicis multò maius grauissimum, quò saperet eis magis, lepore illo, ac festiuitate conditum. Quis enim tibi vitio dederit, quòd ex rectæ rationis regula profectum intendis? Aut quis te Medicum mendacem dixerit, alienæ salutis ingeniosum opificem? Mentiantur, licet, Medici (diceret Plato). Annè quemquam idcirco circumuenerint? supplantauerint? Imò verò iuuerint maxime ægros & citra molestiam ipsorum, & citra dispendium, quæ quidem duo adorandam faciunt Medicinam. Nimirum efficient hi mendacij specie veritatem suspiratissimam, vt habeant miseri in summa ægritudine summum solatium, vt ne salute desperata desperent, vt in ipso mortis congressu mortem haud sentiant; vt deficientem animam reficiant; vt anhelante spiritu spiritum hauriant; denique vt obruta pene vita instaurent vitæ fomitem. O verò labem mendacij non venialem modò, sed etiam vanalem. O notam auro compungendam, non ferro; omni certè pretio, honestate, delectatione compensandam. Admiramini ipsi quasi nouum commentum? Philosophamini vnà mecum, si lubet; tum faciliè & veritatem dictionis meæ, & diuinitatem ipsius præcepti, non alio digni, quàm Platone coniecistis. Agitedum. Pronunciet ægroto Medicus austerior fa-

tiscen-

tiscentem vitam, imminentem arte frustrata interitum. Quis ita æneus pectore, ut stet ad impetum talem immotus? Quis compos sui suo de malo, & eo omnium summo non frangatur? Utinam non nostra interdum Medicorum imprudentia, irgeret laborantibus ipsum fatum. Cum scilicet totam, quam in ijs curandis impendimus operam: cum quod benè meruimus longo studio, vigilantia, obseruatione, periculis, totum ludimus improbo mortis prognostico. Iam ergo dissimulemus discrimen extremum, & morbum deploratum quasi derideamus. Et hic fortè locum habebit axioma, *Curari contrarijs contraria*. Promittamus ægro de facili sanitatem. Iuuabimus forsan artem arte: substituemus pro pharmaco dolum testimonio experientiæ fortunatum. Ego enim ita dissero, Auditores. Magnum prorsus ad valetudinem in timore, ac spe momentum est positum; ut & illo leuissimus quisque morbus facile ingrauescere, & ista alleuari grauissimus possit. Nam (ut pauca primum de Timore dicam) quis à lumine Philosophiam salutauit, cui perspectum non sit, retrahi timore ab externis ad internas partes calorem, ad eius maximè principem fontem Cor? Coniectare hinc licet, quæ consequantur symptomata. Ex pluribus illa duo potissima in rem nostra diligenter cauenda. Alterum quidem est cæterarum partium, quæ minus cordi propinquæ, refrigeratio; quarum facultates instrumento caloris idoneo destitutas obire sua munia minimè posse, satis probat seriata ob eam causam Retentrix, vnde & gelidus sudor; & alui, nec non vesicæ solutio Auctore in Problematis Aristotele (*sect. 2. probl. 26. & sect. 4. probl. 8.*) . Usque adeò, ut si vehementior intendatur hæc animi passio aut prolixior duret, refrigerante se immodicè corpore, teste Galeno (*1. de Præfag. ex puls. cap. 2.*) existant pulsus parui, tardi, rarique (*Galen. 4. de caus. puls. cap. 5.*) familiares utique imminuti caloris (*Galen. 1. de caus. puls. cap. 6.*) . Vnde etiam non rarò metamorphosis illa plena miraculi, cum hominem eundem è florido iuvene senem canum nox vna conspexit (*Scalig. exercit. 312. de subtil. aqu. Card. & alij*) . Quorsum verò hæc? dicit aliquis. Quorsum? Ut intelligamus, quemadmodum beneficio caloris referantur meatus, ac viæ; ita frigore concretas partes istas subsidere, atque in se coniuere; Neque idcirco medicamentorum opem admittere ægrotos miseros, quos metus mortis excruciat; neque reddi, (si res poposcerit) capax purgationis corpus ut minimè fluidum, quale exigit in Aphorismis Hippocrates (*sect. 2. Aphor. 9.*) . Quare

Naturam vocat idem Hippocrates in Epidemijs (*lib. 6.*). Medicatricem morborum, propterea quod medicamentorum vitur facultatibus. Quod si metu mortis impresso idoneum eius instrumentum, calorem abstuleris; frustra exorabis ipse Naturam, fatigabis Medicinam. Alterum verò symptoma timenti obtingens ex: repentina spirituum; & caloris ad partes internas retractione, ipsorum vitur est spirituum dissolutio, ipsius est nativi caloris suffocatio, atque extinctio; cum illa vehemens ad Cor fiat, cum in nimia sanguinis copia: nonnullos vt timor repente necauerit Galeno teste (*2. de sympt. caus. cap. 5. Et lib. 5. locor. affect. cap. 1.*). At inquires: Non ego imminentem ægroto supremam diem ex abrupto denuncio: nec vultum Atropi obijcio quasi factu ex insidijs impetu; vndè is horrorem metus lathalem concipiat. Non iubeo despondere animam, & veluti præcurrere nocte vesperam. Verum quæ digna est Philosopho ingenuitas, eam & laborantibus apprimè gratam puto, vbi de rerum maxima in primis agitur. Itaque primò Naturam cum morbo luctantem victoria ancipiti edissero, simul & subsidia omnia Medicamentorum, aliorumque ex arte quam diligentissimè conquesta. Tum fatigatam indico, & vires ex intervallo reparantem: Relanguentem subindè, post planè succumbentem sincerè describo. Nec taceo demum vates momentum ipsum extremæ luctæ futurum, ex oraculis Hippocratis nostri, vt Artis auctoritatem, quantum imbecillitati meæ fas est, nutantem sustineam. Ecquid hic (obsecro) subitarium intercedit, vndè ista vehemens refrigerario partium externarum, vndè sanguinis ad cor plena concursio, vndè spirituum dissolutio, vndè caloris nativi extinctio præsentem ægris conslet interitum? Ego enim uerò, vt nego timorem istiusmodi ex attemperata mortis præsentione; sic qualem qualem admitto mœrorem, sed cum molestia morbi dominante vix haustum, sed expectatione ipsa mortis loco leuamenti, atque adeò quietis à sæuitie bacchanium dolorum proximè tollendum. Itanè? Mœrorem ipse admittis Timore excluso? Habeo ergo, te concedente, quodd negas. Cito Galenum testem, qui symptomatum causas rimatus (*lib. 2. cap. 5.*) eadem mœrori, quæ & timori effecta tribuit: nisi quodd ab isto repente, atque affatim irruunt symptomata, quæ tardius per illum, sensimque contingunt: Re autem nulla, nisi vehementia affectus, vtrumque distingui. Quamquam tu gratis timorem excludas, vbi tam multos alioqui sortes viros concepta mortis præsentia frangi docemur quotidianis

tidianis exemplis. Parum ergo interest, vtrum præscitis tuis celeribus, an tardius neces ægrotum; si tandem necas, cuius saluti consulere debueras pretio sudoris ad minimum: quanto magis paucarum impendio syllabarum, quibus animum laborantis in spem erectum perpetuo tenuisses vel in mortis summo conspectu? Nec tu inanem spem istam putes, aut anilem blanditiam: aut multò minus (cum Platone) mendacium, licet honestum, & quandam quasi formulam solemnem ægritudinis animi subleuandæ. Ipsa enimverò spes remedium est, extremum quidem omnium, sed præsentissimum sæpè irritæ medicinæ subsidium. Arguite vos, Auditores, ex ijs, quæ de metu, ac tristitia differuimus, quid contra de gaudio, quid de animi hilaritate decernere consentaneum videatur. Nam ubi opinione insinuata reuocandæ valetudinis serenatur ægrotantis mens, quæ facillè assentitur optatis: nemo certè negauerit effecta lætitiæ communia in hunc quoquè hominem cadere, vt nimirum excitentur ei spiritus, & quodammodo viuaciores existant: vt residens idcirco in spiritibus naturalis calor vegetior reddatur: cuius caloris beneficio robur Naturæ acuitur adeo, vt ea facilius, & ex inopinato sæpè morbum contumacissimum soluat. Hinc bonam spem, & fiduciam ægroti maximè conferre ad sanitatem docemur cum auctoritate Hippocratica in Prognosticis (*sect. 1. tex. 2.*) cum Philosophica illa ratione. Quod is imaginatiuæ potentia quidam sit actus: imaginatiua, verò quantum polleat ad humana corpora immutanda præclare adnotat Auicennas de Anima (*par. 4. cap. 4.*). Sed & luculenter euincit experientia, cum ex ira concitantur valido impetu ab internis ad externa calor, atque spiritus (quo fit, vt frigidis morbis aliquando conueniat). Cum ex timore algent extrema, occupat ora pallor, contracto intus calore. Quid verò affectus fiducia? Hæc ad interiora pandit vias, inhibet humorum impetum, firmatque ad alacriter obstandum Naturam. Quare ubi morbi materia humor est in venis oberrans, quis nesciat, inter potiora remedia locum esse imaginationi, quæ bonam ægrotis de Medico, medicisque auxilijs opinionem ingerens, sperandæ pristinae salutis argumentum præbet maximum? Hinc enim & excitatur viuidus calor, & eius ope reuiuiscens Natura coctionem noxiorum, excretionemque molitur, ac perficit? Testis est, quæ & rerum Magistra est, euectibus crebris Experientia. Ecquid aliud iuuat natium illum Cæcum, de quo Suetonius Tranquillus (*in Vita Vesp.*) & Cornelius Tacitus

(lib. 4. Ann.) meminerunt, ut solo tactu Vespasiani Cæsaris inocularetur? Quid mulierem luminibus item captam, de qua Helias Spartanus: Quid Hydropicum, de quo Dion Cassius, Adriano Cæsare tangente utrumque pariter curatum? Quid lienosos à Pyrrho Rege sanatos testibus Plutarcho (in vita Pyrrhi) & Plinio (lib. 7. nat. histor. cap. 11.) idque nou nisi dextero pede leniter pressio? Non aliud profecto efficere tanta potuit, præterquam imaginationis vis, atque fiduciæ ipsorum laborantium. Quid contra reddit in melancolicis affectus conatum? Scilicet animo hi semper demisso, atque abiecto de salute plerumque desperant: omnia vel vera, & bona, sub specie falsi, malique imaginantes. Ut scitissimè mouerit Auicennas (lib. 6. metaph. cap. 4.) plus posse in ægris fiduciam ad sanitatem, quam & arte sua omni, & instrumentis Medicus possit. Quare si quis in Arte Medica lauream secundam affectat, summa ope nitendum est illi, ut omnem animi ægritudinem, ab ægrotis prohibeat extenuatione morbi, pollicitatione salutis, fomento spei perpetuo, serenitate mentis imperturbata. Nec ideo est, cur de mendacio premat scrupulum, quo sanè tam libenter absoluius, quam contra suademus, & enixe commendamus, ut salibus, iocis, fabellis identidem erigere consternatos animos, & stantes continere studeat; prærium omnis industriæ; omnis operæ seruatiæ vnius hominis vitam arbitratus. Iam verò placet conceptus mente positiones disputatio ni publicæ de more proferre.

G R A T I A.

NEgo & Medicis mendacium, quidquid exceperit Plato. Nec mihi tamen Medico quisquam obijciat mendacium, si vobis multo humanissimis Auditoribus agere me gratias profitear plus quam maximas: quasi supremo gradui superaddi posse gradum contendam. Nunquam enim dicendo consequar, ut tantas vobis, quantas habeo, gratias agam.

Pro accepta Juris laurea.

G R A T I A.

SI à Iustitiâ nomen emanat Iuris ex placito Vulpiani, dare veniam, Patres Conscripti, ut ego qualis qualis alumnus Iuris officium Iustitiæ negligam, ubi suppeditare mihi vires negligit.

gligit invidia fortunæ. Nam nihil omnino iustius, quàm pro collato in immeritum beneficio immortalì, immortales cogitare gratias: sed nihil æquè difficilius mihi, quàm pro acceptis à munificentia vestra insignibus Sapientiæ, actionem, gratiarum dignam rependere. Ita ubi vestra exaggerantur merita, ibi mea extenuantur: magis imbecillitas, & magnitudines beneficij attollitur inopia facultatis. Vtquæ res fuerit, obsequi mihi compello iniquam licet fortunam: nec argui malo tenuitatem meam, qui gratijs agendis impar existo, quàm vestri amplitudinem beneficij, cui gratiæ pares nullæ suppetunt.

Dixi.

Pro eadem laurea.

Pro eadem laurea.

A L I Æ.

I Niurius ne videar in vos, Patres Conscripti, persuadent ipsæ Iuris vindiciæ, quas in hoc cæru grauissimo sum professus. Gratias igitur à me pares exposcit acceptum hodiernæ inaugurationis per vos beneficium. Quas verò gratias, Deus immortalis! Quod verò beneficium! Spectauistis modò non sine patientia repentem homunculum, proterentemque arenam, istam summorum athletarum. Exhibuistis amplius facilitatem, eximiam infelicissimo omnium ingeniorum. Parum est. Etiamnè ornamenta decreueritis erga immeritum, & lauream decus immortale contuleritis ad triumphum? Triumphet, licet, per vos ingeniolium meum: sed vestra melius in me beneuolentia triumphabit, Patres Conscripti; meque in hoc triumpho captiuum vestrum pulcherrimè spectabit æternitas.

Dixi.

Pro eadem Laurea.

A L I Æ.

Vestra laureatus prodeco humanitate, Reverendissime Proantistes, Excellentissimi Patres: vestra inquam humanitate lauream Iuris ostento in triumphum. Vbi equidem magnificum esset, si veteri more Romanorum occurreretis triumphatori pleno Senatu grätulantes lauream, communesque acclamationes vestris plausibus cumulantes. Quid, quòd ipsos
plausus

plausus suffragijs conspirantissimis ipsi præcurritis, honorum meorum non præcones tantum, verum etiam auctores? Nam quod ab Senatu ille penderet triumphus, non eo tamen indulgente fiebat, sed iudicante: eius non arbitrio; sed officio; non liberalitate, sed censura; non clementia, sed iustitia. Quippe ex legum grauissimarum præscripto nil præter meritum victoris in decernenda triumphi gloria pensitabatur. Atque id quantoperè vestrum in me hodiè exaggerat beneficium, cum honorarium istud literatis amplissimum, non ex meo mihi merito, sed ex vestra modò benignitate adiudicaueritis? Audient meherclè posteri dignum amplitudine vestri miraculum, lauream Iuris per summos Iuris vindices homini aliquando immerenti, salvo tamen Iure, fuisse delatam.

Dixi.

Pro Laurea generatim.

IN hac incundissima studiorum meorum catastropha est, quod ipse non plaudam magis, quam obstupescam, Reuerendissime Proantistes, Excellentiissimi Viri. Hanc lauream, vestræ debitam gloriæ à me vtiq; usurpatam quis diceret, nisi volentes ipsi, lubentesque detulissetis. Iam mirari desino argumentosan illam picturam, cui Mundo inuerso titulus fuit, humana omnia præposterè referentem. Cui enim cedat laurus, nisi Victori? Quis nisi suo in fundo herus demetat? Quis triumphet, nisi legitimè meritis? Egonè igitur victus, ego in alieno fundo, ego immeritus in hac laurea triumphauero? Planè vicistis ipsi conatus meos vestris suffragijs facultatem, humanitate, meritum honorario: Ve, siquid præclarum in me deinceps eluxerit, id totum de vestro agnosci debeat, atque è fundo munificentiae vestræ collecta per me qualis qualis gloriæ messis annale gratiarum vestigal in omnem posteritatem vobis constituat.

Dixi.

Pro Invis Laurea geminis fratribus simul delata.

G R A T I Æ .

Per maiorem natu dixit.

Vestra, Patres Amplissimi, impensa in nos geminos fratres humanitas, vnde geminari vt gratiæ nostris in animis, ita & lætitiâ debuisse, geminatam potius mihi segetem ingerit perturbationis. Ita, vbi nos nullius nominis alumnos, ornamentis tamen solemnibus emeritorum huius Academiæ iuuenum decoratos, hoc est sine virtutis periculo victores, triumphare in hac ipsa laurea oporteret, iacentem animum meum profiteri ipse non vereor: idque non tam causa mea, quam fratris. Nam quid non metuam, vt tanto apici, in quem ambo hodierna luce subuehimur, repentinus ingenioli nostri humilitas attollatur: & vestrum de nobis, eximium alioquin ac celebre apud externos sapientes iudicium, digno successu administrandi quandoque luris in Republica comprobetur? Me verò natu maiorem, pro me non tantum, sed pro germano quoque meo interpretem constitui, earum, quas in vos concepimus vtrique nostrum gratias, non commouere vehementer non potest, atque omni oratione destitutum gratias ipsas habere cogit quamplurimas, agere omnino vllas vetat.

Dixi.

Pro accepta Laurea Philosophicâ, & Medica.

G R A T I Æ :

Quantas hodierna luce gratias vobis habeam, Patres Conscripti: hæc ipsa collata per vos amplissima ornamenta testantur. Me Philosophica, me simul Medica laurea insignitum quem nisi intimum Naturæ non solum A secretis, sed etiam A consilijs inaugurastis? A secretis, quod in sacrarium Naturæ solis patescit Philosophis aditus; A Consilijs, quod non nisi obseruatis, ac benè perspectis Naturæ studijs, atque viribus subsidium artis Medicus adhibet. Naturæ igitur ministrum duplici titulo honestissimum cum me fecistis, ministrum illius fecistis, qui Naturæ auctor existit, eique intimè inditus omnia continenter operatur. Quanto ad hanc laudem iam illa vile-

scit;

scit; quòd Imperatoribus imperat vna Medicina? Subdere quidem sibi (quis neget?) homo hominem potest armis: At homo ipse Naturæ, atque eius Auctori subdatur, necesse est: eius vel nutibus pareat, nedum regatur imperijs. At herclè quantum illud est imperanti Imperatoribus Naturæ non subdi, sed socium adiungi fraterno quasi iure indiuiduum? Encomium hoc cèrtè Medicinæ est; sed vestræ, Patres, munificentia singularis exemplum, qui me dignati estis honore, vt nullis mortalis facundia laudibus, ita nullis gratijs adæquando.

Dixi.

Pro accepta Laurea...

GENERATIM

INter hæc laurea doctoralis insignia, vestra, P. C., argumenta munificentia hæret animus meus ancipiti cogitatione distractus, vt non facillè excipiam; quos iam audio excitari florentissimæ huiusce concionis plausus, ac festas acclamationes. Sic Phœbus dispensatis radijs, mirum, vt dissimilia in terris virtute simili gignit effecta; quemadmodum hic concretam glaciem soluit in lymphas, illic in glebas molle cænum obdurat. Haud secus de me vsurpem, cui candidato ornamenta vos deferentes, & quòd meritis decrat, humanitate supplentes, incredibilis sanè læritia sensum ingeritis, vnde animus tanti compos voti, vix sui ipsius euadat compos. Sed ecce mox premit conscientia imbecillitatis; ne, quàm hodiernis auspicijs expectationem mei commouetis, impari tandem successu fraudatam doleatis. Ac id quidem suggerit ingenuus timor. Cæterum memoria beneficij vestri immortalis erectum animam meum vel ipsi fato ineluctabili oblectaturum fore confido,

Dixi.

Pro Laurea Philosophica, & Medica.

TAndemque optatis puppes admonimus oris. Ita mihi fas est hodiè decantare, & vestra (Illustrissime Proantistes, Excellentissimi Patres) comitem gratiam, affluantemque benignitatis auram in Cælum extollere. Dabo libenter alijs scientijs, vt sibi vendicent ex amœnitate, quàm iactant, nomen Hortorum è lasciuientibus arcolis, è luxuriantibus topiarijs

piarijs vernantium. Nostra certè, quàm profitemur, floridiores tenet hortos, quàm quos Hesperides quondam ferantur habuisse. Philosophia (quis negat?) offert nemora Medicinæ aurea, nec ipsa quidem sterilia, sed malis onusta lectissimis: quæ tamen mala valent vnicè ad malorum maximum, idest ægritudinem corporis, atque adeò mortis fatum medendum; Mala alijs, nobis bona, imò & pretiosa, quoniam aurea, & ex communi adagio opulenta. Itaque quòd ego vestra ope, & consilio vigilem, custodem memoris Draconem interfecerim, idest difficultates implicatissimas huic studio ad formidinem, ingeniorum obuerrantes superauerim; quòd mala ista aurea, feliciter suffulerim, & ex aureis ipsorum frondibus mea nunc demùm tempora compositum ad decus sapientiæ sertum reportent, totum id vestræ humanitati, Patres Conscripti, vestro studio, vestræ beneficentiæ in infimum ingeniorum collatæ acceptum refero, nec alias, nisi immortales gratias pro beneficio isto immortalibus habiturum me esse profiteor.

Dixi.

Pro Laurea Theologica.

Nihil in homine indignius reperiri, quàm ipsum beneficii accepti immemorem hominem, cui vel bruta suis passim exemplis vitium hoc exprobrent; sic ego olim & mecum repugnans, & cum amicis fabulans vsurpabam, Patres Conscripti, Vosque quotquot interestis, Viri Amplissimi. Nunc verò mihi altius mens atrollitur, trahitque in eam sententiam, vt ex aduerso statuere haud dubitem, nec homine grato dignius quidquam in homine cerni posse, nec iter planius aperiri ad Diuinitatis quoque consortionem incundam. Suadent hoc veteres Ethnici in illa Triade Gratiarum adinuenta; digni propterea, sicut in cæteris commentis censura dementiæ seuerissima, quòd pluralitatem Deorum inuherent; in hoc autem digni venia, atque adeò commendatione, quòd in specie Diuinitatis tam datam gratiam, quàm acceptam, atque relatum representantes studerent hominem ad humanitatem formare, atque ad excolendam virtutem omnium maximam inflammare. Iam intelligitis, puto, quòd mea hæc tendat oratio, quis meus sit sensus. Ego propitijs astris natam memet videns colligendo multorum fauori, experiundæ beneficentiæ connitebar profiteri, quàm in animo recondebam gratiam vitæ ipsi meæ cõuam,

R.

vt

vt inopia facultatis, animi quidem certè diuitis testificatione compensaretur. At equidem in luce huiusce diei, in tantæ munificentia vestrae pompa, tantis me cumulatam ornamentis, me autem omnino immeritum cum considero, vix certè mihi homo constarem, in sedes nunc quodammodò Deorum receptus, hoc est sacra laurea in isto cœtu insignitus, similemque Cælestibus liberalitatem expertus; nisi Diuino beneficio Diuinam agendarum gratiarum significationem poscente, orationem meam vix dignam esse homine comperirem. Quare hæc, quæ à vobis nunc proficiscitur in me Gratia, recipiabit se quidem, in vos reflectens; meo autem in pectore domicilium æternum non senio, non fato ipso ruiturum constituet.

Dixi.

Pro Laurea Iuris Canonici.

Beneficentia vestra, P. C., quæ cum huiusce laurea insignibus effusa in me est, non tam ornatur (vt videtis) immerentem, quàm onerat imbecillem. Poscit ea quidem gratiarum actionem solemnem; sed non quàm solent plerique, si meriti tamen pondus æquitate pensandum. Neque enim vulgare est, quòd accepi beneficium; neque vnum, vna licet in facultate honorarium, quòd omnium colligit honores laurearum. Ius Canonicum (quis neget?) Diuinarum in primis Legum sanctitudinem continet: inde Ciuili præstat maiestatem, quòd & sacros obstringit homines, & ad profanos pertingit: Philosophiæ item decus, quæ mores informat, & Christianam politiam tuetur: Sed & Medicinæ venerationem, quia morbos curat animorum, æternum exitium minitantes, multò certè melius, quàm Iuri Ciuili ille quondam attribuerit: Sic inquam in vniuerso Iuris Canonici laurea omnium laurearum ornamenta per Vos hodiè mihi collata, quemadmodum ipse intelligo, sic planè immeritus nihil minus, quàm & iustis gratijs agendis idoneus, eandem vestram obsecro, atque obtestor beneficentiam, vt conscientia meæ inbecillitatisque iam testis, contenta sit suamet gloria, quàm dispensandam habet alijs, à nemine emendicandam.

Pro Principatu Academiae INFOECVNDORVM Florentia.

G R A T I Æ.

Sapientia vestra fuit, Nobilissimi Academici, quod nunc primum in hunc Ordinem inuexistis Principatum: munificentia, quod mihi demandastis. Vtinam saltem illi homini, qui, sin minus dignitati sustineat, agendis certè gratijs par esset. Nunc quod me cunque conuerto, stupor occupat, qui rudem alioqui sermone, indisertumque, facilè elinguem reddit. Sic enim intelligo, quem detulistis honorem amplissimum, non tam esse vestrae Theatrum munificentia singularis, quam campum, vbi mea imbecillitas cum vestra magnanimitate commissa victam se stupeat in ipsa victoria. Ecquid in me spectauistis, quod Principem deceat, in quo non quisque vnus vestrum Princeps emineat? Nisi fortè Principatu dignandum illum putaueritis, qui minimè dignus esset ex alijs, nec vllum iustius extollendum ad summum fastigium, quam cui esset ex merito infima sedes in Ordine. Vos ergo, vos fecistis me Principem, non legistis. Vestra Intelligentia (Cælestis ea planè, quia anterior meritis) ad hunc honoris horoscopum mihi Cælos commisit. *a* INFOECVNDITAS vestra, fecunditate omni felicius maluit *b* in hoc arente stipite culturam humanitatis impendere. Sed vestra ipsa, Sodales, felicitas me mihi restituit. Ipsa fidem ingerit, fieri posse per vos, quod per me ipse desperauerim, ut *c* Syluaticum ingenium, et si cultura sitientissimum, vestra opera, fauore, humanitate non indignos aliquando fructus ferat Reipublicæ literariæ. Interim hi sunt quasi præuij fructibus flores, pro immortalis vestro beneficio gratia mea immortales.

Dixi.

a Allusio ad nomen Academicorum.

b Ad ipsorum Symbolum.

c Ad cognomentum Academici Principis.

Pro Principatu Academiae PALLADINORVM Ara.

G R A T I Æ.

Agnosco gratiam vestram, (Academici) nullis æquandam gratijs, Principalibus fascibus per vos hodie honestatus.

R R 2

Præfer-

Præsertim quum non inopia caput; sed munificentia vestra, & studio quodam in me singulari, huius consilij rationem iniuitis. Aderant non pauci ingenio, literatura, periculo multo, quam ego, nobiliores: adijcerem & commendatione Maiorum, si aliena, non propria cuiusque merita in hoc Palladis emporio pensarentur. Verum id mihi præbet mœroris ansam, quod gratiam in vobis amplificat: & vnde beneficij vestri oritur magnitudo, hinc mihi timor augetur, ne inferiora loco, munere, dignitate geram, quam egregia vobis concepta spes, & communis expectatio huius Ordinis in tantum apicem euecto à me iure deposcant. Dum enim Principem ago, simul & Nicolaum Facellum, & Octauium Pellertam ago præclara illa nomina superiorum Principum, & apud hunc cœtum plena maiestatis. Alij meritis impares cum in hosce gradus subrogantur, sperant Maiorum se se illustratum iri fulgoribus: ego, ne illis offundam tenebras, non mediocriter reformido. Quamquam non in ipsorum locum successi, vt partes suppleam, qui sponte loco cesserunt; sed nutibus vestris sum ingressus, vt eorum dignitatem aliqua ex parte attingam: & ex mei ipsius contentione non ijs inuram labem, sed laudem adiungam potius; quantosque hætenus Principes habueritis, ex ista demum renunciatione cognoscatis. Quare ne præclaris vestris ac singularibus meritis minus fortasse gratus agnoscar, enitar quantum potero, vt dignitati amplissimæ, sin minus agenda-rum rerum, animi certè magnitudinæ respondeam.

Dixi.

Pro Principatu Academia INFOCATORVM Mediolani.

G R A T I A R U M .

QUæ vobis, Academici, lætitiæ ex hodierna celebritate faciunt, ea mihi segetem tristitiæ præbent, ac timoris. Ego siquidem huic Ordini adscriptus ita singulorum cursum obseruabam, vt satis multum consecuturus viderer, si quoquo modo illorum sequi vestigia possem: Plus quàm satis, si viribus infractis, constantique mente persequi nunquàm desisterem. Nunc vero quid est, quod cum ijs non modò conseror, quorum tenere vix posse cursum sperabam; sed & præferor loci, ac muneris amplitudine, & quod maxime percellit animum, ingenij ac eruditionis nomine, quorum quidem nihil præter nomen

in

in memet agnosco : ut magnoperè vereri debeam, ne, quod sincero studio à vobis geritur, machinamento fiat ludificantis fortunæ, quæ mole Athlantæa homunculi adoleſcentis humeros pertentet. Verùm tamen recreor non modicum perspectæ vestrum omnium in me beneuolentia ; qui, quod dignum exoptaretis potiùs amplissimo isto munere, quàm talem conspiciamini, posthabitis quamplurimis de Rē literaria optimè meritis, atque in hoc *a* ALEXANDRINO theatro spectatissimis, in me vnum potissimè deligendum conspirastis, cui literarios fasces post facem illam *b* Bossianam superioris anni fulgentissimam deferretis. Quare superioribus comitijs illum inauguraſtis Principem, qui nobilitate generis, ac meritorum splendore cæteris facile prælucebat : Nunc illum haberis, qui sola beneficentiæ vestræ luce præfulget. Ille non tam decorabatur dignitate Principis quàm ipsam decorabat dignitatem : Ego vix capio tantæ dignitatis fulgorem, & vnam *c* PHOEBVM illum, quem fortuna in Maioribus meis accendit, humilitatis ac tenuitatis meæ caligine non obducam. Tametsi in hoc Cælo ALEXANDRINO, ubi tam multi emicant Phœbi, suspicio nulla caliginis est, aut noctis. Quid ergo reliquum erit, nisi ut receptis spiritibus, erectoque animo ceruicem iugo submittam, immortalēque Deum exorem, ut ex votis vestris, Academici, qui tantam provinciam credidistis, & ex sententia Patrum Congregationis Diui Pauli, qui Academiam istam tam felicibus in dies prouentibus Mediolanensis iuuentutis moderantur, hodierna Magistratuum instauratio à vobis facta esse videatur.

Dixi.

- a* Gymnasium Publicum Mediolani sub disciplinā Clericorum Regurium Diui Pauli, vulgò Barnabitarum.
b Allusio ad Simonem Bossium Principem.
c Allusio ad Phæbum Comitem ex familiā Principis Academia.

Serenissimo FERDINANDO II. Inclyto Hetruria
 Magno Duci.

GRATIÆ.

Nomine N.N. Pueri Anlici ab Hippocera creati.

SCRIPTÆ.

Sistit se tibi, Magne Dux, internuncia hæc animi mei pagella; & numine venerabunda salutato audet Regiam dexteram occupare.

occupare. Reuerere ipse Maieſtatem, Sereniſſimam licet, atque oculis omnium beatam, meæmet humilitatis conſcius: nec inerat linguæ ſpiritus, qui tanti Principis libaret aures diſertiſſimis ingeniorum innutritas. Itaque orationem ſtylo committere viſum fuit, hoc eſt ſub pallio ſilentij verecundam ſubmittere; atque ab auribus ad oculos prouocare, clariffima iſta ſecundæ fortunæ aſtra, beneficentiæ fontes, felicitatis horoſcopum. Sed & dexteram ſimul aduſculatura pagina iure perit, quàm in immeritum clientem latiſſimè ſemper expaſſam agnoſcit. Notaueram ego felici calculo diem; qua die ſuperioribus annis inter Regios Aulae pueros adſcribere me Celſitudo tua dedignata non fuit; longè omnium maximum ratus id beneficium, & fortis meæ adorandum apicem. Verum vt noua identidem luce ſulget ſubſequens quiſque dies; ſic tua in me merita (Sereniſſime) continenti ſerie renouaſti. Horum tamen illud, vniuerſa ceu ſidera Phœbus, vincit. Cum nuperrimè è pueris ſodalibus euocatus ſum ad honeſtiorum muneris gradum, facturus perpetuum Serenitati tuæ comitatum, ac fruiturus præſentiæ radijs citra ullum defectionis locum. Quàm ſcite (Pol) in rem præſentem Præco ille tuarum laudum ſtudioſiſſimus è Congregatione Diui Pauli, Orbis Sereniſſimi ſtemmaris exponens Cælos? At finxerit iſ quidam Cælos: tu verò effingis non ſolo ingenio, ſed virtute; non mentis luſu, ſed gloria geſtarum rerum. Tuum in te reſers viuum ſtemma, in te Cælos animas irrequieto motu imperij, indeficiente clementiæ lumine, inexhauſto liberalitatis humore in tibi ſubditos. Neſcis enim vel nuncupatione ipſa Philautiam, qui Principem non ſibi, ſed alijs natum non neſcis. Cælum quoque tametiſ ad Elementa Regem, ipſorum tamen conſeruatiōi ſeruire. Sed eſto. Humilius porro, & craſſius elementis omnibus Terram benigniores afflatus excipere, aſpectu ſiderum amœnitas frui, cæleſtes opes oſtentare ſplendidius, mirandum hoc ſanè eſt, ac tantumdem ipſi Terræ inuidendum, quantum ex meis me ſodalibus inſimum, maximeque deſpectum Hetruſci Cæli munificentiam largius ſenſiſſe; Gratias ergo tibi agere, Princeps, non molior, quas dum habeo, totos obtinent ſenſus, facultatemque obruunt oratione ſuppreſſa. Iuuabit in hoc etiam imitari Terram, elementum attonitum, & opibus aggeſtis graue, in medio ambientis Cæli ſuſpenſum, atque eius beneficentiam ſtupore ipſo diſertè celebrans. Videlicet vt tibi, dum reſero tacitus honores acceptos, congeſtaque decora, ſilentij religione melius, quàm contentionē

tionem vocis, grati animi studium exposuisse credar. Diu re-
superi seruent nobis, serò asserant Calo. Florentiæ, &c. Re-
giæ tuæ Celsitudini

Æternum emancipatus
N. N.

G R A T I Æ.

Pro cooptatione in Pisanam Sapientiam.

A Cturus de more gratias in isto nobilissimorum contuberna-
lium cœtu planè hoc intelligo, nec quemquam alium ve-
hementius adigi ad id munus peragendum, nec vehementius
quemquam reuocari. Nam ubi amplificatur conditione sua be-
neficium, ibi officium agendarum gratiarum incremento pari
intendatur, necesse est. Cui autem felicitus, quàm mihi, inspe-
ranti præsertim, succedere potuit, ut nullius virtutis homo ado-
lescens, tanta nihilominus fortuna afflatus, in hoc Sapientiæ
domicilium, inter paucas ex ephœbis Hetruscis lectissima, at-
que amœnissima ingenia receptaret: Enimverò si collata in-
merentes beneficia pendenda utcunque esse iudicamus; propte-
rèa quòd meriti ratio beneficentiam exigit, non excludit; gra-
dusque vnius benè patitur eminentiam alterius: quanto me-
denique obstrictum beneficio arbitramini, Auditores, qui nul-
lum in memet aut ingenij, aut virtutis præcessisse meritum
animaduertitis? Totum hoc (prædicabo ingenuè, & quantum
mihi vox dabit, & latera) totum hoc, inquam, disciplinæ lite-
rariæ honestamentum, non nisi inuentutis flori decretum, ex
immensa atque incomparabili Serenissimi Magni Ducis libera-
litate, ex humanitate singulari Illustrissimi Fantonij Auditoris,
ex tuo, Illustrissime Rector, ad omnem facilitatem, pietatem-
que proclui ingenio in me hodierna faustissima luce redunda-
uit: ut non quid ipse antè meritis essem; sed quid mereri de-
buissem, præpostera significatione testaremini. Undè igitur
mihi pares suppetant gratiæ pro illo beneficio, cui nullum
in me par meritum antecessit? Utinam certe dedisset Natura
illam dicendi facultatem, quæ verborum pondere tenuitatem
virium compensaret; & quem reperiri immeritum fortuna
voluit, minimè tamen ut ingratus appareret. Nunc, quan-
do omnia in me iacent præter vnum fauorem vestrum, ma-
gnanimitatis equidem vestræ fuerit condonare mihi ultro, quas
agere vobis nequeo gratias; ut vestri semper similes nouo hoc be-
neficio beneficium vetus cumuletis.

Dixi.

Pio

Pro Cooptato in Pisānam Sapientiam.

A L I Æ.

A *χαρις*, dictione ipsa infanda Latinis Ingratitudo, quàm quis bellè definiat voluntatis corrupelam, mentis caliginem, memoriæ velum, animorum luem, omnium vitiorum anacephaleosim; ipsa sibi peculiare hoc vendicat munus damnatissimum, quòd virtutem contamineat, surripiat meritum, sistat gratiam, & beneficij loco odium struat. Siquidem homini ingrato gratia ipsa efficitur malefica, fauor exilium, liberalitas supplicium, sed & ipsum donum ciet cum voluptate poenam. Hinc Terra, quæ feras, quæ serpentes, quæ exitiales herbas profert, nihil suo excipit sinu tetrius homine ingrato. Id ipsum accuratius agitati mihi prorsus accidit, quòd larvatis vsuuenire scimus: qui, quibus maximè abhorrent, ijs quasi præsentibus, & continenter antè oculos obuersantibus terribilamentis vexantur, quorum fors hominibus, si quidquàm humanis, miserranda ad minimum est. Ego non secus, quantum antèa gestiebam ex nupera in ordinem istum lectissimorum iuuenum conscriptione, tantumdem postèa expaui reueritus illius rei notam, quàm maximè auersor. In tanta enim beneficij mole quòd nulla extet gratiarum iusta significatio; quis non ingrato potius, quàm indiferto vertendum putet, vbi beneficij ratio meritum arguit alicuius ingenij ad gratias prompti, agendas certè, sin minùs promerendas? Verùm iactent hoc alij. Ego enimuero nec promerui gratiam, quæ me tanto beneficio dignaretur, nec ea est mihi orationis facultas, qua valeam beneficij incomparandam magnitudinem adæquare. Ne tamen in ingratorum numerum reiecter, gratias utcunque dicam, non agam, hoc ipso reputans agere, quòd agere minimè posse profiteor. Tibi ergo, Serenissime Magne Dux, cuius absentis veneror maiestatem, fortunæ meæ aspirantis originem acceptam fero, precorque vicissim Regno tuo florentissimo iugiter afflantem perpetua cum serenitate fortunam. Tibi quoque, Fantonie inclyte, quem Auditorem vel absentem colo, auctorem magna in parte felicitatis meæ, pro tanta ista beneficentia æternum me profiteor mancipatum. Tu verò, Illustrissime Rector, auspiciū studijs meis facere nequaquàm potes fortunatius, quàm tua nunc umbra excipiens minimum ingenio-

ingeniorum protegendum . Age ; humanitate tua incomparabili prouehere , vt cœpisti , fructum literarij mei laboris : foue mihi Musarum fauorem : & pullulantes nunc lauri , fac , celeriter adolescant temporibus meis cingendis , animo meo sempiternis erga te nexibus obstringendo .

Dixi .

Pro cooptatione in Pisanam Sapienciam .

GRATIÆ .

QUod lepidè cecinerunt antiqui postarum illo commentum trium Virginum , quas & Charites appellabant , id mihi serio successu video in hodierna cooptatione repræsentari . Excellentissime Rector , Ornatissimi iuuenes . Vtinam de Gratijs ego non ingratus meminerim . Aglaïam dico , Thaliā , Euphrosinē fortunæ meæ moderatrices aduerto , Qualis verò fortunæ , hæret hic certè animus ambigua distractus specie , perplexus auspicio . Excitat prima sororum Aglaia in spem magnam ; quin imò spem implet congiario amplissimo , Magni Ducis munificentia digno . Quis enim nesciat Medicæ stirpis proprium quasi germen natura ipsa insitum semper fuisse , vt disciplinas , atque artes tyrannide armorum subactas eximeret , exulantes reuocaret , toto profugas Orbe in sinum exciperet ? Loquitur defunctorum viuens æternum memoria scientissimorum virorum , qui solos è Christianis proceribus Principes Mediceos Mecænates repererunt . Loquuntur Collegia multa iuuentui alendæ ad omnem literaturam , atque ingenij lautitiam excitata ; Florentissimæ Bibliothecæ Imperatoria magnificentia , priscorum Cæsarum fundatæ : Hoc ipsum Academiæ conterminum , atque adeò intestinum Sapienciæ domicilium tanto cum splendore habitum , tanta cum prudentia administratum , vt accitis ingenti stipendio ex Italia tota literatissimis viris quasi Sapienciæ Antistitibus assistere litantibus possent addisci . huic Numini iuuenes , doctrinarum quasi victimarum cæsarum exta , inspectarent propius , penitusque cognoscerent . Hoc nunc quidem exhibet mihi benigna fronte , ac subridenti ore Aglaia , tantò ampliùs , quantò paucioribus concessum beneficium . Verum tamen altera sororum Thalia me mihi repræsentat , vt mente reputem , cui tale ac tantum beneficium sit exoratum . Unde enim fauorem Principum demerear ego inter homines adulescens ,

S ;

lescens ,

lescens, inter adolescentes humunculus, nullo adhuc specimine exertæ virtutis, nedum exercitæ: nullo egregiæ indolis exemplo edito, ex quo suam non otiosè impendi beneficentiam Princeps noster intelligeret? Sic enim simile quiddam obiectari mihi posse video, quòd Cicero Quinto fratri Consulatum petenti. *Vide, inquit, quis es, qui petis: tam quid petas: quà demùm in Vrbe suprema ista, quàm petis, exercenda sit dignitas.* Certè quid hominis ego sim, satis arguit mea conscientia. Quid obtinuerim, & quo in cætu fuerim adscriptus, ipsi vos in tanta fortuna, sodales meritissimi, experimento vestro cõgnoskitis, perspicacia exploratis. Iam qualis erga me fuerit aspectus tertiz Gratiarum Euphrosines? Hæc enim uerò beneficii fructum exigens, quàm inuisos habet ingratos, tam desides inertesque proscribit. An verò forte mea maior euaserim, vt Naturæ imperanti dissentire audeam, detrectanti insultare, reluctanti obistere? At enim cum Gratijs agens non desperabo Naturæ, quæ lignis syluestribus insirione coniugatis domesticorum germinum suauitatem non denegat. Sic etenim spero futurum, vt fortunatissima ista insirio, quæ me cum Pifana Sapientia coniugauit, fauore tuo, Humanissime Rector, exemplis atque incitamentis vestris, Iuuenes ingenui, eos ex mea pariat fructus, quos meæ Naturæ sterilitas denegaret.

Dixi.

Pro Cooptato in Pisanam Sapientiam:

A L I Æ.

DVplici sensu afficior, Illustrissime Rector, Nobilissimi Iuuenes, conscriptum ipse me hodiè cum video in isto florentissimo cætu, hoc est in albo celeberrimæ tota Europa Pifanzæ Sapientiz. Nec enim tam premit grata recordatio immensi beneficii, quòd inter competitores insignis notæ complures vnus ego è paucis sim delectus: quàm opprimit oborienz indè menti admiratio, quòd adolescens planè numerarius numerum istum lectissimum impleam, gregarius inter egregios locum reperiam. Quid ergo? Ingratumnè me faciet admiratio, aut stupor skipitem reddet? Imò; verò ipsa rei magnitudo admirabilis ingenuum hominem ad prædicandum, vt nunquam magis, impulerit: & nouitas beneficii nouas agendis gratijs dictauerit sententias, noua schemata: Si tamen noui aliquid asferre

ferre poterit plus quàm vulgare ingenium meum; aut exæquare oratione, quòd assequi, ne dum complecti vix potest. Satis multum fucrit tenuitati meæ tritis aliorum vestigijs inhære; & simplici, hoc est sinceriore sermone solemne gratiarum officium persolvere. Primum igitur illi acceptum referam, hodiernum inaugurationis meæ honorarium, qui Solis instar in hoc Orbe Hetrusco suæ radios beneficentiæ in malos æquè, ac in bonos; in me scilicet, ac in vos (Meritissimī sodales) dispensavit. Deindè Auditorem eius veneror, Fantonium virum Illustrissimum, tanti Solis dignissimum vicarium, cuius coëantis adspectum benignissimum agnosco humilitatis meæ erectorem, imbecillitatis sulcimentum. Postremum, nec tamen postremam do tibi (Magnanime Rector) prosperitatis meæ partem à quo maxime prouectum me cognosco in istam sedem, quemque auguror Ducem fore ad Sapientiæ culmen attingendum: Si, vt cœpisti, humanitatem incomparabilem, consiliumque sapientiæ tua dignum mihi rudi, ac inexperto deesse minimè patieris. Ita enim fiet, vt felicitatis meæ initium alijs, finem tibi atque coronidem potissimè tribuendam putem.

Dixi.

Pro Cooptato in eandem Sapientiam.

A L I Æ.

QUòd hætenus inexploratum mihi, planèque incognitum, venerabar silentio, instructum hominem à Natura vnus præsidio linguæ, vbi duplex oculorum acceperat, nunc tandem in mea me causâ fuisse affectum profiteor, Illustrissimæ Rector, Ornatisissimi Contubernales. Nimirum doleo, quòd ad agendas gratias pro mea in istum Cætum cooptatione par facultas nequaquàm suppetat: nec, vt mihi bina lumina Natura concessit ad beneficij magnitudinem peruidendam; sic vnicum ad eloquendum dederit organum, & illud ineptum per se, atque impar conceptæ rei efferendæ. Itaque prius mihi incusanda avaritia Naturæ est, quàm celebranda munificentia Fortunæ; ne, vbi hæc mecum liberaliter agit, avarius ipse videar respondere. Quamquàm quid hic locus avaritiæ fuerit, vbi exundare cernitur Serenissimi Magni Ducis liberalitas vbi Illustrissimi Fantonij Auditoris pleno aluoe decurrere; vbi tua, Clarissime Rector, humanitas triumphum ducere? Gaudendum

dendum mihi potius, & mecum ipsi gratulandum, quod auaritiæ speciem reddat incomparandi beneficii collatio. Nec enim parem habere patitur, qui nemini non eminet Princeps noster, quorum Ministri inclyti tantum accedunt ad aliorum Principum decus, quantum ipsos excedit Ministros Princeps noster. Qui Mæcenatem nostrum, ac Præsidentem constituit Auditorem suum, hoc est eum, qui neminem alium audire possit dignum satis sui præconem. Qui denique Rectorem illum delegit, ut inclytæ huic Sapientiæ non secus, atque orbibus Cælestibus partes Intelligentiæ sustineat, prudentiaque supra humanam sortem insigni literarum cursum moderetur tot luminum ingenij collucantium. Quare innuisse mihi fat fuerit, quantum foueam animo cumulum gratiarum in Serenissimum Magnum Ducem in Auditorem eius virum Illustrissimum, in te, Rector Magnanime; quandoquidem explicare tentanti, extenuare potius fuerit beneficium, quam extollere.

Dixi.

Pro cooptato in Pisanam Academiam.

A L I Æ.

I Vbeor pigmentis priscorum obtegere, cui nudè referendo imparem se mea cognoscit oratio. Substituo itaque impunè figmentum veritati, rem ludicram seriæ, fabellam historiæ. Quippè indigus Gratiarum cum sim hodierna inauguratione, ad illarum parentem Iuuenem supplex confugio: Ut, quæ Ioui suo iuncta perhibetur non magis aureis nexibus, quam æmulo iuuandorum mortalium studio, laboranti mihi in re grauißima præsentem opem suppeditet. Suam ipsa Iridem, haud dubiè legabit, nunciam expeditissimam (quid ni acceptissimam mihi?) Numinis exorati. Nam & aliàs,

Irim de Cælo misit Saturnia Iuno

& certatim. — *Æreæ Cælo nam Iuppiter Irim*

Demisit.

Quod enim Iris Cæli decus prædicetur; quod Thaumantias, idest admirationis filia; quod ore eloqui roseo; quod spectari in purpura; quod vario lasciuiare colote, hæc utique peregrina nomina, has adores, hos

Mille taabit varios aduerso Sole colores.

Stupente interim philosophantis oculo, dum ingloria cunabula spectat, quibus Iris excipitur, atratum nubium. Illa, inquam, Solem

Solem aduersum habens, auctorem ipsum indicat suæ gloriæ beneficentissimum; eiusque radijs ingeniosis mutam quidem, sed iucundam reddit panegyricam laudem. Solo itaque aspectu sui tacito exponit disertissimè, quantus sit artifex tanti operis, quàm splendidus, quàm formosus: nec eius silentium speciem ullam prætendit ingratiæ, ubi species formosioris oratricem agit vocaliorem cuncti sermone. Hanc ego lunonis nuntiam felicissimam exopto nunc quidem mentis meæ internuntiam. Hanc obtestor præconem (quid enim indicem dicam?) horum decorum, & ornamentorum, quibus penè obruor (Sodales) vestrum in numerum hodierna luce coëptatus. Nam si mei obscuritatem ingenij aduerteritis, & ignorantia rerum, atra quasi nubila, in quibus agebam; tum maxime Solis Etrusci solertia munifica explicabitur, vnde ego hoc tantum lucis, dignitatis, existimationis accepi, non indignus habitus in isto Cælo spectari; planè admirationis vestræ aut filius, aut parens, ubi vos tantum beneficium in tam immerito collocatum aspiciatis. Iam quid consequens est, nisi ut eundem Solem meum, Serenissimum (dico) Magnum Ducem adorabundus intuens, ipse gratias totus effundat? Atque eas licet impares, Planetis quoque impertiâr, tanti Solis stipatoribus inclitis; Tibi quidem, Fantonie Illustrissime, quo Magni Ducis Auditore, ego adiutore subiectus in huius fortunæ culmen euasi: Tibi verò, Illustrissime Rector, tanti Solis Vicario, quo auspice exero lætus ingenij huius qualescunque conatus ad capefendam Sapientiæ laudem, votorum meorum metam suspiratam. Sed quid ego pluribus? Æmulus Iridis, ut proluferam, silentio melius, quàm contentione verborum, officio meo satisfacio.

G R A T I A R V M.

Actiones à Disputatione communes.

1 **C** Laudite iam rinos, pneri, sat prata biberet. Sic Virgilianus Patæmon ad sodales. Sic ferè ego ad vos, Auditores: Claudam os, sat dignas nequeo persolvere grates.

A L I Æ.

2 **S**atis iam. Satis genio meo datum; satis virtuti vestræ, Sodales: vestræ quoque humanitati satis, Auditores. Sed vestris amborum meritis, gratiarum nunquam satis.

A L I A.

3 **Q**uod ingratiam dissertationem meam humanissimo silentio pertulistis, Auditores: gratiore gratijs quibusque meis silentio satisfaciendum puto.

A L I A.

4 **V**estrum ingratiorem suppressendis gratijs, an exprimendis futurus ipse sim vobis, Meritissimi Auditores: Ipsa ingrati hæc ducta disputatio mea satis exponit.

A L I A.

5 **V**estrum mihi præstitum silentium, Humanissimi Auditores, casto silentio melius, quam profuso gratiarum sermone compensabo.

A L I A.

6 **Q**uod mihi disputanti gratissimo silentio fauistis, Viri Auditores: gravior ego fortè contractis silentio gratijs, quam dictione explicatis respondebo.

A L I A.

7 **S**ilentij vestri beneficium: immortale, Magnanimi Auditores, silentio melius involutas ad venerationem, quam verbis ad pompam expromptas gratias à me reposcit.

A L I A.

8 **Q**uod mihi disceptationem finienti, finem silendi fecistis, initium plaudendi: prædicandi humanitatem hanc vestram nullum unquam mihi faciet finem ad gratias.

A L I A.

9 **A**doro gratum animum, Auditores; eiuro ingrati. Usque adeo ut gratias ipsas pro beneficio vestræ audientiae mihi interdicam, tantumdem fortè gratus silentio, quantum rudi meo sermone ingratus.

ALIA

A L I A.

- 10 **H**ætenus, Auditores, fatigata satis humanitas vestra, Si tamen fatigari potest, quæ nullis coerceri sibi potest. Ego verò illi prædicandæ nullo unquam sine fatigabor.

A L I A.

- 11 **E**xercui diu, multumque ingenia vestra disputando. Superest, ut & meum dignas excogitando gratias exerce-
re studeam.

A L I A.

- 12 **A**t tugi disputationis metam humanitate vestra prouectus, Auditores; Nullam ideò humanitatis istius celebrandæ facturum metam.

A L I A.

- 13 **I**vuit me vinci à vobis disputando, ut collectis opibus eruditionis discescerem. Nunc vinci iuvat agendo gratias, ne decoquam, magnitudinem beneficij vestri exæquare contendens.

A L I A.

- 14 **C**ondemnabat Naturam Philosophus, quòd non pandisset humano in pectore fenestram ad arcana cordis exploranda. Ego libenter absolvero ipsam Naturam, si mihi discretum os aperuerit ad patefaciendas quas vobis, Auditores, habeo conceptas animo gratias pro singulari vestro favore alioquin incredibiles.

A L I A.

- 15 **V**estrum me fateor eruditione vestra, oppressum humanitate, exanimatum gratijs agendis.

A L I A.

- 16 **A**t tenditis peramanter disputationem meam, Auditores: sustinuiſtis patienter, plausistis liberaliter. Restat, ut amorem ego vestrum studio meo, patientiam admiratione, liberalitatem præconio compensem.

A L I A.

- 17 **H**abeo vobis maximas gratias, quòd auribus gratis meo disceptantem attendistis. Habebo maiores, si gratias agentem gratis animis exceperitis.

A L I A.

18 **B**eneficentiæ in me vestræ singulari, Auditores, & gratias ago quàm possum maximas; & maiores, quàm agere possim, habeo: Etiam, si liceat, quàm possum habere, maiores actas volo.

A L I A.

19 **P**vgnant inter se, quas vobis pro præstita mihi audientia habeo gratias, & quas ago. Illæ, quia immensæ: hæ, quia exiguæ. Habent illæ interminatum campum, vbi militant, Animum: hæ spatium angustum, facultatem dicendi, & ipsum tempus. Quid ergo? Sed præstat mittere in compendium hanc pugnam ad exemplum Romanorum. Ac sicut illi tribus Horatijs, sic ego tribus Orationis verbis AGO VOBIS GRATIAS spem totam victoriæ meæ committo.

A L I A.

20 **A**ttenio vestra, Auditores, qua meam altercationem profecuti estis, attentum me vestris facit obsequijs; Sapientia deuotum; benignitas emancipatum.

A L I A.

21 **Q**uas nequeo paræ gratias vobis agere, Humanissimi Auditores, precor Cælites, vt referant ipsi vobis cum fœnore cumulatissimas.

A L I A.

22 **B**eneficij vestri magnitudinem, Officiosissimi, Auditores, quemadmodum ego æstimare solum valeo; sic vos ipsi solum sustinere.

A L I A.

23 **N**ec alijs à vobis, Magnifici Auditores, conferre in me tanta ornamenta potuisset: nec alijs paribus gratijs ornare eadem potest.

A L I A.

24 **V**estrum est, Auditores, vestramque ipsorum celebrare beneficia, quibus est par animo facultas orationis. Neque enim habeo ipse paræ humeros oneri gemino, & habendis nimirum gratijs, & agendis.

A L I A.

- 25 **V**estram laudo solertiam, Sodales æmuli: Vestram, Auditores, attentionem. Illa mihi vincere ingenium potuit; hæc animum vincere.

A L I A.

- 26 **C**ollegi ex hoc certamine sat multum puluerem, vestra mihi potius humanissima æmulatione, quam contentione mea excitatum. Recedo itaque sordidatus, sed in sordibus ipsis gloriosus brauium referens gratiarum, quas erga vos habeo immortales.

A L I A.

- 27 **C**ertaui in hac arena literaria, vestro prouocatus ingenio, animatus virtute. Collegi puluerem eruditionis vestræ non modicum. Scribam tamen non in puluere vestrum hoc meritum, sed in marmore, animi mei in vos æternum grati.

A L I A.

- 28 **B**eneficentiæ vestræ hodiernæ, Auditores, mirum, quod ego innumeras cum habeam gratias, nullas tamen habeo, quas referam, sed neque quas agam. Adeo me inopem copia summa reddit.

A L I A.

- 29 **N**ec maius ego ornamentum hodierno accipere à vobis potui, nec vos in impotem magis persoluendæ gratiæ conferre potuistis.

A L I A.

- 30 **N**on parua facilitas vestra fuit; Auditores, quod ineptijs meis patientem adeo præstitistis auditum. Patimini etiam hac simplici gratiarum actione, pro maximo beneficio minimum argumentum.

A L I A.

- 31 **Q**uod gratias beneficentiæ vestræ debitas non ago, me potius grati sermonis impotem, quam animi habetote.

A L I A.

- 32 **C**lausulam Disputationi faciant gratiæ erga vos meæ, nulla verborum, aut temporum clausula continendæ.

A L I A.

33 **F**ouistis, vniuersi, partes Philosophiæ (*Theologiæ vel &c.*) meæ: seu aperto silentij fauore, seu simulata ad maius præsidium altercatione. Ipsa vobis Philosophia (*vel Theologia, vel &c.*) gratias referat, quas ego illius nomine ne agere quidem pares valeo.

A L I A.

34 **G**ratias Humanitati vestræ; Auditores, quàm maximas habeo, quàm minimas ago. Nam qui tacendo fauistis, frustrà ego loquendo meritum vestrum ornari posse confidam.

A L I A.

35 **A**ttentionis vestræ meritum, Auditores, diuitem me gratijs simul, & inopem facit. Abundant enim mihi, quas iure habeo: Sed quas dignè agam, nullæ suppetunt.

A L I A.

36 **S**i verbis meriendus est animus, ingratiſſimus ego mortaliū videri possum, Auditores, qui vestris in me amplissimis meritis compellor tacitus respondere, cum ne eloquens quidem possim.

A L I A.

37 **Q**uantum beneficio vestro debeo, Auditores, tantum debeo decòri, vt ne Diuinum propè meritum humano meo sermone persequi tentem.

A L I A.

38 **H**æreo, Auditores, utrū de more gratiarum actionem persoluam vobis, an supprimam. Vtrum enim sit pluri, ingratum alijs videri posse, alijs prudentem, adhuc hæreo.

A L I A.

39 **Q**uas habeo, non ago vobis, Auditores humanissimi, gratias: quasque ago, non habeo. Nam nec potest sermonis breuitate immensitas animi, nec huius immensitate illius breuitas adæquari.

A L I A.

40 **H**abeo à vobis, Humanissimi Auditores, amplissimum mihi præstiti silentij veluti congiarium. Debeo itaque tribu-

tributum gratiarum amplissimum; Sed ego impar tantæ actioni exoluam congiario par tributum, pro silentio silentium.

A L I A.

41 **P**rouocastis, Auditores, gratias meas silentio. Ego igitur quo nisi silentio respondebo?

A L I A.

42 **D**isputationis nostræ calor (vt videtis Auditores) nunc demum deferbuit, conciliatis ad veritatem doctrinæ partibus. At studium erga vos meum quibusnam possit siue actis, siue etiam relatis gratijs deferuescere, planè non video.

A L I A.

43 **D**isputaui rationibus, quàm potui acerrimè, vt victor ex-tarem. Nunc quid est, cur gratijs vobiscum disputem, Auditores, vestra obutus, ne dum victus beneficentia?

A L I A.

44 **I**mmensas vobis, Humanissimi Auditores, habeo gratias, quas agam: sed quibus agam, verba non habeo.

A L I A.

45 **Q**uàm diues mihi est in vos animus habitis, gratijs, tam egens agendis lingua. Vos ergo Auditores ditissimi meritis, illius quæso copia huius inopiam compensate.

A L I A.

46 **H**umanitas vestra singularis, Auditores, me disputan-tem benè sperare iussit: nunc desperare eadem iubet gratias meditantem. Ita me illic sua magnitudine mirificè sub-leauit, hic maximè oppressit.

A L I A.

47 **A**dmiror fatum: vbi disputatione mihi tuenda dogmata, citra difficultatem (per vos quidem) succedere. Sed vbi citra disputationem testandæ in vos gratiæ, tantum facessere ne-gocium. Quàm est facile, beneficium à vobis accipere, tam ip-sum gratijs testari, difficile.

A L I A.

48 **I**ngratus vobis, Auditores, nisi gratias agam, videbor: Iniurius, nisi pares. Verumtamen cum nec valeat istud

Tr 2

oratio,

oratio, nec illud animus patiatur, malo veniam à vobis iniuriôsæ orationis petere quàm animi ingrati.

A L I A.

49 **A**D vestræ beneficentiæ radios (Præclarissimi Viri) vt facile languescant vix nûm gemmantes orationis meæ flosculi; ita erumpentes iam fructus animi in hortis Gratiarum vberimi ad sempiternum decus vobis maturescunt.

A L I A.

50 **P**RO beneficijs acceptis habitas gratias, sin minus referas; vt agas, indulget Natura. Ego pro collato in me beneficio vestro immortali agendis gratijs habitas facilius, lubentiusque substituo.

Dedicandarum Thesium Formula.

1 **E**ST sanè prudentis viri, in incitia veterum quærere documenta disciplinæ. Ego Philosophicas (vel Theologicas, vel &c.) Theses expositurus in vmbraculo literatorum discutendas, daturusque sudorum meorum publicum specimien, cuiusnam id nomini offerrem dedicatum, nisi tuo (Illustrissime Præsul) quem auctorem agnosco, fautorem colo curricula huiusce, cuius iam metam, contingo? Doceor quippe exemplo Macrobianorum antiquæ gentis in Æthiopia, quibus solenne fuit, primitias florum, ac frugum consecrare Principibus Viris fato defunctis, quorum ideo condita vnguents cadauera, ac pigmentis viuæ restituta imagini, erectoque situ conclusa asseruabant in pila è vitro translucida. Tibi verò Tutelari meo, ac Patrono non iam extincto, sed Cæli clementia viuenti, nec tam auræ vitalis vsura, quàm rerum gestarum gloria omni fato superstiti, has ingenij mei primitias, quamquàm non florentis adhuc, ne dum ad maturitatem concocti, sacras volo, sempiternum obseruantia in Te meæ argumentum. Vale.

I T E M.

2 **S**ISTO tibi has Theses, studiorum, quæ te auspice iniui, te fauente peregi, compendium, & quasi dixerim humanitas in te meæ singularis imaginem. Non dubito, quin hæc tibi arideat, sin mea minus, tua certè causa, qui tua non amare non potes. Nam si perfectam ab se citra exemplar faciem virginis speciosissimæ nescio quis Pictor apud Aristænetum adamaræ cœpit, mox perditè deperire, adeo suomet opere, ignotæ quamquàm imaginis, est delectatus: Te, qui fructum.

Philo-

Philosophicæ (*Theologicæ, &c.*) meditationis in me collectum, agnoscis tuum, ac tuæ humanitati totum acceptum refers, haud diffido, blandis luminibus, ne dum facilibus inspecturum. Reliquum est, ut mihi eas theses propugnanti præsto sis, qui propONENTI benignè sic annuis. Vale.

I T E M.

3 **N**on ineptè vsurpauerim (N. N.) quoddam non insulsè exco-
gitauit Academicus magni nominis; indicaturus per sym-
bolum, missionem eximij Viri in prouinciam; scilicet Clium,
florentem crebris violis, perflatumque Zephyro, cum adiecto
lemmate: *Eminus ut oleant*. Siquidem eò peregrè missus ille
putandus est affiante fauore Principis, ut virtutum ipsius in
longinqua terrarum latè diffundatur fragrantia, quæ intra pa-
triæ concluderetur pomerium. Quamquam autem reperet hu-
mi ingeniolum meum; beneficio tamen tuo (Vir magnanime)
ac patrociniò excitatum, vbi coëuorum ingenia excelsis nixæ,
spiritibus in ardúa montium iuga consurgunt, meum contrà
æquare vix potuit cliuli dorsum. Neque tamen est, cur in
hoc fortunam incusam quasi largam reliquis, auaram mihi; quip-
pè Zephyrum fauoris tui longè gratissimum prospexit tenuita-
ti meæ; quo stante, & flosculis iam aliquantulæ doctrinæ in
hac Philosophica (*vel Theologica*) cultura instructum me vi-
deo, & fragrantiae nonnullius diffundendæ spem in corona
litteratorum disputantium conceptam habeo. Cuius ut compos-
fiam, benignitatem tuam singularem etiam, atque etiam rogo.
Vale.

I T E M.

4 **I**niturus aperto campo Philosophicum (*vel Theologicum*,
&c.) prælium, excepturusque validissimum impetum,
iubeor meherculè vmbonem mihi tutum prospicere: ut, vbi pro-
uocatos, aut subita impressione correptos faciliè quis excusat,
incusans Sortem, si se viderint immunitos: Ego, qui vltra pro-
uoco, & indico congressum, temeritatis notam insanissimæ, ne
contraham, non benè præmunitus. Itaque circumiectis oculis
cum in tanto discrimine nullum habuerim obuium, cuius aucto-
ritate, ac fauore tutius protegere, præter Te (Vir spectatissi-
me) securus propterea Tuo nomini committo fortunam meam,
Tuæ gloriæ consecro exemplum hocce sudatæ meditationis meæ
in puluere Philosophico (*Theologico, &c.*). Nec metuo tanto
auspice, periclitari, quas conatus sum, ingenij vires colligere:
quamquæ mea mihi imbecillitas detrectat victoriam, subsidio

tuo

tuo peropportuna, Mecænas optime, despondere. Restat, vt huic fiduciæ meæ tua non desit humanitas, quod quidem desperare me non patitur summa ista beneficentia, qua neminem vel ignotum sinis abire vacuum. Vale.

I T E M.

5 **D** Ifceptationis meæ editurus periocham, etsi diu consultandum non habui, cuius illam commendarem patrocínio, quippè Tu statim (Vir clarissimè) occurristi vel vnicus, vel princeps inter Mecænates, claritate natalium, multiplici eruditione, rerum gestarum gloria: Tamen quantum ego istiusmodi inuitabar ornamentis, tantum retrahebar tenuitate mei operis. Versabam animo grauissimas tuas curas, præ quibus hæc mea mirum quantum desidet, vt ea non iudices pretium istas interpellare. Intelligebam inelyto tuo nomini locum improbe dari in breuissimo vnus paginæ, quod præaltis dedicandis voluminibus par est. Verum euicit illa cogitatio, & nutantem animum de facili confirmauit, quod Amplitudini istius nominis benè congruit dignissima disciplinarum Philosophia (vel Theologia) quæ huic paginæ præfigit titulum: Neque id solum, sed inter summas virtutes tuas, haud postrema est magnanimitas, quæ vel exigua munera magno cum affectu oblata pro magnis accipit: Vt hoc quoque obseruantia in Te meæ maximæ minimum argumentum non nihili abs Te faciendum esse confidam. Vale.

I T E M.

6 **S** Olent picturæ studiosi, quorum animos pungit æmulatio, vbi tabulæ manum postremam adhibuerint, cum exemplari conferre; vt in contentione gloriæ obueniat illi principatus, cuius opus ad id accessisse propius sit compertum. Triennale ego studium cum impenderim Philosophiæ (vel Theologiæ) eo animi proposito, vt in mentis meæ tabula, quantum ingenio li vires darent, effingerem præceptorum pigmentis, penicillo meditationis speciosissimam imaginem huiusce disciplinæ, quid erat reliquum, nisi vt collatam cum exemplari probarem, quanti denique mea esset industria? Atque hoc non aliter efficere profecto poteram, quam has Theses disputationi publicè propositas tuo nuncupans nomini. Tu enim is es, qui summorum Philosophorum (Theologorum) placita, non cognitione modò comprehensa, sed actione quoque, ac morum compositione expressa exhibens prototypus, ac exemplar viuum suspiceris, quocum studiosissimus quisque huiusce disciplinæ, ne dum ego

ego infimæ notæ homo, collatus, quantum profecerit, promptum habet dignoscere. Non igitur despicias, spero, consilium meum, nisi Temet despicias, qui tuam in hac Thesium tabulâ descriptam imaginem agnoscis: Neque si donum accipis, donantem repudiabis, cuius in pectore singularem nominis tui obseruantiam perspectam habes. Vale.

I T E M.

7 **P**hilosophia cum animum formare mihi proposui, non temere sum arbitratus, Regiam quasi Aulam in memet extruere: quippè neminem iustius, quàm Philosophum decere Regale solium, probauit exemplo suo erudita, & vel hinc maxime veneranda antiquitas. Diuinus quoque Plato Rempublicam sensuit beatam fore Philosophis Regibus, vel Regibus philosophantibus. Ergo huic Aulæ quàm fecerim ego frontem, nisi hanc ipsam variatam doctrinæ positionibus tabulam? scilicet per eam patefceret ingressus, lustrare interiora volenti, & si quid demum in eiusmodi commentatione perfecerim, intelligere. Ac quemadmodum Ædium Regalium fores exornari solent columnis, coronis, tympanis, aliisque exquisiti operis molibus, & quorum magnificentia, non tam oculis in se conuertat subeuntium, quàm in venerationem Augustalis colligat animos: id ipsum putauit obseruandum, huic fronti tuum insculpens nomen (N. N.) cuius est tanta dignitas vbique gentium, Academicarum præsertim, dissipata, vt operi cuilibet exiguo, obscurique nominis homini contrahere splendoris plurimum possit. Efficiet illud quoque, vt curiosi lustratores, qui propterea frequentes aderunt oppugnaturi, ipso in lumine tuum conspicati nomen, minus forsitan abiectè sentiant de Mentis penetrali. Dum autem externa in fronte huiusce tabulæ tuum pateris inscribi nomen, simul ipsum in intimo pectoris incisum scito, characteribus obseruantia, & amoris sempiternis. Vale.

I T E M.

8 **P**ræsto sum prouocaturus non neminem fortis meæ. Libellus hic ideo prodit. Quod leges Principum, quod sanctiones Pontificum, quod ipsius iura Naturæ proscribunt, execrantur, exhorrent, armis gerendum ac Marte; hoc literis, ac Minerua conferendum certamen singulare, approbant boni, suadent sapientes, honestant nationes. Illa quoque, vnde præliare deterius fit, literale commendabilius, ac sanctius efficit, loci, temporis, modi conditio. Itaque nec campus vmbraculo Academico nobilior, nec tempus hodierno, in frequentia

quentia tanta celebrius, nec modus categorica demonstratione Peripateticis tutior. Quid erat reliquum, nisi ut suum partes deligerent patronum, cuius nutu negotium hoc feliciter vertat? At mihi quidem non longè quæritandus fuit multò optimus: Te vnum in paucis patronum supplex adopto (clarissime Vir) cuius per omnes Academias volitans nomen nostra suspicit ætas in Templo famæ dedicatum. Ne igitur stare à me graueris, quamquàm à tyrone veteranus, ab rudi sapientissimus, ab obscuro inclytus: hæc demùm patrōni sunt partes: & non si sapientiæ quis compos sit, sed si modò studiosus, Mecænates sibi conciliat. Ita tuo fretus patrociniō inibo certamen securus, nec sudorem frontis pacisci metuam pro laurea victoriæ. Vale.

I T E M.

9 **P**eruagui instar apīs philosophicum rosetum (N. N.) alīs subnixus, hinc ingenioli mei, indè oraculi Doctoris huiusce ætatis facilè principis. Haud miraberis, credo, contulisse me hoc loco scientiarum parentem cum roseto; in ea quippè, ut non desideramus flores, ita fruticare spinas aduertimus. Delectat, mirum quantum (quis neget?) mentem philosophantis inuestigatio arcanorum Naturæ, exploratio abditæ veritatis: sed quàm multos interim in dumus controuersiarum offendimus, qui florum delicias importunis corrumpunt aculeis? Itaque delibare succum non licet inoffensis, quamquàm indè fortè dulcius mellificium. Ut ut sit; en hoc velut aluearium meum succo philosophico foetum tibi offero. Quàm dulce in mel euaserit, tuum fuerit diiudicare, dum ego inita disputatione præbeo degustandum. Vale.

I T E M.

10 **A**rgumentum hoc publicæ disputationis Tuo nomine præfixum edere, non tam suadeor, quàm compellor (Illustrissime N.). Sic enim existimo, excultum principio doctrinis animum quendam esse quasi agrum subnascente segete intempestiuè lætum, cuius ad luxuriem cōhibendam, simul & radices altius figendas in largiorem messem facit mirificè rigor niuium incubantium, quæ dein flante Fauonio è satis diffluentes, ridentem ut nunquàm antè, restituant agri faciem. Haud secus præcocis disciplinæ ingenium amat fecundari seueritate disputationis, publicæ in primis, cuius pretium est existimatio, & nominis dignitas; sic firmius mandari animo concepta femina in spem vberioris sapientiæ. Verum inter hōs disputa-
tionis

tionis rigores aspires, oportet, Fauonius aliquis, ex quo propugnator ipse respiret: patronus inquam exigitur, cuius ille aspectu, cuius nutu animeretur. Quem verò ipse præstoler alium clementiorem Fauonium, quàm Te (Illustissime N. N.) qui mihi auspiciū ad hoc negotium literarium fecisti ad hanc diem prosperrimum? Amo benignitatem istam in omnes promiscuè pronam: quàm verò immerito mihi vltro impendisti, etiam atque etiam obseruo. Te itaque nunquàm non fauentem mihi, quidni Fauonium meum exorem? Quidni aspirante Te confidam, omnes impugnantium niues illico dissipatum iri, dictumque cum lyrico vate: *Dissugere niues, redunt iam gramina campis, Arboribusque comæ? Vale.*

I T E M.

11 **T** Andem triennialis in philosophico (Theologico) campo culturæ, quantum mihi licuit, fructum promo, ac Tibi meritissimo tutelari pronus confecto. Incusabit quis fortè tarditatem meam, sed perperam. Habet Natura ipsa ludens in pomarijs alias, & alias arbores, præcoquas, serotinas, sua, quamque in specie, generosas: Habet Amygdalum, habet Moram: sed illius festinatam germinationem retrogradæ sæpè hyemis censura stringit; huius lentitudinem Elogium commendat summæ inter arbores omnes prudentiæ. Fructus itaque cito, si tuto, eruperint. Obijcietur certè quidem cruditas in meis, sed Sole calente concoquentur. Has ego partes à te simplex expeto, qui studijs meis benigno semper lumine adfuisi. Vale.

I T E M.

12 **T** Ibi (Vir Illustrissime) has theses nuncupo per me propugnandas, indices illius fructus, quem curriculo peperi trienniali (vel bienniali). Haud equidem dissimulo imbecillitatem meam, nec tamen suauitatem fructus aliquantulam despondeo. Quid enim (in id exemplum) si vitem obserues, eius caule infirmus, qui reputando natus est? quid porro vuis iucundius? Vtmo alicui, fac, illa nupserit, en, vt surgit lasciuulus, vt fortificat nobilius? Scilicet meæ ipse conscius humilitatis, tuum acquisiui nomen, cuius excelsitati fortunandus committerer. An verò grandiore istud fama attolli possit tam multis celebre titulis, præditum ornamentis? Ex quo iubet illa, silere me hoc loco tuorum claritatem natalium, splendorem fortunæ, nobilitatem institutionis, felicitatem progressus, gloriam denique eruditionis, qua tantūdem æquales superas,

V v

quan-

quantum summum quemque priscorum exæquasti. Ne reme-
 igitur fulcire iacentem facultatem meam ad disputandum, præ-
 sentia tui nominis, cui una cum Theſibus ingenium meum, ac
 studia voueo, confecroque. Vale.

I T E M.

13 **P**rouocæ duos simul hoc vno libello, æquales meos non
 tantum, sed Te quoque, Vir Egregie; & quidem ad
 certamen. Quod primum æquales, promptum habes, ad lite-
 rarium (*vel Philosophicum, vel Theologicum, &c.*). Scilicet hoc
 facit æmulatio, nec sine fœnore; nam si contemplatione pari-
 tur sapientia, oppugnatione adolescit. Quod deinde Te, quod
 tam bene de me meritum, quid mirare? Ego nullius meriti con-
 scius, studium ipsum tuum in me, beneuolentiam, beneficen-
 tiam, non ingratum puto prouocare ad merita tibi maiora con-
 gerenda, ad meam tenuitatem, inopiam, imbecillitatem in
 hac publicæ disputationis alea, hoc est in summo dignitatis di-
 scrimine iuuandam, subleuandam, erigendam. Hoc enim uerò
 certamen nobile, nullius quippè iniuriæ, multæ autem gloriæ;
 mihi verò spei maximæ ad fructus studiorum aliquos demetendos.
 Vale.

I T E M.

14 **E**st, cur gratias agam maximas fato meo, quod exopta-
 tam diu obseruantia in te meæ testificandæ tandem
 aliquando occasionem hanc obtulit. Theſes Philosophicas (*vel
 Theologicas, &c.*) editurus cum inscripto patrono, nec maio-
 rem equidem alium, quàm Te reperire potuissem, nec oppor-
 tuniorem excogitare. Nam quod Auctor non consilio solum,
 sed exemplo mihi extiteris studia hæc seueriora incundi, persua-
 dens auctoritate, excitans gloria parta; vni Tibi omnino pro-
 fectum meum proposito hoc argumento disputationis acceptum,
 referre oportuit; & si quid inde nominis conante ingenio meo
 collegissem, in Temet refundere. Ita nimirum *ad locum unde
 exeunt flumina reuerti* obseruat Sapiens: Et quando ex tuæ sa-
 pientia pelago meus hic, vel fluuius, vel riuiulus exitum inuenit,
 in sinum tuum recurrat, necesse est. Excipe igitur libens, quod
 iure Tibi cedit; nec intueri, vt extraneum, quod natum ex te est.
 Vale.

I T E M.

15 **Q**uod est de more postremum studiosis scientiarum;
 propositis summis capitibus publicam disputationem
 conferere, Ego primum habeo, vt mea tibi consecrem, Vir
 Illustris-

Illustrissime. Ex quo enim inclytum tuum nomen insonuit mihi, simul aditus patuit in gratiam, in clientelam tuam tam pronam illam, tam splendidam istam, ut nihil iam, quod cernereres in rem meam vertere, efficere non posses; nihil quod posses, non efficeres. Numerarem hoc loco beneficia tua, ni omnem excederent numerum. Sed ea licebit cuique consequi, cui non ignota fuerit tuæ gentis claritas, quæque ipsius velut hereditarium patrimonium censetur, Magnanimitas. His autem tantis, ac innumerabilibus meritis cumulum illum scito fore, si publicam testificationem obseruantiae in te meæ hisce The-sibus nuncupatis, quo semper soles, lumine sereno aspexeris: Vale.

I T E M.

16 **Q**uod ex modestia dictabat Pythagoras, Philosophum se, non sophum esse, hoc est non sapientem, sed sapientia duntaxat amatorem: hoc ex conscientia quanto iustius mihi usurpabitur, qui quantum intenderim nervos ingenij omnes, ut in adyta sapientiae penetrarem; tamen in limine ipso constiterim, aut verius vix ipsum procul salutauerim limen. Ita sapientiae nil præter amorem mihi arrogauerim. Vt cumque autem; in magnum cedit mihi commodum hæc infelicitas, quæ dum amore persequitur sapientiam, in eos viros incidat, oportet, in quibus ea sedem habet. Te verò (Virorum Maximè) quod ego breui gradu offenderim, ne mirere; tuo enim in pectore sedet, imò regnat, sicubi vnquam, Sapientia. Quare cum ipsa cultorem quoque eius, ac possessorem non possum non colere, citraque arrogantiae suspensionem, Amatoris titulum Sapientiae simul atque Sapientum mihi vindicare. Gratiam ergo feceris audaciae, quod hanc tabulam disputandarum Thesium Tibi potissimum dicendam putauerim: neque enim sum dubius, quin amans ipse Sapientiae, quæ in tuo est ære, Tui quoque amantes, illius gratia cuplectaris. Vale.

I T E M.

17 **A** Nimaduerti (Illustrissime N.) magnanimis Viris tantum esse virtutem, ut non ipsi eam peperisse contenti, in alijs quoque conceptum duntaxat illius studium omni genere officij persequantur. Hinc illa opum profusio tam frequenti Scriptorum Elogio per omnes ætates in alijs atque alijs Dynastijs celebrata ad alendos in ingenuorum adolescentum pectoribus igniculos gloriæ, quam equidem vna conciliat virtus. Hinc Mæcenatum appellatio à principibus Pœtarum consecrata, tam

obseruata hominibus arētæ fortunæ, quàm amplæ affectata: Nec adhuc liquet, vtra fors felicior; quando nec illis restat, quòd metuant ab egestate; nec his, quòd ad splendorem nominis desiderant. Id quòd facillè mihi persuasit, harum Theſium, haud ingratam tibi fore dedicationem, vt in quibus ipse omnis virtutis ornamentis diues, agnoscis non obscurum vestigium, diligentis virtutem animi, & conatus comprehendis ingenij mei triennio (*biennio, &c.*) tuto collatos ad virtutum parentem Philosophiam consequendam; tametsi demùm frustratum in parte maxima perspexeris, & vix Philosophi, hoc est amatoris sapientiæ nomen adeptum. Ast amatum iri abs te confido amantem illius, quàm Tutè citra Zelotypiæ sensum vnice amas, Sapientiæ. Vale.

I T E M.

18 **Q**uòd nomen tuum præclarissimum huic paginæ, studiorum meorum quasi tessera prænotandum putauerim, id ne audaciæ, sed fiduciæ potius tribuas, velim. Quantum enim formidinis ingerit homini in discrimen existimationis dubium ituro, suæ conscientia tenuitatis, tantumdem spei ipse monetur in patrono aliquo quàm maximæ auctoritatis collocare. Te verò (N.N.) Musarum Præsidentem, ac summum Reipublicæ literariæ Dictatorem quidni ex omnibus patronum exorarem publicæ meæ disputationis, & quidem maximè fidens? Nam, si pro laborantibus naturalis est fauor (teste Fabio Inst. orat) certe nec me pumilione cum gigantibus congressuro vilius magis laborat, nec in Viro ad munificentiam nato, qualem Te ætas nostra suspicit, magis naturalem præstolari fauorem mihi fas est. Erit igitur eximia humanitatis, disputandam per me materiem admissio tuo nomine decorare: erit magnanimitatis disputationem ingresso, præsentia ipsa subuenire. Vale.

I T E M.

19 **P**reſigo pagellæ huic meæ clarissimum tuum nomen, (N.N.). Ne tu mihi temeritati verte. In oculis ferri Amicus quisque deposcit: Ego Te Dominum cur non potius tollam in fronte? Ambit Regum frontem aureum, ac gemmatum Diadema, quo detracto esse desinunt Reges. Nomen hic tuocum mihi adorno frontem, planè regnare videor; adeo istud est splendidum, vt, vnde patrociniū affectabam tuum, Regnum ipsum mihi cedere putem. Intelligant hinc, licebit cultores scientiarum, quæ sit clientum tuorum fortuna. Sed ne-

mo

mo hoc habet diu inquirendum, cum nemini comperta non sit celebritas istius nominis, & quam partam habes in publicis quibusque Academijs, ac cœtibus literatorum, auctoritatem. Cæterum quæ me fiducia istuc adduxit, tu ne vacuum, aut irritam esse patere. Vale.

I T E M.

20 **O** Bsigno lucubrationes meas Philosophicas (*Theologicas*) effigie summi capitis; tuo, inquam, nomine (N. N.) quod ubi auditur, ingerit mentibus exemplar omnium ingenuarum artium ex omni Republica literatorum expressum. Testis est patria, quæ Te emeritum penè antè spectauit, quam tyronem; quæ adolescentem iam viros prætergressum doctrinæ; quæ alijs laureandis arbitrum vix lauream consequutum. Testes æquales tui studio virtutis semper impares; sodalem sortiti; admirati magistrum; nec tam ad philosophiæ præcepta proprios componentem mores, quam moribus proprijs tradentem philosophiæ præcepta. Nunc verò ad id ætatis prouectum Patria vniuersa Præsidem literarum, animorumque arbitrum colens facile persuasit, nulli me iustius haustos in scholis labores consecrare posse, quam tibi; quem præsertim humanitate Principem, ne dum eruditione, haud ingraram obsequij mei significationem hanc habiturum esse certò scio. Vale.

I T E M.

21 **N** On parui fuerit viris prudentibus, quod ego tam paruum in tabulam nomen tuum amplissimum cogendum, putauerim. Magnis illud voluminibus magna commendent ingenia: meum siquidem ingeniolum aut paruo contentum esse volo, aut in paruo (si fas est) magnum videri. Ne tu (N. N.) id effatum inscitæ verte, aut multò minùs temeritati. Id enim ut audeam, Tua ipsius facit amplitudo, quæ iam tantum increuit, siue literarum omne genus gloria consideretur, siue parata cum virtutibus heroicis auctoritas, siue excitatæ passim, tuo nomini à totis cœtibus sapientum acclamationes, & plausus, ut minùs ampla videri ea possit, si Tempia solum ac fora, non etiam sinus, & angulos, cuiusmodi pagella hæc est, impleat. Vale.

I T E M.

22 **C** Ingendus propediem coròna Philosophorum (*vel Theologorum, &c.*) præsto sum his Theſibus coronatus, quibus laureæ præiudiciu nanciſcar, Sed hæ per se obscuræ pauce-

paruerint, nisi gemma illuminet. Quæ autem lucidior nomine tuo gemma (Vir inclyte)? Cuius clariores natales, illustrati tanta eruditione, virtute, sapientia, ac rerum heroicarum gloria? Ne igitur mireris, in istud me oculos conuertisse, ut qui laudem ingenij nullam præ me fero, prudentiæ aliquam æretè conquiram; nomen tuum delectum volens, non iam ex multis (cum paucis quippè ætatis nostræ ipse congregeris) cui theses consecrarem meas, ac futuræ disputationis fortunam certò auspicio commendarem. Vale.

I T E M.

23 **V**T Tibi (N. N.) meas Theses nuncuparem, ordinavit planè fatum. Virtutis indices hæ sunt, sapientissimi nostræ ætatis Doctoris, quem ingenio meo erudiendo arridentia sidera prospexere; ut ex his summis capitibus tractata ab ipso subtilitate incomparabili Philosophiæ (vel Theologiæ) veluti ex vngue leonem hunc arguas, verendum feris, hoc est sapientiæ aduersarijs, & Cathedras Doctorales melius quàm saltus impletentem eruditissimis vocibus. Tantæ autem Virtuti Fortuna paradiungi debuit comes: id quòd omninò successit te patrono oblato, cuius tanto amplior dignitas, quanto tenuior mea conditio. Cui enim mortalium ignota est istius celebritas nominis, aut quis recessus tam abditus, quò non illius fama peruaserit? Quare certantes ad meam felicitatem cum videam non sine admiratione Virtutem atque Fortunam, & gratias ago Pato meo, quàm maximas & Te, Vir Magnanime, ut mea magis prouocatus humilitate vota promoueas, etiam atque etiam exoratum velim. Vale.

I T E M.

24 **P**ositiones meas publicæ disputationi destinatas cum tibi nuncupo (N. N.), non tam meas trado, quàm reddo tuas. Auctorem Te, ac promotorem studiorum meorum nisi profiteor, parentem Solem huiusce mæ, qualis qualis, lucis in orbem Philosophico (Theologico) conceptæ impius, ne dum infans nego: Tuas ergo in manus eæ lætæ conuolant, agnoscunt beneficas, osculantur, seque ipsæ constituent tributarias. Tu quidem certè respuere non poteris, quòd tuum est; nec, quòd ex te profectum, negligere, ac Temet in me non amare. Vale.

I T E M.

25 **P**Ræsto est tibi salutabunda Philosophia (vel Theologia) mea in breui pallio; prensare discipiens manus istas, quæ

quæ stylum non minus doctæ sunt tractare, quàm ferrum; quibusque par est felicitas, scribenda facere, ac facienda scribere. Palladi vota fecerint prisci, Præsidi armorum, ac literarum, Numen volentes, non hominem esse, in quo ista concurrerent. Te quidem illi si reuiuiscerent, gemina laude florentem conspicati, aut rediuuiam Palladem crederent, aut Numine esse posse hominem maiorem. Nostra certè ætas faciliè inuidiam haberet antiquitatis, nisi hæc eo commento gloriaretur descriptisse nobis typum, atque honore Diuinitatis adiecto subdidisse nobis ad imitationem stimulos. Ergo tibi nostrati Palladi, quæ quidem præsides literis, votiuam hanc Positionum Philosophicarum (*Theologicarum* tabulam prorsus appendo, relicturus bellicosis locum ad suas partes. Vale.

I T E M.

26 **E** Re tua esse dicam (Vir amplissime) vt hæc Positionum per me disputandarum series dicata tibi prodeat. Ne dictum hoc accipias de illorum genere, quæ adoxa vocitantur: quasi ego illuminari solem facula, aut, riuulo augeri Oceanum posse, nomenque tuum celeberrimum per ora mortalium celebrius iturum esse contendam, si huic volanti paginæ commendetur. Quid enim ab homine limen iam tunc terente sapientiæ, Antistes ipse, ac Præsides expectet dignitatis? Sed illa ratio interesse Tua probat non parum; propterea quòd non illi solum de re literaria optimè merentur, qui literarum omnium opes sudata fronte partas ostentant; verum & maximè, quos studiosi atque tyrones in literis patronos atque adeo patres experiuntur: Vt illa demùm summa prodatur gloria sapientum, quæ hominem non tam in se diuitem sapientia, quàm alios fauore, atque opera ditantem commendat. Eum porro te prorsum esse, Vir ornatissime, hac mea nuncupatione professus, neque idcirco ingratum tibi obsequium meum, neque otiosum mihi patrocinium tuum fore confido. Vale.

I T E M.

27 **E** N tibi (Vir egregiè) primitias laborum meorum. Se- uisti exemplis in meo pectore amorem sapientiæ, fecundasti consilijs, fouisti fauore, consequens fuit, vt ad maturitatem perductos primos fructus tibi ipsi offerrem vel censum, vel obsequium. Decumanos ergo ne expecta; soli quippè infelicitas cum industria culturæ colluctans vetat sperare; Neque illos tamen, acerbos licèt, reiecturum te puto, immò vero gratiores palato fore, tuæ conditos benignitate: Eò si quidem

guldem deuenit artis lasciuia, vt ipsa pomi austeritas iucundiora maturis acerba, si saccharo castigetur, reddat. Vale.

I T E M.

28 **T**heoremata Philosophica (*vel Theologica*) à me defendenda, meam simul in ijs defendendam dignitatem libeas committo authoritati tuæ (Vir Amplissime). Est enim tanta vbique gentium fama sapientiæ tuæ, tantus in te prædicatur cumulus ingenuarum omnium disciplinarum, vt illarum aliquam oppugnare possit nemo, qui Te non oppugnet: nemo Te oppugnare, qui non semet hostem prodat sapientiæ insensissimum, ac nostræ ætatis Theritem Achille dignum. Non negem ambiguum in multis partibus reddi sapientiam, & in luce veritatis offerri sæpè crepusculum, in quo alia alijs ingeratur, & sæpè pugnans opinio; sæpè etiam aliquam nonnulli oscitantes aliucinentur. Sed hoc, habeo ego, cur in præsentia minimè reformidem: quippè versatus sum in meridie ipso, circumfusus radijs Præceptoris sapientissimi, cuius, quàm propino propugnandam doctrinam, sanctissimam esse, sani quemque iudicij virum probaturum scio. Illud modò est, cur verear, ne susceptum munus pro dignitate obeam, & instituti à summo sapiente discipuli impleam partes. Id quòd aura tua abundè præstabit, si me tuos inter clientes censere non dedignaberis. Vale.

I T E M.

29 **S**umma hæc doctrinæ capita disputationi publicæ proposita non dubitanter tibi committo, Vir ornatissime, qui nihil pendis, nisi summæ prudentiæ trutina: Neque molem rerum attendis, sed pretium: Non specie te externa falli sinis, non lenocinijs capì, qui res introspicis penitus, & quòd bonum cum honestate iunctum, id demum habes pulchrum. Disciplina scholastica nihil est castius, nihil à fuci suspicione, cui amœnæ literæ plerumque obnoxia sunt, alienius: Ad summum nihil dignius Viro graui, qualem Te Respublica literatorum suspicit: Nec officit breuitas huius pagellæ, aut oculis tuis minus digna redditur; vti neque auro inclusus lapillus, aut in auro vnio, suo caret pretio, oculosuè fugit Augustarum. Vale.

I T E M.

30 **E**rigo tandem ab extincto pertinacibus studijs monstro ignorantia hoc quasi trophæum Philosophiæ (*Theologiæ*) meæ: sic enim appellare lubet placita hic descripta: Et quamquam

quàm noui indictionem certaminis inter Sapientes nimirum con-
ferendi; haud dubij tamen exitus, omninoque certæ victoriæ.
Quos autem, & quantos in eo negotio labores Herculeo nisu de-
uorauerim, intelliget facili, quisquis mei tarditatem ingenij ha-
buit cognitam. Nec porro sapientum congressus formidolosus,
quantumuis aspectus ipse grauis: quando à nobis sunt, eun-
demque in hostem coniurati. Ingerent ambiguitates, vt verita-
tis notitia cernor fiat. Offundent tenebras, vt illius lucem faci-
lius explicent. Molientur obices, vt ruptis triumphet potentia.
Denique veritatem ipsam oppugnantes pulcherrimè propugna-
bunt, amice infensi, discordes concorditer. Te dumtaxat
aueo nancisci; Præsidem; atque huic Trophæo non magis Phi-
losophiæ (*Theologie*) victricis nomen, quàm tuum incisum legi,
Vale.

DEDICATIO PANEGYRICI SACRI.

De Diuo Octauio Martyre.

*Ad Octauium Asinarium Episcopum Hyporegiensem recens creatum
nomine Academiae Infocatorum Mediolani.*

Plausus, quibus Te Aula Romana nuperrimè inauguratum
accepit, Illustrissime Præsul, dissipato rumore facile ad nos
primum deuolarunt, quos tui obseruantia nominis minimè in-
postremis habebas. Vnus itaque incessit omnes applaudendi ti-
bi genius, sed diuersa, aliud alium, distrahebant studia. Ete-
nim siue familiæ claritas persequenda offerret se se, id quàm
luculenter Academiæ nostræ moderator, ac tui cum primis stu-
diosissimus (N. N.) in Alphonsum Gentilem tuum Academiæ
Astensis Principem renuntiatum paucis ab hinc annis perfecerat:
siue occurrerent tua ipsius ornamenta, & exaggeratus magnis
periculis virtutum heroicarum cumulus; certè rara ista in tam
florante fortuna moderatio animi, & verecundiæ rubore suffu-
sa oris maiestas, vel absentis laudem, ne dum præsentis refugie-
bant, qualem te vulgato mox aduentu summis votis præstolaba-
mur. Ergo rem maturantibus subiit opportunum consilium, quo
simul vtrumque integris omnibus præstaremus. Nam & Diuo
OCTAVIO panegyricum Dictionem decreuimus ad te haben-
dam, vt in illo non tam nomen agnoscas tuum, quàm perstrictas
virtutes ac merita citra pudorem leges: Et ex omnibus Acade-
micis

micis Georgium potissimè è familia tua, atque è sodalizio ipso, quòd hætenus professus eras, delegimus, qui communi nomine, officium persolueret, vt vel hoc ipso ornatam familiam videas, quòd altercantibus de ambitu honestissimæ prouinciæ collegis, in vno tandem gentili tuo vora omnium conqueuerint. Rudis videbitur Dictionis charactèr, & palato tuo delicatissimo plane iniucundus: quippè urgente nos tempestiuò isto aduentu nondum concoctus. Sed illum partim sanctitudine argumenti; partim humanitate tua facillè condies; nec pensum potius in nobis, quam studium æstimabis. Vale Kal. Febr. 1730.

DEDICATIO PANEGYRICI ACADEMICI.

De Alphonso Asinario Principæ Palladinorum creato nomine Discipuli ad Ioannem Baptistam Alferium.

Dilectio, quàm habui publicè in Academia (Vir nobilissime) mox typis excusa prodit. Id ego. (stator ingenuè) sponte facio, & ex animo: non precibus cuiusquàm adductus, non conuijs fatigatus, non coactus imperijs, vt in re simili solemne est multis præfari. Neque ideò arrogantia noram reformido, quasi consummatum opus ostentem, ac luce dignum, quòd & acerbum esse ipsa ingenij sterilitas, & planè præcipitatum angustia temporis probant. Sed illa iam fato suo, cum haberetur, funèta est: quò nunc minùs dispudeat in communem se conspectum efferre, quando non erubuit in conuentu florentissimo ingeniorum palam se se exhibere spectandam: Et quæ non timuit doctissimorum virorum subire præiudicium, frustra infani vulgi censuram perhorrescat. Itaque non veretur ex umbraculo exilire protinus in apertum Solem; nam nec quidquàm reperit illa umbra splendidius, nec in isto Sole magni alicuius. Viri, qua tutò se protegat, umbra deerit. Quòd herclè ad te confugiens, felicissimè consecutus viderer, si hoc ipsum in primis conceptum animo fuisset; Quippè Virum illum sum nactus, cuius non tam protegi umbra humanitatis, quàm sapientiæ fulgoribus illustrari mirificè possim. Sed ea mihi mens fuit, vt in Alphonsum Principem ornamenta conferrem, nec intra huiusce Academiæ, aut Ciuitatis, terminos laudationem concludi paterer, sed latius amplificare contenderem, vulgariisque exemplis efficere, vt gloriæ meritissimi iuuenis nemo non aut auditor, aut spectator existeret. Hanc verò lucubratiunculam meam.

cui

cui potius, quam Tibi nuncuparem? Te enim ille non modo coniunctum sanguine, sed etiam tutela patronum, beneficentia, patrem agnoscit. Dicerem & supra patrem, quando eius demortui desiderium egregia tua cura sustulisti. Quare, non alienas, sed tuas ipsius laudes offerre videor, in quibus ipse tantam tui partem conspicias; neque magis exhibere donum, quam debitum reponere. Accedit illa quoque non levis causa, quod ego huius gymnasij discipulus, alumnus quodammodo tuus censeripossim. Maxima enim opera tua, consilioque factum est, ut publici gymnasij moderatio committeretur Patribus Sodalitatis Diui Pauli, & ex eorum dexteritate ac diligentia singulari tantus literis ac moribus cultus, iuuentuti prouentus, Ciuitati splendor accederet, quantum in dies nemo non videt. Hoc ipsum tu Patribus, tibi Ciuitas refert acceptum: Nec te modo studiosissimum sui prædicat, quod à Consilij, quod Syndicus alterno semper officio constantem sibi operam nauas; sed etiam Patrem, fatetur Patriæ, quod per te vaga iuuentus, & ludibrio Fortis exposita nacta sit optimos Patres, quibus ad pietatem & eruditionem egregie informetur. Spero, non ingratum tibi fore studium meum, neque inuisos hosce laborum meorum acerbus quidem, sed tamen primos fructus, quos in tuo ipsius fundo decerptos promptè voueo. Astæ.....

DEDICATIO DICTIONIS ACADEMICÆ.

Nomine Discipuli.

Ad Antonium Pronanam Archiepiscopum Dyrrhachiensem.

IN solemni Academia instauratione (Præsn amplissime) cum me A secretis assumpsit Octavius Pelletta, adolescens huius Gymnasij non minus antiquitate morum, quam recenti dignitate Princeps, iussus sum exhibere me palam spectandum, & quid ipse in contentione gloriæ inter condiscipulos nuper excitaret sentirem, pro concione proferre. Ego studijs meis præclare consultum intelligens, quod ad scribendum vocatus, dicendi quoque prouincia honestissima decorarer, subij libenter id onus; sed & fato meo gratias egi quàm maximas, quod opatissimum commodum tandem feceris, voluntatis erga te meæ publicam aliquam significationem exhibendi. Dolebam equidem Ioannem Ambrosium germanum meum defunctum, non tam creptum

mihî, quàm Tibi, cui vnà se cum Philosophicis thesibus iam deuouerat. Sed nequaquàm potuit antiqua illa obseruantia vel ipsius mortis iniuria violari. Ita & viget adhuc Fratris mei studium, quamquàm factò interstitio funeris, & magna mihî hereditate cecidisse visus est, cum sua quæque debita erga Amplitudinem tuam transmisit, vt in magnitudine æris alieni omnium commodorum rationem fructumque nanciscerer. Sed ille auspicijs tuis Philosophicum cursum absoluerat, Ego Rhetoricum penè instituo: Ille maturitatem obtulerat frugum, Ego primitias confesco: Ille ad Actum studiorum extremum (heu cum vitæ fabula) venerat, Ego vix scænam ingredior, & nunc primum acturus in pleno theatro, siparium aufero. Præiudicium ergo facio, ne consummatum aliquid expectes, in quo nihil nisi inchoatum spectare potes: tantumque voluntati meæ tribuas, quantum adimes operi: Vt & hoc ipsum gratiam promereatur, quod ego humanitati suæ plus, quàm maiestati tribuo. Vale.

Attæ . . .

DEDICATIO CHORI PLANETARVM.

Nomine Academicorum exhibiti Principi post editum
in eius laudem Panegyricum, qui inscri-
ptus est PHOEBVS.

Ad Antonium & Ioannem Angelam è Comitibus Arcimboldijs.

Dilem quis illustret, aut quis Phœbo lumen adiungat? Succedere hoc tamen posse successu paruit, & factò minime fictum exemplum: Cum nuper vos, Illustrissimi Comites, ad Principis nostri recentem pompam adfuisstis: qui literaturæ gloria illuxerat PHOEBVS, nouam ex præsentia vestra conciperet lucem, ac se quidem Solem, non solum tamen intelligeret. Nimirum clarissima hæc Arcimboldiorum familia Orientem fecit Academiæ nostræ, totumque hoc splendoris literarij è munificentia suæ splendore produxit. Chorum ergo Planetarum exhibitum Principi nuncupamus vobis, debitum acceptæ claritatis tributum, quamquàm antè addictum tenebris ab Auctore, cuius è sinu vix euaserat latebrarum impatiens, & nescius noctis PHOEBVS Panegyricus. Vos serena fronte accipite rarum paginis, sed clarum sententijs, ac ipsa specie argumenti conspiciuum opus, Academiæque nostram, quibus cœpistis, beneuolentiæ radijs constanter fouete. Mediolani . . .

DEDI-

DEDICATIO ELOGIORVM.

In Academia Palladinorum Urbis Aſtæ primo Triennio
expoſitorum.

*Ad Hieronymum Georgium Vic. Gen. Aſten. nomine
Cenſoris Academiae.*

VT mihi Cenſuræ provinciam detulere Collegarum ſuffra-
gia, adieci animum ad ea ſedulò perſcribenda, quæ per
triennium hoc primum, & velut infantiam Academiae alio at-
que alio tempore à Palladinis noſtris exhibita plauſus literato-
rum communes meruerunt. Quippè non tam ſupprimere im-
probanda, quàm probata in vulgus odere, id demùm eſſe boni
Cenſoris exiſtimo. Itaque Latina Elogia primo collegi (quando
Græca tamenſi plura, & illuſtria, Typographorum noſtratum,
vel inopia, vel inertia beneficio lucis fraudantur) alia deinceps
editurus argumenta, ſymbola, emblemata, carmina; ni Soda-
lium meorum ſtudium occupauerit. Ac ne alienæ proſum rei
procurator forte videar, viſum eſt interſerere ex meis aliqua,
quæ characteris nota ipſa obſcurior proferet. Omnia verò Tibi,
Vir Spectatiſſime, nuncupanda iudicavi, vt & communi Acade-
micorum in te obſervantiæ ſatisfacerem; & hiſce Elogijs clariſſi-
mo tuo nomine adſcripto nouum accederet, ac multò luculentius
Elogium ad commendationem ipſorum ſempiternam. Vale, ex
Acad. Pallad. Aſten: . . .

DEDICATIO PANEGYRICI.

Cuius titulus, CÆſAR CHRISTIANVS ex
Gente Aduocatorum expreſſus.

Cæſare Aduocato Principe Academia renuſtato ad Hieronymum Aduocatum Patrem nomine Academiae.

TE tibi reddimus, Hieronyme Aduocate, Cæſaris filij le-
tiſſimi ſacrantes encomia. Quidquid enim elucet in filio,
imago eſt Patris expreſſa, digna Narcifſi oculis, digna votis.
Non poteras ſignum ponere illuſtrius eximijs tuiſ meritis, quàm
quòd vocale eſſet, veriori æmulatione, quàm illud Memno-
nium,

nium, & quod exemplis comitaretur voces, neque verbis tantum, sed rebus egregijs haustam ex patre nobilitatem prædicaret. Quid verò in te ex tantò filio redundet laudis, cognoscas licet ex ingenti lætitia, qua Principem nunc illum adeptus Ordo noster triumphat. Quantam enim demum esse oportet in dante, cum in accipiente tanta sit gloria? Tu quidem Cæsare genitus non poteras non Cæsares gignere; ac minus viderere in parentes gratus, vsuram lucis lucem denegans; utque illorum digna æternitate memoria transmissa per te ad Filios hereditaria virtute perennaret; meliori certè id consilio, quàm qui mortuas defunctorum patrum imagines explicant domi vel eminentias pictoris inscitia, vel inuidia temporis vitiandas. Hanc viam, & rerè spirantem imaginem quoties offendis oculis, toties replicabis memoriam Auorum tuorum, compendioque temporis totum illud, quod infinita iam mole Annalium, Historiarum, Fastorum occupatur ab Aduocatis tuis, vno cibis oculorum intuitu. Neque Avos modò, sed te ipse contemplaberis in tua specie, honoresque publicos, quibus hætenus à prima vsque iuuentute tanta cum laude perfunderis, auguraberis, filio quoque ex hodierno Principatu veluti certò præiudicio quandoque obuenturos. Nunc verò tandem incipient oculatam fidem acquirere, quæ tibi sæpius Pater Syluester è Sodalitate S. Pauli, ac gentilis tuus, magni vir consilij, & Sapientiæ de optima spe, atque indole tanti adolescentis luculentissimè testatus fuit. Hanc itaque Panegyricam, nomine Academicorum dictam Filio, tibi Parenti dicatam volumus, futurum sperantes, vt, quando vel deformes arrident parentibus liberi, hæc aurei adolescentis facies obscuris licet expressa coloribus, tibi Patri optimo maximè reprobetur. Vale. Mediolani.

DEDICATIO ACROAMATIS.

*De sui Inspectiōe: Ad Academicos Oculatos Sereniss.
Principi Carolo Cardinali ab Etruria.*

Non insulsè homo Ethnicus Anaxagoras sciscitanti ex se, quorum productus à Natura in Mundum esset: Contemplandi inquit Solis gratia. Mea certè OCVLATORVM Academia, Optime Principum, vix edita nunc est ingremium Orbis Literarij, quum Te Solem suum contueri natiuo quodam vrget instinctu. Quin Argum æmulata, tota in OCULOS, ne quid sibi

sibi istius lucis occulatur, cuigilat. Ego verò formaturus lingua, quem tuo agente radio mox fueram enixus sc̃tum: ac præcipuum in primis OCVLORVM organum perfecturus, Acroama hoc habui ad Academicos, veram Hominis mortalis felicitatem in sui inspectione sitam esse contendens. Sed cæca videri poterit, etsi ad OCVLATOS disputatio, ni lucem demonstrationis addiderit tuæ splendor gloriæ, Princeps vndè Orbes Seruissimi stemmatis fulgentiores fasile reddidisti. Enimuerò si ex thesauro Mentis, non ex Fortunæ gazis depromptæ opes Hominem in terris beant: Equis hoc seculo Sacratorum Procerum, segetem ditiozem ostendet siue florentis ad omnem luxum Fortunæ, quàm negligat: siue Mentis ad prodigium excelsæ, quàm dignis Heroë virtutibus decoratam exhibeat? Non persequor singularem, ne videar de Solis luce congregi Author OCVLATORVM exoculus. Sæ fuerit in præsentiarum meminisse Tui, cuius ipsum nomen instar visû Solis suos per se explicat Orbi fulgores. Non enim id vacat omine, neque serium lusus excludit, quod CAROLVS ista nuncupationis augustæ vox, anagrammatis lege SOL, atque CVRA redditur; Scilicet, Vt, quem Academia summum fundandæ Principem agnoscit, tuendæ quoque, honestandæque benignissimum Patronum exoret. Vale.

DEDICATIO PANEGRICI.

A Carolo Antonij Gondio disci de Petro Capponio Principe Academiæ Infecundorum ad Io: Baptistam Gondium. Senatorem Florentiæ.

DEbetur amplitudini tuæ, Senator Illustrissime, hoc qualecunque animi mei vel tributum, vel obsequium. Dicta fuit in Petrum Capponium Principem Academiæ nostræ Oratio à Carolo Antonio Gondio filio tuo Adolescensium huiusce ætatis lectissimo tanta cum vocis firmitate, venustate gestus, dignitate actionis, quantam secutus continuo plausus concionis declarauit. Interfuiisti ipse auritus, oculatus, vt dissimulare minimè potueris, nam inter lætam pudoris patrii emicuit gestiens animus tuus, indignata viscerum claustrum erupit in vultu hilaritas, omninoque in triumphante filio triumphauit. Ipsa nunc Oratio in lucem per Typos properans tuum suopte iure sinum petit, iubens vel in furdis paginis frui te iterum oratore filio, atque ex fugaci trium-

triumpho, hoc quasi trophæum immortale cernere. Hinc mihi non mediocriter lenitur conscientia propriæ tenuitatis, qui orationem eandem ingenioli mei sortum informem in aspectum tuum proferre audem quidem; sed haud diffiderem pronuntiatione Filij à Te excepta; quæ exercitissimo quoque Oratore digna fuit, styli mei vitia compensanda fore; nec tenuitatem dictantis magis, quàm dicentis magnificentiam attendendam. Cæterum exoratum volo humanitatem tuam (Vir illustrissime) ut obsequium hoc meum ex animo magis, quàm ex pretio metiaris. Vale. Florentiæ.....

DEDICATIO PANEGYRICI.

Cui Titulus: CYROPÆDIA.

*De Obitorio Malaspina Principe Academia Infecundorum ad
Serenissimum Leopoldum Principem ab Hetruria.*

ANhelat benignitatis tuæ gremium vix dum enata CYROPÆDIA, ipso Regali nomine animosa. Renucbat persuasus modestia Orator, plausibus contentus Cuium, Adolescens huiusce Ciuitatis lectissimus, in quo ambigas, vter sanguis illustrior, Natalium, an pudoris. Sed ego velut parienti obstetrix audeo promouere fortunam; ut apud te feliciter adolescat digniorem nacta Cyrum, disertiolem Xenophontem; addo & salubrius Cælum, quando Malaspiniam præsefert habitudinem corporis. Cui enim melius innitatur familiæ Regiæ laudatio, quàm vni Principum Hetruriæ nostræ, hoc est nullo minori magnorum Regum? Sed illa potiore de causa, quod amplitudo Malaspina, ut tempore, sic imperio olim incomprensas, vnum nunc vestrum in patrociniū contracta compendium facit augustius: Tanta illa claritas meridiem vestra in vmbra nanciscitur: Regnantque gloriosius eorum posteri in Aula vestra Ministri, quàm suis quondam in Aulis regnantes Atai. Audiunt hi quidem Annalium voces, Hetruscas Terras Malaspinio Sceptro paruiffe. Audiunt Malaspinios gentiles tractu seculorum longissimo Magnos Marchiones Hetruriæ (ut & Principes simul Lunæ, & Caseronianæ, & Galliæ Subalpinæ, & Liguriæ, quibus illa superstes hodiè propago nobilissima, vestro tamen patrociniū nobilior *Jacobus Marchio Fosdenoni*) neque verò, translato sceptro dolendum de suo casu putant, sed gratulandum

laudum potius Hetruscis fortunam, & sibi; quæ nec ijs parere, nec sibi dominari felicitus umquam dederit. Siquidem non eripuit illa Malaspinis imperium Hetruriæ, sed vestra, (Princeps) gratia compensavit, præ omni æstimanda imperio. Præcessere submitte vestro scepra illorum, instar fascium. Denique iuste constitit multiplici diademate tam nobilis servitus. Tu verò pontifex, Magnanime Leopoldo, ambrosiam facis tui complexus Cyropædiam; tu (inquam) Princeps literatorum, ac literatissimus Principum; qui, quanto ad Xenophontæam divinitatem attolleris propius, tanto humanius demitteris ad subleuandos conatus imbecillium ingeniorum, literarum quemque studiosum hoc ipso tuum reputans Cyrum, quem foucas, nec in eo pensitas avaritiam naturæ, sed ausum virtutis. Ergo accipe serenus hoc quaecunque ingenij, non alieni, sed tui potius argumentum. Scilicet quod contemplari Mens tua non habeat, sed pertractare Benignitas, ministerio nostrum, gloria tuum. Florentiæ.

DEDICATIO PANEGYRICI.

Cui titulus HERMERACLES.

*De Carolo Antonio Gondio Principe Academia Inſacundorum ad
...Serenissimum Cæsarem Principem Hetruriæ.*

Hermathenam alij suis in Academijs dedicent, Inſacundis meis placet Hermeraclen. Hanc illis haud detrectant laudæ, ut Mercurium cum Minerua sibi fœderata habeant Numina, ne dum propitia, ingenium scilicet à natura sortiti ita fertile, ita fœcundum, ut flores omniægenos, ut fructus præcoquos vel sponte proferat ingenuarum artium, amœniorum literarum. Meos non pœnitet in sterili, atque adeo contumaci solo sudatas fruges demetere, & lauros de fronte irrorante altas carpere, utique ad iustos triumphos. Sed ecce Hermeracles hic noster ad Celsitudinem tuam rectâ contendit, ius allegans Triumphij; nam ad Celsitudinem, inquit, Capitoliij Triumphatores deducebantur. Quamobrem verò, nisi ut tibi Ioui suo seſistat, & iustas persoluat? Hæc quidem illi votorum meta, hic apex honoris omnium maximi. Fuit hic (fateor) triumphus non vnius Gondij nostri, in quo visi sumus vnâ omnes triumphare. Triumphauit in eo Industria, Ingenium, labor spectaculis longè pul-

Y 2

cherri-

cherrius: Triumpharunt sodales communione lætitiæ: Triumphavit Ciuitas felicissimo primitiarum prouentu in Ciue adoleſcente: Triumpharunt parentes gloria lætiſſimi, & verè aurei filij: Quidni & ego triumphauerim tam inclyto alumno, tam benè impenſo magiſterio? Verumtamen vbi partem dumtaxat decerpimus ſinguli de hoc Triumpho, totum ſe ducere, quiſque putabit, ſi Tu (Sereniſ: Princeps) procumbentem ad Aras tuas Hermeraclen ſupercilio Maiestatis facili, ac lumine ſereno adſpexeris; ſique Academiam cum ipſo noſtram, tuo acceptam ſinu, protectam vmbra (quod etiam atque etiam obſecramus) fouere non renueris. Fortunent æternum Te Numina. Florentiæ.....

DEDICATIO ORATIONVM SIGISMVNDI BOLDONII.

Ad Sereniſſimum Coſmum Principem Etruriæ nomine N. Ciuis Florentini.

DEſeſo Iouis meo hæc ſpolia literaria, æmulatus Romuli ſtudium à victoria Ceninenſium: Tibi, inquam, Princeps Sereniſſime. Quem nondum ætate adultam videt, numine tamen iam nūm propitium felix Etruria noſtra præſentiſcit. Et niſi gregarius forem, hæc ſanè iaſtarem optima ſpolia; quippè detracta per me (neſcio; quo bono Alite) hoſti humanarum rerum deterrimo, nimirum Tempori, cuius inuidiæ iuuat in præſens referre, quod ex ingenti volumine Orationum, quæ ſato Auctoris fuere ſuperſtites, hæc vix pauculas; nec eas quidem, ex melioribus, ſeruare licuerit. Quales hæc cunque ſint, quas tamen coniecto probandas Viris doctis, quibus primitiæ eius Auctoris in ipſa ætatis acerbitate vitæ ſunt præmaturæ; eas Ceſtitudini Tuæ, feretro delatas animi, vt cuiuſquàm mortaliū obſequentiſſimi, in Capitolio iſto Maiestatis dico, & conſecro. Interim dum Iouem meum Feretriūm, citra ſuperſtitionis veterum, adulationis recentium labem inauguro, vt hocce oblatum munuſculum ſereno, vt digno Ioue oculo adſpicias, vt ſimul vota mea de gratia tua demerenda, qua nihil anxius magis in terris anhelō, exaudias, ſupplex rogo & contendo, Vale....

DEDICATIO INSTITVTIONIS GRAMMATICÆ.

Vincentij Galli.

Nomine Bibliopola Florentini. Ad Illustrissimum Conradum Marchionem Malaspinium.

Grammatica institutio tam multiplex hodiè, atque varia scenam ingreditur, vt vel suas Protheus formas exhauserit. Eius quæque species Viris doctis, alia alijs, probatur optima. Sed nulla adhuc melior plerisque (quòd sciam) nec plausus magis communes merita, quàm quæ à Vincentio Gallo oblata nuper fuit. Scilicet haud multarum paginarum, omnis autem eruditionis volumen: in quo dubia inter se certant victoria, sed non dubia laude atque adeò admiratione doctiorum, collecta quædam disciplinæ vniuersæ breuitas, & liquida methodi perspicuitas, quæ duæ dotes numeros omnes faciunt instituti ad doctrinam Operis. Quid enim curare debent impensius formatores puerorum, in tantis præsertim humanæ ætatis angustijs, quàm vt ij adolescentiam totam, hoc est robur annorum, ad studia ne perdant in ipso limine scientiarum, interminatam nauantes Grammaticæ operam? Hunc ataque libellum studiosorum vsui natum, meis recens impensis duci redditum dicere non vereor inclito tuo nomini; Vir Illustrissime; rem certè infimam, si gradum spectes, summum ipse literariæ gloriæ apicem tenens: Rei autem publicæ minimè despectam, quæ iuuentute benè formata cum primis nititur. Sic fiet, vt & inter complurium, de hoc libello iudicia, tuæ auctoritas sapientiæ suffragia compleat: & ego in breuissimæ molis opere amplissimo compendium tibi bellum obseruantia meæ exhibeam. Vale. Florentiæ.....

DEDICATIO HISTORIÆ DENVÒ EDITÆ.

Cui titulus: Feruidæ Religionis typus in vita Ludouici Bitosti.

*A Fortunato Columbo scripta ad Prosperum Ricciardum
Abbatem Vallumbrosanum.*

Vicissent me vota piorum; vt natam in Gallijs, nec sine plausu exceptam hanc historiolam FORTVNATI COLVMBI

LVMBI collegæ mei transferrem in lucem Italiæ, nisi ipsa visa esset suo iure fortunam alterius Columbi nouo Orbe inquirendo premere. Pudebat (fateor) ita obsolescere apud me notitiam rerum scriptarum Ordinis mei, vt exteros curiosos, ieiunos mitterem: atque earum rerum, quæ prouido Numine tam nostro natæ sunt sæculo, quam ipsius sæculi virijs & corruptelis, natiuis potissimum, expugnandis. Elegantiam hic Scriptoris commendent alij, ego magis propositum mirer, quod in tanta styli lautitia ita sobrius euaserit, & grande ingenium factum ad pompam tam arcto continere maluerit spatio. Quippe Vir priscæ sanctitudinis, & minime vanæ Philosophiæ parui duxit abdicauisse aliquando fastum domesticum illustrissimæ, opulentissimæque profapiæ, sectator nudati, & Crucifixi Dei; ne simul ab obliquo illo fastus aucupio caueret sibi, quod ingenij multò amœnissimi titillans felicitas suggerebat, si nimirum promeret in dies (qui est genius nostri sæculi) alia, atque alia, etsi de contemptu Mundi, de Paupertate Euangelicæ, de amplexu Crucis, suo tamen inscripta nomine, suo charactere splendida, visendæ molis volumina: Vt ea re hanc vnam scriptiunculam inuito eliciuerint Patres, sed & ipsam de seruitijs domesticis, quos Conuersos Ordo nominat, alumno sanè inclyto nostræ disciplinæ, ac inclyti Scriptoris cura haud indigno. Atque hoc quale quale sit, nisi melius, Sancti pro Sancto laborantis opusculum nostratibus typis excudendum, cuiusnam nomini iustius dicaretur, quam tuo, Abbas clarissime, quo non alius vinctium reddit lineamenta tanti Patris viuidijs, seu natales spectentur, seu tenor vitæ? Nam Ricciardæ familiæ splendorem nemo non videt, qui solem videt: vsque eò diftescit hæc radijs, vt, cum in Gallus ortum agnoscat suum, in Italiam vsque protenta, non locorum, non temporum tractu longissimo occasum adhuc timeat. At, inquam, tale auspiciū poscebat hæc dedicatio, & FORTVNATVS Scriptor quem, nisi PROSPERVM acciret Patronum? Nec verò absconunt à Natalibus Vita: nisi quod instituto vitæ seuero natales ipsos dissimulas, clariorem in recessu obscuro nobilitatem ponens. Quamquam ne hic quidem dissimulare genus tuum licet, nec Magnæ Animæ cohibere fulgores, quos Tu iam multus in ætate inculpatissima, quos indefessus in maximis muneribus, & magistratibus Ordinis, quos in omni periculo virtutis, Oeconomiz in primis spectatissimus non intra fines tantummodò sacræ tuæ Reipublicæ; sed longè, ac late

exteris

exteris quoque sacris familijs, & Ordinibus ad absolutum Cœnobitæ, ac Præfules integerrimi exemplum diffundis. Sed quid ego? Hæc pluribus vetat innui modestia tua, sed inuitat humanitas, vt eximijs tuis meritis exiguum hoc studij mei, & obseruantiz specimen exhibere ne dubitem. Vale. Florentizæ.....

DEDICATIO PLAVSVVM ACADEMICORVM.

In Laurea Gasparis Fachineti Philosophi, nomine ipsius, Sereniss: Vladislao IV. Regi Polonia, cum allusione ad Stemma Regium, Et Stemma ipsius Fachineti.

Q Vos mihi nuper exhibuit Academia plausus, Philosophicam metam assequenti, eos Maiestati Tuæ nuncupatos volo. Debent omnino, vnde primum emanauere flumina, eodem etiam pererrato Orbe remeare, & grata vicissitudine haustas vndas in patrium Oceani sinum reuoluere. Auspicijs ego tuis, Serenissime Rex, pertentaui prouinciam, ex qua siquid demum lucis accessit mihi, id totum è Regio tuo SOLE processit. Itaque & in ipsam reflectat, necesse est. Non ignoro, plerosque id fore daturus audaciæ, quod in istius conspectu Solis sistere se se non meruat obscurum meum SIDVS sempiternæ potius nocti destinandum. Sed Ego audax, quàm ingratus videri malo, Maiestatisque Iuz clementiam vel hinc luculentius commendare, quæ neque nullius luminis lumen, neque nullius nominis hominem dedignatur. Hos dum consecro Maiestati tuæ plausus, Diuinæ simul vota nuncupo, vt ad istius Regni felicitatem, atque Orbis Christiani præsidium sospitem Te diu, fortunatumque conseruet. Mediolani.....

DEDICATIO PANEGYRICI SACRI.

De Diuo Oſtatio, ad Oſtanium Broliam Episcopum Aſtensem nomine Alumni ad finem curricula Rhetorici.

Propero, Illustrissime Præsul, ad finem Rhetorici stadij, & penè metam contingo. Officium exigit, vt sistar Tibi, cuius auspicijs curriculum istud sum ingressus. Mos est collegis in ipso exitu facultatis ornare ipsam publicè, & Theses propositas conceptis enthymematis propugnare. Ego longè aliud consilium

lium in eo. Siquidem disciplinam amasiam non fucatis verbis, sed nuda propositione; non disputatione clamosa, sed pacata dictione quasi nativæ splendore detestato palam expono, ut suo se silentio prædicet, atque ex taciturnitate verecundior magis arrideat. Piaculum certe fuerit carpere, quod est ad laudem compositum. Quamquam is, quisquis tandem fuerit, dementiam apertius suam prodet, qui rem mutam conuicijs, maledictisque laceffet. Tu sic accipe, quod laudatur in Diuo, velut imaginem, in qua & virtutes tuas contemplare, & singularem erga te meam Præceptorisque mei Viri clarissimi obseruantiam aliqua ex parte cognoscas. Vale. Astæ

DEDICATIO LIBELLI CARMINVM:

Cui Titulus, APOLLO PÆAN nomine Philosophi alumni.

Q Væ nuper luseram, longa fallens tædia conualescentiæ, suadet nunc Genius, ut amplissimo tuo nomini, Vir illustrissime, dicatam velim. Inuocaram ad iocum ritu vestali Apollinem Medicinæ numen idem ac Musicæ, præualidam in morbo lethali obstinatoque vim expertus Medicinæ. Restat, ut nobiliorem Te Apollinem Musa mea seruata consalutet, communem scilicet Mecœnatem studiosorum, Asylumque virtutis. Scio, non defore, qui mihi vel leuitatem impingat, vel audaciam. Sed immerito. Philosophiam enim, cui addixeram operam, ac quidquid aliud studium seuerius interpellante valetudine, cui ipse potius vacarem aut conditioni meæ honestius, aut ingenuitati congruentius, quàm Musis, in hac præsertim vix proeusta pubertate? cuius quidem ætatis acerbitatem ipsa carminis austeritas satis probat: Sed eam benignitatis tuæ radijs ipse concoxeris. Nec enim quia eximius es inter mortales, more mortalium humiles temnis: sed vel in hoc eximius, neminem eximis ad umbram confugientem tuam. Sapientissimus Tutæ omnium non sapientes modò complecteris, sed & amantes Sapientiæ. Ea me spes iure audacem facit, nedum animosum, ut hosce tibi porrigam flosculos in adolescentiæ Verè collectos, daturus quandoque fructus, si fata concefferint & maturioris ætatis, & studij grauioris, ex mea sterilitate parabiles. Valæ, Florentiæ . . .

DEDICATIO LIBRI.

*A N. N. Medico conscripti de Natura Mulierum nomine
Typographi ad Lectorem.*

HAbes, Lector, candidatum immortalitatis Auctorem, nigris aliquando capitibus petatum. Eius venam planè gemmeam vberriè hauferat Academia Pisana, vbi is duos & viginti per annos titulo Supraordinarij Doctoris honestissimo multiplicem tractauit materiem cum admiratione pari Auditorum, & fructu. Felicitatem verò in curandis morbis cum ætatis illius mortales sensere, tum Dynastæ in primis summique Principes celebrem reddidere encomijs. Ex his Cardinalis amplissimus sua hæc scripsit manu (annus erat millesimus sexcentessimus trigessimus primus, pridie Idus Aprilis). *Ex medicis quotquot vsus fui Patavinis, Venetis, Bononiensibus, Florentinis, Romanis, & si quibus aliundè, neminem vnum affirmo parem N. N. à me esse repperitum.* Hæc autem tanta gloria, quæ omni maior inuidia crederetur, ciere pruritum potuit nescio cui iuueni Medico, vt de alieno ambitiosus, ex Manuscriptis Doctoris nostri dissertationibus in Hippocratem de Flatibus, quæ sibi fortè in manus deueniant, duas ipsas excerpere, suoque ipsius nomine præfixas euulgare per Typographos ausus fuerit; & vnam quidem idiomate corruptit vulgari, inscripsitque *APOLLO*; alteram verò quæ ex Quaestionibus erat, stylo ipso Latino Auctoris intacto, *Quæstionum scholasticarum* titulo impertiuit; Vtrum impudens magis fur, an imprudens, ipsecauerit. Enimuero & imprudentiam iuuenilem demum arguet sua canitie Tempus, tardo procedens, sed certò vestigio: & furti simul impudentiam propalam accusabit splendor natiuus Auctoris nostri in reliquis voluminibus, quæ Cælo fauente subindè prodibunt in omnium oculis. Tu interim, Lector Candide, hoc accipe *De Natura Mulierum*, simul & agnosce in homine demortuè viuum adhuc cum nomine illius immortalis, consulendi humano generi studium, Vale, Pisis.

lium in eo. Siquidem disciplinam amasiam non fucatis verbis, sed nuda propositione; non disputatione clamosa, sed pacata, dictione quasi natiuo splendore detecto palam expono, ut suo se silentio prædicet, atque ex taciturnitate verecundior magis ardeat. Piaculum certe fuerit carpere, quod est ad laudem compositum. Quamquam is, quisquis tandem fuerit, dementiam apertius suam prodet, qui rem mutam conuicijs, maledictisque laceffet. Tu sic accipe, quod laudatur in Diuo, velut imaginem, in qua & virtutes tuas contemplare, & singularem erga te meam Præceptorisque mei Viri clarissimi obseruantiam aliqua ex parte cognoscas. Vale. Astæ.....

DEDICATIO LIBELLI CARMINVM:

Cui Titulus, APOLLO PÆAN nomine Philosophi alumni.

QUæ nuper luseram, longa fallens tædia conualescentiæ, suadet nunc Genius, ut amplissimo tuo nomini, Vir illustrissime, dicatam velim. Inuocaram ad iocum ritu vestali Apollinem Medicinæ numen idem ac Musicæ, præuallidam in morbo lethali obstinatoque vim expertus Medicinæ. Restat, ut nobiliorem Te Apollinem Musa mea seruata consalutet, communem scilicet Mecœnatem studiosorum, Asylumque virtutis. Scio, non defore, qui mihi vel leuitatem impingat, vel audaciam. Sed immerito. Philosophiam enim, cui addixeram operam, ac quidquid aliud studium seuerius interpellante valetudine, cui ipse potius vacarem aut conditioni meæ honestius, aut ingenuitati congruentius, quàm Musis, in hac præsertim vix prouecta pubertate? cuius quidem ætatis acerbiteratem ipsa carminis austeritas satis probat: Sed eam benignitatis tuæ radijs ipse concoceris. Nec enim quia eximius es inter mortales, more mortalium humiles temnis: sed vel in hoc eximius, neminem eximis ad umbram confugientem tuam. Sapientissimus Tutus omnium non sapientes modò complecteris, sed & amantes Sapientiæ. Ea me spes iure audacem facit, nedum animosum, ut hosce tibi porrigam flosculos in adolescentiæ Verè collectos, daturus quandoque fructus, si fata concesserint & maturioris ætatis, & studij grauioris, ex mea sterilitate parabiles. Valæ, Florentiæ....

DEDICATIO LIBRI.

*A N. N. Medico conscripti de Natura Mulierum nomine
Typographi ad Lectorem.*

HAbes, Lector, candidatum immortalitatis Auctorem, nigris aliquando capitibus petitum. Eius venam planè gemmeam vberimè hauserat Academia Pisana, vbi is duos & viginti per annos titulo Supraordinarij Doctoris honestissimo multiplicem tractavit materiem cum admiratione pari Auditorum, & fructu. Felicitatem verò in curandis morbis cum ætatis illius mortales sensere, tum Dynastæ in primis summique Principes celebrem reddidere encomijs. Ex his Cardinalis amplissimus sua hæc scripsit manu (annus erat millesimus sexcentissimus trigessimus primus, pridie Idus Aprilis). *Ex medicis quotquot usus fui Patavinis, Venetis, Bononiensibus, Florentinis, Romanis, & si quibus aliundè, neminem unum affirmo parem N. N. à me esse repperit.* Hæc autem tanta gloria, quæ omni maior invidia crederetur, ciere pruritum potuit nescio cui iuveni Medico, ut de alieno ambitiosus, ex Manuscriptis Doctoris nostri dissertationibus in Hippocratem de Flatibus, quæ sibi fortè in manus deveniant, duas ipsas excerpere, suæque ipsius nomine præfixas evulgare per Typographos ausus fuerit; & vnam quidem idiomate corruptit vulgari, inscripsitque *APOLLO*; alteram verò quæ ex *Quæstionibus* erat, stylo ipso Latino Auctoris intacto, *Quæstionum scholasticarum* titulo impertiuit; Vtrum impudens magis fur, an imprudens, ipse caverit. Enimverò & imprudentiam iuvenilem demum arguet sua canitie Tempus, tardo procedens, sed certò vestigio: & furti simul impudentiam propalam accusabit splendor natiuus Auctoris nostri in reliquis voluminibus, quæ Cælo fauente subindè prodibunt in omnium oculis. Tu interim, Lector Candide, hoc accipe *De Natura Mulierum*, simul & agnosce in homine demortuæ viuum adhuc cum nomine illius immortalis, consulendi humano generi studium. Vale. Pisis.

DEDICATIO PRÆFATIONVM ET GRATIARVM.

In prima Editione.

*Ad Dionysium Massarium Præfulem clarissimum nomine
Auctoris proprio.*

P Ræfationum breuium formulas ad publicas de quaque Scientia disputationes nunc tandem tyronum precibus exoratus promo, Illustrissime Massarie, tuis præsertim addicentibus auspicijs, ac tuo inscriptas nomine. Scriptiunculas enim uerò ætemporales, nec (ut ille præcipit) nonum in annum præstas, sed quales quales subitarius stylus effutijt, edi oportebat decore saltem adscititio visendas, cum deesset natiuus, & patrocinio munitas certò, cum iustos ex Aristarchos plures cicerent. Neque porro absurdè Præfationes ipsas hac quasi noua præfatione accumulò. Doceor siquidem à tuo præfari nomine, qui alios doceo præfari. Proludere consilijs non possum ad Scientias, quam consultissimum te Scientiarum in ipso statim limine consulans. Non formant ex hominem ad supinandum, tametsi ad contemplationis ocium natæ; sed mente primum illustrata ad honestam vltra expediunt actionem, & genium inspirant ad facta magnanima. Quorum itaque immortalium facinorum commemoratione scitè præfatus fuero ad ipsas Scientias. Sed hæ formulæ modò sunt per me traditæ. Cui verò iustis dicendæ, quàm Tibi, cuius proposita institutio vitæ in hoc maxime Religionis musæo non nisi formula est sanctissimi Præfatis? Anne mihi obijciatur breuitas? Hæc scilicet laudum tuarum summa, quod in annorum compendio amplitudinem explicas illarum virtutum, quæ annosos Heroes faciliè exhaustiunt. Quid enim tam consonium tibi, quàm cum grauitate commissa breuitas, & agendi maturitas festinata? Impunè dixerim, hoc te nomine tantum à plerisque mortalium recedere, quantum accedis ad Deum, cuius (ut Psaltes cecinit) idem fuit in molitione rerum Dictum, & factum; Mandatum idem, & Creatum. Historiam recito, non pango fabulam. Testor Firmanam tuam ciuitatem, quæ tamen vix credidit sibi; quum te tui adhuc impotem per ætatem, iam molientem vidit rerum omnium abdicationem, delicias ætutulæ molli innutritas abhorrentem, comoda vitæ vix degustata nauseantem, & illud maius homine consilium incun-

tem

tem puellum, ut arctam Cœnobiticæ vitæ rationem sectareretur. Verumtamen consilium Dei altius adegit, ut umbratili vitæ præreptus sisteres in Sole Clericali, daturus lucem potius, quam accepturus. Atque hic ad res maximas, quam pronum iter? Inauguraris mox Decanatu, una è summis in Metropolitana tua dignitatibus: spectatque Civitas non sine miraculo eminentem. Viris impuberem: spectat in ephœbo senium, in flore fructum, in ætatis luxurie vbertatem virtutum (Vno verbo). spectat Decanum tanto ante, quam canum. Rapiisti tu merito omnium simul cum oculis animos: atque in primis Illustrissimi Ioannis Baptistæ Rinuccinij Archiepiscopi tui (cuius quidem Viri plena est encomio fama, & virtus prodigio) ut provinciam sibi cariorum tuæ crederet prudentiæ, religioni, caritati, Vicarium Te Generalem instituens in vniuersa per Urbem, atque Diocesim Cœnobis sacrarum Virginum: Ut in Hyberniam destinatus Nuntius Apostolicus, Te quoque Generalem (ut aiunt) Auditorem assumeret munus iniungens Regni illius amplitudini par: Ut inibi Catholicorum armis Metatorem Diuerforiorum Generalem præficeret, in queis etiam A consilijs cum ipso Rinuccinio (quod exterorum præterea datum est nemini) adlectus fueras, conspirantibus eorum Magistratuum non tam suffragijs, quam votis. Quare duplicem vno tempore personam, in toga, in sagis agere te oportebat; iura, arma administrare; forum, castra proterere; Vtrum plus illic iustæ, an istic fortiter? utrobique certè gloriose. Ac ne corollarium quis putet militare negotium tibi commissum, aut perfunctoriè abs te gestum, duobus ipsis exercitijs situ distractis, ac studio præsentem opem ferebas. Neque irrita nostrorum spes. Tua potissimum virtute insignis parva victoria est, cæsis hæreticorum amplius quinque millibus. Triumphasti tu planè, & quidem in Romanum Capitolium, cum ex Hybernia Romam nuntius ipse victoriæ conuolasti. Quamquam in hocce triumpho partem sibi maximam vendicaret Sanctissimus ac verè Maximus Pontifex INNOCENTIUS X. & quod ipse auctor primus fuerat in Nuntiatu Rinuccinij, profectionis tuæ in Hyberniam, & quod te victoriæ prosequendæ remisit illico Ministrum Apostolicum eum subsidio aureorum quinquaginta millium, quibus alia decem adiecit Sacrum Collegium Purpuratorum: Nec minore eum liberalitate piissimus inter Catholicos Principes FERDINANDUS II. Etruriæ Magnus Dux sclopos maiores bis mille nauigijs compositos in Liburnensi portu suppeditauit. His stimulis

vigentibus deuorasti facile longissimum iter, nouas in hostes fidei anhelans pugnas, nouos triumphos. At noua planè, solisque æstimata Christi affectis ratio triumphî successit, ut oppressus iniurijs extares victor; detenus vinculis, liber; securibus petitus, securus. O sortem tuam posteriorem priore melius inuidendam? O nondum mortalibus exemptum hominem, & iam Cælitibus additum. Meministine (refricandam tibi memoriam puto; quando, quæ perpeffus es causâ Religionis, summam incommoda, intelligo, verò amatori excidisse). Meministine, dico, vbi redux ad Hyberniam appulisses, reperisse te Catholicam Rem non modò inclinaram, sed pene euerfam? erectam ex aduerso hæreticam audaciam, reparatas ad nostratum excisionem vires, grassantem liberius impotentissimæ dominationis ferociam? Meministi, cum latus Rinuccini tui stipares in vrbe Kilchenia, obseratis de repente portis dolo Hæreticorum, occupatisque armato milite aditibus viarum, extremum vobis captiuis periculum instituisse: Te verò tam ingenio promptum, quàm animo, ratum, ex tanti capitis iactura pesium ire Apostolicæ Sedis dignitatem, & fugam Rinuccinio tuæ pretio vitæ quæsisse, & manibus tuis prenas scalas firmasse, per quas ille se mœnibus clam demissus seruauit? Nimis istò submoto sustinere solus parabas hostium imperum; & vel insperatam tentare cunctando victoriam, vel fortiter in vestigio mori. Neque enim dubitabas, quin fuga Præfalis, & clades hostis funestissima tibi auctori sanguine, ac vita constaret. Repete parumper captiuitatem istam Kilcheniensem ad menses nouem, perfacilem eam quidem, si studia tua accensa reputemus: si verò successum, quàm non duram solum, sed diram? Repete squalorem angustissimi carceris per menses quinque postremos: Sed liber, inquis, per amplum Cæli spatiabatur animus. Repete inediam, vigilias, & reliqua additamenta custodiæ. Sed corpore exhausto quiescebat recreata supernis dapibus mens. Repete bestias, ad quas id temporis damnatus fuisti; Leopardos, quibuscum ligatus (sic licèt cum Ignatio Martyre appellare custodes tuos milites) tam ferinæ immanitatis; ut, cum benè & diceres ipsis, & faceres syncerissimæ fidei homo, & summæ beneficentiæ, deteriores in diem fierent: At horum, ais, iniquitas doctrinæ mihi fuit; *Romanum esse*, idest Catholicum, *Agere, & Pati fortia*; Et quando hastenus non nihil egeram, quidni subindè aggrededer aliquid pari? Pâtere igitur hic quoque, ut, quod tibi patienti messuit fortitudinis lauream, intactum à me ne omitta-

omittatur. Cur enim taceatur penitus, cui nec satis est omnis oratio? Aduenit, si benè meministi, salubrandus ad carcerem prima noctis vigilia Sacerdos è Societate IESV, specie venerabilis, ac plenus officij: sed hora illa intempestiua, aspectus incognitus inexpectatusque; tum expallescens post salutationem vultus, trepidans vox, hæsitantia verba adhortabundi, vt velles & animæ tuæ consultum, & corpori, suspectum fecit officium de more potius consolantis damnatum. Animate ipse hominem tua causa exanimem, vt palam proferret, Te enim haud mortem timere. Tum is apertius, mane insequente sententiam capitis ferendam iu Te simul & exequendam. Quid Tu verò ad hæc, & qualis? Tui semper oculis, tenoris semper vnius: Infractus animo, constans ore, oculis, voce, vt admirabundo Sacerdoti elicueris cum clamore præconium illud singulare, Nunquàm se fortitudinis tantum in homine morituro reperisse. O illam noctem, arenam gloriosam, tui cum corpore luctantis animi! O suspiratum porro diluculum, vnde primum triumphis tuis in Cæseste Capitolium pandenda via. Verum abnuat è Cælo, qui cuncta sanctissimè moderatur. Euertit mane per Episcopum Catholicum tibi coniunctissimum machinamenta Hæreticorum, elusit consilia impia, eripuitque Te Martyrio contentus ausu, non laureæ Martyrij. Seruatam voluit, quàm deuoueras vitam instar nimirum Anathematis. Denique euasisti dicatam orthodoxæ fidei mortem, vt ipsius fidei propagationem viuus vrgeres, inauguratus merito. A secretis Sacræ Congregationis de Propaganda Fide. Id quod ego tibi auguror fore ad amplissima quæque vestibulum. Vt, cui nihil iam superfuit, quod impenderes pro dignitate Romanæ Ecclesiæ, pro qua vitam obtuleras, nihil quoque, quod Ecclesia ipsa in Te effundat dignitatis, superesse patiatur. Vale, ac me sin malè præfatum Operi, Tibi saltem bene præcatum, clementi aure fac attenderis. Vale.

DEDICATIO OPVSCVLI.

*Hebraicas voces Scholasticas Latine redditas complectentis
ad Cardinalem N. N. nomine Auctoris.*

EN tibi, Eminentissimorum Princeps, partum ingenioli mei plus ausu, quàm mole visendum. Addictus ipse Hebraicis literis cum fortè fortuna, offenderim in Diuum Thomam Contra

Gentes ab Iosepho Ciente Episcopo Marsicensi Hebraicè redditum, tanta cum proprietate vocum præsertim Scholasticarum, (id quòd tentare alius, assequi potuerit nemo) non ingratum, atque inutile fore putaui studiosis, si voces illas cum Latina interpretatione vnum in corpus collectas publicæ luci committerem. Nec violari proinde metuo Genebrardi Manes de sacris Hebræorum literis meritissimi, cui scilicet alia mens fuit, quàm ut Sanctæ Linguae vocabula cuncta suis in scriptis digereret. Quamquàm (si quis expenderit) quàm ille sponte ieiunus fuit, tam minus propriè quædam imprudens transtulit. Tibi verò primitias istas literarias agelli mei quidni dicatas velim, quem sacra Purpura non priùs, quàm literarum peritiâ Principem fecit, quemque in amœna linguarum benignum æquè, & facilem, ac in seria Ecclesiasticæ politiæ grauem & severum Orbis admiratur. Viue felix, æternumque viue. Dat. Romæ, &c.

DEDICATIO PANEGYRICI, ET ELOGIORVM,

Quibus est Titulus VIRTVTIS TEMPLVM,
ET HONORIS.

*In Guidum Mazentam Principem Academia, nomine
Academicorum.*

QUAS à Nobis accepit festiuissimæ gratulationis acclamationes. Princeps noster renuntiatus Guidus Mazenta, Tibi meritò consecratas decernimus (Præses Illustrissime) qui eius olim nascentis cunabula auspicio fortunasti tuo, è Sacrosancto fonte Infantem suscipiens. Debetur enim Matutæ claritas Diei, copiam Autumnus suam acceptam fert Veri, & puro decurrit aluco riuus beneficio Fontis. Quamquàm enim in tanta vnus adolescentis gloria partem sibi quisque vendicer, & Ludouicus pater, vel ex hoc Sanctissimi nominis, quòd indolem imperitiuit Nato ad omnem virtutis sanctimoniam; & Faustinus Mazenta, patruus inclitus, qui demortui Patris desiderium egregia in filium fratris fide, vigilantiaque expleuit; & Sodalitas Patrum S. Pauli, qui puerum literis erudiendum complexi, omni simul pietatis, ac religionis laude instruxere; & ex ijs cum primis Hiacynthus Cantinus, Vir in paucis eruditus & grauis, à quo eloquentiam hausisse se hoc anno gloriatur Adolefcens: Tibi tamen

men potissimum, Præses Amplissime, referendum est quidquid gratulandi segerem ministravit Principi nostro, quod ipse nascenti homini tam multos ad eam honestandum, instar horoscopi commouisti. Tu siquidem in hoc Cælo Amplissimi Ordinis ita emines dignitate Principis, ipsam ut potius euehas, quam ab ipsa eueharis dignitate: ita fulges, ut lucem in alios quoque transfundas, ac diuites una cum luce impressiones. Verum non hic laudum tuarum campus. Historijs illæ seruantur, atque Annalibus, quibus materiam tu solus integram suppeditare potes. Hos interim qualescunque plausus nostros hilari supercilio, videlicet non ut alienos, sed quasi tuos accipe, Academicamque nostram tuæ addictam felicitati humanissimo sinu fove. Vale.
Mediolani

D E D I C A T I O L I B R I ,

Cui titulus CANONES CONSCIENTIÆ Auctore
Theophilo Alario Cler.Reg.Barnabita.

Ad Illustrissimum Ioannem Baptistam Cecchium Præpositum Pifcensem.

Veneror Cæleste consilium, Illustrissime Præsul (nam profiteri gratias Fortunæ fugit animus) quod operatam diu obseruantiam tibi meæ testandæ opportunitatem importuna literatorum iactura mihi tandem quesivit. Theophilum Alarium ex Ordine Clericorum Regularium, quos Barnabitas vocant, lumen sacræ Doctrinæ nostro seculo conspicuum nuper extinctum iure lugeamus, nisi monumentum egregium extaret, pretium funeris tanti Viri. Hic à diuturnis functionibus, quibus sanctissimè, ut Clericum Regularem decet, insistebat, subsecinas colligens horas, elucubrauerat CANONES CONSCIENTIÆ ex utroque lure, ac probatis Doctorum cum antiquorum, tum recentium sententijs coactos, priuatum ut ocium magis erudiret, quam ut eruditorum album affectaret. Improbauit Amicus nescio quis, sed malè sanus cenfor modestiam hominis; & ut erat intimus, clepsit facillè volumen; ac procul transmisit infelici typographo publicandum. Qui iustam Authoris indignationem veritus, si resciret; & nomen primò suppeditauit inuasi in natura rerum Scriptoris Ioannis Francisci Suarez, & titulum Enchiridij mucidum adiecit fronti: præterea opus totum

torum perpetuo de Contractibus titulo, & mendis toto corpore obsecrissimus, atque innumerabilibus corrupit ac probrum typorum, ac studiosorum stomachum. Ingenuit rem aduertens Author, tam candidus animo, quam capillo (iam enim sexagenarium excedebat) & peruolans in vulgum Opus vix è lineamentis suum agnitum (vsque eò vitiatum prodierat) arripuit: Institit excutere contractas sordes, formæ naturæ restituere: indè & locupletare additamento complurium obseruationum, ac dogmatum; è quibus nonnulla planè noua inspersit æquè ac reliqua omnia ad libellam rectæ rationis, saniorisque doctrinæ, iuratus interea, suppressere, ne alteri pateret fraudi, ac vel domesticis tenebris habere deuotum, vel luci Vulcaniæ. Scilicet quàm satur otio desudans in literis, tam ieiunus literariæ gloriationis. Hoc igitur ad mortem senis optimi inuiolatum, quæ octogenario maiori successit; Vtrum verò perniciosius Reipublicæ, an vtilius? Nam etsi foret viuientis sanctitas, & eruditio norma omnibus integerrimæ vitæ; quia tamen ex mortalitate hæc norma fragilis, habere nos iubet gratias fato potius, quàm conceptam inuidiam; quando eruditione caduca vitæ mortalis sempiternum redemit fructum eruditissimi monumenti. Id quod ego cautè per amicos elicui, quasi mox lectum redditurus. Sed studiosior veritatis, ac publici commodi ausus sum (honestiores certè fraude, quàm ille Typographus) in lucem committere, reposito nomine germano Authoris, Tuo simul, Illustrissimæ CECCHIE dedicatum. Cui porrò iustius, quàm doctissimo Præsuli, opus doctissimum; aut, quàm vindici morum, restitutum Parenti legitimo factum? Non me equidem pellicit amor, quamquàm impellit, vt merita tua attingam hoc loco, quæ iustis panegyricis, atque historijs materiam præbuerint. Ist hæc enim, quàm obtines, Episcopali suppar titulo, superior res Dignitas, nescio quid singularis magnificentia suggerit rectis æstimatoribus gloriæ. Quod PISCIA (celebre quidem oppidum propter Reipublicæ veteris potentiam, & bella cum finitimis gesta: post extra insigniora Italiæ numeratum) gloriatur ab anno Decimo nono supra Millesimum, & Quingentesimum ex Diocæsi Lucana Leonis X. Pont. Max. diplomate exemptam se fuisse cum ora ista Vallium Nebulæ, atque Arrianæ, Oppidis, Castris, Vicis florentissima: Antistitem Sacrorum habere Præpositi quidem appellatione, iure autem Episcopali decoratum; Vt in Clericos animaduertat, Anathemate fulminet, Statuta condant, Synodum cogat, Concurfus proponat, Ecclesias visitet,

visitet, Beneficia conferat, Pontificalia exerceat, Indulgentias largiatur, Ordinibus minoribus initiet, Virgines consecret, alia item Privilegia Episcopo Lucano contracta, sibi ipse ampla, integraque conferuet: Ad hæc Canonicorum Collegium habere cum Dignitatibus ordinatum, qui ex Apostolicis literis tam Gratiæ, quam lustris omnino instar Cathedralium delegari Iudices possint: Præterea nullius esse Diœceseos, sed Diui Petri protectioni commendatam, Apostolicæ Sedi proximè subdi: Quod, inquam, PISCIA oppidis multis alioqui inferior, Urbibus tamen non paucis Ecclesiastico Magistratu nobilior emineat, in quem potissimum redundat hæc gloria, nisi in Gentiles tuos, qui Pontificio tam nobili prospexerunt primo Laurentium Cecchium; ut, quamquam lustrationis alternis referuaretur Tuæ cum Turina familia, auspiciū tamen à Tua fecerit virtus, & Cecchiam Laurum Mitratibus temporibus faustissime adiunctam voluerit? Qualis enim Laurentius iste fuerit, testatur non ipsa, modo, quam primus capeffuit, dignior per eum facta Dignitas; sed quod eundem Iuris viriſque consultissimum Philippus Decius Auditorem (ut aiunt) Romanæ Rotæ proposuit & plurimis candidatis vnum Paulo III. Pont. Max. Hoc enimvero tantum est, ut magni cuiusque encomij loco sufficere posse videatur. Cur autem miremur; floruisse tam crebros in Cecchia gente Iurisperitos, ubi tam domestica fruticauit Laurus? Quamquam (dicet aliquis) non Togæ magis frondescit Laurus, quam Sago: amica non solum iura dantis; sed triumphantis quoque à bello Cæsaris. Ne hæc quidem à tuis Gentilibus aliena, fortunatissime CECCHIE, quorum tam multos enumeras in longa ætatum serie, militari præfectura, & Martiali gloria memorandos. Neque verò est instituti mei proferre utrinque sigillatim imagines; quippe locum alium, ac feliciorē stylum deposcunt: Præsertim cum ad tui nominis appellationem fama Maiorum tuorum facile conticescat, quorum virtutes ac decora successor ipse, & hæres ex asse transmittere paras posteris non sine fœnore. Felix interim Piscia, quæ Te hodiè Præfulem complectitur ex Cecchis quartum: quæ Iuris viriſque Lauro insignitum: quæ Diui Stephani Equitem, eundemque Francisci Equiris fratrem, Ciuis vrbaniſſimi, & magnanimi: quæ prolis egregiæ dignum patrum, atque ad illius ingenuæ indolis disciplinam exemplar optimum: quæ denique simulacrum virtutum omnium spirantissimum, vnde lineamenta Christianæ vitæ desumere quisque Diœcesanorum tuorum possit, & pascua sempiternæ

368 DEDICATIONES operum edictorum variaz.

ternæ beatitatis certò calle petere. Iam inuideant Piscisæ tuæ necesse est præsentem felicitatem ampliores Ecclesiæ, talem, sibi Præfulem anhelantes. Ego verò fore auguror, vt & sanctissimis illarum votis aliquando, & humeris tuis valentissimis fortuna respondeat. Hæc vtriusque dum, apprecor à Deo immortalis, accipe Tu facilis hoc quaecunque obseruantissimi animi in tua de me præclara merita testimonium. Vale.

DEDICATIO THESISVM RHETORICARVM.

Ad Ioannem Secundum Ferrerium Ponzilionum Sanctiss: Domini Nostri in vtraque Signaturæ Referendarium pro N. N.

Alluditur ad Stemma Gentilitium.

Quemadmodum non fuit difficile Doctoris mei nutibus parenti, harum Thesisum disputandarum seriem texere; ita nec diu laborandum in eo Viro inueniendo, cuius nomine inauguratas, numine munitas non modò lucem omnium aspicere, verum & Sapientum umbram subire paterer. Tu quidem, Præful optime, inter omnes primus occurristi, in quo & plura ornamenta conspicerem pulcherrimarum disciplinarum, & maiora erga me merita, genusque meum agnoscerem. Neque verò desero nimium huic muneri, moli tametì minimo, cui nec animi offerentis magnitudo deest, nec dignitas ipsius Operis, quippè ex RHETORE Vincentij Galli, officina illa Oratorum celeberrima prodeuntis. Sed enim quantum mihi amplitudo rei addit animi ad munus exhibendum, tantum facile adimeret ab onere suscepto obeundo, ni par præsidium polliceretur auspiciatissima tuæ Gentis ALES, varia dum exhibet, hinc ad victoriæ gloriam quasi curricula, inde Fulmina ad inuidiæ confodiendam audaciam. Vtinam verò hæc mihi saltem contingat gloria, vt vnus ipse præ cunctis mortalibus eximias tuas virtutes aliquando æmulator istius Alitis in Cælum efferam: Vtinam ea fulmina per te mihi suppetant, quibus aduersæ fortunæ ictus omnes eludam. Tu interim clientem addictissimum, maiora in dies datorum studij argumenta, Alis fove, umbra protege. Vale. Astæ Pompeiæ An. 1629.

DEDI-

DEDICATIO THESIVM RHETORICARVM.

Ad Illustriss. Octavianum Broliam Episc. Astensem
pro N.N. Alumno.

Cum allusione ad stemma Gentis.

Rhetoricas præceptiones, quas in Lycæo Astensi hoc anno primum hausi, felicissimis auspicijs tui nominis, Præsul amplissime, disputandas profero. Quid enim ingenij mei Cymbulam per amplissimum pelagus Eloquentiæ deuolantem sistere debuit, nisi nobilissimæ tuæ Gentis ANCHORA, quò tutior, ac firmior aduersus oborientem disputationis procellam, incitatoque fluctus enthimematum seruaretur? Scilicet periculosa alex plenum opus aggrediens, illius mihi quæsiui patrociniū, qui parem haberet mentem imperio, & literariam dictaturam sacris fascibus adiunctam sustineret. Non pandam argumento infinito vela orationis. Nam illa singularis tua virtus eum gentilitijs ornamentis, tum proprijs præfulgens, vti neminem habet inter æquales superiorem, sic nullius facultatem ingenij, aut dicendi parem copiam nancisci potest. Tu accipe serena fronte, cum hoc Rhetoricæ compendio, vastissimi erga Te animi mei, atque obseruantiae exiguum monumentum. Vale. Astæ Pompeiæ, &c.

DEDICATIO THESIVM THEOLOGICARVM.

Ad Illustriss. Vitellium Nuntium Apostol.

Cum allusione ad stemma familie Vitellie.

Quas iubeor à Moderatoribus meis Theses Theologicas publicæ disputationi committere; eas vt tibi nuncupem, Præsul amplissime, duplex illa suadet ratio. Quamquam enim non hæc vna circumsonet clarissimæ Gentis tuæ gloria, quòd ab immemorabili origine summis in omni literatura Vtris continenter floruerit, quæ pacis bellique adoreis promiscuè triumphauerit: ex ipsis tamen literis non modò omnem vrbanitatis elegantioris cultum, atque istum Regio dignum sanguine morum splendorem hausisse se cognoscit; verum & hinc sibi gradum

A a a

fecit-

fecisse ad amplissimos quosque Reipublicæ honores, atque ab Apolline ad Martem, à Toga ad Purpuram, à stylo ad sceptrum feliciter commigrasse iactat. Vt ideo vereri ipse non debeam, ne meum hoc specimen sacræ doctrinæ, tametsi ad lucem tantam obscurius, tuis ingratum Musis reddatur. Accedunt autem eximia merita in Ordinem meum vniuersum, quibus ita singulorum animos complecteris, ita deuincis, vt minus esse putemus, si te Patronum salutauerimus, qui Patrem experimur. Mihi certè vtrumque hic vsurpabitur. Nam & Patronum implorare opus habeo in hac vmbratilli prouincia obeunda, vt instar Europæ puellæ, quam à Ioue in Tauri specie sublatam, tuto itinere in eius tergo tranasse maria Poëtæ concinunt, vndosum ego pelagus disputationum, ac meæ imbecillitati malè fidum, gentilitio illo tuo VITVLO, id est fauore ac patrocinio subuectus transmittam: Et simul si quid in me demum ex euentu redundabit gloriæ, eius Tu mihi parens, & auctor inaurabere; non secus ac LVNÆ, quam in Stemmata geminam præfers, imperium pelagi à Sapientibus attribuitur. Vale. Venetijs. . . .

LAUS DEO.

INDEX TITVLORVM.

AD PRAEFATIONES, ET GRATIAS.

SCIENTIA generatim .
pagina 1. 2. 5. 8. 10. 13. 16. 20.
& pro Impugnatore pag. 42.
& 43.

Et pag. 58.

RHETORICA generatim .

pag. 22. 23. 25. 26. 33.

Contra Logicam. pag. 28.

Ad victorias classium literarias
in ludo pronuntiandas. p. 31.

Rhetorica speciatim de Elocu-
tione. pag. 36.

Pro Impugnatore. pag. 38, 39,

40, 41. Item ibid. & 42, 43,

Item ibid. & 44, & 47. de

Symbolo.

ACADEMICA.

Pro Impugnatore. pag. 43, 44.

Cum Disputatione de Symbolo

Academico. pag. 47.

Ad Dedicationem Libri. p. 55.

Ad excipiendum apparatus lite-

rario Dynastarum. pag. 57.

LOGICA generatim .

pag. 58, 63, 65, 66, 73, 74, 87.

In exordio annua interpretatio-

nis. pag. 59. Et speciatim.

Ad tractatum de Scientia. p. 67,

68, 69.

Logica, vel Physica generatim .

pag. 71. Logica speciatim.

Ad tract. de suppositione . p. 76.

De Syllogismo. pag. 79, 80, 85.

De Eleuchis. pag. 83.

De Demonstratione . pag. 85,

87, 89, 91, 93.

PHYSICA generatim .

pag. 71, 94. Et generatim,
vel de Natura , pag. 97, &
100.

Item Physica generatim , vel

Philosophia , pag. 103. Et

pag. 105, 122, 123, 125, 128.

METAPHYSICA, de Ente ra-
tionis, pag. 73.

PHILOSOPHIA generatim .

pag. 103, 105, 107, 109, 111,

113, 115, 116, 118, 120, 122,

123, 125, 128, 131, 132, 136,

138, 140, 142, 144, 146, 148,

151, 155, 163, 166, & 216.

PHILOSOPHIA Moralis ,

pag. 131, 132, 136, 138, 140.

Et speciatim Politica , pag. 102.

THEOLOGIA generatim .

pag. 144, 146, 148. Item 153.

cum formula laudationis pro
dedicatione Thesum.

Et 155, 158, 161, 166, 169, 170,

172, 175, 177, 179, 181, 186,

189, 192, 194, 197, 199, 202,

203, 206, 208, 212, 214, 218.

Et speciatim De Deo Vno .

pag. 175, & 199, 202: Et de

Deo Vno, & Trino, 203. Et

de Deo Homine, 206: Et de

Deo Vno , ac Trino , deque

Actibus humanis , 208: Et

de Sacrosancta Eucharistia ,

210: Et de Fide, Spe, & Cha-

ritate, 214: Et de Virtutibus,

218.

Et

*Et Theologia Moralis, pag. 151,
163, 216.*

ECCLESIASTICA.

*Ante pedum ablationem in Ce-
na Domini, pag. 220, Et
222.*

*Ad instaurandos Magistratus in
Calendis Ianuarij, 223.*

*Ante pompam imaginis Christi
Crucifixi in nocte Parasce-
nes, 226, Et 229.*

*Votum pro Consecratione Beati
Francisci Salesij, 236.*

*In sacra pompa cruciatuum
Christi ante Parasceuen.
237.*

IUS CANONICVM.

*Pag. 239, 241, 244, 247, 248,
252, 255.*

IUS CIVILE.

*Pag. 151, Et 258, 259, 261, 263,
265, 268, 273, 275, 277, 280,
in exordio annua interpreta-
tionis legum Civilium: Et
282, cum cathedram Iuris
primum ascenderet NN: Et
287. pro cathedra Doctora-
li: Et 291, ante Disputatio-
nem: Et 292, ante Lauream
in Collegio: Et 293. Et 294.
ad sententiam in questione
proposita.*

*Et 295. ante propugnationem
Thesium.*

MEDICINA.

*Pag. 295, 297, 298, 300, 302,
303.*

GRATIAE. VARIAE.

*Pro accepta Iuris Laurea. pag.
308, 309. Item ibid. alia.*

*Pro Laurea generatim. 310,
312.*

*Pro Iuris Laurea geminis fra-
tribus delata. 311.*

*Pro Laurea Philosophica, &
Medica. 311, 312.*

Pro Laurea Theologica, 313.

*Pro Laurea Iuris Canonici,
314.*

*Pro Principatu Academiae, 215,
& 316.*

Pro Ministerio Aulico, 317.

*Pro cooptatione in Pisanam Sa-
pientiam. 319, 320, 321, 322,
323, 324.*

*Gratia breues à Disputationibus
communes, numero 50, à pag.
325, ad 332.*

DEDICANDARVM Thesium
formula, numero 30, à pag.
332, ad 334.

DEDICATORIAE variorum
operum editorum ab Aucto-
re, à pag. 345, ad finem.





